

T-3

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 156. sjednici, održanoj dana 03.06.2022. godine, d o n o s i

ZAKLJUČAK

I.

Utvrđuje se Prijedlog Zakona o visokom obrazovanju.

II.

Prijedlog Zakona iz tačke I. ovog zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02- 02-8972/22
Datum, 03.06.2022. godine
Zenica

DOSTAVLJENO:

1x Ministarstvo za obrazovanje, nauku, kulturu i sport

1x Stručna služba Skupštine,

1x a/a.



PREMIJER
potovlaštenju

Sahija Kozlić

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na __. sjednici, održanoj _____ 2022. godine, donosi:

ZAKON O VISOKOM OBRAZOVANJU

DIO PRVI - UVODNE ODREDBE

Član 1.

(Predmet zakona)

Ovim zakonom uređuju se sistem, uslovi i način obavljanja djelatnosti visokog obrazovanja, finansiranje, kao i druga pitanja od značaja za obavljanje ove djelatnosti na području Zeničko-dobojskog kantona (u daljem tekstu: Kanton).

Član 2.

(Osnovni pojmovi)

U ovom zakonu su u upotrebi pojmovi sa sljedećim značenjem:

- a) akademsko osoblje čine lica koja su izabrana u akademska (naučno-nastavna, nastavna, umjetnička, naučna i istraživačka zvanja) zvanja i angažovana su na licenciranoj i akreditovanoj visokoškolskoj ustanovi;
- b) kratki programi studija su programi stručnog osposobljavanja zainteresovanih osoba sa završenim visokoškolskim obrazovanjem, studenata i lica sa stečenim srednjim obrazovanjem za uključivanje u radni proces;
- c) dualni studij podrazumijeva oblik studija koji se realizuje u saradnji sa privrednim društvima i poslovnim subjektima u kojima je izvođenje nastavnog procesa podijeljeno između univerziteta i privrednih društava, odnosno poslovnih subjekata;
- d) učenje na daljinu je formaliziran oblik studija samofinansirajućih studenata kojim se korištenjem kompjuterskih tehnologija i interaktivnih nastavnih materijala osigurava pristup nastavnom procesu, a što se preciznije uređuje statutom visokoškolske ustanove;
- e) cjeloživotno učenje obuhvata kontinuirano učenje koje traje tokom cijelog života, a u funkciji poboljšanja znanja, kvalifikacija i kompetencija u okviru lične, građanske i društvene perspektive u cilju zaposlenja.
- f) diploma koju izdaje licencirana i akreditovana visokoškolska ustanova predstavlja javnu ispravu kojom se dokazuje da je stečena kvalifikacija rezultat uspješno završenog ciklusa studija;
- g) dodatak diplomi (Diploma Supplement) je javna isprava koja se izdaje i prilaže uz diplomu licencirane i akreditovane visokoškolske ustanove radi detaljnijeg uvida u nivo, prirodu, sadržaj, sistem i pravila studiranja i postignute rezultate tokom studija lica kojem je diploma izdata;
- h) ECTS (European Credit Transfer System) je evropski sistem prenosa studijskih bodova i studijski bodovi se koriste za definisanje obima i zahtjevnosti svakog predmeta, a određuju se na bazi optimalnog radnog opterećenja studenta neophodnog za savladavanje predviđenog nastavnog gradiva;
- i) izborni period u zvanju je vremenski interval koji počinje od datuma izbora u akademsko zvanje, bez obzira na naučnu oblast izbora ili nastavni predmet, a završava istekom perioda izbora u akademsko zvanje;
- j) katedra je osnovna naučno-nastavna (umjetnička) jedinica univerziteta koja učestvuje u izvođenju nastave, istraživačkog i stručnog rada na univerzitetu;

k) mandat je vremensko razdoblje na koje se biraju nosioci rukovodećih funkcija ili predstavnici određenih kategorija;

l) novi studijski program je studijski program čijim se završetkom stiče akademsko zvanje koje se ranije nije moglo steći na toj visokoškolskoj instituciji;

m) rukovodne funkcije na visokoškolskoj ustanovi su: rektor, prorektor, predsjedavajući i zamjenik predsjedavajućeg senata, dekan, prodekan, predsjedavajući i zamjenik predsjedavajućeg naučno-nastavnog vijeća, šef katedre, direktor studentskog centra, direktor instituta i direktor visoke škole

n) standardi i normativi za obavljanje djelatnosti visokog obrazovanja na području Kantona predstavljaju dokument koji, na prijedlog Ministarstva za obrazovanje, nauku, kulturu i sport (u daljem tekstu: Ministarstvo), usvaja Vlada Kantona, a kojim se utvrđuju kriteriji čije ispunjavanje je neophodno za obavljanje djelatnosti visokog obrazovanja;

o) studij (studiranje) je proces definiran nastavnim planom i programom u kojem student pohađa utvrđeni studijski program prvog, drugog ili trećeg ciklusa na licenciranoj i akreditovanoj visokoškolskoj ustanovi, a nakon čijeg uspješnog završetka student stiče pravo na akademsku titulu odnosno određeno zvanje;

p) studijski program je skup obaveznih i izbornih nastavnih cjelina (predmeta) jednog ciklusa studija, čijim se savladavanjem stiču kompetencije, postižu zadati ciljevi i ishodi učenja, te stiče pravo na akademsku titulu odnosno određeno zvanje.

Član 3.

(Upotreba rodnoosjetljivog jezika)

Gramatički izrazi upotrebljeni u ovom zakonu za označavanje muškog i ženskog roda podrazumijevaju oba roda.

Član 4.

(Djelatnost visokog obrazovanja)

Djelatnost visokog obrazovanja je od posebnog društvenog interesa za Kanton i dio je međunarodnog, a posebno evropskog obrazovnog, naučnog, odnosno umjetničkog prostora.

DIO DRUGI - OSNOVNA NAČELA

POGLAVLJE I. CILJEVI I PRINCIPI VISOKOG OBRAZOVANJA

Član 5.

(Osnovni ciljevi visokog obrazovanja)

Osnovni ciljevi visokog obrazovanja su:

- a) ustanovljavati, razvijati, štiti i prenositi znanje i sposobnosti putem nastave i naučnoistraživačkog rada, i time doprinosti razvoju sposobnosti pojedinca i društva;
- b) pružiti mogućnost građanima da, u skladu sa propisima, pod jednakim uslovima uživaju korist visokog obrazovanja cijeli život;
- c) razvoj nauke i unapređivanje umjetničkog stvaralaštva.

Član 6.

(Strategija razvoja visokog obrazovanja)

- (1) Razvoj djelatnosti visokog obrazovanja na području Kantona definiše se Strategijom razvoja visokog obrazovanja kojom se utvrđuju ciljevi i prioriteti razvoja sektora, način njihovog

ostvarivanja, finansijski i institucionalni okvir za implementaciju, monitoring, evaluaciju i izvještavanje.

- (2) Ministarstvo koordinira i vodi proces izrade Strategije razvoja visokog obrazovanja uvažavajući principe izrade strateških dokumenata u Federaciji Bosne i Hercegovine koji su propisani Zakonom o razvojnom planiranju i upravljanju razvojem u federaciji Bosne i Hercegovine („Službene novine Federacije Bosne i Hercegovine“, broj: 32/17) i Uredbom o izradi strateških dokumenata u Federaciji Bosne i Hercegovine („Službene novine Federacije Bosne i Hercegovine“, broj: 74/19 i 2/21).
- (3) Strategiju razvoja visokog obrazovanja donosi Skupština Zeničko-dobojskog kantona (u daljem tekstu: Skupština Kantona), na prijedlog Vlade Zeničko-dobojskog kantona (u daljem tekstu: Vlada Kantona).

Član 7.

(Principi visokog obrazovanja)

Djelatnost visokog obrazovanja se temelji na sljedećim principima:

- a) akademskim slobodama, akademskoj samoupravi i autonomiji visokoškolske ustanove;
- b) jedinstvu nastave i naučnoistraživačkog, odnosno umjetničkog rada;
- c) otvorenosti visokoškolske ustanove prema javnosti, građanima i široj zajednici;
- d) uvažavanju evropskih humanističkih i demokratskih vrijednosti, te usklađivanju s evropskim sistemom visokog obrazovanja;
- e) poštivanju ljudskih prava i građanskih sloboda, uključujući zabranu svih oblika diskriminacije;
- f) interakciji sa zajednicom i obavezi visokoškolske ustanove da razvija društvenu odgovornost studenata i drugih članova akademske zajednice;
- g) učešću studenata u upravljanju i odlučivanju, posebno u vezi sa pitanjima koja su od značaja za kvalitet nastave;
- h) ravnopravnosti visokoškolskih ustanova bez obzira na oblik vlasništva, odnosno na to ko je osnivač;
- i) afirmaciji konkurencije obrazovnih i istraživačkih usluga radi povećanja kvaliteta i efikasnosti visokoškolskog sistema;
- j) obezbjeđivanju kvaliteta i efikasnosti studiranja;
- k) konceptu cjeloživotnog obrazovanja.

POGLAVLJE II. AKADEMSKE SLOBODE I PRAVO NA VISOKO OBRAZOVANJA

Odjeljak A. Akademske slobode

Član 8.

(Akademske slobode)

- (1) Akademske slobode su:
 - a) sloboda visokoškolskih ustanova u nastavnom i naučnoistraživačkom radu i umjetničkom stvaralaštvu u okviru svojih licenci, bez miješanja organa javne vlasti, uključujući slobodu objavljivanja i javnog predstavljanja naučnih rezultata i umjetničkih dostignuća;
 - b) sloboda međusobne saradnje i udruživanja, u skladu sa važećim propisima.
- (2) Akademska sloboda na visokoškolskoj ustanovi je sloboda svakog nastavnika, saradnika i studenta da obavlja svoju akademsku aktivnost u skladu sa ustavom i zakonom.

Član 9.
(Prava visokoškolske ustanove)

Visokoškolske ustanove imaju pravo:

- a) izabrati svoje upravne i rukovodne organe i odrediti im mandat u skladu sa zakonom i statutom;
- b) urediti svoje strukture i aktivnosti vlastitim pravilima u skladu sa zakonom i statutom;
- c) izabrati nastavno, saradničko i drugo osoblje čiji je angažman povezan sa djelatnošću visokog obrazovanja;
- d) odlučiti o kriterijima za upis i prijem studenata, kao i odrediti nastavne metode i provjere znanja studenata;
- e) samostalno razvijati i primjenjivati nastavne planove i programe, te istraživačke projekte;
- f) u skladu sa nastavnim programom i standardima izabrati predmete koji će se predavati;
- g) na univerzitetima dodjeljivati naučno-nastavna, naučna, istraživačka, umjetničko-nastavna i saradnička zvanja u skladu sa zakonom i statutom;
- h) samostalno urediti rad visokoškolske ustanove u okviru postojeće unutrašnje organizacije, u skladu sa zakonom;
- i) zapošljavati osoblje u skladu sa zakonom.

Član 10.
(Nepovredivost akademskog prostora)

- (1) Prostor visokoškolske ustanove je nepovrediv i u njega ne mogu ulaziti pripadnici policije i drugih organa za gonjenje i sprječavanje krivičnih djela bez dozvole rektora, direktora visoke škole ili lica koja su oni ovlastili.
- (2) Izuzetno od stava (1) ovog člana, s ciljem sprječavanja krivičnog djela ili zaustavljanja izvršenja krivičnog djela, mogu se preduzimati neophodne mjere, s tim da se o preduzetim radnjama odmah obavijesti uprava visokoškolske ustanove.

Član 11.
(Jezik studija)

Visokoškolska ustanova organizira i izvodi studije na službenim jezicima u Bosni i Hercegovini: bosanski jezik, hrvatski jezik i srpski jezik, uz ravnopravnu upotrebu oba pisma (latinice i ćirilice), a pojedine dijelove studija, kompletne studijske programe, kao i izradu i odbranu diplomskog i magistarskog rada i doktorske disertacije, može organizirati i izvoditi na stranom jeziku, u skladu sa statutom i drugim općim aktima.

Odjeljak B. Pravo na visoko obrazovanje

Član 12.
(Pravo na visoko obrazovanje)

Pravo na visoko obrazovanje imaju sva lica koja ispunjavaju uslove stručne spreme propisane Okvirnim zakonom o visokom obrazovanju u Bosni i Hercegovini („Službeni glasnik Bosne i Hercegovine“, broj: 59/07 i 59/09, u daljem tekstu: Okvirni zakon), bez obzira na rasu, boju kože, spol, seksualnu orijentaciju, etničko, nacionalno ili socijalno porijeklo, jezik, vjeroispovijest, političko ili drugo mišljenje, vezu s nekom nacionalnom zajednicom, status stečen rođenjem, fizički ili drugi nedostatak, imovinsko stanje, rođenje, starosnu dob ili neki drugi status.

Član 13.
(Pristup studiju stranim državljanima)

- (1) Visokoškolska ustanova će osigurati pristup studiju stranim državljanima i licima bez državljanstva u skladu sa utvrđenim načelima u Evropskom području visokog obrazovanja, osiguravajući studij pod istim uslovima kao i državljanima Bosne i Hercegovine, afirmirajući mobilnost studenata i nastavnika.
- (2) Osnivač može odrediti različitu cijenu školarine za studente strane državljanje.

DIO TREĆI- VISOKOŠKOLSKE USTANOVE

Član 14.
(Univerzitet i visoka škola)

- (1) Djelatnost visokog obrazovanja obavljaju univerziteti i visoke škole.
- (2) Univerzitet je visokoškolska ustanova koja se bavi nastavnim, naučnim i istraživačkim radom, koja nudi akademske stepene sva tri ciklusa, sa ciljevima koji uključuju unapređenje znanja, misli i školstva u Bosni i Hercegovini i Kantonu; obrazovni, kulturni, društveni i ekonomski razvoj Bosne i Hercegovine; promociju demokratskog građanskog društva i postizanje najviših standarda nastave i istraživačkog rada i koja realizira najmanje pet različitih studijskih programa iz najmanje tri naučne oblasti – prirodne nauke, tehničke nauke, društvene nauke, biomedicina i zdravstvo, biotehničke i humanističke nauke.
- (3) Izuzetno od stava (1) ovog člana univerzitet u polju umjetnosti može se osnovati ako ima sva tri nivoa studija iz najmanje tri oblasti umjetnosti.
- (4) Visoka škola je visokoškolska ustanova koja je akreditovana za davanje diploma i stepena prvog ciklusa, sa ciljevima koji uključuju pripremu i obuku pojedinaca za stručni, ekonomski i kulturni razvoj Bosne i Hercegovine i Kantona, kao i promociju demokratskog građanskog društva, te postizanje visokih standarda nastave i učenja, koja realizira najmanje jedan studijski program iz jedne naučne oblasti i ispunjava druge uslove u skladu sa zakonom.
- (5) Visokoškolska ustanova može organizirati smještaj i ishranu studenata u skladu sa zakonom i osnivačkim aktom.

Član 15.
(Javnost rada)

- (1) Rad visokoškolske ustanove je javan.
- (2) Na visokoškolskoj ustanovi nije dozvoljeno političko ili stranačko organiziranje niti djelovanje.

Član 16.
(Imovina visokoškolske ustanove)

- (1) Visokoškolska ustanova stiče imovinu, upravlja njome i koristi je u skladu sa zakonom.
- (2) Imovina visokoškolske ustanove obezbijedena od osnivača za osnivanje i rad visokoškolske ustanove imovina je osnivača, ako aktom o osnivanju ustanove nije drugačije određeno.
- (3) Visokoškolska ustanova ne može raspolagati nepokretnostima u vlasništvu osnivača bez prethodno pribavljene saglasnosti Skupštine Kantona za javnu ustanovu.

- (4) Sredstva za rad visokoškolske ustanove mogu se koristiti samo za obavljanje djelatnosti visokoškolske ustanove.
- (5) Imovina visokoškolske ustanove stečena poklonom i zaviještanjem je vlasništvo visokoškolske ustanove koja je tu imovinu stekla.
- (6) Visokoškolska ustanova samostalno upravlja fondacijama, odnosno fondovima i zadužbinama koji su joj povjereni, u skladu sa zakonom.
- (7) Imovina visokoškolske ustanove ne može biti iskorištena u cilju promjene statusa visokoškolske ustanove ili uzurpacije prava osnivača od strane drugih subjekata ili same visokoškolske ustanove.
- (8) Imovinske interese javne visokoškolske ustanove u postupcima pred sudom ili drugim nadležnim organom zastupa Kantonalno pravobranilaštvo.

DIO ČETVRTI – OSNIVANJE, STATUSNE PROMJENE I PRESTANAK RADA VISOKOŠKOLSKE USTANOVE

POGLAVLJE I. OSNIVANJE

Odjeljak A. Osnivanje visokoškolske ustanove

Član 17.

(Status visokoškolske ustanove)

- (1) Univerzitet i visoka škola osnivaju se kao ustanove.
- (2) Javne visokoškolske ustanove obavljaju svoju djelatnost kao javnu službu.
- (3) Visokoškolska ustanova ima status pravnog lica.

Član 18.

(Osnivači visokoškolske ustanove)

- (1) Visokoškolsku ustanovu može osnovati domaće ili strano pravno ili fizičko lice.
- (2) Visokoškolsku ustanovu mogu osnovati dva ili više osnivača, u kojem slučaju se njihova međusobna prava, obaveze i odgovornosti utvrđuju ugovorom.
- (3) Visokoškolske ustanove mogu biti javne i privatne.
- (4) Visokoškolsku ustanovu kao javnu ustanovu može osnovati Skupština Kantona, samostalno ili zajedno sa drugim fizičkim ili pravnim licima, na prijedlog Vlade Kantona.

Odjeljak B. Elaborat o osnivanju

Član 19.

(Elaborat o osnivanju visokoškolske ustanove)

- (1) Osnivač visokoškolske ustanove, odnosno Vlada Kantona za javnu ustanovu, formira ekspertsku komisiju koja će pripremiti elaborat o opravdanosti osnivanja visokoškolske ustanove.
- (2) Članovi ekspertske komisije su univerzitetski nastavnici iz naučne i stručne oblasti za koju se osniva visokoškolska ustanova.
- (3) Elaborat iz stava (1) ovog člana sadrži dokaze o opravdanosti osnivanja visokoškolske ustanove, kao i dokaze da su ispunjeni propisani uslovi za osnivanje i rad visokoškolske ustanove.
- (4) Elaborat se podnosi Ministarstvu za obrazovanje, nauku, kulturu i sport Zeničko-dobojskog kantona (u daljem tekstu: Ministarstvo), sa zahtjevom za donošenje rješenja o ispunjenosti uslova za početak rada i obavljanje djelatnosti visokog obrazovanja.

Član 20.
(Komisija matičara)

- (1) Osnivač visokoškolske ustanove, odnosno Vlada Kantona za javnu ustanovu, prije donošenja akta o osnivanju usvaja elaborat.
- (2) Osnivač visokoškolske ustanove, odnosno Vlada Kantona nakon usvajanja elaborata, imenuje komisiju matičara i utvrđuje rok za podnošenje izvještaja.
- (3) Komisija matičara:
 - a) donosi nastavne planove i nastavne programe;
 - b) donosi opći akt o pravilima studija;
 - c) objavljuje konkurs i vrši izbor nastavnika i saradnika za uže naučne, odnosno umjetničke oblasti ili za nastavne predmete prve i druge godine studija, od kojih najmanje jednu polovinu u radnom odnosu sa punim radnim vremenom, u skladu sa odredbama ovog zakona;
 - d) predlaže broj studenata za upis u prvu godinu studija.
- (4) Bliži propis o sastavu i radu komisije matičara donosi ministar Ministarstva (u daljem tekstu: ministar).

Član 21.
(Akt o osnivanju visokoškolske ustanove)

- (1) Kada osnivač pozitivno ocijeni izvještaj komisije matičara donosi akt o osnivanju visokoškolske ustanove.
- (2) Aktom o osnivanju visokoškolske ustanove utvrđuje se:
 - a) naziv osnivača;
 - b) naziv i sjedište visokoškolske ustanove;
 - c) djelatnost visokoškolske ustanove;
 - d) iznos i sredstva za osnivanje i početak rada i način njihovog obezbjeđivanja;
 - e) izvori i način obezbjeđivanja sredstava za rad visokoškolske ustanove;
 - f) međusobna prava i obaveze između osnivača i visokoškolske ustanove;
 - g) način raspolaganja viškom prihoda nad rashodima i
 - h) način na koji se pokriva višak rashoda nad приходima;
 - i) prava, obaveze i odgovornost visokoškolske ustanove u pravnom prometu;
 - j) lice koje će do imenovanja organa rukovođenja predstavljati i zastupati visokoškolsku ustanovu i njegova ovlaštenja i odgovornosti;
 - k) rok za donošenje statuta visokoškolske ustanove, imenovanje organa upravljanja i rukovođenja visokoškolske ustanove,
 - l) druga pitanja od značaja za rad visokoškolske ustanove.

Član 22.
(Rješenje o ispunjavanju uslova za osnivanje i početak rada)

- (1) Ministarstvo formira komisiju koja ispituje uslove za početak rada i obavljanja djelatnosti visokog obrazovanja.
- (2) Komisija broji pet članova i čine je univerzitetski nastavnici i najmanje jedan predstavnik osnivača.
- (3) Na osnovu pozitivne ocjene komisije, Ministarstvo donosi rješenje o ispunjavanju uslova za osnivanje i početak rada i obavljanje djelatnosti visokog obrazovanja.
- (4) Rješenje iz stava (3) ovog člana je upravni akt protiv koga nije dopuštena žalba, ali se može pokrenuti upravni spor.

Odjeljak C. Standardi i kriteriji

Član 23. (Standardi i kriteriji)

- (1) Visokoškolska ustanova može početi sa radom i obavljanjem djelatnosti ako ispunjava kriterije i standarde za osnivanje visokoškolske ustanove, koje donosi Ministarstvo, u skladu sa zakonom.
- (2) Visokoškolska ustanova ispunjava kadrovske uslove ako akademsko osoblje koje je u radnom odnosu izvodi najmanje jednu polovinu nastave na nastavnim predmetima za sve cikluse koje organizira utvrđenim nastavnim planom, osim na akademiji umjetnosti.
- (3) Izuzetno, za studij medicinske grupe nauka, broj angažiranih zaposlenika iz zdravstvene institucije /ustanove u nastavnom procesu u visokoškolskoj ustanovi ulazi u broj nastavnika iz stava (2) ovog člana, a što se regulira posebnim ugovorom između visokoškolske ustanove i zdravstvene institucije /ustanove.
- (4) Uslovi iz stava (2) ovog člana, ne primjenjuju se na nove studijske programe u periodu od 5 godina od njihovog pokretanja.

Član 24. (Dozvola za rad)

- (1) Nakon donošenja rješenja o ispunjavanju uslova za osnivanje i početak rada, obavljanje djelatnosti visokog obrazovanja, kao i akta o osnivanju, na zahtjev visokoškolske ustanove, Ministarstvo izdaje dozvolu za rad - licencu.
- (2) Visokoškolska ustanova se smatra osnovanom upisom u sudski registar, čime stiče status pravnog lica.

Član 25. (Visokoškolska ustanova sa sjedištem izvan Kantona)

- (1) Visokoškolska ustanova sa sjedištem izvan Kantona ili u drugoj državi može organizirati studij na području Kantona uz prethodnu saglasnost Vlade Kantona.
- (2) Na osnovu saglasnosti iz stava (1) ovog člana Ministarstvo utvrđuje da li su ispunjeni uslovi iz člana 23. ovog zakona.

Član 26. (Periodično utvrđivanje uslova za rad)

- (1) Ministarstvo najmanje jednom, u pet godina utvrđuje da li visokoškolska ustanova ispunjava uslove propisane ovim zakonom.
- (2) Ako Ministarstvo utvrdi da visokoškolska ustanova, odnosno, studijski program visokoškolske ustanove ne ispunjava uslove, utvrdit će rok za otklanjanje nedostataka koji ne može biti manji od jedne godine.
- (3) U roku iz stava (2) ovog člana ne može se vršiti upis studenata u prvu godinu studija u visokoškolskoj ustanovi, odnosno organizacionoj jedinici koja ne ispunjava uslove iz ovog zakona.
- (4) Ukoliko se u određenom roku nedostaci ne otklone, visokoškolskoj ustanovi ili njenom organizacionom dijelu koji ne ispunjavaju uslove iz ovog zakona, Ministarstvo će zabraniti obavljanje djelatnosti i o tome obavijestiti osnivača.

- (5) Pravosnažno rješenje o trajnoj zabrani rada Ministarstvo dostavlja osnivaču, nadležnom registarskom sudu i Agenciji za razvoj visokog obrazovanja i osiguranje kvaliteta (u daljem tekstu: Agencija), radi brisanja visokoškolske ustanove iz registra.

POGLAVLJE II. STATUSNE PROMJENE I PRESTANAK RADA

Član 27. (Statusne promjene)

- (1) Visokoškolska ustanova može, u skladu sa zakonom, proširiti, odnosno promijeniti djelatnost, naziv i sjedište, kao i vršiti statusne promjene: spajanje, pripajanje, podjelu i izdvajanje.
- (2) Prije donošenja odluke o statusnoj promjeni osnivač usvaja elaborat o opravdanosti statusne promjene.
- (3) Elaborat sadrži: opravdanost potrebe za statusnom promjenom, dužinu trajanja studija, okvirni nastavni plan i nastavni program, stručni naziv koji se stiče po završetku studija, ispunjavanje općih i posebnih uslova po standardima visokog obrazovanja i normativima, sredstva potrebna za ispunjavanje tih uslova i način njihovog osiguravanja.
- (4) Prijedlog elaborata osnivaču podnosi visokoškolska ustanova.

Član 28. (Prestanak rada visokoškolske ustanove)

- (1) Visokoškolska ustanova prestaje sa radom:
 - a) ako više ne postoji potreba za obavljanje djelatnosti visokoškolske ustanove;
 - b) ako prestanu da postoje uslovu za obavljanje djelatnosti visokoškolske ustanove;
 - c) ako je visokoškolskoj ustanovi izrečena mjera zabrane obavljanja djelatnosti, zbog toga što ne ispunjava uslove u skladu sa zakonom, a u roku određenom u izrečenoj mjeri nije ispunila te uslove;
 - d) ako se pravosnažnom odlukom suda utvrdi ništavnost upisa u sudski registar;
 - e) ako je u nemogućnosti da ispunjava zakonom propisane obaveze, a aktom o osnivanju nije utvrđena odgovornost osnivača za te obaveze;
 - f) ako se pripoji drugoj visokoškolskoj ustanovi, spoji sa drugom visokoškolskom ustanovom ili podijeli na dvije ili više visokoškolskih ustanova;
 - g) ako se organizira kao privredno društvo;
 - h) u drugim slučajevima određenim zakonom ili aktom o osnivanju.
- (2) Akt o prestanku rada visokoškolske ustanove donosi osnivač.
- (3) Aktom o prestanku rada visokoškolske ustanove utvrđuje se način zaštite prava korisnika usluga i druga pitanja od značaja za prestanak rada visokoškolske ustanove, u skladu sa zakonom i statutom visokoškolske ustanove.
- (4) U slučaju prestanka rada javne visokoškolske ustanove osnivač je dužan zatečenim studentima omogućiti završetak započelih studija.
- (5) Prije donošenja akta o prestanku rada javne visokoškolske ustanove iz razloga utvrđenih u tački a), b) i e) Vlada Kantona formira ekspertsku komisiju sa zadatkom da pripremi elaborat o opravdanosti prestanka rada javne visokoškolske ustanove.

Član 29.

(Obaveze nakon prestanka rada visokoškolske ustanove)

Odgovornost osnivača je da u slučaju prestanka rada visokoškolske ustanove osigura trajno čuvanje javnih isprava, arhiva i druge dokumentacije u skladu sa zakonom.

DIO PETI - LICENCA I AKREDITACIJA

POGLAVLJE I. KRITERIJI ZA LICENCIRANJE

Član 30.

(Licenca)

- (1) Licenca je dozvola za rad koju izdaje Ministarstvo i kojom se visokoškolskoj ustanovi dozvoljava pružanje usluga visokog obrazovanja.
- (2) Licencom se utvrđuje vrsta ustanove, akreditovani studijski programi, kao i stepeni i diplome koje se mogu dodjeljivati.
- (3) Kriterije iz stava (1) ovog člana donosi Ministarstvo na osnovu preporuke Agencije.

Član 31.

(Licenciranje)

Visokoškolska ustanova može početi da radi i obavlja svoju djelatnost nakon dobijanja licence.

Član 32.

(Akreditacija)

- (1) Akreditacija je proces kojim se na osnovu vanjske revizije i ocjene kvaliteta potvrđuje da je visokoškolska ustanova u svom radu i studijski program koji ona izvodi ispunila utvrđene standarde i kriterije.
- (2) Standarde i kriterije za akreditaciju donosi Agencija.
- (3) Stručnjake za ocjenu i reviziju kvaliteta određene visokoškolske ustanove, odnosno studijskog programa imenuje ministarstvo sa liste eksperata koju vodi Agencija.
- (4) U postupku akreditacije doktorskog studijskog programa utvrđuje se da li su ispunjeni uslovi za obavljanje naučnoistraživačkog, odnosno umjetničkog rada, u skladu sa zakonom.
- (5) Postupak akreditacije bliže se uređuje Pravilnikom koji donosi Ministarstvo.

POGLAVLJE II. POSTUPAK IZDAVANJA AKREDITACIJE

Član 33.

(Postupak izdavanja akreditacije)

- (1) Zahtjev za akreditaciju visokoškolska ustanova, odnosno osnivač podnosi Ministarstvu najmanje šest mjeseci prije datuma za koji se traži akreditacija.
- (2) U postupku akreditacije Ministarstvo može:
 - a) izdati uvjerenje o akreditaciji visokoškolske ustanove, odnosno studijskog programa;
 - b) utvrditi nedostatke u pogledu ispunjavanja uslova, kvaliteta rada visokoškolske ustanove, odnosno studijskog programa i odrediti rok za otklanjanje navedenih nedostataka, s tim što po isteku roka odlučuje o zahtjevu;

- c) donijeti rješenje kojim se zahtjev odbija.
- (3) Akreditacija po zahtjevu iz stava (1) ovog člana izdaje se najduže na pet godina, nakon čega se mora provesti ponovna akreditacija.
- (4) Ponovni zahtjev za akreditaciju može se podnijeti po isteku roka od godinu dana od donošenja rješenja kojim se zahtjev za akreditaciju odbija.

Član 34.

(Ovlaštenje akreditovane visokoškolske ustanove)

- (1) Akreditovana i licencirana visokoškolska ustanova je jedina ovlaštena dodjeljivati akademske titule i zvanja i izdavati diplome navedene u rješenju o akreditaciji.
- (2) Neće se priznati akademske titule, stručna i naučna zvanja i diplome koje su izdale visokoškolske ustanove bez akreditacije i licence.

Član 35.

(Oduzimanje licence)

- (1) Ako se na temelju inspekcijskog nadzora utvrdi da je visokoškolska ustanova prestala ispunjavati uslove iz licence i akreditacije, a uočeni propusti se ne mogu otkloniti bez ozbiljnih posljedica na kvalitet studija, Ministarstvo će na osnovu mišljenja i preporuka Agencije, rješenjem oduzeti licencu.
- (2) Ako se uočeni nedostaci mogu otkloniti Ministarstvo će ostaviti rok, ne duži od šest mjeseci, u kojem visokoškolska ustanova mora otkloniti uočene nedostatke.

POGLAVLJE III. SAMOVREDNOVANJE I OSIGURANJE KVALITETA

Član 36.

(Samovrednovanje i osiguranje kvaliteta)

- (1) Senat visokoškolske ustanove izrađuje i donosi dokument o politici osiguravanja kvaliteta i metode samovrednovanja za sva tri studijska ciklusa.
- (2) Visokoškolske ustanove će razviti vlastite sisteme osiguravanja kvaliteta kako bi osigurali kvalitet i realizaciju svoje obrazovne misije.
- (3) Visokoškolska ustanova sprovodi kontinuirano, po pravilu na kraju akademske godine, a najviše u intervalima od tri akademske godine, postupak samovrednovanja i ocjene kvaliteta svojih studijskih programa, nastave i uslova rada.
- (4) Postupak iz stava (3) ovog člana visokoškolska ustanova, odnosno njene organizacione jedinice sprovode u skladu sa statutom, odnosno opštim aktom visokoškolske ustanove i metodama samovrednovanja koje utvrđuje senat.
- (5) Izvještaj o samovrednovanju i ocjeni kvaliteta objavljuje se tako da bude dostupan akademskom osoblju i studentima u toj visokoškolskoj ustanovi.
- (6) Na zahtjev Ministarstva, odnosno Agencije, visokoškolska ustanova dostavlja informaciju o postupku i rezultatima samovrednovanja i ocjene kvaliteta, kao i druge podatke od značaja za osiguranje kvaliteta.

Član 37.

(Interne evaluacije)

Visokoškolska ustanova izvodi periodične interne evaluacije u skladu sa trajanjem nastavnih ciklusa utvrđenih ovim zakonom i statutom.

Član 38.

(Uspostavljanje informacionog sistema)

- (1) Visokoškolska ustanova uspostavlja informacioni sistem kojim se osigurava realizacija mjera politike osiguranja kvaliteta i stalni pristup informacijama o:
 - a) progresu studenata i uspješnosti;
 - b) uposlenosti diplomiranih studenata;
 - c) zadovoljstvu studenata nastavnim programima;
 - d) efikasnosti nastavnog osoblja;
 - e) strukturi studentske populacije;
 - f) raspoloživim nastavnim resursima i njihovoj cijeni;
 - g) indikatorima performansi ustanove;
 - h) drugim elementima bitnim za osiguranje kvaliteta visokog obrazovanja.
- (2) Za potrebe održavanja informacionog sistema, visokoškolska ustanova uspostavlja informatičku službu u skladu sa standardima i normativima.

Član 39.

(Misija visokoškolske ustanove)

Visokoškolska ustanova donosi, publikuje, i kontinuirano ažurira misiju, odnosno izjavu o misiji, kojom precizno i sažeto opisuje visokoškolsku ustanovu, definiše njen status, identifikuje postavljene ciljeve i politike, određuje način prilagođavanja organizacione strukture ustanove potrebama studenata i društvene zajednice, te daje naznake o načinu realizacije postavljenih ciljeva.

DIO ŠESTI - EVIDENCIJA, JAVNE ISPRAVE, REGISTAR

Član 40.

(Matične knjige i evidencije)

- (1) Visokoškolska ustanova vodi matične knjige studenata i lica koja su završila prvi, drugi, odnosno treći ciklus visokog obrazovanja, stekla visoku stručnu spremu, stručni, naučni, odnosno umjetnički stepen magistra i naučni stepen doktora nauka, kao i evidencije o ispitima, o uspjehu studenata na kraju školske godine, o izdatim diplomama i dodacima diplomi kao i druge evidencije utvrđene općim aktima visokoškolske ustanove .
- (2) Matične knjige i evidencije o izdatim diplomama i dodacima diplomi čuvaju se trajno.
- (3) Bliži propis o načinu vođenja matičnih knjiga i evidencija o izdatim diplomama i dodacima diplomi donosi ministar.
- (4) Općim aktima visokoškolske ustanove uređuje se način vođenja druge evidencije.

Član 41.

(Javne isprave)

- (1) Na osnovu službene evidencije, visokoškolska ustanova izdaje javne isprave.
- (2) Javne isprave u smislu stava (1) ovog člana su:
 - a) diploma o stečenom stepenu stručne spreme i zvanju;
 - b) dodatak diplomi o stepenu stručne spreme;
 - c) diploma o stečenom naučnom stepenu magistra i naučnom stepenu doktora nauka;
 - d) dodatak diplomi o stečenom stepenu magistra i naučnom stepenu doktora nauka;
 - e) indeks;

- f) ispisnica;
 - g) uvjerenje o diplomiranju;
 - h) uvjerenje o položenim ispitima;
 - i) uvjerenje o uspjehu u toku studija;
 - j) uvjerenje o učešću u pojedinim oblicima stručnog usavršavanja i permanentnog obrazovanja;
 - k) druge isprave u skladu sa zakonom.
- (3) Indeks kao javna isprava može se izdati u vidu elektronske kartice.
- (4) Bliži propis o sadržaju javnih isprava, osim diplome i dodatka diplomu, donosi ministar.

Član 42.

(Izdavanje javne isprave)

- (1) Kada se nastava ostvaruje na stranom jeziku, javne isprave se izdaju na obrascu koji je štampan dvojezično, s tim da student može zahtijevati izdavanje javne isprave odvojeno.
- (2) Na zahtjev studenta visokoškolska ustanova izdaje javnu ispravu o savladanom dijelu studijskog programa, koja sadrži podatke o nivou, prirodi i sadržaju studija, kao i o postignutim rezultatima.
- (3) Diploma se izdaje na jednom od službenih jezika države Bosne i Hercegovine i po zahtjevu na engleskom jeziku, a dodatak diplomu izdaje se na jednom od službenih jezika države Bosne i Hercegovine i na engleskom jeziku.

Član 43.

(Priznavanje inostranih kvalifikacija i perioda studija)

- (1) Za priznavanje inostranih visokoškolskih obrazovnih kvalifikacija i perioda studija nadležne su visokoškolske ustanove na području Kantona.
- (2) Priznavanje inostranih visokoškolskih obrazovnih kvalifikacija i perioda studija vrši se prema Pravilniku o priznavanju inostranih visokoškolskih obrazovnih kvalifikacija, koji donosi ministar Ministarstva.

Član 44.

(Ništavnost javnih isprava)

- (1) Diplomu, odnosno dodatak diplomu Ministarstvo oglašava ništavnim ako su izdati od neovlaštene ustanove ili su potpisani od neovlaštenog lica ili imalac diplome nije ispunio sve ispitne obaveze na način utvrđen zakonom i studijskim programom.
- (2) Visokoškolska ustanova oglašava ništavnom diplomu o stečenom akademskom nazivu magistra, ako utvrdi da završni rad nije rezultat samostalnog rada kandidata.
- (3) Visokoškolska ustanova oglašava ništavnom diplomu o stečenom naučnom nazivu doktora nauka, ako utvrdi da doktorska disertacija nije originalan naučni, odnosno umjetnički rezultat.

Član 45.

(Razlozi za ništavnost javnih isprava)

- (1) Javne isprave iz člana 41. ovog zakona, izdate od strane visokoškolske ustanove koja obavlja djelatnost visokog obrazovanja na području Kantona, a nema dozvolu za rad na području Kantona izdatu u skladu sa ovim zakonom, su ništavne.
- (2) Nadležna inspekcija za obrazovanje i nauku po službenoj dužnosti zabranjuje rad visokoškolskoj ustanovi koja obavlja djelatnost visokog obrazovanja na području Kantona suprotno odredbi stava (1) ovog člana.

Član 46.

(Registar)

- (1) Ministarstvo vodi evidenciju visokoškolskih ustanova (u daljem tekstu: registar).
- (2) Sadržaj i način vođenja registra propisuje ministar.

DIO SEDMI - STATUT VISOKOŠKOLSKE USTANOVE

Član 47.

(Statut visokoškolske ustanove)

- (1) Statut je osnovni akt visokoškolske ustanove kojim se uređuju pitanja značajna za obavljanje djelatnosti visokoškolske ustanove.
- (2) Statut donosi senat visokoškolske ustanove uz prethodno pribavljeno mišljenje Upravnog odbora.
- (3) Izmjene i dopune statuta vrše se odlukom, na način i u postupku predviđenom za njegovo donošenje.

Član 48.

(Sadržaj statuta)

Statut sadrži odredbe kojima se reguliraju sljedeća pitanja:

- a) organizacija visokoškolske ustanove;
- b) zastupanje i predstavljanje visokoškolske ustanove;
- c) pravila za izbor članova upravnog odbora;
- d) način organiziranja i izvođenje studija;
- e) pravila studiranja i prava studenata;
- f) izbor u nastavno-naučna, umjetničko-nastavna, naučna, istraživačka i saradnička zvanja;
- g) način implementacije Evropskog kreditnog transfer sistema (u daljem tekstu: ECTS);
- h) kriteriji za dodjelu akademskih titula;
- i) obaveze visokoškolske ustanove prema osnivaču;
- j) ovlaštenja visokoškolske ustanove u pravnom prometu;
- k) organizacija i nadležnosti organizacionih jedinica;
- l) statusne promjene, obrazovanje novih organizacionih jedinica i studijskih programa;
- m) ostvarivanje prihoda, upravljanje sredstvima i imovinom;
- n) akademska, finansijska i druga ovlaštenja organizacionih jedinica u pravnom prometu;
- o) organizaciju naučnoistraživačkog i umjetničkog rada;
- p) kriteriji za provođenje procesa evaluacije i objavljivanje rezultata provedene evaluacije;
- r) broj članova senata i način njihovog biranja;
- s) oblik i nivo učešća studenata u radu ustanove;
- t) način izjašnjavanja i donošenja odluka po pojedinim pitanjima, kao i preciziranje
- u) odluka koje se mogu donositi tajnim glasanjem;
- v) druga pitanja u skladu sa zakonom i osnivačkim aktom.

DIO OSMI - ORGANI VISOKOŠKOLSKE USTANOVE

Član 49.

(Organi visokoškolske ustanove)

- (1) Organi Univerziteta su:
 - a) upravni odbor,

- b) senat,
 - c) rektor.
- (2) Organi visoke škole su:
- a) upravni odbor,
 - b) senat i
 - c) direktor.
- (3) Visokoškolska ustanova može imati i druge stručne organe za vođenje poslovanja ili nadzorne organe, čije se osnivanje, sastav i nadležnost uređuju osnivačkim aktom i statutom.
- (4) Osoba angažovana na visokoškolskoj ustanovi može obavljati najviše dvije rukovodne funkcije.
- (5) Obaveza svih organa upravljanja, rukovođenja, nadzora i drugih organa Univerziteta je da u postupku izbora i imenovanja osiguraju odgovarajuću spolnu zastupljenost.

Član 50.

(Organi privatne visokoškolske ustanove)

Nadležnost, broj, sastav, trajanje mandata, način izbora i razrješenja kao i način rada i odlučivanja organa privatne visokoškolske ustanove, uređuje se statutom, s tim što se mora obezbijediti odgovarajuće učešće predstavnika akademskog osoblja i studenata u donošenju odluka koje su od njihovog interesa.

Član 51.

(Upravni odbor)

Organ upravljanja visokoškolskom ustanovom je upravni odbor.

Član 52.

(Sastav, broj i mandat upravnog odbora)

- (1) Upravni odbor visokoškolske ustanove ima sedam članova i čine ga četiri predstavnika iz reda osnivača koje imenuje osnivač, te dva predstavnika iz reda akademskog osoblja i jedan predstavnik iz reda studenata koje imenuje senat u skladu sa statutom u javnoj i transparentnoj proceduri javnog konkursa.
- (2) Predsjednik upravnog odbora visokoškolske ustanove imenuje se iz reda osnivača.
- (3) U slučaju javne visokoškolske ustanove članove upravnog odbora iz reda osnivača imenuje Vlada Kantona u skladu sa odredbama Zakona ministarskim, vladinim i drugim imenovanjima („Službene novine Federacije BiH“, broj: 12/03, 34/03 i 65/13), a dva predstavnika iz reda akademskog osoblja i jednog predstavnika iz reda studenata imenuje senat visokoškolske ustanove u javnoj i transparentnoj proceduri javnog konkursa u skladu sa statutom.
- (4) Mandat članova upravnog odbora je četiri godine.
- (5) Članovima upravnog odbora javne visokoškolske ustanove pripada naknada za rad u upravnom odboru u visini koju utvrdi Vlada Kantona.
- (6) Rektor, prorektori, rukovodioci organizacionih jedinica univerziteta i članovi senata visokoškolske ustanove ne mogu biti članovi upravnog odbora te visokoškolske ustanove.

Član 53.

(Razrješenje člana upravnog odbora)

- (1) Osnivač razrješava člana upravnog odbora kojeg je imenovao i prije isteka mandata na koji je imenovan:

- a) ako se utvrdi da je odgovoran za neuspješan ili nezakonit rad visokoškolske ustanove;
 - b) ako se utvrdi da ima lične ili druge interese koji su u suprotnosti sa interesima visokoškolske ustanove (sukob interesa);
 - c) ako svojim radom povrijedi ugled dužnosti koju obavlja;
 - d) na njegov lični zahtjev;
 - e) ako ne ispunjava dužnost člana upravnog odbora u skladu sa utvrđenim smjernicama ili uputama;
 - f) u drugim slučajevima utvrđenim zakonom, osnivačkim aktom i statutom.
- (2) U slučaju javne visokoškolske ustanove člana upravnog odbora iz reda osnivača iz razloga nabrojanih u tačkama a), b), c), d), e) i f) stava (1) ovog člana razrješava Vlada Kantona.
- (3) Razrješenje člana upravnog odbora visokoškolske ustanove kojeg imenuje senat bliže se uređuje statutom visokoškolske ustanove.

Član 54.

(Nadležnost upravnog odbora)

Upravni odbor obavlja poslove utvrđene zakonom, aktom o osnivanju i statutom visokoškolske ustanove, a naročito:

- a) na prijedlog senata daje prethodno mišljenje na Statut visokoškolske ustanove,
- b) donosi akt kojim se utvrđuje način obračuna plaća i drugih primanja u javnoj visokoškolskoj ustanovi uz prethodnu saglasnost Vlade Kantona, te donosi opći akt o unutrašnjoj organizaciji i sistematizaciji radnih mjesta, kao i druge opće akte u skladu sa zakonom i statutom visokoškolske ustanove;
- c) donosi odluku o osnivanju drugih pravnih lica, u skladu sa zakonom i statutom visokoškolske ustanove;
- d) utvrđuje planove finansiranja i razvoja, uključujući i organizovanje novih organizacionih jedinica i studijskih programa;
- e) donosi godišnji program rada visokoškolske ustanove na prijedlog senata visokoškolske ustanove;
- f) donosi finansijski plan i usvaja godišnji obračun;
- g) usmjerava, kontrolira i ocjenjuje rad rektora, odnosno direktora u domenu finansijskog poslovanja;
- h) rješava pitanja odnosa sa osnivačem;
- i) odlučuje o korištenju sredstava za rad preko iznosa utvrđenog statutom visokoškolske ustanove;
- j) odlučuje o prigovoru zaposlenika na odluke organa visokoškolske ustanove koji su u prvom stepenu odlučivali o pravima, obavezama i odgovornostima zaposlenika iz radnog odnosa;
- k) najmanje jedanput godišnje podnosi osnivaču izvještaj o poslovanju i rezultatima rada visokoškolske ustanove;
- l) donosi konačnu odluku o izboru i razrješenju direktora studentskog centra;
- m) obavlja i druge poslove u skladu sa zakonom, aktom o osnivanju i statutom.

Član 55.

(Sastav senata)

- (1) Senat je najviše akademsko tijelo koje čine predstavnici akademskog osoblja u visokoškolskoj ustanovi, kao i predstavnici studenata.
- (2) Broj članova, sastav i način rada senata utvrđuje se statutom visokoškolske ustanove.
- (3) Najmanje 15% članova senata su studenti, predstavnici sva tri studijska ciklusa, koje bira studentski predstavnički organ.

Član 56.

(Nadležnost senata)

- (1) Senat visokoškolske ustanove odlučuje o svim akademskim pitanjima, a posebno o pitanjima nastavne, naučne, umjetničke i stručne djelatnosti visokoškolske ustanove.
- (2) Senat visokoškolske ustanove:
 - a) donosi Statut visokoškolske ustanove uz prethodno pribavljeno mišljenje Upravnog odbora;
 - b) donosi Etički kodeks, kojim se utvrđuju etička načela u visokom obrazovanju, objavljivanju naučnih rezultata, odnosu prema intelektualnoj svojini, odnosima između nastavnika i saradnika, drugih zaposlenih i studenata, odnosu prema javnosti i sredstvima javnog informiranja i uopće o nastupanju visokoškolske ustanove, nastavnika, saradnika i studenata u pravnom prometu;
 - c) predlaže upravnom odboru godišnji program rada visokoškolske ustanove;
 - d) donosi opće akte u skladu sa ovim zakonom i statutom visokoškolske ustanove;
 - e) donosi nastavne planove i nastavne programe dodiplomskog, postdiplomskog i doktorskog studija;
 - f) bira i razrješava rektora univerziteta, direktora visoke škole, a prorektore na obrazloženi prijedlog rektora;
 - g) donosi konačne odluke po prigovoru kandidata za izbor i razrješenje dekana i prodekana, kao i direktora instituta;
 - h) bira akademsko osoblje na prijedlog naučno-nastavnog vijeća, odnosno vijeća organizacione jedinice;
 - i) donosi konačne odluke po prigovoru kandidata za izbor u akademska zvanja;
 - j) imenuje komisije u postupku stjecanja doktorata nauka;
 - k) dodjeljuje počasno zvanje „profesor emeritus“, te „počasni doktor nauka“;
 - l) daje inicijativu upravnom odboru za organiziranje i ukidanje fakulteta i drugih organizacionih jedinica univerziteta, kao i studijskih programa;
 - m) odobrava razvojne i organizacione planove;
 - n) imenuje stalna ili privremena tijela, radne grupe, komitete, grupe za praćenje kvaliteta rada i slično;
 - o) propisuje odredbe kojima se regulira rad organa koje imenuje senat;
 - p) utvrđuje upisnu politiku;
 - r) obavlja druge poslove u skladu sa zakonom i statutom visokoškolske ustanove.
- (3) Senat ustanove odlučuje o akademskim pitanjima na prijedlog stručnih organa organizacionih jedinica kao i drugih organa visokoškolske ustanove i predstavničkih tijela studenata.

Član 57.

(Rektor univerziteta i direktor visoke škole)

- (1) Univerzitetom rukovodi rektor, a visokom školom direktor visoke škole, u skladu sa ovim zakonom i statutom visokoškolske ustanove.
- (2) Za rektora javnog univerziteta bira se nastavnik u naučno-nastavnom zvanju redovnog profesora koji ispunjava uslove za to zvanje na univerzitetu na kojem se prijavljuje.
Za direktora javne visoke škole bira se lice koje ispunjava uslove za nastavnika te visoke škole.

Član 58.

(Izbor rektora i direktora visoke škole)

- (1) Rektora javnog univerziteta i direktora javne visoke škole bira i konačno imenuje senat na osnovu javnog konkursa na mandat od četiri godine, i može biti ponovo izabran.
- (2) Ista osoba se može imenovati na dva uzastopna mandata u istoj visokoškolskoj ustanovi.
- (3) Postupak izbora rektora javnog univerziteta i direktora javne visoke škole mora osigurati poštovanje principa zakonitosti, kvaliteta, otvorenosti i transparentnosti.
- (4) Postupak izbora i razrješenja, uslovi i kriteriji za izbor i razlozi razrješenja rektora javnog univerziteta i direktora javne visoke škole utvrđuju se osnivačkim aktom i statutom.

Član 59.

(Nadležnost rektora univerziteta i direktora visoke škole)

- (1) Rektor univerziteta, odnosno direktor visoke škole obavlja poslove utvrđene zakonom i statutom, a naročito:
 - a) zastupa i predstavlja visokoškolsku ustanovu;
 - b) organizira i rukovodi radom visokoškolske ustanove i odgovoran je za zakonitost rada visokoškolske ustanove;
 - c) predlaže opće akte i donosi pojedinačne akte u skladu sa zakonom i statutom visokoškolske ustanove;
 - d) predlaže upravnom odboru i senatu mjere za unapređenje rada visokoškolske ustanove;
 - e) predlaže upravnom odboru mjere za efikasno i zakonito obavljanje djelatnosti visokoškolske ustanove;
 - f) predlaže upravnom odboru, senatu i osnivaču osnove planova rada i razvoja visokoškolske ustanove;
 - g) predlaže upravnom odboru unutrašnju organizaciju i sistematizaciju radnih mjesta;
 - h) predlaže imenovanje prorektora univerziteta;
 - i) izvršava odluke upravnog odbora, senata i drugih organa visokoškolske ustanove;
 - j) odlučuje o korištenju sredstava do iznosa utvrđenog statutom visokoškolske ustanove;
 - k) odlučuje o pravima, obavezama i odgovornostima zaposlenika iz radnog odnosa;
 - l) podnosi upravnom odboru izvještaj o izvršenju finansijskog plana;
 - m) naredbodavac je za izvršenje finansijskog plana;
 - n) učestvuje u radu Rektorske konferencije Bosne i Hercegovine;
 - o) obavlja i druge poslove u skladu sa zakonom, osnivačkim aktom i statutom visokoškolske ustanove.
- (2) Rektor ne može biti imenovan za predsjedavajućeg senata visokoškolske ustanove.

Član 60.

(Prorektor univerziteta)

- (1) Prorektora na univerzitetu imenuje senat na obrazloženi prijedlog rektora i mandat izabranog prorektora vezan je za mandat rektora.
- (2) Prorektor pomaže u radu rektoru visokoškolske ustanove.
- (3) Prorektor može učestvovati u radu senata bez prava glasa.
- (4) Broj prorektora, uslovi i nadležnosti prorektora bliže se uređuju statutom visokoškolske ustanove.

Član 61.

(Odgovornost rektora univerziteta i direktora visoke škole)

- (1) Rektor univerziteta, odnosno direktor visoke škole za svoj rad u domenu akademskih pitanja odgovara senatu, a u domenu poslovanja upravnom odboru.
- (2) Rektor, odnosno direktor jednom godišnje podnosi senatu i upravnom odboru izvještaj o svom radu.

Član 62.

(Razrješenje rektora, prorektora univerziteta i direktora visoke škole)

- (1) Rektor, prorektor i direktor visoke škole prestaje mandat:
 - a) istekom perioda na koji je imenovan;
 - b) ostavkom;
 - c) prijevremenim razrješenjem;
 - d) izborom na neku drugu funkciju nespojivu sa funkcijom koju obavlja.
- (2) Senat donosi odluku o razrješenju rektora, prorektora i direktora visoke škole i prije isteka perioda na koji je izabran odnosno imenovan:
 - a) ako bude pravosnažno osuđen za krivično djelo;
 - b) ako ne izvršava zadatke predviđene zakonom i statutom ili ih izvršava protivno njima;
 - c) prekorači ovlaštenja i time nanese štetu ugledu visokoškolske ustanove;
 - d) zbog neopravdane odsutnosti ili spriječenosti da u neprekidnom periodu dužem od tri mjeseca obavlja dužnost;
 - e) ako svojim ponašanjem povrijedi ugled institucije i funkcije koju obavlja.
- (3) Obrazložen prijedlog za razrješenje rektora i direktora visoke škole, zbog jednog ili više razloga navedenih u ovom članu, senatu može podnijeti:
 - a) ministar u ime osnivača visokoškolske ustanove kao javne ustanove,
 - b) osnivač visokoškolske ustanove kao ustanove,
 - c) najmanje jedna trećina članova Upravnog odbora,
 - d) najmanje jedna trećina članova senata
 - e) najmanje tri naučno-nastavna odnosno umjetnička vijeća organizacionih jedinica.
- (4) Obrazložen prijedlog za razrješenje prorektora zbog jednog ili više razloga navedenih u stavovima (1) i (2) ovog člana, senatu podnosi rektor.
- (5) Postupak razrješenja rektora, prorektora i direktora visoke škole uređuje se statutom visokoškolske ustanove u skladu sa ovim zakonom.

Član 63.

(Obustavljanje općeg i pojedinačnog akta)

- (1) Rektor univerziteta, odnosno direktor visoke škole obustavlja od izvršenja opći i pojedinačni akt donesen u visokoškolskoj ustanovi koji nije u saglasnosti sa ustavom ili je u suprotnosti sa zakonom i drugim propisima, kao i izvršavanje općeg i pojedinačnog akta kojim se nanosi šteta visokoškolskoj ustanovi ili društvenoj zajednici i dužan je da o tome obavijesti Ministarstvo.
- (2) U slučaju nepostupanja ovlaštenih osoba iz stava (1) ovog člana, obaveza Ministarstva je da ukoliko u vršenju nadzora putem nadležne inspekcije utvrdi da su odluke koje donose organi visokoškolske ustanove protivne zakonu, iste poništi, odnosno obustavi od daljeg izvršenja.

DIO DEVETI - ORGANIZACIJA UNIVERZITETA

POGLAVLJE I. VRSTE I DEFINICIJE ORGANIZACIONIH JEDINICA

Odjeljak A. Vrste organizacionih jedinica i ovlaštenja u pravnom prometu

Član 64.

(Vrste organizacionih jedinica)

- (1) Univerzitet ima organizacione jedinice kao što su fakulteti, akademije, visoke škole ili naučnoistraživački instituti koji izvode nastavni, naučnoistraživački i umjetnički rad u jednom ili više obrazovnih i naučnih područja.
- (2) Radi komercijalizacije rezultata naučnoistraživačkog i umjetničkog rada, visokoškolska ustanova, kao i njene organizacione jedinice, uz saglasnost visokoškolske ustanove, mogu osnovati svoje organizacione jedinice, u čijem radu mogu učestvovati i studenti (centar za transfer tehnologija, inovacioni centar, naučno-tehnološki park, inženjerski biro, radionice, umjetnički sastavi, galerije, umjetnički performansi), kao i druge organizacione jedinice.
- (3) Organizacija i nadležnost organizacionih jedinica bliže se uređuje statutom visokoškolske ustanove.

Član 65.

(Organizacione jedinice univerziteta)

- (1) Fakultet je organizaciona jedinica univerziteta koja izvodi univerzitetske studije i razvija stručni i naučni rad u jednom ili više naučnih i stručnih područja.
- (2) Akademija je organizaciona jedinica univerziteta koja organizira i izvodi univerzitetske umjetničke studije, te razvija umjetničko stvaralaštvo i naučnoistraživački rad na području umjetnosti.
- (3) Naučni institut je naučnoistraživačka organizaciona jedinica univerziteta koja obavlja fundamentalna, primijenjena i razvojna istraživanja iz odgovarajućeg naučnog područja i stručnih oblasti.
- (4) Radi obezbjeđenja cjelovitosti studentskog standarda, univerzitet u svom sastavu može imati i studentski centar, kao organizacionu jedinicu.
- (5) Organizacione jedinice nemaju svojstvo pravnog lica.
- (6) Visokoškolska ustanova može na osnovu iskazanih opravdanih akademskih potreba imati i pridružene organizacione jedinice, kao i organizacione jedinice sa posebnim statusom, a što se bliže uređuje osnivačkim aktom ili statutom visokoškolske ustanove.

Član 66.

(Osnivanje i izvođenje naučnih, stručnih i umjetničkih studija)

- (1) Fakultet i umjetnička akademija mogu osnivati i izvoditi univerzitetske naučne, stručne, odnosno umjetničke studije u skladu sa zakonom.
- (2) Naučni institut u sastavu univerziteta može ostvarivati dio akreditovanih studijskih programa iz svih ciklusa studija na univerzitetu, u skladu sa statutom, odnosno općim aktom univerziteta.

Član 67.
(Uvođenje novog studija)

- (1) Fakulteti i akademije mogu se organizovati u visokoškolskoj ustanovi radi uvođenja novih studijskih programa u skladu sa standardima i normativima visokog obrazovanja.
- (2) Ukoliko se na fakultetu izvode studiji iz više obrazovnih i naučnih područja, organizuju se studijski programi za svako obrazovno i naučno područje.

Član 68.
(Ovlaštenja u pravnom prometu)

- (1) Organizaciona jedinica univerziteta može imati određena ovlaštenja u pravnom prometu, kao i poseban obračun rezultata poslovanja, u skladu sa osnivačkim aktom i statutom visokoškolske ustanove.
- (2) Organizacione jedinice iz stava (1) ovog člana, mogu istupati u pravnom prometu pod nazivom univerziteta u čijem su sastavu i svojim nazivom, u skladu sa statutom.
- (3) Sredstvima organizacione jedinice raspolaže rukovodilac te jedinice i bez njegove saglasnosti nije moguće raspolagati prihodima organizacione jedinice, u skladu sa zakonom, statutom i usvojenim finansijskim planom visokoškolske ustanove.
- (4) Statutom se reguliraju pitanja u vezi s otvaranjem trezorskog podračuna organizacione jedinice, način nastupa organizacionih jedinica na tržištu, način raspolaganja novčanim sredstvima koja se ostvare na tržištu, donacijama ili na drugi način van budžetskog finansiranja.

Odjeljak B. Organi organizacionih jedinica

Član 69.
(Organi organizacionih jedinica u sastavu univerziteta)

- (1) Organi fakulteta, akademije i visoke škole kao organizacionih jedinica univerziteta, su:
 - a) naučno-nastavno, odnosno umjetničko-nastavno vijeće,
 - b) dekan.
- (2) Organizacione jedinice univerziteta iz stava (1) ovog člana mogu imati i druge organe u skladu sa statutom visokoškolske ustanove.

Član 70.
(Naučno-nastavno i umjetničko-nastavno vijeće)

- (1) Naučno-nastavno, odnosno umjetničko-nastavno vijeće je akademsko tijelo organizacione jedinice i čine ga svi nastavnici i po jedan predstavnik saradnika matičnih katedri te organizacione jedinice u radnom odnosu, nastavna baza organizacione jedinice, kao i izabrani studenti.
- (2) Rektor i prorektori visokoškolske ustanove su članovi naučno-nastavnog odnosno umjetničko-nastavnog vijeća one organizacione jedinice sa koje dolaze na tu poziciju.
- (3) Nastavnici i saradnici mogu biti u naučno-nastavnom vijeću samo jedne organizacione jedinice.
- (4) Naučno-nastavno, odnosno umjetničko-nastavno vijeće:
 - a) predlaže nastavne planove i programe za sve studijske programe na toj organizacionoj jedinici;
 - b) bira i razriješava dekane i prodekane fakulteta, odnosno umjetničke akademije i visoke škole kao organizacione jedinice univerziteta;
 - c) obrazuje komisije u postupku sticanja naučnog stepena magistra, imenuje mentora i usvaja izvještaje komisije za ocjenu i odbranu magistarskog rada;

- d) odlučuje o prigovorima studenata na odluku dekana o pojedinačnim obavezama i odgovornostima;
- e) obavlja i druge poslove u skladu sa zakonom i statutom visokoškolske ustanove.
- (5) Naučno-nastavno, odnosno umjetničko-nastavno vijeće ima predsjedavajućeg koji priprema i predsjedava sjednicama.
- (6) Predsjedavajući se bira iz reda članova naučno-nastavnog, odnosno umjetničko-nastavnog vijeća, s tim da dekan, prodekani, saradnici i studenti ne mogu biti imenovani za predsjedavajućeg.
- (7) Rad naučno-nastavnog, odnosno umjetničko-nastavnog vijeća biće uređen poslovníkom o radu kojeg donosi vijeće u roku od 30 dana od dana stupanja na snagu ovog zakona.

Član 71.

(Dekan)

- (1) Dekan rukovodi radom i predstavlja i zastupa fakultet, akademiju ili visoku školu kao organizacionu jedinicu univerziteta, predlaže rektoru unutrašnju organizaciju i sistematizaciju radnih mjesta na fakultetu i ima sva prava i obaveze utvrđene osnivačkim aktom i statutom ustanove.
- (2) Dekan se bira na mandat od četiri godine i može biti ponovo izabran.
- (3) Ista osoba se može birati na dva uzastopna mandata u istoj organizacionoj jedinici.
- (4) Dekana bira naučno-nastavno, odnosno umjetničko-nastavno vijeće, a na osnovu javnog konkursa.
- (5) Postupak i kriteriji za imenovanje i razrješenje dekana bliže se uređuju statutom visokoškolske ustanove.
- (6) Dekanu prestaje mandat:
 - a) istekom perioda na koji je imenovan;
 - b) ostavkom;
 - c) prijevremenim razrješenjem;
 - d) izborom na neku drugu funkciju nespojivu sa funkcijom dekana.
- (7) Naučno-nastavno, odnosno umjetničko-nastavno vijeće donosi odluku o razrješenju dekana i prije isteka perioda na koji je izabran odnosno imenovan:
 - a) ako bude pravosnažno osuđen za krivično djelo;
 - b) ako ne izvršava zadatke predviđene zakonom i statutom ili ih izvršava protivno njima;
 - c) prekorači ovlaštenja i time nanese štetu ugledu visokoškolske ustanove, a što se preciznije uređuje statutom;
 - d) zbog neopravdane odsutnosti ili spriječenosti da u neprekidnom periodu dužem od tri mjeseca obavlja dužnost;
 - e) ako svojim ponašanjem povrijedi ugled funkcije dekana.
- (8) Obrazložen zahtjev za razrješenje dekana, zbog jednog ili više razloga navedenih u stavu (6) ovog člana, naučno-nastavnom, odnosno umjetničko-nastavnom vijeću može podnijeti ministar u ime osnivača visokoškolske ustanove kao javne ustanove, osnivač visokoškolske ustanove kao ustanove, upravni odbor visokoškolske ustanove ili rektor visokoškolske ustanove.

Član 72.

(Organi instituta)

- (1) Organi instituta kao organizacione jedinice univerziteta su direktor i naučno vijeće.
- (2) Institut može imati i druge organe u skladu sa statutom visokoškolske ustanove.
- (3) Naučno vijeće instituta čine šefovi podorganizacionih jedinica instituta i zaposlenici instituta izabrani u naučna zvanja ili u zvanje istraživača savjetnika.
- (4) Naučno vijeće u okviru svoje nadležnosti:

- a) predlaže senatu visokoškolske ustanove programe naučnoistraživačkog i stručnog rada instituta i programe stručnog usavršavanja;
 - b) imenuje komisije za pripremanje prijedloga za izbor u naučna i istraživačka zvanja;
 - c) utvrđuje prijedlog za izbor kandidata u naučna i istraživačka zvanja;
 - d) bira direktora instituta na osnovu javnog konkursa;
 - e) utvrđuje prijedlog za stručno usavršavanje u zemlji i inostranstvu;
 - f) utvrđuje prijedlog za realizaciju praktične nastave;
 - g) utvrđuje naučnoistraživačke projekte;
 - h) utvrđuje strateške projekte za razvoj instituta;
 - i) brine se o nabavci i održavanju naučnoistraživačke infrastrukture;
 - j) obavlja i druge poslove u skladu sa statutom i drugim općim aktima visokoškolske ustanove.
- (5) Bliže odredbe o nadležnostima naučnog vijeća sadržane su u statutu visokoškolske ustanove.
- (6) Naučno vijeće ima predsjedavajućeg koji priprema i predsjedava sjednicama.
- (7) Predsjedavajući se bira iz reda članova vijeća, s tim da direktor ne može biti imenovan za predsjedavajućeg.
- (8) Rad vijeća biće uređen poslovníkom o radu kojeg donosi vijeće u roku od 30 dana od dana stupanja na snagu ovog zakona.

Član 73.

(Direktor instituta)

- (1) Organ rukovođenja naučnog instituta je direktor.
- (2) Direktor naučnog instituta obavlja poslove utvrđene zakonom i statutom visokoškolske ustanove, a naročito:
 - a) predstavlja institut i ima prava i obaveze u skladu sa statutom visokoškolske ustanove;
 - b) predlaže rektoru unutrašnju organizaciju i sistematizaciju radnih mjesta na institutu;
 - c) donosi pojedinačne akte u skladu sa zakonom i statutom visokoškolske ustanove;
 - d) odlučuje u prvom stepenu o pojedinačnim pravima, obavezama i odgovornostima zaposlenika iz radnog odnosa ili u vezi sa radnim odnosom na institutu;
 - e) organizuje naučnoistraživački i stručni rad na institutu i predlaže mjere za njegovo poboljšanje;
 - f) za svoj rad odgovara vijeću instituta i rektoru, za rad iz domena finansijskog poslovanja odgovara rektoru.
 - g) obavlja i druge poslove u skladu sa zakonom i statutom visokoškolske ustanove.

Član 74.

(Mandat direktora instituta)

- (1) Direktor se bira na mandat od četiri godine i može biti ponovo izabran.
- (2) Ista osoba se može imenovati na dva uzastopna mandata u tom naučnom institutu.
- (3) Za direktora instituta bira se lice koje pored općih zakonskih uslova ima naučni stepen doktora nauka i izbor u jedno od naučno-nastavnih zvanja (redovni profesor, vanredni profesor, docent), odnosno naučnih zvanja (naučni savjetnik, viši naučni saradnik, naučni saradnik), ukoliko ispunjava uslove za to zvanje na visokoškolskoj odnosno naučnoj ustanovi.
- (4) Direktora instituta bira naučno vijeće, a na osnovu javnog konkursa.
- (5) Bliže odredbe o postupku izbora i razrješenja, te razlozima za smjenu direktora instituta prije isteka mandata, poslovima, odgovornostima i ostalim pitanjima koja se odnose na funkciju direktora sadržane su u statutu visokoškolske ustanove.

Član 75.

(Direktor studentskog centra)

- (1) Organ rukovođenja studentskog centra je direktor.
- (2) Direktor studentskog centra obavlja poslove utvrđene zakonom i statutom visokoškolske ustanove, a naročito:
 - a) predstavlja studentski centar i ima prava i obaveze u skladu sa statutom univerziteta;
 - b) predlaže rektoru unutrašnju organizaciju i sistematizaciju radnih mjesta u studentskom centru;
 - c) donosi pojedinačne akte u skladu sa zakonom i statutom visokoškolske ustanove;
 - d) odlučuje u prvom stepenu o pojedinačnim pravima, obavezama i odgovornostima zaposlenika iz radnog odnosa ili u vezi sa radnim odnosom u studentskom centru;
 - e) predlaže promjenu i proširivanje djelatnosti i organizacije studentskog centra;
 - f) predlaže mjere za poboljšanje i unapređenje procesa rada u studentskom centru;
 - g) za svoj rad odgovara rektoru visokoškolske ustanove;
 - h) obavlja i druge poslove u skladu sa zakonom i statutom visokoškolske ustanove.

Član 76.

(Mandat direktora centra)

- (1) Direktor se bira na mandat od četiri godine i može biti ponovo izabran.
- (2) Ista osoba može se imenovati na dva uzastopna mandata.
- (3) Direktora bira upravni odbor visokoškolske ustanove, a na osnovu javnog konkursa.
- (4) Za direktora centra bira se lice koje pored općih zakonskih uslova ima visoku stručnu spremu i najmanje tri godine radnog iskustva na odgovarajućim rukovodećim poslovima.
- (5) Bliže odredbe o postupku izbora i razrješenja, te razlozima za smjenu direktora centra prije isteka mandata, poslovima, odgovornostima i ostalim pitanjima koja se odnose na funkciju direktora sadržane su u statutu visokoškolske ustanove.

POGLAVLJE II. IZBOR U NAUČNO-NASTAVNA ZVANJA

Odjeljak A. Naučno-nastavna i umjetnička zvanja

Član 77.

(Naučno-nastavna i umjetnička zvanja)

- (1) Univerzitet dodjeljuje naučno-nastavna i umjetnička zvanja, i to:
 - a) redovni profesor;
 - b) vanredni profesor;
 - c) docent;
 - d) lektor;
 - e) viši asistent;
 - f) asistent.
- (2) Visoka škola dodjeljuje nastavna i umjetnička zvanja, i to:
 - a) profesor visoke škole;
 - b) predavač visoke škole;
 - c) asistent.

Član 78.

(Period na koji se bira akademsko osoblje)

- (1) Period na koji se bira akademsko osoblje na univerzitetu je:
 - a) asistent na period od četiri godine bez mogućnosti reizbora;

- b) viši asistent na period od pet godina s mogućnošću ponovnog izbora isključivo ako postigne stepen trećeg ciklusa;
 - c) lektor na period od pet godina bez mogućnosti reizbora;
 - d) docent na period od pet godina s mogućnošću ponovnog izbora;
 - e) vanredni profesor na period od šest godina s mogućnošću ponovnog izbora;
 - f) redovni profesor trajno.
- (2) Redovni profesor zaključuje ugovor o radu na neodređeno vrijeme.
 - (3) Period na koji se bira akademsko osoblje na visokoj školi je:
 - a) asistent na period od četiri godine bez mogućnosti reizbora;
 - b) predavač visoke škole na period od pet godina s mogućnošću ponovnog izbora;
 - c) profesor visoke škole trajno.

Član 79.

(Način izbora akademskog osoblja)

- (1) Izbor akademskog osoblja vrši se javnim konkursom, u skladu sa kriterijima određenim zakonom, statutom visokoškolske ustanove i općeprihvaćenim standardima u datoj struci.
- (2) Konkurs iz stava (1) ovog člana obavezno se raspisuje za sva akademska zvanja, na način kojim se osigurava jednaka akademska konkurencija, bez bilo kakvih oblika diskriminacije u odnosu na postojeći radno-pravni status kandidata, i koji se objavljuje u najmanje jednom dnevnom listu, kao i na službenoj internet stranici visokoškolske ustanove.
- (3) Izuzetno, kada se nastava zbog nedostatka kadra ne može realizirati angažmanom nastavnika i saradnika koji je u radnom odnosu, visokoškolska ustanova može angažovati izabranog nastavnika, višeg asistenta ili asistenta, bez zasnivanja radnog odnosa radi održavanja nastave, u skladu sa statutom.
- (4) Sa licima iz stava (3) ovog člana visokoškolska ustanova zaključuje ugovor o realizaciji nastave u skladu sa općim aktom.
- (5) Konkurs za napredovanje nastavnika obavezno se raspisuje u više i isto zvanje, a akademsko osoblje visokoškolske ustanove koje ne zadovolji uslove za napredovanje u više zvanje (docent, vanredni profesor i redovni profesor) ima pravo na jedan reizbor u isto nastavničko odnosno saradničko zvanje (viši asistent isključivo ako postigne stepen trećeg ciklusa).
- (6) Sa nastavnikom koji i nakon reizbora ne ispuni uslove za napredovanje visokoškolska ustanova će raskinuti postojeći ugovor ili će mu ponuditi zaključenje novog ugovora pod promijenjenim uslovima, te je obavezna raspisati javni konkurs za izbor.
- (7) U slučaju prvog izbora u akademsko zvanje nastavnik, asistent ili viši asistent je obavezan u roku od jedne godine od dana izbora dostaviti uvjerenje kojim se dokazuje da posjeduje minimum pedagoškog obrazovanja.
- (8) Visokoškolska ustanova minimum pedagoškog obrazovanja iz stava (7) ovog člana utvrđuje svojim statutom.

Odjeljak B. Prava i obaveze

Član 80.

(Prava i obaveze po pitanju akademskog izbora)

- (1) Nastavnik ne može biti biran u više naučno-nastavno, umjetničko-nastavno i nastavno zvanje prije isteka roka iz člana 78. ovog zakona.

- (2) Nastavnik koji je izabran u isto naučno-nastavno, odnosno umjetničko-nastavno zvanje (izbor u isto zvanje), koji ispuní uslove za izbor u više zvanje, može podnijeti inicijativu za pokretanje postupka za izbor u više zvanje i prije isteka roka iz člana 78. ovog zakona, pri čemu se uzimaju u obzir i ispunjeni uslovi od posljednjeg izbora.
- (3) Prijedlog za pokretanje postupka za izbor u više ili isto zvanje, prema senatu visokoškolske ustanove podnosi naučno-nastavno vijeće fakulteta, odnosno akademije, na osnovu zahtjeva katedre koja pokreće zahtjev prema naučno-nastavnom vijeću fakulteta, odnosno akademije, na osnovu pismenog zahtjeva nastavnika ili saradnika.
- (4) Komisija za pripremanje prijedloga za izbor dužna je dostaviti prijedlog u roku od 30 dana od imenovanja i isti dostaviti naučno-nastavnom vijeću fakulteta, odnosno umjetničko-nastavnom vijeću akademije.
- (5) Na osnovu prijedloga komisije naučno-nastavno vijeće utvrđuje prijedlog za izbor u daljem roku od 15 dana i dostavlja ga senatu univerziteta.
- (6) Senat univerziteta donosi odluku o izboru u roku od 30 dana od dana dostavljanja prijedloga uz navođenje pravne pouke nezadovoljnom kandidatu za izbor u akademsko zvanje.
- (7) Kandidat za izbor u naučno-nastavno i umjetničko-nastavno zvanje koji je nezadovoljan odlukom senata univerziteta može podnijeti zahtjev za preispitivanje odluke o izboru.
- (8) Zahtjev se podnosi senatu univerziteta u roku od 15 dana od dana prijema odluke o izboru.
- (9) Senat donosi odluku o izboru, najkasnije u roku od 30 dana od dana prijema zahtjeva za preispitivanje donesene odluke o izboru, nakon čega je osigurana redovna sudska nadležnost.

Član 81.

(Registar časopisa i zbornika)

- (1) Senat visokoškolske ustanove formira registar časopisa i zbornika sa naučnih skupova koji se koristi pri izboru u naučno-nastavna i umjetničko-nastavna zvanja.
- (2) Način upisa u registar časopisa i zbornika radova visokoškolske ustanove bliže se reguliše pravilnikom i procedurama za izbor i napredovanje nastavnika i saradnika koji donosi senat.
- (3) Pri ocjeni validnosti publikacija vodi se računa o međunarodnom ugledu, referentnosti, načinu recenzija radova i drugim relevantnim pokazateljima.

Član 82.

(Reference za izbor u zvanja)

- (1) Pod priznatom publikacijom za izbor u naučno-nastavna zvanja podrazumijeva se naučni časopis, zbornik radova sa konferencije u štampanoj ili elektronskoj formi koji su upisani u Registar iz člana 81. ovog zakona.
- (2) Pod objavljenom knjigom u smislu ovog zakona podrazumijeva se tematski cjelovit i kompaktan recenziran naučni ili stručni sadržaj u štampanoj ili elektronskoj formi koji:
 - a) obrađuje tematiku iz naučne oblasti za koju se vrši izbor;
 - b) je dobio najmanje dvije afirmativne recenzije;
 - c) je katalogiziran, odnosno da ima ISBN broj;

Odjeljak C. Uslovi za izbor

Član 83. (Uslovi za izbor u naučno-nastavna zvanja)

Uslovi za izbor akademskog osoblja u naučno-nastavna zvanja na visokoškolskoj ustanovi su:

- a) redovni profesor: proveden najmanje jedan izborni period u zvanju vanrednog profesora, najmanje dvije objavljene knjige, najmanje osam naučnih radova objavljenih u priznatim publikacijama, sve nakon sticanja zvanja vanrednog profesora, te uspješno mentorstvo ili komentorstvo kandidata za stepen drugog i trećeg ciklusa;
- b) vanredni profesor: proveden najmanje jedan izborni period u zvanju docenta, najmanje pet naučnih radova objavljenih u priznatim publikacijama, objavljena knjiga i originalni stručni uspjeh kao što je projekt, patent ili originalni metod, sve nakon izbora u zvanje docenta, te mentorstvo kandidata za stepen drugog ciklusa;
- c) docent: naučni stepen doktora u datoj oblasti, najmanje tri naučna rada objavljena u priznatim publikacijama, pokazane nastavničke sposobnosti;
- d) lektor: završen stepen drugog ciklusa (magisterij);
- e) viši asistent: završen stepen drugog ciklusa (magisterij) , i
- f) asistent: završen studij prvog ciklusa sa 240 ECTS bodova ili studij drugog ciklusa, sa prosječnom ocjenom ne manjom od 8,00 ili 3,50

Član 84. (Uslovi za izbor u umjetničko-nastavna zvanja)

Uslovi za izbor u umjetničko-nastavna zvanja u koja se bira akademsko osoblje na studijskim profilima na univerzitetu, su:

- a) redovni profesor: prethodno proveden najmanje jedan izborni period u zvanju vanrednog profesora, završen stepen najmanje prvog ciklusa, veći broj javno predstavljenih umjetničkih projekata koji su doprinijeli razvoju kulture i umjetnosti i dali doprinos podizanju nivoa nastavnog i umjetničkog kadra;
- b) vanredni profesor: proveden najmanje jedan izborni period u zvanju docenta, završen stepen najmanje prvog ciklusa, veći broj javno predstavljenih umjetničkih projekata, priznanja za uspješno djelovanje u odgovarajućoj oblasti i rezultati u nastavnom radu;
- c) docent: završen stepen najmanje prvog ciklusa, veći
- d) broj javno predstavljenih umjetničkih projekata i rezultati u nastavnom radu;
- e) viši asistent: završen stepen najmanje prvog ciklusa i javno predstavljeni umjetnički projekti;
- f) asistent: završen stepen prvog ciklusa s najmanje 240 ECTS bodova i prosječnom ocjenom 8 ili 3,5.

Član 85. (Uslovi za izbor u nastavna zvanja na visokoj školi)

- (1) Minimalni uslovi za izbor u nastavna zvanja na visokoj školi su:
 - a) profesor visoke škole: završen stepen trećeg ciklusa i pokazana nastavna sposobnost;
 - b) predavač visoke škole: završen stepen drugog ciklusa i pokazana nastavna sposobnost;
 - c) asistent: završen stepen prvog ciklusa, s najmanjom prosječnom ocjenom 8 ili 3,5.
- (2) Na visokoj školi nastavu mogu izvoditi i lica koja imaju zvanja redovnog profesora, vanrednog profesora i docenta, birana na univerzitetima.

Član 86.
(Uslovi za izbor u umjetnička zvanja na visokoj školi)

Minimalni uslovi za izbor u umjetnička zvanja na visokoj školi su:

- a) profesor visoke škole: nakon sticanja zvanja predavača, završen stepen najmanje prvog ciklusa, istaknuti javno predstavljeni oblici umjetničkog stvaralaštva i pokazana nastavna sposobnost;
- b) predavač visoke škole: u periodu od posljednjeg izbora, završen stepen najmanje prvog ciklusa, javno predstavljeni oblici umjetničkog stvaralaštva i pokazana nastavna sposobnost;
- c) asistent: završen stepen prvog ciklusa, s najmanjom prosječnom ocjenom 8 ili 3,5

Član 87.
(Izvođenje nastave na umjetničko-nastavnim predmetima)

Na visokoj školi nastavu mogu izvoditi i lica koja imaju izbor na umjetničko-nastavnim predmetima na univerzitetima.

DIO DESETI - RADNI ODNOSI

Član 88.
(Zasnivanje radnog odnosa u javnoj visokoškolskoj ustanovi)

- (1) Radni odnos u javnoj visokoškolskoj ustanovi zasniva se putem javnog konkursa, odnosno javnog oglasa.
- (2) Nenastavno osoblje (radnici za obavljanje drugih poslova osnovne djelatnosti visokoškolske ustanove, administrativnih, tehničkih, pomoćno-tehničkih i pomoćnih poslova) može putem internog oglasa napredovati na neposredno više radno mjesto ili platni razred u okviru iste stručne spreme pod uslovima i na način utvrđen općim aktima visokoškolske ustanove.
- (3) Svi radnici visokoškolske ustanove obavljaju ljekarske sistemske preglede prije početka nastave za tu akademsku godinu.
- (4) Podaci o zdravstvenom stanju radnika se koriste u skladu sa važećim propisima zaštite ličnih podataka.
- (5) Sredstva za obavljanje ljekarskog pregleda iz stava (2) ovog člana obezbjeđuje visokoškolska ustanova.
- (6) Kriteriji, postupak i druga pitanja zasnivanja radnog odnosa i obavljanja ljekarskih pregleda u javnoj visokoškolskoj ustanovi uređuju se općim aktom visokoškolske ustanove.

Član 89.
(Dodatno radno angažovanje)

- (1) Nastavnik, odnosno saradnik može zaključiti ugovor kojim se angažuje na drugoj visokoškolskoj ustanovi ili kod drugog pravnog lica samo ako takav rad ne remeti normirani oblik rada i sedmični fond sati u visokoškolskoj ustanovi kod koje je u radnom odnosu, niti bi dovodio do sukoba interesa, a uz prethodno odobrenje visokoškolske ustanove sa kojom ima zasnovan radni odnos.
- (2) Prethodno odobrenje za angažman nastavnika i saradnika daje senat visokoškolske ustanove.
- (3) Općim aktom visokoškolske ustanove bliže se propisuju uslovi i postupak za davanje i oduzimanje odobrenja iz stava (1) ovog člana

Član 90.
(Plaćeno odsustvo)

Akademskom osoblju visokoškolske ustanove, može se odobriti plaćeno odsustvo u trajanju do dva semestra radi naučnog, stručnog ili umjetničkog usavršavanja, u skladu sa statutom visokoškolske ustanove.

Član 91.
(Mirovanje radnog odnosa)

Pored razloga utvrđenih zakonom, nastavniku i saradniku u visokoškolskoj ustanovi se može odobriti neplaćeno odsustvo, u trajanju do jedne godine za koji period mu miruju prava i obaveze iz radnog odnosa, u slučajevima utvrđenim statutom visokoškolske ustanove.

Član 92.
(Mirovanje prava za izbor u naučna zvanja)

- (1) Nastavniku i saradniku koji je na neplaćenom odsustvu, porodiljskom odsustvu i odsustvu radi njege djeteta, bolovanju preko tri mjeseca, kao i imenovanim na javnu funkciju u organima vlasti za vrijeme obavljanja javne funkcije i u drugim slučajevima utvrđenim zakonom, rokovi za izbor u naučna zvanja miruju i ne uračunavaju se u izborni period, ukoliko je to za njega povoljnije.
- (2) Izuzetno, za vrijeme trajanja proglašenja stanja prirodne nesreće ili stanja epidemije ili pandemije ili ratnog stanja, asistent i viši asistent mogu produžiti izborni period utvrđen stavom (1) ovog člana, a najduže 18 mjeseci od dana isteka izbornog perioda, o čemu konačnu odluku donosi senat visokoškolske ustanove.

Član 93.
(Penzionisanje nastavnika)

- (1) Nastavniku prestaje radni odnos na visokoškolskoj ustanovi na kraju akademske godine u kojoj je navršio 70 godina života.
- (2) Izuzetno od prethodnog stava, nastavnik može biti penzionisan na vlastiti zahtjev, ako ispunjava uslove za starosnu, prijevremenu i invalidsku penziju propisane Zakonom o penzijskom i invalidskom osiguranju („Službene novine Federacije Bosne i Hercegovine“, broj: 13/18, 93/19 - odluka US, 90/21 i 19/22).

Član 94.
(Zaštita prava akademskog osoblja i drugog osoblja)

- (1) Zaštita prava akademskog i drugog osoblja na visokoškolskoj ustanovi ostvaruje se u skladu sa zakonom, statutom i drugim aktima visokoškolske ustanove.
- (2) U pogledu prava i obaveza iz radnog odnosa akademskog i drugog osoblja u visokoškolskoj ustanovi primjenjuju se odredbe Zakona o radu, ako ovim zakonom nije drugačije uređeno.

DIO JEDANAESTI - STUDENTI

POGLAVLJE I. UPIS STUDENATA, UPISNA POLITIKA, KRITERIJI

Odjeljak A. Upis studenata

Član 95.

(Upis studenata)

- (1) Na odobrene, odnosno akreditovane studijske programe upisuju se kandidati pod uslovima utvrđenim zakonom i općim aktom visokoškolske ustanove.
- (2) Studenti ostvaruju prava i izvršavaju obaveze u toku studija u skladu sa zakonom, statutom i drugim općim aktima visokoškolske ustanove.

Član 96.

(Indeks)

- (1) Lice koje se upiše na studijske programe stiče status studenta i visokoškolska ustanova mu izdaje indeks.
- (2) Sadržaj i oblik indeksa propisuje ministar.

Član 97.

(Ugovor)

- (1) Studenti koji su primljeni i upisani u visokoškolsku ustanovu stupaju u ugovorni odnos sa tom ustanovom, odnosno fakultetom ili umjetničkom akademijom i drugim organizacionim jedinicama univerziteta u skladu sa zakonom, podzakonskim aktima i statutom.
- (2) Visokoškolska ustanova i student zaključuju ugovor u pismenoj formi.
- (3) Bitni elementi ugovora utvrđuju se statutom.

Član 98.

(Upisna politika)

- (1) Upisnom politikom definiraju se uslovi, procedure i kriteriji za prijem studenata svih studijskih ciklusa na visokoškolsku ustanovu.
- (2) Na temelju upisne politike visokoškolska ustanova će osigurati sljedeće:
 - a) propisati pravila i procedure za prijem i upis studenata na osnovu kriterija koji će obezbijediti transparentne i jasno definirane uslove za upis;
 - b) osigurati promotivni materijal sa relevantnim sadržajem, tačnim podacima koji se odnose na vrijeme
 - c) upisa, koji će biti dostupan zainteresiranim kandidatima;
 - d) osigurati transparentnost procedura selekcije kandidata za upis, pažljivo i efikasno provođenje istih, vodeći računa o povjerljivosti podataka o studentima;
 - e) osigurati da potencijalni kandidati budu obaviješteni o svim informacijama relevantnim za prijem i upis;
 - f) osigurati da odabrani studenti budu obaviješteni o svim značajnijim promjenama od vremena kada je objavljen konkurs za upis, kao i da studenti budu obaviješteni o svim opcijama koje imaju na raspolaganju u datim okolnostima;
 - g) upoznati studente koji su uspješno prošli prijemne procedure o pravilima upisa, mogućnostima koje se pružaju studentima kao podrška učenju ili poboljšanju studentskog standarda.

Član 99.

(Kriteriji za odabir kandidata)

- (1) Upis na studij obavlja se na osnovu javnog konkursa koji sadrži: uslove za upis, broj mjesta za upis, postupak, podatke o ispravama koje se podnose, kao i rokovima za podnošenje prijave.
- (2) Visokoškolska ustanova utvrđuje postupak odabira kandidata i kriterije na osnovu kojih se vrši klasifikacija i odabir kandidata za upis.
- (3) Kandidat za upis na studij prvog ciklusa polaže prijemni ispit ili ispit za provjeru sklonosti i sposobnosti, u skladu sa općim aktom visokoškolske ustanove.

Član 100.

(Upis stranih državljana i lica bez državljanstva)

Strani državljanin i lice bez državljanstva može se upisati na studijske programe pod istim uslovima kao i domaći državljanin, u skladu sa ovim zakonom i statutom visokoškolske ustanove.

Odjeljak B. Prava i obaveze studenata

Član 101.

(Prava studenata)

- (1) Studenti imaju sljedeća prava:
 - a) prisustvovanje svim predavanjima, seminarima i drugim oblicima nastave organiziranim u okviru njihovih predmeta u skladu sa njihovim statusom i zavisno od mogućnosti i drugih oblika organizirane nastave;
 - b) na konsultacije i mentorski rad;
 - c) na završetak studija u kraćem roku;
 - d) izjašnjavanje o kvaliteti nastave i nastavnika;
 - e) pritužbi u slučaju povrede studentskih prava utvrđenih zakonom, statutom ili drugim općim aktom visokoškolske ustanove;
 - f) korištenje biblioteke i drugih usluga za studente;
 - g) učestvovanje na izborima za studentska mjesta u studentskim predstavničkim tijelima i drugim tijelima ustanovljenim u skladu sa statutom visokoškolske ustanove;
 - h) na blagovremeno i tačno informiranje o svim pitanjima koja se odnose na studije;
 - i) na samoorganiziranje i izražavanje vlastitog mišljenja;
 - j) na ravnopravnost u pogledu uslova studija i tretmana u visokoškolskoj ustanovi, kao i na povlastice koje nosi status studenta;
 - k) na različitost i zaštitu od diskriminacije;
 - l) na priznavanje i prijenos bodova između visokoškolskih ustanova u Bosni i Hercegovini;
 - m) iznijeti svoja viđenja u pogledu kvaliteta nastave ili drugih usluga visokoškolske ustanove;
 - n) druga prava utvrđena statutom i drugim općim aktima visokoškolske ustanove.
- (2) Visokoškolska ustanova je dužna organizirati studentske i druge službe na način ažurnog, stručnog i kvalitetnog pružanja usluga studentima i dostupnosti istih u toku radnog vremena visokoškolske ustanove.
- (3) Način ostvarivanja prava studenata bliže se uređuje statutom.

Član 102.

(Obaveze studenata)

Studenti imaju sljedeće obaveze:

- a) pridržavati se pravila koje je propisala visokoškolska ustanova;
- b) ispunjavati nastavne i druge obaveze;
- c) ukazivati dužno poštovanje prema pravima osoblja i drugih studenata u visokoškolskoj ustanovi;
- d) ukazivati dužnu i punu pažnju svom studiju i učestvovati u akademskim aktivnostima.

Član 103.

(Sadržaj statuta u odnosu na studente)

Statut visokoškolske ustanove obavezno sadrži odredbe koje:

- a) osiguravaju slobodu studenata da, u skladu sa zakonom, ispituju i testiraju primljena znanja i da nude nove ideje i kontroverzna i nepopularna mišljenja, a da se time ne izlažu opasnosti od gubitka svog statusa ili bilo koje druge privilegije koju, eventualno u visokoškolskoj ustanovi uživaju;
- b) osiguravaju, u skladu sa zakonom, slobodu govora, organiziranja i okupljanja studenata;
- c) štite studente od diskriminacije prema bilo kom osnovu kao što je spol, rasa, seksualna orijentacija, fizički ili drugi nedostatak, bračno stanje, boja kože, jezik, vjeroispovijest, političko ili drugo mišljenje, nacionalno, etničko ili socijalno porijeklo, veza s nekom nacionalnom zajednicom, imovina, rođenje, starosna dob ili neki drugi status;
- d) pružaju pravične i nepristrasne mehanizme rješavanja pitanja disciplinske odgovornosti studenata.

Član 104.

(Disciplinska odgovornost studenta)

- (1) Student odgovara za povredu obaveze koja je u vrijeme izvršenja bila utvrđena općim aktom visokoškolske ustanove.
- (2) Za težu povredu obaveze studentu se može izreći i mjera isključenja sa studija na visokoškolskoj ustanovi.
- (3) Disciplinski postupak ne može se pokrenuti po isteku šest mjeseci od dana saznanja za povredu obaveze i počinioca, a najkasnije 12 mjeseci od dana kada je povreda učinjena.
- (4) Općim aktom visokoškolske ustanove utvrđuju se teže i lakše povrede obaveze, disciplinski organi i postupak za utvrđivanje odgovornosti studenta.

Član 105.

(Pravo na sudsku zaštitu)

Studenti imaju pravo pred nadležnim sudom osporiti sve konačne odluke visokoškolske ustanove, koje se na njih odnose.

Član 106.

(Osiguranje adekvatnih uslova osobama sa posebnim obrazovnim potrebama)

Visokoškolska ustanova će osigurati adekvatne uslove za pristup studiju, studiranje i rad osoba sa posebnim obrazovnim potrebama.

Odjeljak C. Prestanak statusa studenata

Član 107.

(Prestanak statusa studenta)

- (1) Status studenta prestaje završetkom studijskog programa i dobivanjem stepena za koji se školuje, ispisom iz visokoškolske ustanove prije završetka studija, odnosno kada student ne upiše narednu godinu studija, ne obnovi upis u istu godinu u propisanom roku, a ne miruju mu prava i obaveze studenta.
- (2) Status redovnog studenta prestaje:
 - a) ako visokoškolska ustanova redovnom studentu izrekne disciplinsku mjeru prestanka statusa redovnog studenta u postupku utvrđenom općim aktom visokoškolske ustanove;
 - b) kada redovni student dva puta obnovi istu studijsku godinu i ne stekne uslove za upis u višu godinu studija.
- (3) Prestankom statusa studenta prestaje njegovo članstvo u organima visokoškolske ustanove bez obzira na mandat.

Član 108.

(Pojedinačna prava i obaveze studenata i primjena Zakona o upravnom postupku)

- (1) Visokoškolska ustanova rješava o pojedinačnim pravima i obavezama studenta, a naročito o:
 - a) upisu kandidata u prvu godinu studija;
 - b) upisu studenta u narednu godinu studija;
 - c) pravu studenta na izdavanje diplome;
 - d) mjeri isključenja;
 - e) obavezi plaćanja troškova studija,
 - f) drugim slučajevima utvrđenim zakonom.
- (2) Kada se rješava o pravima i obavezama studenata iz stava (1) ovog člana visokoškolska ustanova postupa po Zakonu o upravnom postupku („Službene novine Federacije BiH“, broj: 02/98 i 48/99).

POGLAVLJE II. STUDENTSKI PREDSTAVNIČKI ORGAN

Član 109.

(Studentski predstavnički organ)

- (1) Studenti svoje interese ostvaruju organizirani kroz studentski predstavnički organ.
- (2) Studentski predstavnički organ univerziteta čine izabrani predstavnici studenata fakulteta, visokih škola i akademija univerziteta iz sva tri studijska ciklusa.
- (3) Studentski predstavnički organ visoke škole čine predstavnici studenata iz svih studijskih programa i svih studijskih godina.
- (4) Statut ili drugi akt visokoškolske ustanove obavezno sadrži odredbe o načinu, izboru i broju članova studentskog predstavničkog tijela.
- (5) Studentski predstavnički organ radi po principu reprezentativnosti, na način da se osigura adekvatno proporcionalno zastupanje studenata u skladu sa stavovima (2) i (3) ovog člana.

Član 110.

(Izbor i razrješenje studentskih predstavnika)

- (1) Studentske predstavnike u organe visokoškolske ustanove bira i razrješava predstavnički organ.
- (2) Studentski predstavnički organ zastupa interese studenata i daje doprinos društvenim, kulturnim, akademskim ili fizičko-rekreativnim potrebama studenata na osnovu demokratskih principa i u skladu sa zakonom.
- (3) Studentski predstavnički organi mogu osnovati ili pristupiti asocijaciji studentskih predstavničkih organa u Bosni i Hercegovini, putem kojih se ostvaruje članstvo u međunarodnim organizacijama i asocijacijama studenata.

Član 111.

(Saradnja visokoškolskih ustanova)

Saradnja visokoškolske ustanove sa drugim studentskim udruženjima, organizacijama i asocijacijama koje okupljaju studente odvija se preko univerzitetskog studentskog predstavničkog organa ili studentskog predstavničkog organa visoke škole.

Član 112.

(Uređivanje rada studentskog predstavničkog organa)

- (1) Studentski predstavnički organ donosi poslovnik o radu, kojim se uređuje način rada studentskog predstavničkog organa.
- (2) Studenti obavezno učestvuju u donošenju akata kojima se uređuje rad studentskog predstavničkog organa i druga pitanja koja se tiču prava, obaveza i odgovornosti studenata.

Član 113.

(Stalno stručno usavršavanje)

- (1) Stalne i povremene oblike stručnog usavršavanja organizira visokoškolska ustanova putem organizacionih jedinica.
- (2) Program stručnog usavršavanja donosi senat na svoju inicijativu ili na prijedlog naučno-nastavnog vijeća fakulteta, odnosno nastavno-umjetničkog vijeća akademije.
- (3) O učešću u pojedinim oblicima stručnog usavršavanja kandidatu se izdaju odgovarajuća uvjerenja.

DIO DVANAESTI - VISOKOOBRAZOVNA DJELATNOST

POGLAVLJE I. NAČIN STUDIRANJA, CIKLUSI STUDIRANJA, STUDIJSKI PROGRAMI

Odjeljak A. Način studiranja

Član 114.

(Način studiranja)

- (1) Visoko obrazovanje može se sticati redovno, vanredno, učenjem na daljinu ili kombiniranjem ova tri načina studiranja, na način utvrđen statutom.
- (2) Visokoškolska ustanova odnosno njene organizacione jedinice u okviru svoje djelatnosti mogu obavljati naučnoistraživačku, umjetničku, ekspertsko-konsultantsku i izdavačku djelatnost, a mogu da obavljaju i druge poslove iz naučnog, stručnog, istraživačkog i umjetničkog rada, pod uslovom da se tim poslovima ne ugrožava kvalitet nastave.

- (3) Visokoškolska ustanova odnosno fakultet, umjetnička akademija i visoka škola kao organizaciona jedinica u okviru svoje djelatnosti može realizirati programe cjeloživotnog učenja van okvira studijskih programa za koje je dobila dozvolu za rad, na način utvrđen općim aktom visokoškolske ustanove.
- (4) Lice koje je upisano na program iz stava (3) ovog člana nema status studenta i nakon uspješno savladanog programa izdaje mu se uvjerenje.

Član 115.

(Organizacija predavanja nastave za studente)

- (1) Visokoškolska ustanova je dužna organizirati predavanja i druge oblike nastave za sve studente, osim pri organiziranju studijskog programa na daljinu, u skladu sa općim aktom visokoškolske ustanove.
- (2) Bliže uslove i način organiziranja studijskog programa na daljinu propisuje ministar.

Član 116.

(Informiranje studenata o održavanju nastave)

- (1) Visokoškolska ustanova je dužna na odgovarajući način informirati studente o:
 - a) načinu, vremenu i mjestu održavanja nastave;
 - b) ciljevima, metodama i sadržajima nastave;
 - c) sadržajima, metodama, kriterijima i mjerilima ispitivanja;
 - d) načinu obezbjeđenja javnosti na ispitu i načinu uvida u rezultate;
 - e) kao i o drugim pitanjima od značaja za studente.
- (2) Način informiranja studenata o pitanjima iz stava (1) ovog člana bliže se uređuje općim aktom visokoškolske ustanove.

Član 117.

(Angažman studenata)

- (1) Zbir od 60 ECTS bodova odgovara prosječnom ukupnom angažmanu studenta u obimu 40-satne radne sedmice tokom jedne školske godine.
- (2) Ukupno angažiranje studenta sastoji se od nastave (predavanja, vježbe, praksa, seminari i drugo), samostalnog rada, kolokvija, ispita, izrade završnih radova, dobrovoljnog rada u lokalnoj zajednici i ostalih vidova angažiranja.

Odjeljak B. Ciklusi studiranja

Član 118.

(Ciklusi studiranja)

- (1) Visoko obrazovanje organizuje se u tri ciklusa:
 - a) prvi ciklus ili dodiplomski studij vodi do akademskog zvanja završenog dodiplomskog studija (the degree of Bachelor) ili ekvivalenta, stečenog nakon najmanje tri i najviše četiri godine redovnog studija nakon sticanja svjedočanstva o završenoj srednjoj školi, koji se vrednuje sa najmanje 180 odnosno 240 ECTS bodova;
 - b) drugi ciklus ili postdiplomski studij vodi do akademskog zvanja magistra ili ekvivalenta, stečenog nakon završenog dodiplomskog studija i traje jednu ili dvije godine, a vrednuje se sa 60, odnosno 120 ECTS bodova, i to tako da u zbiru sa prvim ciklusom nosi 300 ECTS bodova;

- c) treći ciklus vodi do akademskog zvanja doktora ili ekvivalenta, traje tri godine, i vrednuje se sa 180 ECTS bodova.
- (2) Jedan semestar studija vrednuje se sa 30 ECTS bodova.
- (3) Iz odredbi stava (1) ovog člana izuzima se studij medicinske grupe nauka u prvom ciklusu koji se vrednuje za farmaciju sa 300 ECTS bodova, a za medicinu sa 360 ECTS bodova.

Član 119.

(Akademske titule i stručna zvanja)

- (1) Završetkom određenog ciklusa studija stiče se pravo na akademsku titulu, odnosno stručno zvanje u određenoj oblasti, u skladu sa Okvirnim zakonom i Pravilnikom o korištenju akademskih titula, te sticanju naučnih i stručnih zvanja, koji donosi ministar Ministarstva.
- (2) Izuzev zvanja koja se dodjeljuju u smislu stava (1) ovog člana, u vidu počasnog doktorata nauka (honoris causa), ne mogu se dodjeljivati zvanja koja nisu predviđena zakonom i Pravilnikom o korištenju akademskih titula, te sticanju naučnih i stručnih zvanja.
- (3) Profesor emeritus može učestvovati u izvođenju nastave na drugom i trećem ciklusu studija, biti član komisije u postupcima izbora nastavnika, te u postupcima sticanja naučnog stepena magistra odnosno doktora nauka, te biti mentorom kandidatima za sticanje naučnog stepena magistra ili doktora nauka.
- (4) Kriteriji i postupak izbora profesora emeritusa bliže se utvrđuje statutom visokoškolske ustanove.

Odjeljak C. Studijski program

Član 120.

(Studijski program)

- (1) Studij na visokoškolskoj ustanovi realizira se po studijskim programima.
- (2) Visokoškolska ustanova dužna je izvršiti akreditaciju studijskih programa u skladu sa ovim zakonom, Okvirnim zakonom o visokom obrazovanju i podzakonskim aktima.
- (3) Visokoškolska ustanova može prema potrebi organizovati interdisciplinarne studijske programe, kao i druge skraćene studijske programe prema specifičnim potrebama tržišta rada.

Član 121.

(Donošenje studijskog programa)

- (1) Studijski program donosi senat u skladu sa statutom ili drugim općim aktom, a sadrži:
- a) stručni i akademski naziv i stepen koji se stiče završetkom studija;
 - b) uslove za upis na studijski program;
 - c) listu obaveznih i izbornih predmeta i broj sati potrebnih za njihovu realizaciju;
 - d) bodovnu vrijednost svakog predmeta i završnog rada iskazanu u ECTS bodovima;
 - e) uslove za prelazak sa drugih studijskih programa u okviru istih ili srodnih oblasti studija;
 - f) način izbora predmeta iz drugih studijskih programa;
 - g) uslove upisa u slijedeći semestar ili trimestar, odnosno slijedeću godinu studija, te način završetka studija;
 - h) način izvođenja studija i način provjere znanja za svaki predmet;
 - i) druga pitanja od značaja za izvođenje studijskog programa.

- (2) Usklađivanje studijskog programa sa organizacijom rada i dostignućima nauke i umjetnosti ne smatra se novim studijskim programom.
- (3) Novi studijski program na javnoj visokoškolskoj ustanovi uvodi se u skladu sa postupkom propisanim Pravilnikom o uvođenju novog studijskog programa koji donosi ministar Ministarstva.
- (4) Odluku o pokretanju studijskog programa iz stava (3) ovog člana donosi Vlada Kantona uz prethodno pribavljeno mišljenje Ministarstva finansija.

Član 122.

(Uvođenje studijskog programa od javnog interesa)

- (1) Radi ostvarenja javnog interesa, a u cilju obezbjeđenja neophodnog stručnog kadra, Ministarstvo može zahtijevati od javne visokoškolske ustanove da uvede novi studijski ili inovira postojeći studijski program, kojim se omogućava sticanje odgovarajućih kvalifikacija.
- (2) Sredstva za uvođenje studijskog programa od javnog interesa obezbjeđuje osnivač.

Član 123.

(Zajednički studijski program)

- (1) Visokoškolske ustanove mogu usvojiti zajednički studijski program koji izvode dvije ili više visokoškolskih ustanova.
- (2) Studijskim programom iz stava (1) ovog člana stiče se zajednička diploma.

Član 124.

(Dualni studij)

- (1) Visokoškolska ustanova može organizovati dualni studij u kojem kroz aktivnu nastavu na ustanovi i praktičnu obuku radom u poslovnom subjektu stiču, usavršavaju, odnosno izgrađuju znanja, vještine i kompetencije u skladu sa studijskim programom i standardom kvalifikacije.
- (2) Dualni studij se može organizovati kao samostalni studijski program i kao jedan od modula unutar drugih studijskih programa.
- (3) Dualni studij se realizuje kroz teorijsku nastavu na visokoškolskoj ustanovi i praktičnu obuku i rad u poslovnim subjektima.
- (4) Visokoškolska ustanova koja želi realizovati studijske programe po dualnom modelu studija formira mrežu poslovnih subjekata i drugih organizacija koji imaju potrebu za zapošljavanjem lica sa kvalifikacijama koje se stiču na toj ustanovi.
- (5) Međusobni odnos visokoškolske ustanove, poslovnih subjekata i drugih organizacija i studenata u studijskim programima, odnosno modulima po dualnom modelu uređuju se posebnim ugovorom.
- (6) Ugovorima iz stava (5) ovog člana osiguranje kvalitete studija povjerava se visokoškolskoj ustanovi.
- (7) Statutom visokoškolske ustanove preciznije se uređuju sva pitanja u vezi sa realizacijom dualnog studija iz ovog člana.

Član 125.

(Provjera znanja)

- (1) Uspješnost studenata u savladavanju pojedinog nastavnog predmeta kontinuirano se prati tokom nastave, na način predviđen nastavnim planom i programom, odnosno studijskim programom i izražava se u bodovima.

- (2) Oblici provjere znanja mogu biti pismeni, usmeni i praktični, a provjera znanja je u pravilu pismena i vrši se testom ili pismenim radom.
- (3) Općim aktom visokoškolske ustanove uređuje se način polaganja ispita i ocjenjivanja studenata, kao i način i postupak prigovaranja na dobijenu ocjenu.

Član 126.

(Mjesto provjere znanja)

- (1) Ispit se polaže u sjedištu visokoškolske ustanove, odnosno u objektima navedenim u dozvoli za rad.
- (2) Izuzetno, visokoškolska ustanova može organizirati polaganje ispita van sjedišta samo ako se radi o ispitu iz predmeta čiji karakter to zahtijeva.
- (3) U slučaju postojanja opravdanih razloga ispit i dio ispita može se održati online.
- (4) Ispit i svi oblici provjere znanja su javni.

POGLAVLJE II. PRAVILA STUDIRANJA

Odjeljak A. Utvrđivanje pravila studiranja

Član 127.

(Utvrđivanje pravila studiranja)

Statutom visokoškolske ustanove ili drugim općim aktom bliže se uređuju naročito:

- a) vrijeme održavanja nastave za studente;
- b) način polaganja ispita, ocjenjivanja i izvršavanja drugih obaveza, kao i način i postupak odobravanja teme, formiranje komisije i odbrana završnog rada;
- c) način i vrijeme obavještanja studenata o ostvarivanju prava i izvršavanju obaveza iz nastave, o datumu i mjestu održavanja ispita i o rezultatima ispita i drugih izvršenih obaveza;
- d) pravo prigovora na ocjenu;
- e) bliži uslovi za upis u narednu godinu studija;
- f) uslovi sticanja diplome;
- g) prava i obaveze studenata koji su obnovili upis;
- h) uslovi i način ponovnog sticanja statusa studenta;
- i) način prepoznavanja položenih ispita na visokoškolskoj ustanovi;
- j) uslovi za nastavak studija prilikom prelaska sa druge visokoškolske ustanove;
- k) uslovi pod kojima zainteresirana lica mogu pohađati nastavu i polagati ispite iz određenih nastavnih predmeta;
- l) uslovi za prijevremeno završavanje studija;
- m) uslovi i način uključivanja studenata u naučnoistraživački rad;
- n) pohvale i nagrade;
- o) lakše i teže povrede obaveza studenata;
- p) zaštita prava studenata, nadležni organi i postupak odlučivanja o pravima, obavezama i odgovornostima studenata, kao i o zaštiti prava kandidata koji nisu primljeni po konkursu za upis u prvu godinu studija;
- r) obaveze nastavnika i saradnika u izvođenju nastave;
- s) druga pitanja od značaja za studij.

Član 128.

(Polaganje i prijenos ispita)

- (1) Polaganjem ispita student stiče određeni broj bodova u skladu sa studijskim programom.
- (2) Studijskim programom može se usloviti opredjeljenje studenata za određeni predmet prethodno položenim ispitima iz jednog ili više predmeta utvrđenih studijskim programom.
- (3) Student može prenijeti u narednu godinu studija, unutar trajanja jednog ciklusa, najviše 12 ECTS bodova ili najviše dva predmeta, ukoliko senat ne odluči drugačije.
- (4) Studentu koji obnavlja studijsku godinu visokoškolska ustanova može unutar jednog ciklusa, u skladu sa svojim kapacitetima i organizacionim mogućnostima, odlukom naučno-nastavnog vijeća dozvoliti pohađanje nastave i polaganje nastavnih predmeta iz naredne studijske godine pod uslovom da ukupno opterećenje studenata po semestru ne prelazi 30 ECTS bodova.
- (5) Prilikom svakog ponovnog polaganja završnog ili popravnog ispita iz predmeta u godini koju obnavlja student je obavezan platiti naknadu za obavljanje ispita u visini koju utvrdi senat visokoškolske ustanove.

Član 129.

(Mirovanje prava i obaveza studenata)

- (1) Prava i obaveze studenta miruju dok je na porodiljskom odsustvu ili tokom trajanja bolesti zbog koje nije mogao pohađati nastavu i polagati ispite, a što utvrđuje dekan na osnovu prethodno pribavljenog mišljenja nadležne zdravstvene ustanove.
- (2) Visokoškolska ustanova može studentu, na njegov zahtjev, odobriti da mu miruju prava i obaveze određeno vrijeme, a najduže godinu dana, iz razloga koji se bliže uređuju statutom.
- (3) Zahtjev za mirovanje iz stava (2) ovog člana se podnosi u vrijeme upisa prvog semestra ili trimestra tekuće akademske godine.
- (4) Izuzetno, za vrijeme trajanja proglašenja stanja prirodne nesreće ili stanja epidemije ili pandemije ili ratnog stanja, visokoškolska ustanova može studentu, na njegov zahtjev, odobriti mirovanje prava i obaveza i mimo rokova utvrđenih u stavu (2) ovog člana.

Odjeljak B. Ocjenjivanje

Član 130.

(Ocjenjivanje)

- (1) Uspješnost studenta prati se kontinuirano tokom nastave i izražava se u bodovima.
- (2) Ispunjavanjem predispitnih obaveza i polaganjem ispita student može ostvariti najviše 100 bodova.
- (3) Uspjeh studenta na ispitu ocjenjuje se brojnomo, opisnom ili slovnom ocjenom kako slijedi:
 - a) ocjena 5 (pet), opisno „ne zadovoljava“, odgovara slovnoj ocjeni „F, FX“;
 - b) ocjena 6 (šest), opisno „dovoljan“, odgovara slovnoj ocjeni „E“;
 - c) ocjena 7 (sedam), opisno „dobar“, odgovara slovnoj ocjeni „D“;
 - d) ocjena 8 (osam), opisno „vrlodobar“, odgovara slovnoj ocjeni „C“;
 - e) ocjena 9 (devet), opisno „odličan“, odgovara slovnoj ocijeni „B“;
 - f) ocjena 10 (deset), opisno „izvanredan“, odgovara slovnoj ocijeni „A“.
- (4) Prolazne su ocjene od 6 (šest, dovoljan, „E“) do 10 (deset, izvanredan, „A“).
- (5) U indeks se upisuju samo prolazne ocjene.

Član 131.

(Završni rad i disertacija)

- (1) Studijskim programom prvog ciklusa može biti predviđen završni rad.
- (2) Studijski program drugog ciklusa obavezno sadrži završni rad.
- (3) Doktorska disertacija je završni dio studijskog programa trećeg ciklusa, osim doktorata umjetnosti, koji je umjetnički projekt.
- (4) Broj bodova kojima se iskazuje završni rad, odnosno završni dio studijskog programa ulazi u ukupan broj bodova potrebnih za završetak studija.
- (5) Način i postupak pripreme i odbrane završnog rada, odnosno disertacije uređuje se općim aktom visokoškolske ustanove.

Odjeljak C. Nastavni plan i program

Član 132.

(Nastavni plan i program)

- (1) Nastava se izvodi po nastavnom planu i nastavnom programu.
- (2) Nastavnim planom utvrđuju se nastavni predmeti, ukupan broj časova predavanja, vježbi i drugih oblika nastavnog rada (u daljem tekstu: nastava).
- (3) Nastavnim programom utvrđuje se sadržaj nastavnog predmeta, način izvođenja nastave i polaganja ispita i drugih vidova provjere znanja, obavezni udžbenici, priručnici i druga obavezna literatura na osnovu kojih se polaže ispit iz tog nastavnog predmeta.

Član 133.

(Donošenje nastavnih planova i programa)

- (1) Nastavne planove i nastavne programe svih ciklusa donosi senat univerziteta, na prijedlog naučno-nastavnih, odnosno nastavno-umjetničkih vijeća organizacionih jedinica, odnosno senat visoke škole.
- (2) Visokoškolska ustanova će osigurati efikasnu dostupnost i transparentnost nastavnih planova i programa.

Član 134.

(Primjena nastavnih planova i programa)

Primjenu nastavnih planova i nastavnih programa prati senat visokoškolske ustanove koji je dužan svake četiri godine od početka njihove primjene pokrenuti postupak za njihovo cjelovito preispitivanje.

Član 135.

(Završetak započetog studija)

Studenti imaju pravo da završe započeti studij po nastavnom planu i programu koji je važio prije izvršene izmjene, u roku utvrđenom statutom visokoškolske ustanove.

Član 136.

(Nastavni predmeti)

- (1) Nastavni predmeti su obavezni, stručni, izborni, zajednički i opći.

- (2) Nastavni predmeti mogu se nastavnim planom definirati kao obavezni za pojedine studijske programe i izborni.
- (3) Univerzitet može utvrditi da neki od stručnih predmeta budu zajednički predmeti kojima se daje zajednička stručna osnova studentima koji studiraju komplementarne naučne, odnosno umjetničke oblasti.
- (4) Nastava i ispiti iz određenih predmeta mogu se obavljati i na drugoj visokoškolskoj ustanovi koja je matična za taj predmet, što se uređuje ugovorom između visokoškolskih ustanova.
- (5) U situaciji proglašenja stanja prirodne nesreće ili stanja epidemije ili pandemije ili ratnog stanja nastava i pojedini dijelovi ispita mogu se obavljati na daljinu, uz primjenu informaciono-komunikacionih tehnologija.
- (6) Način organizacije nastave, održavanja ispita i uslove za upis naredne godine svojim odlukama utvrđuje senat visokoškolske ustanove.

Član 137.

(Organizacija nastave)

- (1) Nastava i ispiti obavljaju se u toku akademske godine.
- (2) Datum početka nastave, vremenski plan realizacije nastavnih planova i ispitivanja studenata utvrđuje senat.
- (3) Nastava se organizuje po semestrima ili trimestrima, što se utvrđuje statutom.

Član 138.

(Sedmično opterećenje studenata)

Sedmični broj časova nastave za studente određuje se na osnovu kontakt sati definiranih ECTS bodovima. Maksimalno sedmično opterećenje studenata iznosi 40 sati, uzimajući u obzir ukupno radno opterećenje.

Član 139.

(Dobrovoljni rad)

- (1) Dobrovoljni rad je rad studenata bez naknade, koji organizira visokoškolska ustanova na projektima od značaja za lokalnu zajednicu i koji se vrednuju u sistemu visokog obrazovanja.
- (2) Uslovi, način organiziranja i vrednovanja dobrovoljnog rada uređuju se općim aktom visokoškolske ustanove.

Član 140.

(Počasni doktorat)

- (1) Univerzitet može dodijeliti počasni doktorat (honoris causa) istaknutim naučnim i javnim osobama iz zemlje i inostranstva za izuzetne doprinose u pojedinim područjima naučnog, naučnonastavnog, kulturnog i umjetničkog stvaralaštva, kao i za izuzetne doprinose u duhovnom i materijalnom razvoju i djelovanju na promociji mira, tolerancije, humanosti.
- (2) Postupak dodjele i oduzimanja počasnog doktorata utvrđuje se općim aktom univerziteta.

DIO TRINAESTI - FINANSIJSKA SREDSTVA POTREBNA ZA PRIMJENU ZAKONA

Član 141.

(Finansiranje visokoškolskih ustanova)

- (1) Visokoškolska ustanova stiće sredstva za obavljanje svoje djelatnosti:

- a) iz sredstava osnivača;
 - b) iz sredstava fondova;
 - c) od donacija, zavještanja i poklona;
 - d) od školarine;
 - e) prodajom intelektualnih, kulturnih, materijalnih i komercijalnih dobara i usluga;
 - f) iz prihoda na osnovu autorskih prava i patenata;
 - g) iz drugih izvora u skladu sa zakonom.
- (2) Način finansiranja visokoškolske ustanove uređuje se aktom osnivača.

Član 142.

(Finansiranje studijskih programa javne visokoškolske ustanove)

- (1) Odlukom Vlade Kantona utvrđuje se način finansiranja svih studijskih ciklusa u javnoj visokoškolskoj ustanovi za studente koji se finansiraju iz budžeta Kantona.
- (2) Minimalnu cijenu studija za studente koji se finansiraju iz budžeta Kantona, utvrđuje Vlada Kantona.
- (3) Senat utvrđuje upisne kvote i donosi odluke o visini školarine koju plaćaju studenti u javnoj visokoškolskoj ustanovi, uz prethodnu saglasnost Vlade Kantona.

Član 143.

(Sredstva za provođenje studijskih programa)

- (1) Sredstvima visokoškolske ustanove iz člana 141. ovog zakona osigurava se provođenje odobrenih, odnosno akreditovanih studijskih programa u okviru djelatnosti javne visokoškolske ustanove kao i za obavljanje naučnoistraživačkog, odnosno umjetničkog rada koji je u funkciji podizanja kvaliteta nastave.
- (2) Sredstvima iz stava (1) ovog člana obezbjeđuju se:
 - a) plaće, naknade plaća i naknade zaposlenicima u javnoj visokoškolskoj ustanovi u skladu sa zakonom i kolektivnim ugovorom;
 - b) naknade drugim licima koja učestvuju u naučno-nastavnom procesu u skladu sa zakonom i podzakonskim aktima;
 - c) oprema za rad i stvaranje uslova za studiranje;
 - d) materijalni troškovi i investiciono održavanje;
 - e) rad drugih pravnih lica čiji je osnivač univerzitet, a čijom se djelatnošću osigurava cjelovitost i potreban standard sistema visokog obrazovanja;
 - f) razvoj i ulaganja u ustanovi i podsticanje razvoja nastavno-naučnog i nastavno-umjetničkog rada;
 - g) rad sa darovitim studentima i međunarodna saradnja;
 - h) druge namjene u skladu sa zakonom.
- (3) Visina sredstava za namjene iz stava (2) ovog člana, utvrđuje se na osnovu godišnjeg programa rada i standarda visokog obrazovanja i drugih propisa kojim se uređuje ova oblast.
- (4) Akt kojim se utvrđuje način obračuna plaća i drugih primanja u javnoj visokoškolskoj ustanovi donosi upravni odbor ustanove, uz prethodnu saglasnost Vlade Kantona.

Član 144.

(Vlastiti prihodi)

Vlastiti prihodi javne visokoškolske ustanove, koji su kao takvi definisani posebnim propisima Kantona, raspodjeljuju se na način i u rokovima utvrđenim posebnim propisima Kantona, statutom i usvojenim finansijskim planom javne visokoškolske ustanove.

DIO ČETRINAESTI - NADZOR NAD PRIMJENOM ZAKONA

Član 145.

(Nadzor)

- (1) Nadzor nad provođenjem ovog zakona i propisa donesenih za njegovo provođenje vrši Ministarstvo.
- (2) Nadzor nad zakonitošću rada visokoškolskih ustanova vrši Ministarstvo.
- (3) Nadzor iz stava (1) i (2) ovog člana, vrši se na način koji ne narušava autonomiju visokoškolske ustanove i ne ometa njen redovni rad.

Član 146.

(Inspeksijski nadzor)

- (1) Inspeksijski nadzor nad provođenjem ovog zakona, provedbenih propisa, kao i akata i odluka tijela visokoškolske ustanove donesenih u cilju izvršenja obaveza utvrđenih ovim zakonom vrši nadležna inspekcija za obrazovanje i nauku, u skladu sa zakonom.
- (2) Nadzor nad primjenom propisa o radu (zaključivanje ugovora u radu, otkazivanje ugovora o radu i prestanak radnog odnosa, ostvarivanje prava, obaveza i odgovornosti iz radnog odnosa), vrši nadležna inspekcija rada.
- (3) Kada u vršenju inspeksijskog nadzora nadležna inspekcija za obrazovanje i nauku utvrdi da visokoškolska ustanova/organizaciona jedinica ne ispunjava uslove za rad propisane ovim zakonom i Standardima i normativima, odredit će primjeren rok za otklanjanje utvrđenih nedostataka i o tome obavijestiti osnivača visokoškolske ustanove kao ustanove, odnosno Ministarstvo ukoliko se radi o visokoškolskoj ustanovi kao javnoj ustanovi.
- (4) U slučaju iz stava (3) ovog člana, nadležna inspekcija može zabraniti visokoškolskoj ustanovi/organizacionoj jedinici upis novih studenata, kao i preduzimanje i provođenje drugih aktivnosti čije zakonito obavljanje je uslovljeno prethodnim otklanjanjem utvrđenih nedostataka i nepravilnosti.
- (5) Ukoliko visokoškolska ustanova u roku koji je utvrđen odstrane nadležne inspekcije ne otkloni utvrđene nepravilnosti nadležna inspekcija će o tome dostaviti obavijest Ministarstvu s ciljem donošenja rješenja o zabrani daljnjeg rada i brisanja visokoškolske ustanove/organizacione jedinice iz Registra licenciranih i akreditovanih visokoškolskih ustanova.
- (6) Ministarstvo će donijeti rješenje iz stava (5) ovog člana i po službenoj dužnosti izvršiti brisanje visokoškolske ustanove/organizacione jedinice iz Registra licenciranih i akreditovanih visokoškolskih ustanova.
- (7) Kada nadležna inspekcija za obrazovanje i nauku utvrdi nepravilnosti u radu visokoškolske ustanove/organizacione jedinice koje ne sprečavaju daljnji rad odnosno kada utvrdi da visokoškolska ustanova/organizaciona jedinica ne postupa ili postupa nepravilno ili nepotpuno

prema obavezama koje su joj određene propisima, obavezna je prema utvrđenom činjeničnom stanju naložiti odgovarajuće upravne mjere i to:

- a) narediti da se utvrđeni nedostaci i nepravilnosti otklone na način i u roku kako je određeno ovim zakonom ili ukoliko takav rok nije propisan odrediti primjereni rok u skladu sa zakonom;
 - b) narediti preduzimanje odgovarajućih upravnih radnji i mjera radi otklanjanja utvrđenih nepravilnosti ili nedostatka koje je visokoškolska ustanova obavezna preduzeti u roku i na način kako je naloženo;
 - c) narediti visokoškolskoj ustanovi preduzimanje odgovarajućih mjera radi potpune i pravilne primjene ovog zakona, drugih propisa i akata donesenih na osnovu ovog zakona;
 - d) zabraniti preduzimanje radnji za koje smatra da su u suprotnosti sa ovim zakonom, provedbenim propisima i aktima donesenim u cilju provođenja ovog zakona;
 - e) podnijeti zahtjev za pokretanje prekršajnog postupka;
 - f) podnijeti izvještaj nadležnom organu o učinjenom krivičnom djelu;
 - g) preduzeti druge mjere i radnje za koje je zakonom i drugim propisima ovlaštenja.
- (8) Inspekcija za obrazovanje i nauku upravne mjere nalaže rješenjem, protiv kojeg se može izjaviti žalba Ministarstvu.

DIO PETNAESTI - KAZNE NE ODREDBE

Član 147.

(Kazne za prekršaj)

- (1) Novčanom kaznom od 2.000 do 10.000 KM kaznit će se za prekršaj visokoškolska ustanova ako:
 - a) se na visokoškolskoj ustanovi vrši političko ili stranačko organiziranje ili djelovanje, što je u suprotnosti sa odredbama člana 15. ovog zakona;
 - b) visokoškolska ustanova sa sjedištem izvan Kantona ili u drugoj državi organizira studij na području Kantona bez prethodne saglasnosti Vlade Kantona, što je u suprotnosti sa odredbama člana 25. ovog zakona;
 - c) rektor ili direktor ne obustavi od izvršenja opći akt koji nije u saglasnosti sa ustavom ili je u suprotnosti sa zakonom, kao i pojedinačni akt kojim se nanosi šteta visokoškolskoj ustanovi ili društvenoj zajednici, i o tome ne obavijesti Ministarstvo, što je u suprotnosti sa odredbama člana 63. ovog zakona.
- (2) Za prekršaje iz stava (1) ovog člana, kaznit će se i odgovorno lice u visokoškolskoj ustanovi novčanom kaznom od 1.500 do 3.000 KM.

Član 148.

(Kazne za prekršaj)

- (1) Novčanom kaznom od 1.500 do 8.000 KM kaznit će se za prekršaj visokoškolska ustanova ako:
 - a) otpočne sa radom prije upisa u sudski registar suprotno članu 24. ovog zakona;
 - b) otpočne sa radom bez dobijanja licence i akreditacije, suprotno odredbama članova 30., 31., 32., 33. i 34. ovog zakona;
 - c) ne vodi propisane matične knjige i evidencije u skladu sa članom 40. ovog zakona;
 - d) ne pokrene i provede postupak za izbor nastavnika i saradnika u isto ili više zvanje u skladu sa odredbama člana 79. i 80. ovog zakona;
 - e) izvrši izbor nastavnika i saradnika suprotno odredbama članova 83., 84., 85., 86. i 87. ovog zakona;

- f) ne vrši ljekarski sistematski pregled radnika visokoškolske ustanove u skladu sa članom 88. stav (3) ovog zakona;
 - g) ne zaključi ugovor u skladu sa odredbama člana 97. ovog zakona;
 - h) ne provede postupak upisa studenata u skladu sa odredbama članova 95.,99. i 100. ovog zakona,
 - i) ne izvodi nastavu po nastavnom planu i nastavnom programu koji je donio nadležni organ, shodno članu 133. ovog zakona;
 - j) ne izvrši naloženu upravnu mjeru u roku i na način kako je naloženo rješenjem nadležne inspekcije za obrazovanje i nauku iz člana 146. ovog zakona.
- (2) Za prekršaje iz stava (1) ovog člana kaznit će se i odgovorno lice u visokoškolskoj ustanovi novčanom kaznom od 1.500 do 3.000 KM.

Član 149.

(Kazne za prekršaj)

- (1) Novčanom kaznom od 1.000 do 5.000 KM kaznit će se za prekršaj visokoškolska ustanova ako:
- a) rektor ili direktor bude imenovan ili razriješen suprotno odredbama člana 58. i 62. ovog zakona;
 - b) dekan bude imenovan ili razriješen suprotno odredbi člana 71. ovog zakona.
- (2) Za prekršaje iz stava (1) ovog člana, kaznit će se i odgovorno lice visokoškolske ustanove novčanom kaznom od 500 do 1000 KM.

DIO ŠESNAESTI – OVLAŠTENJE ZA DONOŠENJE PROPISA

Član 150.

(Nadležnost ministra za donošenje provedbenih propisa)

- Ministar će u roku od 12 mjeseci od dana stupanja na snagu ovog zakona donijeti bliže propise o:
- a) sastavu i radu komisije matičara iz člana 20. ovog zakona;
 - b) načinu vođenja matičnih knjiga i evidencija o izdatim diplomama i dodacima diplomi iz člana 40. ovog zakona;
 - c) sadržaju javnih isprava iz člana 41. ovog zakona;
 - d) priznavanju inostranih visokoškolskih obrazovnih kvalifikacija iz člana 43. ovog zakona;
 - e) sadržaju i načinu vođenja registra iz člana 45. ovog zakona;
 - f) sadržaju indeksa iz člana 96. ovog zakona;
 - g) korištenju akademskih titula i sticanju naučnih i stručnih zvanja iz člana 119. ovog zakona,
 - h) postupku uvođenja novog studijskog programa iz člana 121. ovog zakona.

Član 151.

(Nadležnost Vlade za donošenje provedbenih propisa)

Vlada Kantona će u roku od 12 mjeseci od dana stupanja na snagu ovog zakona utvrditi standarde i normative visokog obrazovanja i donijeti odluku o načinu finansiranja studijskih ciklusa iz sredstava budžeta Kantona iz člana 142. ovog zakona.

DIO SEDAMNAESTI – PRIJELAZNE I ZAVRŠNE ODREDBE

Član 152.

(Pravo na završetak studija)

- (1) Student upisan na visoku školu ili studijski odsjek u dvogodišnjem trajanju prije stupanja na snagu ovog zakona ima pravo završiti započeti studij prema nastavnom planu i programu koji je važio u vrijeme njegovog upisa u roku utvrđenom statutom univerziteta.
- (2) Student upisan na dodiplomski ili postdiplomski studij na dan stupanja na snagu ovog zakona ima pravo dovršiti započeti studij prema nastavnom planu i programu koji je važio prilikom upisa u prvu godinu studija i steći odgovarajući stručni, odnosno naučni naziv prema propisima koji su važili do stupanja na snagu ovog zakona.
- (3) Lice koje je započelo postupak za sticanje naučnog stepena magistra ili doktora nauka prema predbolonjskom sistemu studija ima pravo dovršiti započeti studij i steći naučni stepen magistra ili doktora nauka najkasnije do 31.12. 2022. godine.

Član 153.

(Stečena naučna i stručna zvanja)

- (1) Lica koja su stekla određena stručna i naučna zvanja zadržavaju pravo njihovog korištenja u skladu sa propisima prema kojima su ih stekli.
- (2) Lica iz stava (1) ovog člana mogu tražiti od visokoškolske ustanove na kojoj su stekli zvanja da im u postupku i pod uslovima predviđenim statutom visokoškolske ustanove izda dokument (potvrdu ili diplomu) o ekvivalenciji ranije stečenog akademskog naziva sa novim akademskim nazivom.
- (3) Doktorat nauka stečen prema propisima koji su bili na snazi prije stupanja na snagu ovog zakona istovrsni su s doktoratima nauka stečenim prema ovom zakonu, te lica koja su ih stekla imaju ista prava kao i lica koja su doktorat nauka stekla prema ovom zakonu.

Član 154.

(Teološki fakulteti, visoke teološke škole i akademije)

- (1) Odredbe ovog zakona ne odnose se na teološke fakultete, visoke teološke škole i akademije.
- (2) Institucije iz stav (1) ovog člana, mogu biti u sastavu univerziteta što se regulira posebnim ugovorom.

Član 155.

(Primjena drugih zakona)

Na pitanja koja nisu bliže uređena ovim zakonom, adekvatno se primjenjuje Okvirni zakon, Zakon o ustanovama („Službeni list RBiH“, broj: 6/92, 8/93 i 13/94), kao i drugi propisi koji uređuju ovu oblast.

Član 156.

(Usklađivanje općih akata)

- (1) Postojeće visokoškolske ustanove obavezne su uskladiti svoju organizaciju, rad, opće akte i ugovore o radu sa ovim zakonom, najkasnije u roku od šest mjeseci od dana stupanja na snagu ovog zakona.

- (2) Visokoškolske ustanove Zeničko-dobojskog kantona su u obavezi da usklade statut sa odredbama ovog zakona u roku od 60 dana od dana stupanja na snagu ovog zakona.
- (3) Javna visokoškolska ustanova uspostavlja internu reviziju u skladu sa Zakonom o računovodstvu i reviziji („Službene novine Federacije BiH“, broj: 15/21).

Član 157.

(Lica izabrana na rukovodeće funkcije)

- (1) Lica izabrana na rukovodeće funkcije, po uslovima koji su važili prije stupanja na snagu ovog zakona, zadržavaju svoj status do isteka mandata.
- (2) Tekući mandati organa rukovođenja iz stava (1) ovog člana, računaju se kao prvi mandat, i iste osobe mogu biti ponovo birane na iste funkcije ukoliko ispunjavaju uslove predviđene odredbama ovog zakona.
- (3) Postupci izbora nastavnika i saradnika započeti prije stupanja na snagu ovog zakona okončat će se po ranijim propisima ukoliko je to povoljnije za njih.

Član 158.

(Primjena važećih propisa)

- (1) Do donošenja propisa iz člana 150. ovog zakona primjenjuju se provedbeni propisi koji su važili do stupanja na snagu ovog zakona.
- (2) Stupanjem na snagu ovog zakona prestaje sa primjenom Zakon o visokom obrazovanju („Službene novine Zeničko-dobojskog kantona“, broj: 6/09, 9/13, 13/13, 4/15, 5/18, 04/19, 19/20 i 15/21“).

Član 159 .

(Stupanje na snagu)

Ovaj zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Zenica,

Dana, _____ 2022. godine

PREDSJEDAVALAČI

Čazim Huskić, s.r.

O B R A Z L O Ž E N J E

Pravni osnov:

Pravni osnov za donošenje ovog zakona sadržan je u članu 37. stav 1. tačka f) Ustava Zeničko-dobojskog kantona.

Razlozi za donošenje:

Nakon usvajanja Zakona o visokom obrazovanju („Službene novine Zeničko-dobojskog kantona”, broj: 6/09, 9/13, 13/13, 4/15, 5/18, 4/19, 19/20 i 15/21), te više izvršenih dopuna i izmjena sa ciljem nastavka reformskih procesa u segmentu visokog obrazovanja, nakon sveobuhvatne analize dostignutog razvoja visokog obrazovanja na području Zeničko-dobojskog kantona, kao i razvojnih potreba akademske zajednice u sklopu Javne ustanove Univerzitet u Zenici, bilo je neophodno blagovremeno odgovoriti razvojnim ciljevima i zahtjevima aktuelne akademske obrazovne prakse, te pripremiti Prijedlog sasvim inoviranog-poboljšanog teksta prijedloga Zakona o visokom obrazovanju u skladu sa datim, isključivim nadležnostima nad obrazovanjem na području Zeničko-dobojskog kantona. Presudom Ustavnog suda Bosne i Hercegovine naloženo je usklađivanje člana 55. Zakona o visokom obrazovanju sa Okvirnim zakonom o visokim obrazovanjem. Također na inicijativu Zakonodavno-pravne komisije Skupština Zeničko-dobojskog kantona je donijela zaključak kojim je inicirala izmjene Zakona o visokom obrazovanju u smislu pojednostavljivanja procedura donošenja elaborata i odluka o uvođenju novih studijskih programa.

Predloženi zakon je u pripremi još od 2020. godine, te je kao takav, (u više navrata u toku 2021. godine), razmatran i sa predstavnicima akademske zajednice (član 64. Jedinostvenih pravila za izradu pravnih propisa u Zeničko-dobojskom kantonu) koji su bili imenovani i u proširenu Radnu grupu za izradu teksta zakona. U skladu sa naprijed navedenim tekstom Nacrta Zakona o visokom obrazovanju je Aktom Ministarstva za obrazovanje nauku, kulturu i sport, broj: 10-34-95-47-1/22 od 10.02.2022. godine, dostavljen Univerzitetu u Zenici, odnosno predstavnicima Univerziteta u Zenici u proširenoj Radnoj grupi, kako bi se na isti mogli očitovati svojim prijedlozima i sugestijama. Aktom Univerziteta u Zenici, broj: 01-03-10-577/22 od 15.02.2022. godine dostavljene su primjedbe i sugestije, koje su u daljoj proceduri izrade teksta nacrta detaljno razmotrene.

Tekst prijedloga Zakona o visokom obrazovanju je sačinjen nakon održanih javnih rasprava u gradovima/općinama, te Univerzitetu u Zenici, a u prilogu su dostavljena i mišljenja koja su na tekst Prijedloga Zakona o visokom obrazovanju dali: Sekretarijat za zakonodavstvo, Ministarstvo za pravosuđe i upravu i Ministarstvo finansija.

Prijedlog Zakona o visokom obrazovanju je uvršten i u Programu rada Vlade usaglašenom sa Programom rada Skupštine Zeničko-dobojskog kantona za 2022. godinu, za razmatranje u redovnom postupku, pa stoga predlažemo usvajanje Prijedloga Zakona o visokom obrazovanju **po redovnom postupku.**

Obrazloženje pojedinih pravnih rješenja:

Prijedlog Zakona o visokom obrazovanju uređuje prije svega:

- osnovne ciljeve i principe visokog obrazovanja, akademske slobode i pravo na visoko obrazovanje;
- osnivanje i prestanak rada visokoškolske ustanove, statusne promjene i prestanak rada, postupak licence i akreditacije;

- evidenciju, javne isprave, registar, statut visokoškolske ustanove i organe visokoškolske ustanove i organizacija univerziteta;
- vrste i definicije organizacionih jedinica, izbor u naučno-nastavna zvanja;
- radne odnose;
- upis studenata, upisna politika, kriteriji, studentski predstavnički organ;
- visokoobrazovna djelatnost, način studiranja, ciklusi studiranja, studijski programi;
- pravila studiranja (utvrđivanje pravila studiranja, ocjenjivanje, nastavni plan i program);
- izbor i napredovanje akademskog osoblja visokoškolske ustanove;
- izbor organa rukovođenja visokoškolske ustanove (u skladu sa presudom Ustavnog suda BiH);
- usvajanje novih studijskih programa;
- finansiranje visokoškolskih ustanova;
- nadzor nad primjenom i kaznene odredbe.

Članom 1. definiše se predmet zakona kojim se uređuju sistem, uslovi i način obavljanja djelatnosti visokog obrazovanja, finansiranje, kao i druga pitanja od značaja za obavljanje ove djelatnosti na području Zeničko-dobojskog kantona.

Članom 2. definišu se osnovni pojmovi koji se spominju u zakonu (akademsko osoblje, diploma, dodatak diplomi, ECTS, izborni period, katedra, mandat, novi studijski program, rukovodne funkcije na visokoškolskoj ustanovi, standardi i normativi za obavljanje djelatnosti visokog obrazovanja, studij, studijski program).

Član 3. upotreba rodnoosjetljivog jezika.

Članom 4. utvrđuje se da je djelatnost visokog obrazovanja je od posebnog društvenog interesa za Kanton i dio je međunarodnog, a posebno evropskog obrazovnog, naučnog, odnosno umjetničkog prostora.

Članom 5. se utvrđuju osnovni ciljevi visokog obrazovanja.

Članom 6. utvrđuje se da je razvoj djelatnosti visokog obrazovanja utvrđen strategijom programa razvoja kojom se utvrđuju se strateški interesi i potrebe Kantona u oblasti visokog obrazovanja, mjere za obezbjeđenje razvoja i unapređenja kvaliteta visokog obrazovanja, finansiranje, kao i druga pitanja od značaja za razvoj visokoškolske djelatnosti na području Kantona.

Članom 7. su taksativno nabrojani i precizirani principi visokog obrazovanja.

Član 8. definiše akademske slobode.

Članom 9. suštinski je utvrđena autonomija visokoškolske ustanove i u pojedinačnim tačkama predmetne odredbe je nabrojano šta ista podrazumijeva.

Član 10. utvrđuje šta se podrazumijeva pod nepovredivošću akademskog prostora.

Član 11. uvrđuje na kojim jezicima visokoškolska ustanova organizira i izvodi studije.

Član 12. utvrđuje pod kojim uslovima lica imaju pravo na visoko obrazovanje.

Član 13. pristup studiju stranim državljanima.

Član 14. utvrđuje da djelatnost visokog obrazovanja obavljaju univerziteti i visoke škole i definiše pojmove univerziteta i visoke škole u bitnim odrednicama.

Član 15. utvrđuje da je rad visokoškolske ustanove javan, te da na visokoškolskoj ustanovi nije dozvoljeno političko ili stranačko organiziranje niti djelovanje.

Član 16. precizira način postupanja sa imovinom visokoškolske ustanove u smislu njenog upravljanja, korištenja i raspolaganja.

Član 17. uređuje pitanja statusa visokoškolske ustanove.

Član 18. utvrđuje pitanja ovlaštenja za osnivanje pravne ustanove odnosno koja su lica ovlaštena za osnivanje visokoškolske ustanove i druga pitanja u vezi sa navedenim.

Član 19. uređuje način i postupak osnivanja visokoškolske ustanove u smislu elaborata o osnivanju visokoškolske ustanove kao svojevrsnog inicijalnog akta.

Član 20. komisija matičara.

Članom 21. utvrđuje se nadležnost za donošenje akta o osnivanju visokoškolske ustanove i sadržaj predmetnog akta.

Članom 22. utvrđuje se nadležnost za donošenje rješenja o ispunjavanju uslova za osnivanje i početak rada, te sastav i nadležnosti navedene komisije.

Član 23. utvrđuju se uslovi za početak rada i obavljanje djelatnosti u smislu ispunjavanja kriterija i standarda za osnivanje visokoškolske ustanove, te za prestrukturiranje studijskih programa, koje donosi Ministarstvo, u skladu sa zakonom.

Član 24. utvrđuje izdavanje dozvole za rad visokoškolske ustanove-licence, te kada se visokoškolska ustanova smatra osnovanom i kada stiče status pravnog lica.

Član 25. propisuje organizovanje studija na području Kantona od strane Visokoškolska ustanova sa sjedištem izvan Kantona.

Član 26. propisuje periodično utvrđivanje uslova za rad visokoškolske ustanove od strane Ministarstva.

Član 27. se odnosi na statusne promjene visokoškolska ustanove može, te način njihovog provođenja.

Član 28. se odnosi na prestanak rada visokoškolske ustanove, te ih takstativno nabrāja.

Član 29. utvrđuje obaveze osnivača nakon prestanka rada visokoškolske ustanove.

Član 30. definiše pojam i sadržaj licenca koja predstavlja dozvolu za rad koju izdaje Ministarstvo i kojom se visokoškolskoj ustanovi dozvoljava pružanje usluga visokog obrazovanja.

Član 31. licenciranje.

Član 32. definiše se akreditacija kao postupak provjere organizacije rada, raspoloživih prostornih, materijalno-tehničkih i kadrovskih resursa, kvaliteta obrazovnog procesa, studijskih programa kojima raspolaže, odnosno koje pruža i dodjeljuje visokoškolska ustanova, a što ima za rezultat izdavanje rješenja o akreditaciji visokoškolske ustanove od strane Ministarstva, kao i šta se njome utvrđuje.

Član 33. propisuje sam postupak akreditacije visokoškolske ustanove.

Član 34. propisuje ovlaštenje akreditirane visokoškolske ustanove.

Član 35. propisuje kada Ministarstvo oduzima licencu visokoškolskoj ustanovi.

Član 36. se odnosi politiku osiguranja kvaliteta i metode samovrednovanja na visokoškolskoj ustanovi.

Član 37. se odnosi na internu evaluaciju visokoškolske ustanove.

Član 38. odnosi se na uspostavljanje informacionog sistema od strane visokoškolske ustanove, te se taksativno nabrajaju vrste informacijama kojima će biti moguć pristup kroz pomenuti informacioni sistem, te se utvrđuje potreba uspostavljanja informatičke službe, a za potrebe održavanja informacionog sistema.

Član 39. propisuje obaveze visokoškolska ustanove vezane za misiju visokoškolske ustanove.

Član 40. odnosi se na vođenje matičnih knjiga i evidencije.

Član 41. odnosi se na javne isprave gdje su u stavu dva predmetnog člana takstativno nabrojane, visokoškolska ustanova, a bliži propis o sadržaju javnih isprava, osim diplome i dodatka diplomi, donosi ministar.

Član 42. propisuje način izdavanja javne isprave.

Član 43. utvrđuje kada i pod kojim uslovima Ministarstvo oglašava ništavnim javnu ispravu.

Član 44. propisuje da su isprave izdate od strane visokoškolske ustanove koja obavlja djelatnost visokog obrazovanja na području Kantona, a nema dozvolu za rad na području Kantona izdatu u skladu sa ovim zakonom, ništavne, te da će nadležna inspekcija za obrazovanje i nauku će zabraniti rad po službenoj dužnosti visokoškolskoj ustanovi koja obavlja djelatnost visokog obrazovanja na području Kantona suprotno odredbama ovog člana.

Član 45. odnosi se registar odnosi evidenciju visokoškolskih ustanova.

Član 46. utvrđuje statut kao osnovni akt kojim se uređuju pitanja značajna za obavljanje djelatnosti visokoškolske ustanove. Statut donosi senat visokoškolske ustanove uz prethodno pribavljeno pozitivno mišljenje Upravnog odbora. Obzirom da su za pitanja koja se regulišu statutom visokoškolske ustanove potrebna i finansijska sredstava potrebno je pozitivno mišljenje Upravnog odbora. Izmjene i dopune statuta vrše se odlukom, na način i u postupku predviđenom za njegovo donošenje.

Član 47. reguliše sadržaj statuta.

Član 48. propisuje da su organi Univerziteta su: upravni odbor, senat i rektor, mogućnost postojanja i drugih stručnih organa za vođenje poslovanja ili nadzorne organe, čije se osnivanje, sastav i nadležnost uređuju osnivačkim aktom i statutom, da osoba angažovana na visokoškolskoj ustanovi može obavljati najviše dvije rukovodne funkcije, obavezu javne visokoškolska ustanova organizuje posebno tijelo interne revizije, te obavezu svih organa upravljanja, rukovođenja, nadzora i drugih organa Univerziteta je da u postupku izbora i imenovanja osiguraju odgovarajuću spolnu zastupljenost.

Član 49. odnosi se na organe privatne visokoškolske ustanove.

Član 50. propisuje da je organ upravljanja visokoškolske ustanove upravni odbor.

Član 51. propisuje sastav, broj, mandat i izuzeće upravnog odbora.

Član 52. se odnosi razrješenje člana upravnog odbora od strane osnivača i prije vremena na koje je imenovan.

Član 53. utvrđuje djelokrug odnosno nadležnost upravnog odbora visokoškolske ustanove.

Član 54. se odnosi na senat kao najviše akademsko tijelo koje čine predstavnici akademskog osoblja u radnom odnosu u visokoškolskoj ustanovi, kao i predstavnici studenata i na njegov sastav.

Član 55. propisuje sadržaj nadležnosti senata visokoškolske ustanove.

Član 56. se odnosi na rektora univerziteta i direktora visoke škole u smislu da univerzitetom rukovodi rektor, a visokom školom direktor visoke škole, te se utvrđuju uslovi za izbor nekog lica na navedene funkcije.

Član 57. propisuje način izbora rektora i direktora javnog univerziteta odnosno javne visoke škole.

Član 58. propisuje djelokrug odnosno nadležnost rektora univerziteta i direktora visoke škole.

Član 59. se odnosi na imenovanje i djelokrug rada prorektora univerziteta.

Član 60. precizira domen odgovornosti u radu rektora univerziteta i direktora visoke škole, te utvrđuje obavezu podnošenja izvještaja o svom radu.

Član 61. odnosi se na prestanak mandata odnosno procedure za razrješenje rektora univerziteta, prorektora univerziteta i direktora visoke škole.

Član 62. utvrđuje obavezu obustavi od izvršenja opći i pojedinačni akt donesen u visokoškolskoj ustanovi koji nije u saglasnosti sa ustavom ili je u suprotnosti sa zakonom i drugim propisima, kao i izvršavanje općeg i pojedinačnog akta kojim se nanosi šteta visokoškolskoj ustanovi ili društvenoj zajednici i da o tome obavijesti Ministarstvo, kao i obavezu Ministarstva u slučaju nepostupanja ovlaštenih osoba iz stava (1) ovog člana, obaveza Ministarstva je da, ukoliko utvrdi da su odluke koje donose organi visokoškolske ustanove protivne zakonu, iste poništi, odnosno obustavi od daljeg izvršenja.

Član 63. odnosi se na vrste organizacionih jedinica koje Univerzitet odnosno visokoškolska ustanova može imati u svome sastavu.

Član 64. definiše pojedinačno organizacione jedinice i to fakultet, akademiju, naučni institut, a radi obezbjeđenja cjelovitosti studentskog standarda, univerzitet u svom sastavu može imati i studentski centar, kao organizacionu jedinicu. Bitno je istaći da organizacione jedinice nemaju svojstvo pravnog lica, te da visokoškolska ustanova može imati i pridružene organizacione jedinice sa posebnim statusom, a koji se bliže uređuje posebnim ugovorom između ovlaštenih predstavnika osnivača.

Član 65. odnosi se na osnivanje i izvođenje naučnih, stručnih i umjetničkih studija.

Član 66. odnosi se na organizaciju fakulteta i akademija u visokoškolskoj ustanovi radi uvođenja novih studijskih programa u skladu sa standardima i normativima visokog obrazovanja.

Član 67. odnosi se na obim ovlaštenja organizacionih jedinica univerziteta u pravnom prometu.

Član 68. utvrđuje organe organizacionih jedinica u sastavu univerziteta.

Član 69. detaljnije uređuje sastav i organizaciju naučno-nastavno i umjetničko-nastavno vijeća kao akademskog tijela organizacione jedinice.

Član 70. odnosi se na dekana kao rukovodnog organa organizacione jedinice.

Član 71. odnosi se na organe instituta kao organizacione jedinice univerziteta koji može imati direktora, naučno vijeće i druge organe u skladu sa osnivačkim aktom i statutom visokoškolske ustanove.

Član 72. odnosi se na direktora instituta kao rukovodnog organa instituta.

Član 73. odnosi se na mandat, kao i uslove i postupak izbora direktora instituta.

Član 74. odnosi se na direktora studentskog centra kao rukovodnog organa instituta.

Član 75. odnosi se na mandat, kao i uslove i postupak izbora direktora centra.

Član 76. propisuje naučno-nastavna i umjetnička zvanja koje dodjeljuje Univerzitet dodjeljuje naučno-nastavna i umjetnička zvanja, kao i nastavna i umjetnička zvanja koja dodjeljuje visoka škola.

Član 77. propisuje periode na koji se bira akademsko osoblje.

Član 78. propisuje način i postupak izbora akademskog osoblja.

Član 79. propisuje prava i obaveze po pitanju akademskih izbora.

Član 80. prije svega utvrđuje obavezu senata visokoškolske ustanove za sačinjavanje registra domaćih i međunarodnih časopisa.

Član 81. propisuje šta podrazumijeva priznata publikacija za izbor u naučnonastavna zvanja.

Član 82. precizira uslove za izbor akademskog osoblja u naučno-nastavna zvanja na visokoškolskoj ustanovi.

Član 83. precizira uslove za izbor u umjetničko-nastavna zvanja u koja se bira akademsko osoblje na studijskim profilima na univerzitetu.

Član 84. precizira uslove za izbor u nastavna zvanja na visokoj školi.

Član 85. precizira minimalne uslove za izbor u umjetnička zvanja na visokoj školi.

Član 86. odnosi se na lica koja mogu izvoditi nastavu na visokoj školi.

Član 87. propisuje način zasnivanja radnog odnosa u javnoj visokoškolskoj ustanovi.

Član 88. propisuje način i pod kojim uslovima nastavnik, odnosno saradnik može zaključiti ugovor kojim se angažuje na drugoj visokoškolskoj ustanovi ili kod drugog pravnog lica.

Član 89. reguliše odobravanje plaćenog odsustva akademskom osoblju visokoškolske ustanove.

Član 90. odnosi razloge za odobravanje neplaćenog odsustvo nastavniku i saradniku u visokoškolskoj ustanovi.

Član 91. reguliše mirovanje prava za izbor u naučna zvanja.

Član 92. odnosi se na na penzionisanje nastavnika.

Član 93. odnosi se na zaštitu prava akademskog osoblja i drugog osoblja.

Član 94. odnosi se na upis studenata na odobrene, odnosno akreditirane studijske programe.

Član 95. odnosi se na izdavanje indeksa, te da sadržaj i oblik indeksa propisuje ministar.

- Član 96.** odnosi se na ugovorni odnos studenata sa ustanovom, odnosno fakultetom ili umjetničkom akademijom i drugim organizacionim jedinicama univerziteta u skladu sa zakonom, podzakonskim aktima i statutom, kao i formu ugovor, te bitne elemente ugovora.
- Član 97.** odnosi se na upisnu politiku kojom definiraju se uslovi, procedure i kriteriji za prijem studenata svih studijskih ciklusa na visokoškolsku ustanovu.
- Član 98.** reguliše se način i postupak upisa kandidata na studij odnosno kriterij za odabir kandidata.
- Član 99.** reguliše se da se strani državljanin i lice bez državljanstva mogu upisati na studijske programe pod istim uslovima kao i domaći državljanin, u skladu sa ovim zakonom i statutom visokoškolske ustanove.
- Član 100.** propisuje prava studenata.
- Član 101.** obaveze studenata.
- Član 102.** propisuje sadržaj statuta u odnosu na studente.
- Član 103.** reguliše disciplinsku odgovornost studenta.
- Član 104.** reguliše pravo studenata da pred nadležnim sudom ospore sve konačne odluke visokoškolske ustanove, koje se na njih odnose.
- Član 105.** štiti prava osoba sa posebnim potrebama na adekvatan uslove za pristup studiju, studiranje i rad osoba sa posebnim potrebama.
- Član 106.** propisuje uslove i način prestanka statusa studenta.
- Član 107.** propisuje primjenu Zakona o upravnom postupku visokoškolska ustanova rješava o pojedinačnim pravima i obavezama studenta.
- Član 108.** odnosi se na studentski predstavnički organ kroz koji studenti svoje interese.
- Član 109.** odnosi se na izbor i razrješenje studentskih predstavnika.
- Član 110.** propisuje da se saradnja visokoškolske ustanove sa drugim studentskim udruženjima, organizacijama i asocijacijama koje okupljaju studente odvija preko univerzitetskog studentskog predstavničkog organa ili studentskog predstavničkog organa visoke škole.
- Član 111.** odnosi se na uređivanje rada studentskog predstavničkog organa.
- Član 112.** odnosi se na stalno stručno usavršavanje, te program stručnog usavršavanja.
- Član 113.** reguliše da se visoko obrazovanje može se sticati redovno, vanredno, učenjem na daljinu ili kombiniranjem ova tri načina studiranja, na način utvrđen statutom, kao i druga pitanja u vezi sa navedenim.
- Član 114** odnosi se na organizacija predavanja nastave za studente.
- Član 115.** odnosi se na informiranje studenata o održavanju nastave.
- Član 116.** odnosi se na angažman studenata odnosno da zbir od 60 bodova odgovara prosječnom ukupnom angažmanu studenta u obimu 40-satne radne sedmice tokom jedne školske godine i da se ukupno angažiranje studenta sastoji se od nastave (predavanja, vježbe, praksa, seminari i dr.), samostalnog rada, kolokvija, ispita, izrade završnih radova, dobrovoljnog rada u lokalnoj zajednici i ostalih vidova angažiranja.
- Član 117.** definiše tri ciklusa studiranja prvi, drugi i treći, kao i vrednovanje semestara sa ECTS bodovima.
- Član 118.** propisuje sticanje akademskih titula i stručnih zvanja.
- Član 119.** odnosi se na studijske programe po kojima se realiziraju studiji na visokoškolskoj ustanovi.
- Član 120.** propisuje način donošenja i sadržaj studijskog programa na način da odluku o pokretanju novog studija donosi Vlada Kantona uz prethodno pribavljeno mišljenje Ministarstva finansija a što će se urediti pravilnikom koji donosi ministar Ministarstva.

Član 121. propisuje uvođenje studijskog programa od javnog interesa.

Član 122. definiše zajednički studijski program.

Član 123. odnosi se na organizaciju dualnog studija u kojem kroz aktivnu nastavu na ustanovi i praktičnu obuku radom u poslovnom subjektu se stiču, usavršavaju, odnosno izgrađuju znanja, vještine i kompetencije u skladu sa studijskim programom i standardom kvalifikacije.

Član 124. odnosi ne provjeru znanja studenata u savladavanju pojedinog nastavnog predmeta, kao i njene oblike.

Član 125. utvrđuje mjesto provjere znanja odnosno da se isto u pravilu vrši u sjedištu visokoškolske ustanove, odnosno u objektima navedenim u dozvoli za rad.

Član 126. odnosi se na utvrđivanja pravila studiranja koja se bliže uređuju statutom visokoškolske ustanove ili drugim općim aktom. bliže se uređuju naročito:

Član 127. odnosi se polaganje i prijenos ispita.

Član 128. uređuje mirovanje prava i obaveza studenata.

Član 129. uređuje ocjenivanje odnosno način vrednovanja uspješnosti studenta.

Član 130. odnosi se na završni rad i disertaciju.

Član 131. odnosi se na nastavni plan i program po kojem se izvodi nastava.

Član 132. utvrđuje ovlaštenje senata za donošenje nastavnih planova i programa svih ciklusa.

Član 133. utvrđuje ovlaštenje senata visokoškolske ustanove za praćenje primjene nastavnih planova i programa.

Član 134. utvrđuje pravo studenata da završe započeti studij po nastavnom planu i programu koji je važio prije izvršene izmjene, u roku utvrđenom statutom visokoškolske ustanove.

Član 135. odnosi se na nastavne predmete koji mogu biti obavezni, stručni, izborni, zajednički i opći.

Član 136. odnosi se na vrijeme za obavljanje nastave i ispita u toku akademske godine.

Član 137. utvrđuje maksimalno sedmično opterećenje studenata koje iznosi 40 sati, uzimajući u obzir ukupno radno opterećenje.

Član 138. bliže definiše dobrovoljni rad studenata bez naknade.

Član 139. odnosi se na dodjeljivanje počasnog doktorata (honoris causa) istaknutim naučnim i javnim osobama iz zemlje i inostranstva za izuzetne doprinose u pojedinim područjima naučnog, naučno-nastavnog, kulturnog i umjetničkog stvaralaštva, kao i za izuzetne doprinose u duhovnom i materijalnom razvoju i djelovanju na promociji mira, tolerancije, humanosti.

Član 140. utvrđuje izvore i način finansiranje visokoškolskih ustanova.

Član 141. odnosi se na finansiranje studijskih programa javne visokoškolske ustanove.

Član 142. odnosi se na sredstva za sprovođenje studijskih programa.

Član 143. odnosi se na raspodjelu vlastitih prihoda javne visokoškolske ustanove.

Član 144. utvrđuje da nadzor nad provođenjem ovog zakona i propisa donesenih za njegovo provođenje vrši Ministarstvo.

Član 145. bliže reguliše obavljanje inspekcijskog nadzora nad provođenjem ovog zakona, provedbenih propisa, kao i akata i odluka tijela visokoškolske ustanove donesenih u cilju izvršenja obaveza utvrđenih ovim zakonom.

Članovi 146-149. propisuju visinu novčanih kazni za visokoškolsku ustanovu odnosno odgovorno lice u slučaju počinjenja prekršaja.

Član 150. utvrđuje nadležnost ministra za donošenje provedbenih propisa.

Član 151. utvrđuje nadležnost Vlade za donošenje provedbenih propisa.

Član 152. precizira rokove za završetak studija studenta upisanog na visoku školu ili studijski odsjek prije stupanja na snagu ovog zakona.

Član 153. odnosi se na stečena naučna i stručna zvanja.

Član 154. izuzima primjenu odredbi ovog zakona na teološke fakultete, visoke teološke škole i akademije, shodno odredbama Okvirnog zakona.

Član 155. primjena drugih zakona.

Član 156. odnosi se na usklađivanje općih i internih akata visokoškolske ustanove. utvrđuje obavezu usklađivanja rada visokoškolskih ustanova sa ovim zakonom, najkasnije u roku od šest mjeseci od dana stupanja na snagu ovog zakona.

Član 157. reguliše status lica izabrana na rukovodeće funkcije, po uslovima koji su važili prije stupanja na snagu ovog zakona.

Član 158. odnosi se na primjenu provedbenih propisa koji su važili do stupanja na snagu ovog zakona

Član 159. su prijelazne i završne odredbe.

Potrebna finansijska sredstva (finansijski efekti):

Za realizaciju ovog Zakona nije potrebno u Budžetu Kantona obezbijediti dodatna finansijska sredstva, u skladu s priloženom Obrascem izjave o fiskalnoj odgovornosti. Ujedno napominjemo da će sva eventualna dodatna izdvajanja iz Budžeta Kantona, biti tretirana posebnim aktima, odnosno novim Standardima i normativima za visoko obrazovanje, kao pravnog okvira za finansiranje obrazovanja, a koji bi posebno razmatra Vlada Kantona.

Očekivani efekti:

Poboljšanje stanja u segmentu djelatnosti visokog obrazovanja, odnosno usklađivanje zakonskih odredbi sa Okvirnim zakonom o visokom obrazovanju BiH kao i usklađivanje sa strateškim dokumentima na nivou Bosne i Hercegovine i Zeničko-dobojskog kantona.

Prijedlog:

Na osnovu izloženog predlažemo Vladi Zeničko-dobojskog kantona da utvrdi P R I J E D L O G Zakona o visokom obrazovanju i predloži Skupštini Zeničko-dobojskog kantona da u skladu s Poslovnikom o radu stavi P R I J E D L O G Zakona na dnevni red prve naredne sjednice, u redovnoj proceduri.



SEKRETARIJAT ZA ZAKONODAVSTVO

SECRETARIAT FOR LEGISLATION

Broj: 03-02-2782-3/22
Zenica, 20.05.2022. godine

MINISTARSTVO ZA OBRAZOVANJE,
NAUKU, KULTURU I SPORT
ZENIČKO-DOBOJSKOG KANTONA

PREDMET: Mišljenje o Prijedlogu Zakona o visokom obrazovanju - dostavlja se
- Veza Vaš akt broj: 10-34-95-47-1-2-1-1/22 od 16.05.2022. godine -

U skladu sa članom 2. Uredbe o Sekretarijatu za zakonodavstvo Vlade Zeničko-dobojskog kantona («Službene novine Federacije BiH» broj 8/96 i «Službene novine Zeničko-dobojskog kantona» broj: 2/05) i članom 31. stav (1) tačka a) Poslovnika o radu Vlade Zeničko-dobojskog kantona («Službene novine Zeničko – dobojskog kantona» broj: 10/21), nakon održanih usmenih konsultacija i Mišljenja Sekretarijata za zakonodavstvo od 11.05.2022. godine, te uvidom u konačan tekst Prijedloga Zakona o visokom obrazovanju, u postupku koji se odnosi na utvrđivanje usklađenosti istog sa Ustavom, pravnim sistemom i metodološkim jedinstvom u izradi propisa dostavljamo vam slijedeće

MIŠLJENJE

Član 18. tačka c) Ustava Zeničko-dobojskog kantona («Službene novine Federacije BiH», broj: 7/96 i «Službene novine Zeničko-dobojskog kantona», broj: 1/96, 10/2000, 8/04, 10/04 - ispr. i 10/04) propisuje da je Kanton nadležan za utvrđivanje obrazovne politike, uključujući donošenje propisa o obrazovanju i osiguranju obrazovanja, dok član 37. tačka f) Ustava propisuje da Skupština Zeničko-dobojskog kantona donosi zakone i ostale propise za izvršavanje kantonalnih nadležnosti.

Ustavni osnov Prijedloga Zakona o visokom obrazovanju (u daljem tekstu: Prijedlog Zakona) je pravilno utvrđen.

Oblast visokog obrazovanja uređena je Okvirnim zakonom o visokom obrazovanju u Bosni i Hercegovina (Službeni glasnik Bosne i Hercegovine, broj: 59/07 i 59/09, u daljem tekstu Okvirni zakon).

Član 63. Okvirnog zakona propisuje da će se kantonalni zakon iz oblasti visokog obrazovanja uskladiti s odredbama ovog Zakona i da sva pitanja iz oblasti visokog obrazovanja koja nisu regulirana ovim Zakonom regulirat će se zakonom na nivou kantona.


Okvirni zakon služi kao osnovni normativni instrument kojim država regulira određenu oblast na općenit, načelan, okviran i principijelan način, dok se kantonima prepušta da tu istu oblast reguliraju preciznije, ali obavezno u skladu s državnim zakonom.




Ministarstvo za obrazovanje, nauku, kulturu i sport Zeničko-dobojskog kantona kao predlagač Prijedloga Zakona je nakon održanih usmenih konsultacija i Mišljenja Sekretarijata za zakonodavstvo od 11.05.2022. godine uvažilo date primjedbe i sugestije, te dostavilo konačan Prijedlog Zakona.

Prijedlog Zakona je usklađen sa Okvirnim zakonom, te je u nomotehničkom smislu urađen u skladu sa Jedinstvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“ broj 5/08).

Imajući u vidu naprijed navedeno, stekli su se uvjeti za davanje mišljenja na osnovu člana 31. stav (1) tačka a) Poslovnika o radu Vlade Zeničko-dobojskog kantona (“Službene novine Zeničko – dobojskog kantona” broj: 10/21) i upućivanje Prijedloga Zakona u dalju proceduru.



Dostavljeno:
1x naslovu,
1x a/a.





809
3/03
04-02

Ministarstvo za obrazovanje, nauku, kulturu
i sport
n/r ministra
-ovdje-

Zenica, 17.05.2022.godine
Naš broj: 06/04-02-2782-3/22

Veza Vaš broj: 10-34-95-47-1-2/22 od 21.4.2022.g.
10-34-95-47-1-2-2/22 od 5.5.2022. g. i
10-34-95-47-1-2-1-1/22 od 16.5.2022. g.

PREDMET: Prijedlog Zakona o visokom obrazovanju- mišljenje, dostavlja se

U skladu sa članom 11. Zakona o kantonalnim ministarstvima i drugim tijelima kantonalne uprave („Službene novine Zeničko- dobojskog kantona“, broj 10/15 i 8/22), i članom 31. stav (1) tačka b) Poslovnika o radu Vlade Zeničko- dobojskog kantona („ Službene novine Zeničko- dobojskog kantona“, broj: 10/21), te na osnovu uvida u tekst Prijedloga Zakona o visokom obrazovanju (u daljem tekstu : Prijedloga Zakona) dostavljenom aktom veze, u postupku pravne analize Prijedloga Zakona, provedene s ciljem utvrđivanja usklađenosti istog sa:

- Europskom konvencijom o zaštiti ljudskih prava i sloboda i drugim pravima,
- Zakonom o prekršajima u Federaciji Bosne i Hercegovine („Službene novine Federacije Bosne i Hercegovine“, broj: 63/14),
- Zakonom o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05),
- Zakonom o kantonalnim ministarstvima i drugim tijelima kantonalne uprave („Službene novine Zeničko- dobojskog kantona“, broj: 10/15 i 8/22), daje se


MIŠLJENJE

Uvidom u odredbe Prijedloga Zakona utvrdili smo da je Ministarstvo za obrazovanje, nauku, kulturu i sport postupilo u skladu s obavljenim usmenim konsultacijama i dostavilo novi korigovani akt, te u skladu s članom 11. Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15 i 8/22), a u postupku davanja mišljenja na dostavljeni akt, broj i datum gornji, Ministarstvo za pravosuđe i upravu Zeničko-dobojskog kantona, s aspekta svoje nadležnosti, nema primjedbi na dostavljeni Prijedlog Zakona.

Napominjemo, da za jezičko-gramatičke formulacije, kao i za pojedina pravna rješenja u dostavljenom tekstu Prijedlog Zakona Ministarstvo ne snosi odgovornost.

Poštovanje,

Dostaviti:
1 x Naslovu
1 x a/a



MINISTAR

Nebojša Nikolić



Bosna i Hercegovina, Zenica, Kučukovići br. 2
telefon: 032/ 460 740 i 460 741; Fax: 032/460 742
e-mail: min.pravosudje@zdk.ba,
www.zdk.ba



6377

2840

Broj: 07-34-95-47-1-2/22
Zenica, 26.04.2022. godine

MINISTARSTVO ZA OBRAZOVANJE, NAUKU, KULTURU I SPORT

OLJIC
04-02 7-1-2

PREDMET: Mišljenje na Prijedlog Zakona o visokom obrazovanju
- dostavlja se

Ministarstvo finansija je razmotrilo Prijedlog Zakona o visokom obrazovanju, koji je dostavljen na mišljenje uz Vaš akt broj: 10-34-95-47-1-2/22 od 21.04.2022. godine, te u skladu sa članom 8. Pravilnika o proceduri izrade izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj: 34/16 i 15/18) i članom 31. stav (1) tačka c) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), u pogledu finansijskih sredstava potrebnih za izvršenje ovog propisa, odnosno o fiskalnoj procjeni propisa, daje slijedeće

MIŠLJENJE

Članom 5. stav 2. Zakona o budžetima u Federaciji BiH („Službene novine FBiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), propisano je da „propisi koji imaju finansijske posljedice na budžet moraju biti obrazloženi, odnosno opravdani analizom troškova i koristi“.

Članom 21. stav 2. Zakona o organizaciji organa uprave u Federaciji BiH («Službene novine Federacije BiH», broj: 35/05), propisano je da „ako se za provođenje zakona ili drugog propisa koji se predlažu moraju osigurati određena finansijska sredstva, organi uprave obavezni su u obrazloženju tog propisa iskazati orijentacijski iznos finansijskih sredstava koja su potrebna za njegovo izvršavanje i odrediti izvore iz kojih treba osigurati ta sredstva.“

U Obrazloženju Prijedloga Zakona o visokom obrazovanju, između ostalog, navedeno je da za realizaciju ovog Zakona „nije potrebno u Budžetu Kantona obezbijediti dodatna finansijska sredstva...“.

U dostavljenoj Izjavi o fiskalnoj procjeni – Obrazac IFP-NE od 22.04.2022. godine, navedeno je da „Prijedlog Zakona o visokom obrazovanju neće zahtijevati dodatna sredstva iz Budžetu Zeničko-dobojskog kantona.“

Imajući u vidu navedeno Obrazloženje Prijedloga Zakona i dostavljenu Izjavu o fiskalnoj procjeni, Ministarstvo finansija nema primjedbi iz svoje nadležnosti, s tim da je u slučaju eventualne potrebe za dodatnim sredstvima za provedbu navedenog Zakona, nedostajuća finansijska sredstva obavezno obezbijediti samo Ministarstvo za obrazovanje, nauku, kulturu i sport Zeničko-dobojskog kantona, kroz uštede ili unutrašnje preraspodjele sredstava.

Napominjemo, da Ministarstvo finansija ne snosi odgovornost za pravna rješenja predložena od strane obrađivača u dostavljenom Prijedlogu Zakona.

S poštovanjem!

Dostavljeno:

1x Naslovu,
1x a/a.

MINISTAR

Josip Lovrić

OBRAZAC IZJAVA O FISKALNOJ PROCJENI

Obrazac IFP NE

A 1. Obradivač propisa

	KOD	NAZIV
Razdjel	22010001	Ministarstvo za obrazovanje, nauku, kulturu i sport

B 2. Osnovni podaci o prijedlogu propisa

Vrsta propisa/akta	Zakon	DA	Odluka	NE	Strategija	NE
	Uredba	NE	Drugi akti	NE	Drugi akti planiranja	NE
Naziv propisa/akta	Prijedlog Zakona o visokom obrazovanju					

C 3. Izjava o nepostojanju dodatnih fiskalnih efekata predloženog propisa

Prijedlog Zakona o visokom obrazovanju neće zahtijevati dodatna sredstva iz Budžeta Zeničko-dobojskog kantona.

D 4. Pečat i potpis odgovornog lica obradivača, odnosno predlagača propisa

Mjesto i datum

MINISTAR

Prof. dr. Spahija Kozina

Zenica, 22.04.2022. godine





BOSNA I HERCEGOVINA
FEDERACIJA BOSNE I HERCEGOVINE
UNIVERZITET U ZENICI

UNIVERSITY OF ZENICA

Adresa: Fakultetska br.3, 72000 Zenica, BiH
Tel. centrala: ++ 387 32 444 420; 444 421
Rektor: ++ 387 32 444 430
Fax: ++ 387 32 444-431, E-mail: rektorat@unze.ba
www: <http://www.unze.ba>
Transakcijski račun: 134010000001672 kod ASA d.d.
Sarajevo

Bosna i Hercegovina
Zeničko-dobojski kanton
Ministarstvo za obrazovanje, nauku, kulturu i
sport
n/r ministar prof.dr. Spahija Kozlić

Vaš znak:

Naš znak:

01-03-10-577/22

Zenica:

15.02.2022.godine

PREDMET: Prijedlozi i sugestije, dostavljaju se

Poštovani,

Na osnovu dostavljenog Nacrta Zakona o visokom obrazovanju dostavljamo vam primjedbe radne grupe na Nacrt zakona o isokom obrazovanju kako slijedi:

Član 2.

- a) tekst u zagradi treba da glasi (naučno-nastavna, nastavna, umjetnička, naučna i istraživačka zvanja);
- b) Kratki programi studija su programi stručnog osposobljavanja zainteresovanih osoba sa završenim visokoškolskim obrazovanjem, studenata i lica sa stečenim srednjim obrazovanjem za uključivanje u radni proces;
- c) Dualni studij podrazumijeva oblik studija koji se realizuje u saradnji s privrednim društvima i poslovnim subjektima u kojima je izvođenje nastavnog procesa podijeljeno između univerziteta i privrednih društava, odnosno poslovnih subjekata;
- d) Cjeloživotno učenje obuhvata kontinuirano učenje koje traje tokom cijelog života, a u funkciji poboljšanja znanja, kvalifikacija i kompetencija u okviru lične, građanske ili društvene perspektive u cilju zaposlenja.
- e) ...

Član 11.

Tekst "pojedine dijelove studija" zamijeniti sa "pojedine dijelove studija, kompletne studijske programe" i na kraju rečenice dodati i drugim općim aktima.

Član 12. treba dopuniti na slijedeći način:

Pravo na visoko obrazovanje imaju sva lica koja ispunjavaju uslove naučne spreme propisane Okvirnim zakonom BiH, podzakonskim propisima kao i općim aktima. Univerzitet ili organizacione jedinice bez obzira na rasu, boju kože...

Član 13.

Treba dodati stav 2: "(2) Osnivač može odrediti različitu cijenu školarine za studente strane državljanke".

Član 23.

Dio teksta ",te za prestrukturiranje studijskih programa" treba izbaciti jer nije jasno na koje studijske programe se odnosi.

Član 25.

Tekst "uz prethodnu saglasnost osnivača" treba zamijeniti tekstem "uz prethodnu saglasnost Vlade Kantona"

Član 32.

Stav 1 zamjeniti tekstem:

(1) Akreditacija je proces kojim se na osnovu spoljašnje revizije i ocjene kvaliteta potvrđuje da je visokoškolska ustanova u svom radu ili studijski program koji ona izvodi ispunila utvrđene standarde i kriterije.

Treba dodati stavove 2 i 3:

„(2) Standarde i kriterije za akreditaciju donosi Agencija.

(3) Stručnjake za ocjenu i reviziju kvaliteta određene visokoškolske ustanove, odnosno studijskog programa imenuje ministarstvo sa liste eksperata koju vodi Agencija."

Dosadašnji stav 2 postaje stav 4.

Član 36.

Umjesto termina "osiguranje kvaliteta" u stavovima 1 i 2 koristiti termin "osiguravanje kvaliteta", odnosno "dokument o politici osiguravanja kvaliteta" u stavu 1 i "vlastite sisteme osiguravanja kvaliteta" u stavu 2, s obzirom da je ova terminologija prihvaćena na Ministarskoj konferenciji u Jerevanu 2015. godine.

Član 40.

Predbolonjski termin "visoka stručna sprema" treba preformulisati da obuhvati i nove kvalifikacije.

Stav 1 treba da glasi: "(1) Visokoškolska ustanova vodi matične knjige studenata i lica koja su završila prvi, drugi, odnosno treći ciklus visokog obrazovanja, stekla visoku stručnu spremu, stručni, naučni, odnosno umjetnički stepen magistra i naučni stepen doktora nauka, kao i evidencije o ispitima, o uspjehu studenata na kraju školske godine, o izdatim diplomama i dodacima diplomi kao i druge evidencije utvrđene općim aktima visokoškolske ustanove."

Uvesti novi stav 5:

(5) Postupak akreditacije bliže se uređuje Pravilnikom koji donosi Ministarstvo.

Član 41.

Dodati stav 3.

Dodati stav 3: "(3) Indeks kao javna isprava može se izdati u vidu elektronske kartice."

Stav 3 postaje stav 4.

Član 43.

Dodati novi stav 4. koji glasi:

Postupak oglašavanja ništavnim propisuje se Statutom visokoškolske ustanove.

Član 53.
Iz tačke I Instituta'

Član 54.
Stav 4. treba glasiti: Rektor i **prorektori** su po funkciji članovi Senata.
Dodati novi stav 2. koji glasi:

Broj članova, sastav, način izbora i razrješenja i način rada senata utvrđuje se statutom visokoškolske ustanove.
Ostale stavove treba pomjeriti.

Član 55. stav 2.a) brisati „pozitivno“

Član 58. dodati tačku p) predlaže prorektora

Član 64. stav 7. na kraju rečenice staviti zarez i dodati tekst: o čemu odluku donosi osnivač.

Član 69. stav 1. treba glasiti: Naučno-nastavno, odnosno umjetničko-nastavno vijeće je akademsko tijelo organizacione jedinice i čine ga svi nastavnici i po jedan predstavnik saradnika matičnih katedri te organizacione jedinice u radnom odnosu, nastavna baza organizacione jedinice, kao i izabrani studenti.

Član 71. stav 4. b) i c) izmijeniti akademska i staviti **naučna i istraživačka zvanja**

Član 72. stav 2. f) za svoj rad odgovara vijeću instituta i **rektoru**, za rad iz domena finansijskog poslovanja odgovara upravnom odboru i **rektoru**.

Član 78. stav 2. izmijeniti na način da umjesto javnog stoji **interni** konkurs. (razlog smanjenje troškova, nedovođenje u zabludu ostalih i dr.)

Član 80. naziv promijeniti u **Registar časopisa i zbornika**

Član 80. stav 1. dopuniti: Senat visokoškolske ustanove formira registar časopisa i zbornika sa naučnih skupova **koji se koristi pri izboru...**

Član 81. stav 1. treba dopuniti tako da glasi: Pod priznatom publikacijom za izbor u naučnonastavna zvanja podrazumijeva se naučni časopis, zbornik radova sa konferencije u štampanoj ili elektronskoj formi koji su upisani u Registar iz člana 80.

Član 82. e) dopuniti na slijedeći način: **i proveden jedan izborni period u zvanju asistenta**

Član 87. dopuniti novim stavom kojim će se predvidjeti mogućnost raspisivanja internog konkursa/oglasa za napredovanje nenastavnog osoblja u radnom odnosu na visokoškolskoj ustanovi uz prethodnu saglasnost Osnivača.

Član 88. stav 2. "**Prethodno odobrenje za angažman nastavnika i saradnika daje Senat visokoškolske ustanove**".

stav 3. treba brisati jer će se ova pitanja detaljnije regulisati Statutom

Član 92.

Dodaje se stav 2 koji glasi: "Izuzetno od prethodnog stava, nastavnik može biti penzionisan na vlastiti zahtjev, ako ispunjava uslove za starosnu, prijevremenu ili invalidsku penziju propisane Zakonom o radu.

Član 116. ECTS

Stav 1. dopuniti: 60 ECTS bodova

Član 121.

Dodati stav 2.: Sredstva za uvođenje studijskog programa od javnog interesa obezbjeđuje osnivač."

Iza člana 122. treba ubaciti novi član 123. (dualni studij) koji glasi:

(1) Visokoškolska ustanova može organizovati dualni studij u kojem kroz aktivnu nastavu na ustanovi i praktičnu obuku radom u poslovnom subjektu stiču, usavršavaju, odnosno izgrađuju znanja, vještine i kompetencije u skladu sa studijskim programom i standardom kvalifikacije.

(2) Dualni studij se može organizovati kao samostalni studijski program ili kao jedan od modula unutar drugih studijskih programa.

(3) Dualni studij se realizuje kroz teorijsku nastavu na visokoškolskoj ustanovi i praktičnu obuku i rad u poslovnim subjektima.

(4) Visokoškolska ustanova koja želi realizovati studijske programe po dualnom modelu studija formira mrežu poslovnih subjekata i drugih organizacija koji imaju potrebu za zapošljavanjem lica sa kvalifikacijama koje se stiču na toj ustanovi.

(5) Međusobni odnos visokoškolske ustanove, poslovnih subjekata i drugih organizacija i studenata u studijskim programima, odnosno modulima po dualnom modelu uređuju se posebnim ugovorom.

(6) Ugovorima iz stava (5) ovog člana osiguranje kvalitete studija povjerava se visokoškolskoj ustanovi.

(7) Statutom visokoškolske ustanove preciznije se uređuju sva pitanja u vezi sa realizacijom iz prethodnog stava.

Član 124.

Dodati novi stav 3. koji glasi:

U slučaju postojanja opravdanih razloga ispit ili dio ispita može se održati online.

Sadašnji stav 4 brisati.

Član 126.

Brisati postojeće stavove 3. i 4. i ubaciti nove koji glase:

(3) Student može prenijeti u narednu godinu studija, unutar trajanja jednog ciklusa, najviše dvanaest ECTS bodova ili najviše dva predmeta, ukoliko senat ne odluči drugačije.

(4) Studentu koji obnavlja studijsku godinu visokoškolska ustanova može unutar jednog ciklusa, u skladu sa svojim kapacitetima i organizacionim mogućnostima, odlukom Naučno-nastavnog vijeća dozvoliti pohađanje nastave i polaganje nastavnih predmeta iz naredne studijske godine pod uslovom da ukupno opterećenje studenata po semestru ne prelazi 30 ECTS bodova."

Član 140. stav 2.

Iza Vlada Kantona staviti tačku. Nastavak treba brisati.

Čl. 145., 146, 147. treba korigovati

Smatramo da je inspekcijski nadzor generalno previše strog, preopširan i predetaljan i da je bolje ostaviti onako kako je bilo Vazeći zakon sadrži bolje odredbe.

150. srediti tekst st. 2. i 3. nisu jasni

Član 156. nema u vidu odluku koju je donijela Skupština ZDK tako da bi postojeću odredbu trebali precizirati jer se izbori u akademska zvanja za nastavnike na IPF vrše u skladu sa ovim Zakonom.

Radna grupa

1. Jusuf Duraković

2. Larisa Velić

3. Enes Bikić

4. Samir Lemeš

5. Ibrahim Plančić



Broj: 10-34-96-20/22
Zenica, 22.04.2022. godine

SKUPŠTINA ZENIČKO-DOBOJSKOG KANTONA

n/r Predsjedavajućeg Skupštine

PREDMET: Izvještaj o provedenoj javnoj raspravi po Nacrtu zakona o visokom obrazovanju,
dostavlja se

Poštovani,

U vezi Zaključka Skupštine, broj: 01-02-4688/22 od 22.03.2022. godine u prilogu akta Vam dostavljamo Izvještaj o provedenoj javnoj raspravi po Nacrtu zakona o visokom obrazovanju.

S poštovanjem,

Dostavljeno:
1 x Naslovu,
2 x a/a (04)



MINISTAR

Prof. dr. Spahija Kozlić





**Predmet : Izvještaj o provedenoj javnoj raspravi po
Nacrtu zakona o visokom obrazovanju
(Sastavni dio Obrazloženja Prijedloga Zakona)**

Postupajući u skladu sa tačkom 2. Zaključka Skupštine Zeničko-dobojskog kantona, broj: 01-02-4688/22., od 22.03.2022. godine, Nacrt Zakona o visokom obrazovanju je upućen u javnu raspravu u JU Univerzitet u Zenici, sve općine Zeničko-dobojskog kantona, Grad Zenicu, Grad Visoko i Grad Zavidovići sa rokom za provođenje javne rasprave u trajanju od 15 dana.

Tačkom 3. navedenog Zaključka Skupštine, utvrđeno je da su organizatori javne rasprave Gradonačelnici gradova i Načelnici općina i Ministarstvo za obrazovanje, nauku, kulturu i sport, te je, s tim u skladu, Ministarstvo za obrazovanje, nauku, kulturu i sport sačinilo *Plan javne rasprave*, broj: 10-34-4688-1/22., od 24.03.2022. godine, i provelo javnu raspravu u svim gradovima i općinama na području Kantona, a u kojima su učestvovali ovlašteni predstavnici gradova/općina, predstavnici JU Univerzitet u Zenici i Ministarstva za obrazovanje, nauku, kulturu i sport Zeničko-dobojskog kantona. Primjerak Nacrta Zakona objavljen i na službenoj web-stranici Zeničko-dobojskog kantona.

Postupajući u skladu sa navedenim Zaključkom Skupštine Kantona, detaljno su razmotreni svi pristigli prijedlozi, primjedbe i sugestije, a koje čine sastavni dio ovog izvještaja, odnosno samog Obrazloženja Prijedloga Zakona o visokom obrazovanju.

PRIMJEDBE, SUGESTIJE I PRIJEDLOZI UČESNIKA JAVNE RASPRAVE

SKUPŠTINA ZENIČKO-DOBOJSKOG KANTONA

1. Zastupnica Sanja Renić

Prije svega želim da se zahvalim ministru što nam je ovako detaljno.... napravio uvod. Mi smo svi svjedoci ovdje koji se nalazimo... jer smo nedavno dobili presudu Ustavnog suda kojom nam je naloženo da kantonalni Zakon o visokom obrazovanju uskladimo sa Okvirnim Zakonom o visokom obrazovanju Bosne i Hercegovine, jer jasno je da naš kantonalni zakon predviđa da za izbor rektora i prorektora, saglasnost daje Vlada, a što je u suprotnosti sa Okvirnim Zakonom koji kaže da iste bira Senat i da se saglasnost ne treba tražiti, to je sada ministar rekao. I samim tim je evidentno koliki je to politički uticaj na obrazovanje i već sam u elaboraciji iznijela ekstremno sramne činjenice politikanstva u visokom obrazovnim institucijama i ovdje bih samo napravila jednu digresiju na onaj odgovor ministra kolegici Bukva, koji je rekao da je dobio najvišu ocjenu od studenata, ja mu čestitam na tome, onda smo poslije imali priliku da čujemo i čestitke naše kolegice Jupić koja je također čestitala na obnovama nekih škola koje su evo u prethodnih, ne znam koliko godina vlada SDA, dostigle nivo da im počnu padat' krovovi djeci na glavu, pa valjda je vrijeme da se to popravi, ne mislim da trebaju da idu neke čestitke, posebno za posao koji se treba obavljat'. Ono što je prof.... ministar evo i profesor sad rekao da je 15 godina u ovoj oblasti obrazovanja, za 15 godina bilo bi dobro da je uspio kao i njegov

mentor pokojni gospodin profesor Škuljević napraviti jednog profesora na fakultetu, tako da ste se u punom kapacitetu mogli posvetiti ministarskoj poziciji, obzirom da nije bilo nikoga drugog izgleda da to radi da ne bi trpili ili studenti ili Ministarstvo.

Ovdje ću skrenuti pažnju predlagачu Zakona da je i ovaj Nacrt Zakona o visokom obrazovanju nije usklađen sa Okvirnim Zakonom i da treba da se doradi Nacrt i uskladi sa Okvirnim Zakonom i napomenuću da član 63. Okvirnog Zakona kaže: „Zakon Republike Srpske i kantonalni zakoni iz oblasti visokog obrazovanja uskladiće se sa odredbama ovog Zakona u roku od 6 mjeseci od donošenja ovog Zakona“, koliko ja računam mi dobro kasnimo i navešću primjere neusklađenosti kantonalnog zakona sa Okvirnim Zakonom odnosno sa ovim Nacrtom koji nam je predložen:

Primjer 1. Okvirni zakon BiH u poglavlju tri „Statut visoko-školske ustanove“, član 12. stav 2. kaže: „Statut donosi Senat uz prethodno pribavljeno mišljenje Upravnog odbora visoko-školske ustanove“, a u Nacrtu o kojem se danas govori stoji i vi ste to ministre isto spomenuli, da pod... to je pozitivno mišljenje Upravnog odbora, ovdje je samo sporno to što zakon ne poznaje pozitivno ili negativno mišljenje, to je jedini problem.

I primjer 2., član 16. Okvirnog Zakona u poglavlju šest „Senat visoko-školske ustanove“ kaže: „Broj članova, sastav i način rada Senata utvrđuje se Statutom visoko-školske ustanove“, a ovaj Nacrt se bavi svim ovim pitanjima i sa brojem članova Senata, sastavom Senata i načinom rada Senata, a što je u suprotnosti sa Okvirnim Zakonom koji je nedvosmisleno propisao da ova pitanja definiše Statut visokoškolske ustanove, a ne kantonalni ili neki niži zakon.

Eto toliko samo.

Stav predlagачa po primjedbi:

Primjedbe se ne usvajaju. Imajući u vidu član 12. stav 2. Okvirnog zakona o visokom obrazovanju u Bosni i Hercegovini („Službeni glasnik BiH“, broj: 59/07 i 59/09) koji propisuje da: “Statut donosi senat uz prethodno pribavljeno mišljenje upravnog odbora visokoškolske ustanove.“ kao i član 63. stav 2. Okvirnog zakona koji propisuje da: „Sva pitanja iz oblasti visokog obrazovanja koja nisu regulirana ovim Zakonom regulirat će se zakonima na nivou Republike Srpske i kantona.“, odredbama Nacrta bliže se utvrđuje pribavljanje pozitivnog mišljenja Upravnog odbora kao organa visokoškolske ustanove koji je odgovoran za finansijsko poslovanje iz razloga što se Statutom utvrđuju pitanja koja povlače i finansijska sredstva. S obzirom na finansijske mogućnosti visokoškolske ustanove potrebno je pozitivno mišljenje Upravnog odbora prilikom donošenja Statuta koji će prilikom davanja pozitivnog mišljenja posebno cijeliti finansijske mogućnosti visokoškolske ustanove.

Druga primjedba koja se odnosi na broj članova, sastav i način rada Senata visokoškolske ustanove je neprihvatljiva obzirom da Statut visokoškolske ustanove mora biti usklađen sa Okvirnim zakonom o visokom obrazovanju ali i sa kantonalnim zakonom o visokom obrazovanju kojim se regulišu sva pitanja iz visokog obrazovanja koja nisu regulisana Okvirnim zakonom.

2. Zastupnica Meldina Ugarak

Ja neću dugo, ovaj samo ću kratko da se osvrnem na dvije stvari. Prije svega želim da čestitam resornom Ministarstvu, ovaj ipak sjećam se svih ovih izmjena i dopuna, ja mislim da je ovo najispravniji način da se Zakon nekako reformski gleda i da ne bude uvijek parcijalno rješavanje određenih problema. Ja ću onaj kad dobijemo Prijedlog Zakona vjerovatno ulagati određene amandmane, ono što mi je onako, simbolično kažete da ovaj Zakon po prvi put

podrazumijeva obavezne sistematske preglede i to je za svaku pohvalu. E ja onda kažem sama sebi u kom' vaktu u kom' vremenu mi živimo, to je dobra stvar ministre nemojte me pogrešno shvatit', ali ono što je ljudski inicijalno i što je prioritetno za prava ljudi koji rade u našim javnim institucijama jeste njihovo zdravlje i dostojanstven život kroz primanja koja primaju i mi pričamo o nekoj reformskoj promjeni. Čestitam, recimo u mom zakonu, u našem gdje ja radim, mi još uvijek nemamo to naloženo tako al' nadam se da ćemo i mi stići vas u tom kontekstu. Ono što ste spomeuli i ja ću samo kratko se osvrnuti, a bili ste tada zaposlenik Univerziteta, ja sam u više navrata za ovom skupštinskom govornicom govorila sljedeće: Razni rektori su dolazili ovdje u našu Skupštinu, izvještavali nas, davali svoje prijedloge, sugestije itd., ono što Skupština radi ja mislim od svakog zastupnika pojedinačno mogu garantovati da radi u interesu zaštite tih ljudi koji rade u institucijama kojima je kanton osnivač, pa do zakonskih propisa i uredbi. Ono što se meni nije sviđjelo danas, što sam čula, jeste da određeni ljudi su izmišljali predmete, to je ogromna optužba, a ja kažem da Univerzitet kako postoji još uvijek čuva hatura par profesora i zbog toga tol'ko sporo donosimo odluke i elaborate o dopunama nastavnih procesa i nastavnih programa kaskamo. Zašto? Vratću se ponovo, čuvamo hatura određenih ljudi, nećemo da zapošljavamo nove ljude ono što tržištu treba u cjelosti, ima napretka i to čestitam i sudionik sam i toga bila jer sam pokrenula inicijativu da Univerzitet davno nekad napravi protokol o saradnji sa realnim sektorom, to je Univerzitet usvojio i na tome se radi, čestitam vam. Jedna stvar koja ovdje ne može nikako biti izostavna ovog Zakona jeste i time ću završiti vezano za svoju diskusiju, a to je da pričamo o depolitikanstvu javnih sektora koji bi trebali nekad da zažive u punom kapacitetu, al' da se ne lažemo, jer ima jedna stavka u Zakonu, ne znam tačno koji član predviđa, da se Skupština preskače kao rad tijelo i da se nastavni planovi i programi ubrzanim procesom, jednostavnijim, donose preko unutarnjih tih organa u saradnji sa Vladom Zeničko-dobojskog kantona. Ja to neću podržat', zato što... kad ukine Univerzitet Upravni odbor koji se formuliše preko političkih pozicija, a znamo kako se upravni i nadzorni odbori formiraju, tada ću podržat' da i Skupština nema pravo glasa vezano za procese Univerziteta. Hvala.

Stav predlagača po primjedbi:

Primjedba se ne usvaja. Član 11. Okvirnog zakona o visokom obrazovanju Bosni i Hercegovini propisuje da se: „Ne može se uskratiti ili ograničiti sloboda visokoškolskim ustanovama da: inoviraju načine za sticanje visokog obrazovanja u okviru svojih licenci i nude studijske programe za sticanje vještina potrebnih ili korisnih za ostvarivanje ciljeva visokog obrazovanja“, te je na tragu citiranog člana Okvirnog zakona potrebno pojednostaviti proces uvođenja novog studijskog programa na visokoškolskoj ustanovi, kao što je urađeno u predloženom Nacrtu Zakona o visokom obrazovanju a za što je postojali i zahtjevi sa visokoškolske ustanove. Zakonodavno-pravna komisija Skupštine Zeničko-dobojskog kantona je podnijela inicijativu a i istu je i prihvatila Skupština Zeničko-dobojskog kantona da se pojednostavni procedura pokretanja novih studijskih programa i usvajanja elaborata novih studijskih programa na visokoškolskoj ustanovi.

3. Zastupnik Ermin Čehić

Poštovani članovi radnog predsjedništva, kolege zastupnici i gosti, pa evo ja bih rekao dvije, tri stvari gdje mi ovdje brkamo, znači evo slušam zastupnike, pa čini mi se da se ovo pretvara u neki obračun sa ministrom koji radi svoj posao. Da li ga radi dobro il' loše saznaćemo kada se Zakon primjeni, u svakom slučaju naša obaveza je po odluci Ustavnog suda da moramo znači, donijeti zakon i uskladit ga sa krovnim zakonom. Ove sitnice koje je kolegica navela vjerovatno

se mogu izmijeniti i neće činiti veliki problem, po meni bi dobro bilo da se posvetimo stvarnim problemima na Univerzitetu. Ja sam ovdje u nekoliko navrata ukazivao na kriminalne pojave koje su zastrašujućih razmjera, čak sam i predlagao, eto moram uputiti kritiku i ja ministru kad su svi daj da i ja na onu inicijativu da organiziramo jednu radnu skupinu koja će pomoći Univerzitetu. Recite mi kad već raspravljamo o anatomiji.. auh pardon autonomiji Univerziteta, ko će zaštititi uposlenika Univerziteta od nepotizma koji vlada tu već godinama? Vi imate Senat koji se sastoji od bračnih parova, imate ljude koji po vertikalnoj ili horizontalnoj liniji uvode i daju zvanja svojim najbližim, rodbini, supruzi, a mi raspravljamo ovdje koliko ministar ima fond sati, jel' uštedio il' nije uštedio. To su strašne stvari, to su stvari koje treba da istražuje država, ko će se u to petljat', zanima me kad Senat čine bračni parovi, jel' to zakon? Hoćel' Senat sam sebe destruirati i kažnjavati, koja je uloga Upravnog odbora, hoćemo li im uskratiti da nemaju pravo uskoro ni finansije da rade? Neko mora kontrolirat, pa i tu uređenu ili u ovom slučaju neuređenu anatom... autonomiju Univerziteta, hoće medicina pravo, pa stalno vučem na anatomiju. Dakle, ja bih volio da se posvetimo suštini, Zakon nam treba, moramo ga prilagoditi, imamo krovni Zakon otprilike u gotovo stoprocentnom dijelu je ovo usklađeno na kraju krajeva ovo je Nacrt imat ćemo pravo amandmanski djelovati ako neko smatra da treba djelovati. Posebno pozdravljam ovaj dio koji se odnosi na mogućnost da ljudi, jer nemamo dovoljno ljudi kvalitetnih, mogu produljiti rad na Univerzitetu. Razlog je vrlo jednostavan, evo sudije i tužioc i koji po meni imaju jedan zbilja odgovoran posao pa i oni mogu raditi do sedamdesete godine, pa ne vidim razloga zašto Univerziteti profesori koje je jako teško odškoloovati, ne bi mogli predavati do neke godine ako to žele, ako ne žele, evo Zakon ostavlja mogućnost i slobodu izbora. Ono što niko ovdje ne spominje, a to je iznimno bitno da ipak mora postojati kontrolni mehanizam, znači nije to Skupština, nisu skupštinska tijela, nije Upravni odbor, nije Zakon, pa ko kontrolira to, hoće li to bit' mediji, hoćemo li biti toliko moralno odgovorni ako neke stvari činimo da podnesemo sami ostavku? Mislim da itekako treba da postoje određene odredbe koje će se pobrinuti da nekakva kontrola neovisna postoji, postoji i u drugim državama, pa nigdje nema na svijetu da nekom date 15 miliona i da ih ne smijete pitati u šta su ih potrošili. Ako to može tako dajte onda dozvolite da osnujemo privatni Univerzitet, pa nek' i nama daju 15 miliona i da me ne pitaju, da kažem to je autonomija Univerziteta. Dakle, molim vas, dajte da se bavimo ovdje suštinom, a volio bih da o tome diskutiraju ipak oni ljudi koji su vezani za Univerzitet i sa određenim poznavanjem akademskih zvanja i tradicija. Eto toliko, hvala.

4. Zastupnica Sanja Renić

Gospodinu Čehiću.

Prije svega kolega je rekao da je ovo lični obračun, pa evo ja bih odmah da se ogradim i da podsjetim da smo mi ovdje došli zato što su neki ljudi glasali za nas i da ti neki ljudi nama šalju pitanja koja žele da ih mi ovdje pročitamo i da im... da dobijemo odgovore koje bi onda njima prosljedili, ja to evo radim tri i po godine, meni je žao da sam do sad imala priliku da se na moja pitanja, da budem i tužena i da se vode sudski sporovi zbog toga što, znači postavljam pitanja koja građani mi dostavljaju, zato ne bih voljela da mislite da je ovo neki lični sukob niti želim da bude na tome, ja samo želim da dobro radim svoj posao koji trenutno obavljam. Kolega je spomenuo nepotizam, pa makar mi u ovoj Skupštini ne bi trebali pričati o nepotizmu i o tuđem nepotizmu kad imamo dosta ovdje, ovaj, stvari o kojima bi mi mogli da raspravljamo, ja sam jednom isto to spomenula na jednoj od prethodnih sjednica i onda sam bila brutalno

napadnuta zato valjda treba sad da se šuti da bi glava ostala na ramenu, međutim pa ne znam kol'ko je pametno, a kol'ko je kukavički, znači, to pitanje o nepotizmu za najviše akademsku zajednicu jednog kantona, pa to valjda trebaju da budu ljudi koji su upravo to, najviša akademska zajednica u koju trebamo da imamo povjerenja kao što smo imali nekada davno, kao što je pravosuđe, kao što smo imali povjerenje u tužilaštvo, u tužioce i u sudije i koji su nekad bili persone ... i služili su za primjer. Nažalost, to više nije tako i mi sad trebamo da živimo u skladu sa situacijom koja trenutno vlada, a koja sigurno neće vladati vječno, što već vidimo da međunarodna zajednica mijenja svoje mišljenje prema nama, odnosno makar će promijeniti medijatore koji su do sad dolazili u ovu zemlju. Kada se radi o kontroli najviše akademske zajednice, ja pitam ko kontroliše ovu Skupštinu kao najviše zakonodavno tijelo, ako i ovu Vladu?, ko kontroliše ministre i zastupnike? Znači, kontroliše većina onako da onog ko postavi pitanje tuži i da ga tim tužbama i sudskim procesima iscrpljuje. Ja ne znam da smo ovdje ikad o tom razgovarali i da se o tom raspravljalo, to je nešto što se šuti, što se stavlja pod tepih, valjda i što nije popularno da se govori o tome, a vjerovatno zato i nemamo priliku da ove sjednice budu javne, da se snimaju. Imamo priliku da na našoj stranici Skupštine stoje inicijative i pitanja prethodnog saziva, osmog saziva uopće nema mi za javnost ne postojimo, ja sam jednom to rekla, mi smo ovdje neka nevidljiva Skupština koja treba da igra na mišiće, da donosi tako odluke i postavlja ljude i ko smije to da kaže nek' kaže, ko ne smije, ovaj nek' šuti, ja ću reći ono što smatram da je ispravno i ovo sve što sam iznijela do sada o Zakonu o visokom obrazovanju i primjedbe koje sam stavila, jer smatram da jedna tako jaka i velika stranka koja ima izuzetne ljude prije svega ću reći žene, kao što je SDA, mogla da podijeli te funkcije, jer ne bi bilo.... što, šta ima veze da je i žena iz SDA ministrica ili profesorica, tako da nemojte smatrati da je ovo lično bilo što sam do sad diskutovala i ovaj ja svakako vidim kad neko dobro radi, al' moj posao je ovdje i zato sam izabrana da ukazujem na ono što ljude interesuje i što im nije jasno. Hvala.

5. Zastupnik Ismet Sarajlić

Sve vas pozdravim, vrlo kratko, svaka promjena ovakvog Zakona kakav je sad je dobrodošla, imali smo u osnovi.... ja samo vam želim da sugerišem na taj problem da se ne bi ponovio u osnovi znači se radilo o.. i ona je bila evidentna, nije bila samo u Zeničko-dobojskom kantonu vjerovatno je „copy-paste“, svugdje ovdje je bila malo izražena, a to je politizacija Univerziteta, ta politizacija uvijek donosi negativan kontekst, u tom negativnom kontekstu ono što je zaista frapantno, poražavajuće, a to sam pročitao neki dan nisam imao taj podatak je da je u Federaciji Bosne i Hercegovine u ovoj akademskoj godini upisano 53.000 bruceša, a od te 53.000 bruceša oko 1.000 bruceša je manje-više upisano na Univerzitet u Zenici, to ne da je katastrofa, to je ono... to u... u... u.... koliko god bili lokal-patriote, koliko god... dovodi upitnost postojanja same institucije ako će tako raditi. Ako, i slažem se ovdje sa gospodinom Čehićem i slažem se sa gospodom Renić, naravno da mi prvenstveno se ne smijemo uplitati u pitanja koja su stručna u akademskoj zajednici, to je dovelo do poraza koji se sad dešava u međuljudskim odnosima u generalnom statusu zeničkog Univerziteta, to prate ti ljudi koji upisuju te Univerzitate i porazno je da za kanton koji ima skoro 400.000 stanovnika mi imamo na zeničkom Univerzitetu upisano oko hiljadu bruceša. Zaista nevjerovatan podatak u odnosu na neke relevantne Univerzitate, mada je najmlađi i to opravdavam, ovaj al' zaista bi to moralo biti puno bolje. Zato bih vas zamolio samo u jednoj stvari u toj politizaciji odlično ste vi sve rekli i ja to podržavam, Nacrt je, postoje stvari koje... ovdje može postojati opasnost zaista uloge Upravnog odbora, ja bih

vas molio da obratimo pažnju svi zajedno na to, jer to ulazi u domen već politike, ne stručnosti ja svatam da postoji.... to je javna ustanova, javna ustanova ima svoj menadžment, taj menadžment je izabran evo na ispravan način, pretpostavljamo, evo konkursnim procedurama... u nekim tijelima Senat odlučuje itd., pustimo ljude da rade, jer mi ćemo kroz tu... bojim se da ta neusklađenost sa Okvirnim opet ne rezon.... ne rezultira apelacijom Ustavnom sudu, pa da opet smo na tom lošem zvonu, ako to možemo ispraviti, ako možemo redukovati, ulogu Upravnog odbora u tom procesu odlučivanja na neke stvari koje su zaista minorne i minimalne, a ne suštinski političke, onda smo uradili pravu stvar. Mislím, ja produžavam ovo u smislu... još je Nacrt, al' zaista bih volio da se i najmanja sumnja ulaska politike na Univerzitet otkloni, a to je... jedini je ost'o tu sad taj Upravni odbor kojeg imenuje Vlada koja je u suštini politička i o kojem bi trebalo sad povest' računa. Zato bih vas molio da se to ispravi u javnoj raspravi i da se povede računa ako možete i prije, ovaj, dok ne dođe Prijedlog Zakona. U svakom slučaju pozitivne su promjene, one su potrebne, ovaj, s obzirom da je Nacrt ja ću danas ovo podržati, al' na Prijedlogu ovaj, ću vidjeti da se tačno izvrši možda malo iz... relevantnije mišljenja određenih pravnika uloga Upravnog odbora upravljanja Univerzitetom. Hvala.

Stav predlagača po primjedbi:

Primjedba se ne usvaja. Član 15. Okvirnog zakon o visokom obrazovanju Bosni i Hercegovini propisuje da: „Upravni odbor ima između sedam i jedanaest članova od kojih najmanje jednu trećinu imenuje osnivač, a ostale imenuje senat te visokoškolske ustanove u skladu sa statutom. Senat univerziteta imenuje i razrješava članove upravnog odbora na mandat od četiri godine, u javnoj i transparentnoj proceduri javnog konkursa.“Kada se napravi usporedba sa članom 51. Nacrta Zakona o visokom obrazovanju koji u stavu (2) predviđa da:

„(1) Upravni odbor visokoškolske ustanove ima sedam članova i čine ga predstavnici akademskog i neakademskog osoblja, studenata i osnivača. (2) Upravni odbor javne visokoškolske ustanove čine četiri predstavnika iz reda osnivača, dva iz reda nastavnog osoblja i jedan predstavnik studenata čija imenovanja predlaže senat, koji se biraju u skladu sa zakonom. (3) Predsjednik upravnog odbora javne visokoškolske ustanove imenuje se iz reda osnivača.(4) Imenovanje i razrješavanje članova upravnog odbora iz reda osnivača vrši Vlada Zeničkodobojškog kantona u skladu sa odredbama Zakona ministarskim, vladinim i drugim imenovanjima („Službene novine Federacije BiH“, broj: 12/03, 34/03 i 65/13), a ostale članove upravnog odbora senat visokoškolske ustanove u javnoj i transparentnoj proceduri javnog konkursa u skladu sa statutom. (5) Mandat članova upravnog odbora je četiri godine. (6) Članovima upravnog odbora javne visokoškolske ustanove pripada naknada za rad u upravnom odboru u visini koju utvrdi Vlada Kantona. (7) Rektor, prorektori, rukovodioci organizacionih jedinica univerziteta i članovi senata visokoškolske ustanove ne mogu biti članovi upravnog odbora te visokoškolske ustanove.“iz naprijed navedenog proizilazi da je citirani član Nacrta Zakona usaglašen sa Okvirnim zakonom kako u pogledu broja članova, tako i u načinu imenovanja članova.

6. Zastupnik Ermin Čehić

Ja se apsolutno slažem. Ovo je kolega Sarajlić Ismet odlično rekao. Znači, imamo pravi pokazatelj broja upisanih studenata na našem Univerzitetu. Pri tome je najgori fakultet s kojeg nam dolazi rektor ovaj rektor, je li. To je najveći pad upisanih studenata. Ma ima jedna stvar ovo što bih htio da kažem o Upravnom odboru Univerziteta. Ja sam postavio jedno pitanje,

znači, postavlja se uopće svrha postojanja Upravnog odbora Univerziteta koji navodno je nadležan za finansijsko upravljanje radom Univerziteta ne petljajući se u autonomiju i tako bi trebalo da jeste, ovo kako ... što je gospodin Sarajlić rekao. Međutim, ja sam postavio pitanje prije 2 mjeseca da mi se dostave finansijski podaci jer izražavam ozbiljnu sumnju o finansijskim malverzacijama kod isplate u ovom slučaju, neću reći ime, kod isplate jednog profesora. Znači, da su pisani, ovaj, sati koje čovjek nije odradio. Ako to ne mogu dobiti od Upravnog odbora, a medijski to smo mogli svi pročitati, onda ne znam od koga ću dobiti. Dajte mi recite od koga da tražim jer Upravni odbor mora znati bar nešto o tim finansijama. Želim da upozorim ukoliko ne dobijem uskoro odgovor, ministre, da ću to pitanje postaviti Tužiteljstvu. Dakle, Upravni odbor mora imati pregled finansijskih transakcija. Podvlačim nemoguće da vam neko da' 15 miliona maraka i da nemate pravo pitati u šta su potrošene. To je suludo. Hvala.

7. **Zastupnica Maida Tanović**

Bila sam odustala. Zahvaljujem predsjedavajući. Ovaj, gotovo sam bila odustala od diskusije, ali ne mogu da se ne osvrnem na ove prethodne diskusije. Slažem se u principu sa prethodnicima, ali prije svega želim da čestitam Ministarstvu. Ovo je čini mi se drugi nacrt proizašao do ... pred ovom Skupštinom, došao iz Ministarstva za obrazovanje, nauku, kulturu i sport. Drugi nacrt zakona, sve u svemu treći u ovom sazivu Skupštine obzirom da su svi zakoni po skraćenom postupku, meni to lično smeta, ovaj, pomenuo je ministar, dones ... donešeni do sad, pa eto možda da mandat traje još 4 godine, možda bi vidjeli više nacrt, ali eto ovako imamo sad ova tri. Nacrt je u principu dobar, nema se tu nešto šta puno osim ovoga što su skrenuli ... što su ... na što su skrenuli pažnju, ali ako već pričamo o politizaciji, depolitizaciji, autonomiji itd., mogli bi se mi tu osvrnuti na još štošta. Po meni, ovaj, sami profesori su politički aktivni i istaknuti članovi političkih stranaka, ovaj, i to je jedna vrsta politizacije. Po meni će nastupiti prava depolitizacija Univerziteta inače ne samo Univerziteta nego i srednjoškolskog obrazovanja i osnovnog kada se profesori budu bavili onim ustvari za što su se školovali, za što i za ... i za ... i što im je dužnost da obrazuju sljedeće naraštaje, a ne da budu usput i prepoznatljivo političko lice itd., itd. Po meni je to neka vrsta... A što se tiče Upravnog odbora, to sam zaista ... svi znamo kako se to imenuje i na koji način. Ovaj, sad njihova uloga u tom svemu je diskutabilna, ali ipak kažem ovo je Nacrt Zakona na koji se može uticati amandmanski. Mi smo na Zakonodavno-pravnoj komisiji ustvari dobili preporuku da javna rasprava traje 15 dana obzirom na presude tog Ustavnog suda. Po meni bi trebala da traje ipak malo duže i da se više, ovaj, struka pita tako da ... eto toliko, zahvaljujem.

8. **Zastupnik Jasmin Duvnjak**

Neka živi naša domovina Bosna i Hercegovina. Poštovani predsjedavajući, zamjeniče, kolege članovi Vlade, uvaženi ministre, predstavnici Univerziteta, mediji sve vas srdačno pozdravljam. Red je da nešto u ovom Zakonu kažu i studenti, pa evo ja ću nekoliko stvari vezano za ovaj Zakon o visokom obrazovanju, dokle mogu ... dokle mogu dobaciti u prepoznavanju nekih stvari koje ... koje imamo kroz ... kroz ovaj Zakon. Prije svega, želim da odam priznanje uvaženom ministru Ministarstva za obrazovanje, nauku, kulturu i sport, prof. dr. Spahiji Kozliću na njegovom dosadašnjem radu na poziciji ministra obrazovanja, nauke, kulture i sporta u Zeničko-dobojskom kantonu i ono što mi svjedočimo u Zenici i u svim gradovima Zeničko-dobojskog kantona to je jedna revolucija koja je napravljena na polju modernizacije obnove i rekonstrukcije, pa skoro mogu kazati svih školskih ustanova. Nešto što zaista ohrabruje i što osigurava zaista evropske standarde kad je u pitanju infrastruktura, kad je

u pitanju oprema, dakle, kad je u pitanju ... kad je u pitanju modernizacija naših škola, Univerziteta itd. I ministre zaista želim da iskažem zahvalnost i Vama i cijelokupnoj Vladi Zeničko-dobojskog kantona koja daje podršku u tom radu. Vi ste jedan revnosan, odgovoran čovjek koji evo, ovaj, i na mjestu ministra pokazao vrlo bitnu stvar koju bi trebao da pokazuje svaki javni dužnosnik a to je dakle odgovornost, produktivnost, efikasnost i možete biti primjer mnogima, ne u Zeničko-dobojskom kantonu i ova Vlada, a i Vi lično možete biti primjer mnogima u Bosni i Hercegovini i kazao bih u regiji i šire. Što se tiče ovog drugog segmenta, zahvaljujem se dakle, takođe, što ste se uhvatili u koštac sa ovim, ovaj, problemom vezanim za potrebu donošenja novog Zakona o visokom obrazovanju. Naravno postojale su i potrebe i ovo o čemu su govorili i prethodnici. Ja ću kazati nekoliko stvari, nekoliko razmišljanja vezanih za odnos vlasti prema nečemu što se zove autonomija Univerziteta i akademska sloboda. Prvo da razjasnimo semantički, tu su uvaženi profesori, šta je to akademska sloboda, pa ćemo negdje naći tamo da su to ustvari mogućnosti da profesori, predavači, nastavnici, studenti pišu, promišljaju, istražuju nezavisno od države, politike, bilo kakve socijalne norme, ali što kaže uvaženi profesor, ovaj, Ermin, maloprije, je li, to ne znači autonomija i samostalnost na način da ste izolirani, na način da ste pusto ostrvo koje nikom ne podnosi račune i kojem niko ne odgovara ni za finansijsko ni za ... ni za ... ni za dakle ovaj ukupno ... ni za ukupno poslovanje. Bez obzira ko se nalazio na čelu Univerziteta s jedne strane ili ne znam na čelu Skupštine, Ministarstva ili Vlade s druge strane. Znači, molim vas dakle na prvom mjestu jedna sintagma koja je sveprisutna pogotovo u diskusijama u visokom obrazovanju je sintagma akademske slobode. Šta su to akademske slobode? Šta je to autonomija Univerziteta? I zaista se postavlja pitanje do koje nivoe ... do kojeg nivoa se jedna vlast, jedna Skupština, zakonodavac ili jedno ministarstvo može i smije da utiče na nešto što se zove autonomija Univerziteta. Znači, autonomija Univerziteta ne znači izoliranost Univerziteta. Znači, autonomija Univerziteta podrazumijeva partnerski odnos Univerziteta sa svojim osnivačem. Partnerski odnos u smislu odgovora na nove društvene tržišne mogućnosti, prilike, šanse i izazove i zajedničko kreiranje nekih boljih rješenja za ... za naše društvo, za naš Kanton i za našu ... za našu državu. To znači ne znači apsolutno samostalnost da je neko dobio, ne znam se izolov'o i neko, dakle, funkcioniše, da ne odgovara, da ne daje finansijske izvještaje, da ... da ... da ne smiješ ga ništa ni upitati, ovaj, a ... a ... a ... da ... da ... da se ne pozove ... da se ne pozove na autonomiju Univerziteta. Imamo tu situaciju i s policijom. Znači, i policija ima svoju autonomiju, je li tako. Govorim generalno policija, gospodine Ramo ... ovaj, ali postoji nešto za ove operativne nadležnosti, nadležnosti koje su pod punom autonomijom, je li, ovaj policije i policijskih službenika, a postoji nešto što se zove kontrolne, nadzorne i ostale ove nadležnosti koje imaju strukture vlasti. Na kraju krajeva, u nas je popularna riječ depolitizacija. Mi depolitiziramo kaže policiju, depolitiziramo visoko obrazovanje, depolitizirali smo već direktore osnovnih i srednjih škola. U našem društvu u našem javnom i političkom prostoru dominiraju sve više i više tzv. nezavisni i nama je ostalo još samo da u tom političkom i društvenom životu depolitiziramo politiku i parlamente, pa da u parlamentima ne sjede političari nego da sjede neki nezavisni. Koji nezavisni? Ko će njih birati? Kakvi nezavisni? Od čega nezavisni? Tamo ... dakle parlamenti ... gdje nema parlamentarne demokratije, gdje nema ozbiljnog političkog i parlamentarnog rada, pa tu imate anarhiju tih tzv. nezavisnih koji provode politiku i svoju volju na način kako oni to zamišljaju bilo gdje. Ne mislim ja samo na Zenicu. Ja mislim generalno. Dakle, nema nezavisnosti od odgovornosti, od zakona, od ... od procedura. Dakle, ovo je generalno poruka i jedna impresija koju ... koju ... koja je sveprisutna ne danas ovdje u ovoj raspravi nego u našem društvu i našoj državi. Mi znači ulazimo u jednu opasnu zamku da pričom o totalnoj depolitizaciji svega i što treba i što ne treba mi ustvari razvlašćujemo

institucije koje bi morale da se brinu o funkcioniranju našeg školstva, zdravstva, policije i sigurnosti. I onda će nam doći za koju godinu samo ćemo imati nezavisne, nezavisne odbore, nezavisne zastupnike, nezavisne funkcionere, nezavisne od čega, ne znam ni ja. Dalje, ... Ono što bih volio dakle da ne izgubimo iz vida, a to je ta dakle sloboda. Dajem punu podršku akademskim slobodama. Smatram da ovim novim zakonom su one ojačane. Bez slobode nema kreativnosti, nema kvalitetnog ni istraživačkog ni bilo kojeg drugog rada, prosvjetiteljskog i svakog ... svakog drugog ozbiljnog rada na Univerzitetu i tu mi moramo dati podršku i na kraju krajeva Zeničko-dobojski kanton i naš Univerzitet koliko god bilo problema i danas i bilo ih je i ranije ipak nije moramo to znati kazati pa se malo i pohvaliti, ovaj, ne mislim samo aktuelnu vlast nego generalno proteklih 20 godina, dakle sve one koji su obnašali odgovorne funkcije ipak nije postao Univerzitet nije postao sinonim za brzo fabriciranje i kupovinu diploma, sinonim za neku ne znam korupciju, prodaju diploma, neke ne znam kakve da ne kažem afere koje se pojavljuju na drugim univerzitetima i nije siguran sam pogledajte samo dakle one koji su obnašali dužnosti i rektora i dekana itd., da to možemo naći u nekom da kažem procentu, ali zaista nije kao što je to slučaj na drugim javnim univerzitetima u Bosni i Hercegovini jedan veoma direktan i očigledan uticaj politike i političkih partija. Pa vidite po imenovanjima. Ovdje bih ja kazao da one dekane i one rektore i prorektore i ostalo dakle rukovodeće osoblje koje imamo na našem Univerzitetu koliko ja znam uglavnom su birali i biraju ljudi njihove kolege u procedurama i postupcima na Univerzitetu i to tako treba da bude, ali neće niko biti oslobođen od odgovornosti da podnese račun i Upravnom odboru i nama ovdje Skupštini i Ministarstvu, kao osnivačima. Znači, puna podrška akademskim slobodama, puna podrška za dalji razvoj Univerziteta u Zenici i infrastrukturni, tehnološki i evo ovako kroz dobro zakonodavstvo, ali i puna podrška ojačavanju odgovornosti i nadzorne i kontrolne funkcije koje imaju ... koje imaju, ovaj, korektivne funkcije koje imaju institucije vlasti poput evo i Ministarstva, Vlade, Skupštine itd. želim vam svako dobro i neka dragi Bog čuva našu domovinu Bosnu i Hercegovinu. Hvala.

**SPAHIJA KOZLIĆ, ministar Ministarstva za obrazovanje, nauku, kulturu i sport
Zeničko-dobojskog kantona**

Ja ću zaista, ovaj, kratko. Budući da je i zastupnica Renić govorila o mogućim, dakle, neusaglašenim rješenjima u ovom tekstu sa Okvirnim Zakonom, ovaj, samo reći da je Okvirni Zakon po definiciji pravni okvir, da je on kao takav direktno provodiv onda ne bi bilo kantonalnih ni entitetskog zakona. Dakle, to je okvir u okviru kojeg se kreću, dakle, norme donešene na nižim nivoima i zato se zove okvirni zakon imajući na umu, dakle, i njene primjedbe vezane za nadležnosti Upravnog odbora i s druge strane dakle sastav Senata Univerziteta u Zenici. Ja ću samo ovdje budući da se bavim filozofijom prava, dakle, kada kreirate normu, dakle, morate imati na umu da li tom normom vi koncentrišete ili distribuirate moć. Kada je ovaj prostor prostor Univerziteta i akademskih sloboda sasvim sigurno trebate distribuirati moć. Ona je sada na Univerzitetu u Zenici koncentrisana i to nije dobro za akademske slobode. Zato ovdje govorimo o odgovornosti Upravnog odbora, rektora, dakle i drugih tijela Univerziteta u Zenici na ovaj način, dakle, otvaramo slobodu da nastavno osoblje na Univerzitetu u Zenici može iznositi svoje stavove bez da na bilo koji način bude sankcioniran. Toliko. Hvala.

OPĆINE DOBOJ-JUG, ŽEPČE, TEŠANJ, MAGLAJ, BREZA I USORA

Nije bilo primjedbi na javnoj raspravi.

GRAD VISOKO I GRAD ZAVIDOVIĆI

Nije bilo primjedbi na javnoj raspravi.

OPĆINA OLOVO

Suad Halilović, pomoćnik direktora JU OŠ "Olovo" pohvalio je sam nacrt Zakona, dao prijedlog da se razmotri mogućnost rješavanja napredovanja ili premještanja neakademskog osoblja na Univerzitetu putem internog konkursa ili oglasa zbog ekonomičnosti samog postupka.

Stav predlagača po primjedbi:

Prijedlog se prihvata. U Prijedlogu člana 87. stav (2) mjenja se i glasi: „Nenastavno osoblje (radnici za obavljanje drugih poslova osnovne djelatnosti visokoškolske ustanove, administrativnih, tehničkih, pomoćno-tehničkih i pomoćnih poslova) može putem internog oglasa napredovati u viši platni razred u skladu sa ostvarenim rezultatima i kvalitetom rada pod uslovima i na način utvrđen općim aktima visokoškolske ustanove.“

OPĆINA VAREŠ

Almin Muftić, diplomirani socijalni pedagog i predsjednik Udruženja socijalnih pedagoga u Bosni i Hercegovini pohvalio je sam nacrt Zakona, zbog toga što je dosta poboljšana, precizniji i jasniji u odnosu na prethodni, te dao prijedlog „ da se u članu 105. Zakona (osiguranje adekvatnosti uslova osobama sa posebnim potrebama) Visokoškolska ustanova će osigurati adekvatne uslove za pristup studiju, studiranje i rad osobama sa posebnim potrebama, IZMJENI u Prijedlogu i da glasi (osiguranje adekvatnosti uslova osobama sa poteškoćama u razvoju) Visokoškolska ustanova će osigurati adekvatne uslove za pristup i rad osobama sa poteškoćama u razvoju. Umjesto termina osobe sa posebnim potrebama koristi termin osobe sa poteškoćama u razvoju.

Stav predlagača po primjedbi:

Prijedlog se djelimično prihvata. Prihvata se primjedba da je potrebno promijeniti termin osoba sa posebnim potrebama isti se mjenja u novi termin osobe sa posebnim obrazovnim potrebama. Uvidom u važeći Zakon o osnovnoj školi i Zakon o srednjoj školi utvrđeno je da se u istim koristi termin „osobe sa posebnim obrazovnim potrebama“ i isti podrazumjeva osobe sa poteškoćama u razvoju ali i natprosječno nadarene osobe koje imaju posebne obrazovne potrebe u nastavnom procesu. Za osobe sa poteškoćama u razvoju kao i za osobe natprosječno nadarene potrebno je u obrazovnom procesu izrađivati individualizirane programe rada te smatramo prikladnim koristiti termin osobe sa posebnim obrazovnim potrebama na način kako je to regulisano i u važećim propisima osnovnog i srednjeg obrazovanja.

OPĆINA KAKANJ

U diskusiji na javnoj raspravi izneseni su sljedeći prijedlozi i sugestije:

Član 2. nakon tačke c) treba dopuniti novom tačkom koja glasi: „Učenje na daljinu je formaliziran oblik studija samofinansirajućih studenata kojim se korištenjem kompjuterskih tehnologija i interaktivnih nastavnih materijala osigurava pristup nastavnom procesu, a što se preciznije uređuje statutom visokoškolske ustanove“.

Stav predlagača po primjedbi:

Primjedba se usvaja. U Prijedlogu Zakona o visokom obrazovanju dodaje se u članu 2. nova tačka d) koja glasi: „Učenje na daljinu je formaliziran oblik studija kojim se korištenjem kompjuterskih tehnologija i interaktivnih nastavnih materijala osigurava pristup nastavnom procesu, a isto se preciznije uređuje statutom visokoškolske ustanove.“

Član 113. stav 1. treba dopuniti tako da glasi: „Visoko obrazovanje može se sticati u punom fondu sati predviđenim nastavnim planom (redovni studij), u fondu sati prilagođenom studentima koji nisu u mogućnosti pohađati redovan studij (vanredan studij i učenje na daljinu) ili kombiniranjem ova tri načina studiranja, na način utvrđen statutom.“

Stav predlagača po primjedbi:

Primjedba se ne usvaja. Odredbom stava 1 člana 113. Nacrta Zakona o visokom obrazovanju predviđeno je da će načini studiranja biti tretirani na način utvrđen statutom visokoškolske ustanove.

Član 55.stav 4. treba brisati.

Stav predlagača po primjedbi:

Primjedba se usvaja. Korekcije su uvrštene u tekst Prijedloga Zakona o visokom obrazovanju.

Član 100.

Razmotriti dodavanje novog stava kojim bi se regulisalo pravo studenata na privremeni rad, da redovan student ima pravo raditi bar pola radnog vremena (primjer: u Kantonu Sarajevo studenti rade pola radnog vremena).

Stav predlagača po primjedbi:

Primjedba se ne usvaja. Pitanje rada studenata definiše se Zakonom o radu ili eventualno donošenjem Zakona o studentskom radu ili nekog drugog propisa obzirom da isto pitanje povlači i pitanja poreza i doprinosa iz radnog odnosa.

GRAD ZENICA

Udruženje poslodavaca Zenica

Primjedba i preporuka broj 1

Pozdravljamo uvođenje člana 123. (Dualni studij) u nacrtu Zakona, međutim način kako je sve definisano daje dojam da je član uvršten u Nacrt Zakona samo zato što se o tome dosta govori i da bi bilo dobro imati taj član u Nacrtu Zakona. Član je apsolutno nedorečen. Naša očekivanja su bila da je Zakonodavac analizirao sektorske prioritete u ZDK i na osnovu njih utvrdio listu fakulteta koji moraju pratiti sektorske prioritete. Tako odabrani fakulteti bi se morali prije svih okrenuti dualnom modelu obrazovanja. Dakle, u Nacrtu ih je trebalo odmah navesti, kako bi se postepeno pripremali za dualni model. Budući da trenutno nemamo zakon o dualnom obrazovanju, dok se isti ne donese, potrebno je na fakultetima odmah povećati broj ECTS bodova koji se odnose na praktičnu obuku radom u poslovnom subjektu. Potrebno je početi raditi na osmišljavanju programa dualnog obrazovanja u tripartitnom odnosu: Univerzitet, Ministarstvo za obrazovanje, nauku, kulturu i sport i poslovna zajednica. Ovo mora biti odmah kako bi se već u narednoj studijskoj godini krenulo sa novim programom. Napominjemo da su poslodavci izuzetno nezadovoljni sadašnjim brojem sati koji su na fakultetima propisani kao obavezan da se provedu kao praktična nastava kod poslodavca. Također, naglašavamo važnost donošenja Zakona o dualnom obrazovanju i pratećih podzakonskih akata. Mislimo da se hitno mora krenuti u izradu istog. U tom smislu je trebalo odrediti određene rokove u samom Nacrtu Zakona.

Primjedba i preporuka broj 2

U nacrtu Zakona se govori o studentskom dobrovoljnom radu. Smatramo da je bilo potrebno nešto reći i o mogućnosti rada studenata preko Studentskog servisa. Dakle, potrebno je dodati novi član koji bi definirao ovaj rad. Imamo zahtjeve poslodavaca kao i studenata za angažmanom preko Studentskog servisa. Predlažemo da Univerzitet Zenica, Udruženje poslodavaca Zenica i Unija studenata Univerziteta u Zenici hitno pokrenu zahtjev za donošenjem Zakona o studentskom radu, Udruženje poslodavaca ima prijedlog kako to treba pokrenuti.

Primjedba i preporuka broj 3

Nakon što se isčitaju svi članovi predloženog Zakona dolazimo do zaključka da niti u jednom tijelu Univerziteta nema predstavnika poslovne zajednice. Mislimo da je ovo loše i opasno za sam Univerzitet. Poslovna zajednica je ta koja daje impute šta joj treba (koji kadar, koje kompetencije, vještine itd.), ovim Nacrtom Zakona je potpuno isključena iz svih procesa na Univerzitetu. Poslovna zajednica će reći koji studiji su potrebni, koji studiji daju loše, neadekvatno obučene studente, iz kojih ispitnih predmeta studenti nemaju adekvatna znanja, reći će šta treba uvoditi u pojedine predmete, koje nove softwere treba uvoditi u nastavu itd. Poslovna zajednica treba biti dobar i koopoerativan korektivni faktor nastavnim procesima na fakultetima. Ne treba je se bojati. Dakle, predlažemo uključivanje predstavnika poslovne zajednice u određena upravna tijela na Univerzitetu, što bi bilo u interesu Univerziteta, studenata i poslovne zajednice.

Stav predlagača po primjedbama:

Primjedba i preporuka broj 1

Članovima 2. i 123. Nacrta Zakona je uveden pojam dualnog obrazovanja, odnosno omogućeno je organiziranje ovakvog oblika studija, te su date glavne odrednice.

Kako je senat organ visokoškolske ustanove koji prije svega donosi odluke o pitanjima nastavne, naučne, umjetničke i stručne djelatnosti visokoškolske ustanove, te je nadležan za donošenje nastavnih planova i nastavnih programa dodiplomskog, postdiplomskog i doktorskog studija, a prema predmetnom nacrtu Zakona o visokom obrazovanju predviđeno je da donosi i statut, pa su se ovakvim zakonskim rješenjem ispoštovale naprijed navedene nadležnosti senata, te je dalje u članu 123. stav (7) Nacrta Zakona o visokom obrazovanju omogućeno da se: „Statutom visokoškolske ustanove preciznije uređuju sva pitanja u vezi sa realizacijom dualnog studija iz ovog člana“ što će dodatno doprinijeti fleksibilnosti u uređivanju ove materije.

Primjedba i preporuka broj 2

Primjedba se ne usvaja. Pitanje rada studenata definiše se Zakonom o radu ili eventualno donošenjem Zakona o studentskom radu ili nekog drugog propisa obzirom da isto pitanje povlači i pitanja poreza i doprinosa iz radnog odnosa.

Primjedba i preporuka broj 3

Primjedba se ne usvaja. Navedeno pitanje moguće je urediti općin aktima visokoškolske ustanove.

Unija studenata Univerziteta u Zenici iznosi prijedlog da se izbacij iz člana 55. Nacrta Zakona stav (4.), koji glasi „Predstavnici studenata u senatu nemaju pravo glasa po pitanjima iz tačaka f),g), h) i i) iz stava (2) ovog člana“. Smatramo, prije svega, da svi članovi senata trebaju da su

jednaki i da imaju jednako pravo glasa. Smatramo da studenti imaju pravo birati ljude koji će ih predstavljati, jer se ipak radi o ljudima koji će zastupati prava fakultetskih jedinica, samim time i studenata. Studentima se treba dati mogućnost da stanu na stranu ljudi koji će raditi za opći interes i interes studenata.

Studenti već učestvuju u izboru dekana i profesora na nivou fakulteta kroz Naučno-nastavna vijeća i nema smisla oduzeti im pravo da učestvuju u konačnoj odluci na Senatu.

Smatramo da je ova odluka kontraproduktivna i da šalje lošu poruku studentima i srednjoškolcima koji tek trebaju da se upišu na fakultet, a to je prvenstveno da Univerzitet smatra da mladi nisu dovoljno inteligentni, zreli ili sposobni da donesu pravednu odluku iako se radi o studentima koji su na master studiju, doktorskom studiju a pojedini studenti, predstavnici u senatu, su čak i viši asistenti na fakultetu i članovi instituta.

Druga poruka koja se šalje studentima jeste da Univerzitet zapravo ne želi studente da odlučuju u senatu i da je ovo samo prvi korak ka potpunom isključenju studenata iz senata a naknadno bi se isključili iz Naučno-nastavnog vijeća i Upravnog odbora Univerziteta.

Ukoliko pošaljete ovu poruku bojim se da ćete napraviti još veći jaz između studenata i akademskog osoblja što nije u interesu ni jednih ni drugih. Ovom odlukom se pravi razlika između studenata u smislu da studentu, članu Upravnog odbora, koji može biti na drugoj godini dodiplomskog studija, daje se mogućnost da odlučuje o mnogo važnijim i kompleksnijim temama kao npr. da usmjerava, kontrolira i ocjenjuje rad rektora, odnosno direktora u domenu finansijskog poslovanja; utvrđuje planove financiranja i razvoja, uključujući i organizovanje novih organizacionih jedinica i studijskih programa;

donosi akt kojim se utvrđuje način obračuna plaća i drugih primanja u javnoj visokoškolskoj ustanovi, te donosi opći akt o unutrašnjoj organizaciji i sistematizaciji radnih mjesta, kao i druge opće akte u skladu sa zakonom i statutom visokoškolske ustanove. Dok student master studija koji može biti asistent na fakultetu ili već jeste asistent na fakultetu i prošao je i upoznat sa procedurom izbora u akademska zvanja oduzima mu se mogućnost da glasa i donosi konačne odluke po prigovoru kandidata za izbor u akademska zvanja. Univerzitet u Zenici treba da radi suprotno tj. da maksimalno ohrabri studente da se uključe u sve organe Univerziteta, da iznose svoje prijedloge i mišljenja te da učestvuju u donošenju odluka koje se odnose i na akademsko osoblje i na studente. Vidimo član (55) stav 4) Zakona o visokom obrazovanju kao jedan vid diskriminacije studenata, a diskriminacija se kosi sa članom 7) tačka c) Zakona koji glasi:

Djelatnost visokog obrazovanja se temelji na sljedećim principima: poštivanje ljudskih prava i građanskih sloboda, uključujući zabranu svih oblika diskriminacije; Nadamo se da ćete uvažiti studente te izbaciti član 55) stav 4) iz Zakona o visokom obrazovanju Također uvođenjem ovog stava u zakon, Univerzitet u Zenici će biti jedini Univerzitet u Federaciji koji je uskratio pravo glasanja studentima u senatu. Tražili smo tu odredbu i u Zakonu o VO TK,KS,SBK, Unsko-Sanskom kantonu, Posavskom. Postavljam pitanje da li smatrate da su studenti da Univerzitetu u Zenici i studenti da područja ZE-DO kantona manje inteligentni i manje vrijedni od svih drugih studenata?

Stav predlagača po primjedbi:

Primjedba se usvaja. Korekcije su uvrštene u tekst Prijedloga Zakona o visokom obrazovanju na način da se iz člana 55. briše stav 4. koji glasi: Predstavnici studenata u senatu nemaju pravo glasa po pitanjima iz tačaka f),g), h) i i) iz stava (2) ovog člana“.

Stručna služba za razvoj i međunarodne projekte, dostavlja primjedbe na član 6. predmetnog Nacrta zakona i dostavlja prijedlog koji se odnosi na član

6. Nacrta Zakona o visokom obrazovanju, kojim se član 6. Nacrta mijenja i glasi:

„Član 6 (Strategija razvoja visokog obrazovanja)

(1) Razvoj djelatnosti visokog obrazovanja na području Kantona definiše se Strategijom razvoja visokog obrazovanja kojom se utvrđuju ciljevi i prioriteti razvoja sektora, način njihovog ostvarivanja, finansijski i institucionalni okvir za implementaciju, monitoring, evaluaciju i izvještavanje.

- (2) Ministarstvo koordinira i vodi proces izrade Strategije razvoja visokog obrazovanja uvažavajući principe izrade strateških dokumenata u Federaciji Bosne i Hercegovine koji su propisani Zakonom o razvojnom planiranju i upravljanju razvojem u federaciji Bosne i Hercegovine („Službene novine Federacije Bosne i Hercegovine“, broj: 32/17) i Uredbom o izradi strateških dokumenata u Federaciji Bosne i Hercegovine („Službene novine Federacije Bosne i Hercegovine“, broj: 74/19 i 2/21).
- (3) Strategiju razvoja visokog obrazovanja donosi Skupština Zeničko-dobojskog kantona (u daljem tekstu: Skupština Kantona), na prijedlog Vlade Zeničko-dobojskog kantona (u daljem tekstu: Vlada Kantona).“

Stav predlagača po primjedbi:

Primjedba se usvaja. Korekcije su uvrštene u tekst Prijedloga Zakona o visokom obrazovanju član 6. mijenja se i glasi: „Član 6 (Strategija razvoja visokog obrazovanja)

(1) Razvoj djelatnosti visokog obrazovanja na području Kantona definiše se Strategijom razvoja visokog obrazovanja kojom se utvrđuju ciljevi i prioriteti razvoja sektora, način njihovog ostvarivanja, finansijski i institucionalni okvir za implementaciju, monitoring, evaluaciju i izvještavanje.

(2) Ministarstvo koordinira i vodi proces izrade Strategije razvoja visokog obrazovanja uvažavajući principe izrade strateških dokumenata u Federaciji Bosne i Hercegovine koji su propisani Zakonom o razvojnom planiranju i upravljanju razvojem u federaciji Bosne i Hercegovine („Službene novine Federacije Bosne i Hercegovine“, broj: 32/17) i Uredbom o izradi strateških dokumenata u Federaciji Bosne i Hercegovine („Službene novine Federacije Bosne i Hercegovine“, broj: 74/19 i 2/21).

(3) Strategiju razvoja visokog obrazovanja donosi Skupština Zeničko-dobojskog kantona (u daljem tekstu: Skupština Kantona), na prijedlog Vlade Zeničko-dobojskog kantona (u daljem tekstu: Vlada Kantona).“.

Član 67. Nacrta Zakona o visokom obrazovanju dodati novi stav 4. koji glasi: „Sredstvima organizacione jedinice raspolaže rukovodilac te jedinice i bez njegove saglasnosti nije moguće raspolagati prihodima organizacione jedinice“ i novi stav 5. u istom članu koji glasi:“ Statutom se reguliraju pitanja u vezi s otvaranjem trezorskog podračuna organizacione jedinice, način nastupa organizacionih jedinica na tržištu, način raspolaganja novčanim sredstvima koja se ostvare na tržištu, donacijama ili na drugi način van budžetskog finansiranja.“

Stav predlagača po primjedbi:

Primjedba se usvaja. Korekcije su uvrštene u tekst Prijedloga Zakona o visokom obrazovanju na način kako je predloženo a isto je u skladu sa članom 20. Okvirnog zakona o visokom obrazovanju u Bosni i Hercegovini.

JU UNIVERZITET U ZENICI

Rektor Univerziteta prof.dr. Jusuf Duraković iznio je sljedeće primjedbe:

Iz člana 46. Nacrta brisati riječ „pozitivno“, jer nije u skladu sa Okvirnim zakonom i na ovaj način se ugrožava akademska i institucionalna neovisnost Univerziteta. Ako osnivač ima većinu u Upravnom odboru i ako se statut donosi uz „pozitivno“ mišljenje istog organa, onda je to direktno uplitanje Osnivača u autonomiju rada Univerziteta.

Stav predlagača po primjedbi:

Primjedbe se ne usvajaju. Imajući u vidu član 12. stav 2. Okvirnog zakona o visokom obrazovanju u Bosni i Hercegovini („Službeni glasnik BiH“, broj: 59/07 i 59/09) koji propisuje da: „Statut donosi senat uz prethodno pribavljeno mišljenje upravnog odbora visokoškolske ustanove.“ kao i član 63. stav 2. Okvirnog zakona koji propisuje da: „Sva pitanja iz oblasti visokog obrazovanja koja nisu regulirana ovim Zakonom regulirat će se zakonima na nivou Republike Srpske i kantona.“, odredbama Nacrta bliže se utvrđuje pribavljanje pozitivnog mišljenja Upravnog odbora kao organa visokoškolske ustanove koji je odgovoran za finansijsko poslovanje iz razloga što se Statutom utvrđuju pitanja koja povlače i finansijska sredstva. S obzirom na finansijske mogućnosti visokoškolske ustanove potrebno je pozitivno mišljenje Upravnog odbora prilikom donošenja Statuta koji će prilikom davanja pozitivnog mišljenja posebno cijeniti finansijske mogućnosti visokoškolske ustanove. Navedenim pozitivnim mišljenjem ne ometa se autonomija univerziteta niti akademske slobode.

Iz člana 54. Nacrta brisati stav (5) i stav (7) jer su u istom članu dva kontradiktorna stava. Broj članova i sastav senata se definiše statutom i nema potrebe sada definisati zakonom ko može biti član senata, jer će se to urediti statutom visokoškolske ustanove. Omogućiti prorektorima pravo glasa na Senatu visokoškolske ustanove.

Stav predlagača po primjedbi:

Primjedbe se djelimično usvajaju. Imajući u vidu član 63. stav 2. Okvirnog zakona koji propisuje da: „Sva pitanja iz oblasti visokog obrazovanja koja nisu regulirana ovim Zakonom regulirat će se zakonima na nivou Republike Srpske i kantona.“ Obzirom da odredbama Okvirnog zakona nije regulisano pitanje prorektora visokoškolske ustanove, brisani stav (7) člana 54. se dodaje u tekst stava (2) člana 59. Prijedloga Zakona o visokom obrazovanju kojim se reguliše pitanje prorektora univerziteta.

Član 62. Nacrta koji nalaže rektoru da obustavi od izvršenja opći i pojedinačni akt ukoliko procjeni da nije u saglasnosti sa Ustavom Bosne i Hercegovine, prijedlog je da se isti predefiniše jer ocjenu ustavnosti može da vrši samo Ustavni sud.

Stav predlagača po primjedbi:

Primjedba se usvaja. Član 62. stav (1) mijenja se i glasi: „Rektor univerziteta, odnosno direktor visoke škole obustavlja od izvršenja opći i pojedinačni akt donesen u visokoškolskoj ustanovi koji je u suprotnosti sa zakonom i drugim propisima, kao i izvršavanje općeg i pojedinačnog akta kojim se nanosi šteta visokoškolskoj ustanovi ili društvenoj zajednici i dužan je da o tome obavijesti Ministarstvo.“

Član 69. Nacrta izmjeniti na način da se prihvati prijedlog da član 69. stav (1) glasi: „Naučno-nastavno, odnosno umjetničko-nastavno vijeće je akademsko tijelo organizacione jedinice i čine ga svi nastavnici i po jedan predstavnik saradnika matičnih katedri te organizacione jedinice u radnom odnosu, nastavna baza organizacione jedinice, kao i izabrani studenti, ukoliko to nije drugim aktima posebno definisano. Rektor i prorektori visokoškolske ustanove su članovi NNV-a one organizacione jedinice sa koje dolaze na tu poziciju.“

Stav predlagača po primjedbi:

Primjedba se usvaja. Izvršene korekcije u članu 69. mijenja se i dodaje novi stav (2) kojim se uvažava primjedba.

Član 78. Nacrta izmijeniti jer smatra da raspisivanje konkursa u sva zvanja može izazvati potencijalne probleme u praksi.

Stav predlagača po primjedbi:

Primjedba se usvaja. Stav (5) člana 78. mijenja se i glasi: “Konkurs za napredovanje nastavnika obavezno se raspisuje isto i više zvanje, a akademsko osoblje visokoškolske ustanove koje ne zadovolji uslove za napredovanje u više zvanje (docent, vanredni profesor i redovni profesor), ima pravo na jedan reizbor u isto nastavničko odnosno saradničko zvanje (viši asistent).

Članovi 146-148. koji regulišu kazne za prekršaj su previše rigorozne i neproporcionalne, te se postavlja pitanje šta će raditi inspekcija kantona.

Stav predlagača po primjedbi:

Primjedba se ne usvaja. Izneseno mišljenje da su kazne rigorozne i neproporcionalne smatramo proizvoljnim. Pitanje šta će raditi inspekcija kantona smatramo bespotrebim, obzirom da je decidno Zakonom o inspekciji Zeničko-dobojskog kantona utvrđen djelokrug rada inspekcija kantona.

Članovi 54. i 158. Nacrta uskladiti, prijedlog da bude rok 60 dana za usklađivanje Statuta visokoškolske ustanove od dana donošenja Zakona.

Stav predlagača po primjedbi:

Primjedba se usvaja. U tekstu članova 54. i 158. utvrđen rok od 60 dana za usklađivanje Statuta visokoškolske ustanove od dana donošenja Zakona.

Prijedlog da se razmotri mogućnost rješavanja napredovanja nenastavnog osoblja na Univerzitetu putem internog konkursa/oglasa.

Stav predlagača po primjedbi:

Prijedlog se prihvata. U Prijedlogu člana 87. stav (2) mjenja se i glasi: „Nenastavno osoblje (radnici za obavljanje drugih poslova osnovne djelatnosti visokoškolske ustanove, administrativnih, tehničkih, pomoćno-tehničkih i pomoćnih poslova) može putem internog oglasa napredovati u viši platni razred u skladu sa ostvarenim rezultatima i kvalitetom rada pod uslovima i na način utvrđen općim aktima visokoškolske ustanove.“

Prof.dr. Ilhan Bušatlić, je iznio sljedeće primjedbe i prijedloge:

Prijedlog da se član 51. stav (2) Nacrta Zakona o visokom obrazovanju izmjeni i glasi: „Upravni odbor javne visokoškolske ustanove čine četiri predstavnika iz reda osnivača, šest iz reda nastavnog osoblja i jedan predstavnik studenata koje imenuje Senat, a koji se biraju u skladu sa zakonom.“

Stav predlagača po primjedbi:

Primjedba se ne usvaja. Član 15. Okvirnog zakon o visokom obrazovanju Bosni i Hercegovini propisuje da: „Upravni odbor ima između sedam i jedanaest članova od kojih najmanje jednu trećinu imenuje osnivač, a ostale imenuje senat te visokoškolske ustanove u skladu sa statutom. Senat univerziteta imenuje i razrješava članove upravnog odbora na mandat od četiri godine, u javnoj i transparentnoj proceduri javnog konkursa.“Kada se napravi usporedba sa članom 51. Nacrta Zakona o visokom obrazovanju koji u stavu (2) predviđa da: „(1) Upravni odbor

visokoškolske ustanove ima sedam članova i čine ga predstavnici akademskog i neakademskog osoblja, studenata i osnivača. (2) Upravni odbor javne visokoškolske ustanove čine četiri predstavnika iz reda osnivača, dva iz reda nastavnog osoblja i jedan predstavnik studenata čija imenovanja predlaže senat, koji se biraju u skladu sa zakonom. (3) Predsjednik upravnog odbora javne visokoškolske ustanove imenuje se iz reda osnivača. (4) Imenovanje i razrješenje članova upravnog odbora iz reda osnivača vrši Vlada Zeničkodobojskog kantona u skladu sa odredbama Zakona ministarskim, vladinim i drugim imenovanjima („Službene novine Federacije BiH“, broj: 12/03, 34/03 i 65/13), a ostale članove upravnog odbora senat visokoškolske ustanove u javnoj i transparentnoj proceduri javnog konkursa u skladu sa statutom. (5) Mandat članova upravnog odbora je četiri godine. (6) Članovima upravnog odbora javne visokoškolske ustanove pripada naknada za rad u upravnom odboru u visini koju utvrdi Vlada Kantona. (7) Rektor, prorektori, rukovodioci organizacionih jedinica univerziteta i članovi senata visokoškolske ustanove ne mogu biti članovi upravnog odbora te visokoškolske ustanove.“iz naprijed navedenog proizilazi da je citirani član Nacrta Zakona usaglašen sa Okvirnim zakonom kako u pogledu broja članova, tako i u načinu imenovanja članova.

Član 54. Nacrta, nije u skladu sa članom 16. Okvirnog zakona koji kaže da se broj članova i sastav senata i način rada utvrđuje statutom visokoškolske ustanove. Član 54. stav (5) i stav (7) brisati. Na ovaj način se direktno ugrožava autonomija univerziteta i akademske slobode.

Stav predlagača po primjedbi:

Primjedbe se djelimično usvajaju. Imajući u vidu član 63. stav 2. Okvirnog zakona koji propisuje da: „Sva pitanja iz oblasti visokog obrazovanja koja nisu regulirana ovim Zakonom regulirat će se zakonima na nivou Republike Srpske i kantona.“ Obzirom da odredbama Okvirnog zakona nije regulisano pitanje prorektora visokoškolske ustanove, brisani stav (7) i (5) člana 54. te se dodaje u tekst stava (2) člana 59. Prijedloga Zakona o visokom obrazovanju kojim se reguliše pitanje prorektora univerziteta.

Nacr Zakona nije u skladu sa Okvirnim zakonom brisati riječ „pozitivno“ u članu 55. stav (2) i na ovaj način se ugrožava akademska i institucionalna neovisnost Univerziteta. Pravna terminologija ne poznaje institut „pozitivno mišljenje“.

Stav predlagača po primjedbi:

Primjedbe se ne usvajaju. Imajući u vidu član 12. stav 2. Okvirnog zakona o visokom obrazovanju u Bosni i Hercegovini („Službeni glasnik BiH“, broj: 59/07 i 59/09) koji propisuje da: „Statut donosi senat uz prethodno pribavljeno mišljenje upravnog odbora visokoškolske ustanove.“ kao i član 63. stav 2. Okvirnog zakona koji propisuje da: „Sva pitanja iz oblasti visokog obrazovanja koja nisu regulirana ovim Zakonom regulirat će se zakonima na nivou Republike Srpske i kantona.“, odredbama Nacrta bliže se utvrđuje pribavljanje pozitivnog mišljenja Upravnog odbora kao organa visokoškolske ustanove koji je odgovoran za finansijsko poslovanje iz razloga što se Statutom utvrđuju pitanja koja povlače i finansijska sredstva. S obzirom na finansijske mogućnosti visokoškolske ustanove potrebno je pozitivno mišljenje Upravnog odbora prilikom donošenja Statuta koji će prilikom davanja pozitivnog mišljenja posebno cijeniti finansijske mogućnosti visokoškolske ustanove. Navedenim pozitivnim mišljenjem ne ometa se autonomija univerziteta niti akademske slobode.

Prijedlog da se u članu 61. doda riječ „može“ u stavu koji kaže „Senat donosi odluku o razrješenju rektora, prorektora i direktora visoke škole i prije isteka perioda na koji je izabran odnosno imenovan...“ mislim da ovakva konstrukcija člana nije u skladu sa pravnim normama i običajima te predlažem da se pomenuti stav promjeni i glasi kako je to bilo u dosadašnjem Zakonu „Senat može donijeti odluku...“

Stav predlagača po primjedbi:

Primjedbe se ne usvajaju.

Primjedba, prema Nacrtu Rektori i prorektorima se ukidaju njihova elementarna prava na Univerzitetu obzirom da ne mogu biti članovi NNV-a predlažem da se član 69. Nacrta izmjeniti na način da se prihvati prijedlog da član 69. stav (1) glasi: „Naučno-nastavno, odnosno umjetničko-nastavno vijeće je akademsko tijelo organizacione jedinice i čine ga svi nastavnici i po jedan predstavnik saradnika matičnih katedri te organizacione jedinice u radnom odnosu, nastavna baza organizacione jedinice, kao i izabrani studenti, ukoliko to nije drugim aktima posebno definisano. Rektor i prorektori visokoškolske ustanove su članovi NNV-a one organizacione jedinice sa koje dolaze na tu poziciju.“

Stav predlagača po primjedbi:

Primjedba se usvaja. Izvršene korekcije u članu 69. mijenja se i dodaje novi stav (2) kojim se uvažava primjedba.

Nacrtom članom 78. predviđa se pravo na reizbor za sve osim za asistente te se time direktno vrši diskriminacija asistenata na Univerzitetu.

Stav predlagača po primjedbi:

Primjedba se ne usvaja. Odredbama Okvirnog zakona decidno je utvrđeno u članu 33. da se asistenti biraju na period od četiri godine bez mogućnosti reizbora.

Primjedbe na inspeksijski nadzor član 145. zatim članovi 146-148. koji regulišu kazne za prekršaj su previše rigorozne i neproporcionalne.

Stav predlagača po primjedbi:

Primjedbe se ne usvajaju.

Prof. dr. Larisa Velić je iznijela Zaključke Senata Univerziteta UNZE koji su sljedeći:

Nacrt Zakona nije usaglašen sa Okvirnim zakonom o visokom obrazovanju BiH niti sa odlukama Ustavnog suda BiH broj: U 10/21 i U 22/18:

Stav predlagača po primjedbi:

Odlukom o dopustivosti i meritumu Presude Ustavnog suda BiH broj: U 10-21 utvrđeno je da član 55. Zakona o visokom obrazovanju Zeničko-dobojskog kantona („Službene novine Zeničko-dobojskog kantona“ br. 6/09, 9/13, 13/13, 4/15, 5/18, 4/19 i 19/21) nije u skladu sa Ustavom Bosne i Hercegovine i članom 18. Okvirnog zakona o visokom obrazovanju u BiH, imajući u vidu da se zahtjev za ocjenu kompatibilnosti Kantonalnog suda u Zenici odnosio na član 55. Zakona o visokom obrazovanju, koji se odnose na Izbor rektora, prorektora i direktora.

Predloženim Nacrtom Zakona o visokom obrazovanju predmetni član 55. je usklađen sa članom 18. Okvirnog Zakona, kao što je naloženo u presudi U 10/21 .

Presudom Ustavnog suda BiH broj: U 22/18 odlučivano je o zahtjevu Općinskog suda u Tuzli za ocjenu kompatibilnosti člana 52. Zakona o visokom obrazovanju Tuzlanskog kantona („Službene novine Tuzlanskog kantona“ broj 7/16) i člana 6. Zakona o izmjenama i dopunama

Zakona o visokom obrazovanju Tuzlanskog kantona („Službene novine Tuzlanskog kantona” broj 10/16).

Univerzitet u Zenici kao jedina institucija na čije djelovanje, nadležnosti i organizaciju ovaj Zakon direktno utiče, nije na adekvatan način uključen u postupak donošenja zakona:

Stav predlagača po primjedbi:

Rješenjem Ministarstva za obrazovanje, nauku, kulturu i sport , broj: 10-34-96-2/20 od 27.03.2020. godine i broj: 10-34-96-3/20 15.09.2021. godine, imenovana je radna grupa u čiji rad je bilo uključeno jedanaest članova, od čega su predstavnici Univerziteta u Zenici: Prof. dr. Enes Bikić, Prof.dr. Larisa Velić, Prof.dr. Samir Lemeš, Prof.dr. Aleksandar Karač, Prof. dr. Jusuf Duraković, Prof.dr. sc. Ilhan Bušatlić, Prof.dr. Maša Alijević i Prof.dr.sc. Ibrahim Plančić.

Zatim Aktom ovog organa uprave broj: 10-34-95-47-1-2/22 od 04.03.2022. godine, prije upućivanja Nacrta Zakona o visokom obrazovanju u dalju proceduru prema Vladi zatraženo je mišljenje od Univerziteta u Zenici na dostavljeni tekst Nacrta Zakona.

Aktom, broj: 01-03-10-10-576/22 od 15.02.2022. godine, Univerzitet u Zenici se zahvalio na saradnji i dostavljeni su prijedlozi i sugestije od kojih je većina uvrštena u tekst Nacrta Zakona. Iz naprijed navedenih razloga ovaj organ kantonalne uprave smatra da primjedba o neuključenosti UNZE u proces donošenja zakona nije utemeljena.

Statut Univerziteta u Zenici donosi Senat uz mišljenje Upravnog odbora (izbaciti pozitivno) član 46 stav (2) Nacrta Zakona o visokom obrazovanju:

Stav predlagača po primjedbi:

Primjedbe se ne usvajaju. Imajući u vidu član 12. stav 2. Okvirnog zakona o visokom obrazovanju u Bosni i Hercegovini („Službeni glasnik BiH“, broj: 59/07 i 59/09) koji propisuje da: “Statut donosi senat uz prethodno pribavljeno mišljenje upravnog odbora visokoškolske ustanove.“ kao i član 63. stav 2. Okvirnog zakona koji propisuje da: „Sva pitanja iz oblasti visokog obrazovanja koja nisu regulirana ovim Zakonom regulirat će se zakonima na nivou Republike Srpske i kantona.“, odredbama Nacrta bliže se utvrđuje pribavljanje pozitivnog mišljenja Upravnog odbora kao organa visokoškolske ustanove koji je odgovoran za finansijsko poslovanje iz razloga što se Statutom utvrđuju pitanja koja povlače i finansijska sredstva.S obzirom na finansijske mogućnosti visokoškolske ustanove potrebno je pozitivno mišljenje Upravnog odbora prilikom donošenja Statuta koji će prilikom davanja pozitivnog mišljenja posebno cijeniti finansijske mogućnosti visokoškolske ustanove. Navedenim pozitivnim mišljenjem ne ometa se autonomija univerziteta niti akademske slobode.

Sastav upravnog odbora to jest činjenica da veći broj članova upravnog odbora čine predstavnici Vlade direktno remete stepen stvarne institucionalne autonomije Univerziteta, kako je to utvrdio Ustavni sud BiH u svojim odluka broj: U22/18 i U10/21. Prijedlog je tri člana ispred Vlade 4 ispred Senata – član 51. stav (2) Nacrta Zakona o visokom obrazovanju.

Stav predlagača po primjedbi:

Primjedba se ne usvaja. Član 15. Okvirnog zakon o visokom obrazovanju Bosni i Hercegovini propisuje da: „Upravni odbor ima između sedam i jedanaest članova od kojih najmanje jednu trećinu imenuje osnivač, a ostale imenuje senat te visokoškolske ustanove u skladu sa statutom.

Senat univerziteta imenuje i razrješava članove upravnog odbora na mandat od četiri godine, u javnoj i transparentnoj proceduri javnog konkursa. "Kada se napravi usporedba sa članom 51. Nacrta Zakona o visokom obrazovanju koji u stavu (2) predviđa da: „(1) Upravni odbor visokoškolske ustanove ima sedam članova i čine ga predstavnici akademskog i neakademskog osoblja, studenata i osnivača. (2) Upravni odbor javne visokoškolske ustanove čine četiri predstavnika iz reda osnivača, dva iz reda nastavnog osoblja i jedan predstavnik studenata čija imenovanja predlaže senat, koji se biraju u skladu sa zakonom. (3) Predsjednik upravnog odbora javne visokoškolske ustanove imenuje se iz reda osnivača. (4) Imenovanje i razrješenje članova upravnog odbora iz reda osnivača vrši Vlada Zeničkodobojskog kantona u skladu sa odredbama Zakona ministarskim, vladinim i drugim imenovanjima („Službene novine Federacije BiH“, broj: 12/03, 34/03 i 65/13), a ostale članove upravnog odbora senat visokoškolske ustanove u javnoj i transparentnoj proceduri javnog konkursa u skladu sa statutom. (5) Mandat članova upravnog odbora je četiri godine. (6) Članovima upravnog odbora javne visokoškolske ustanove pripada naknada za rad u upravnom odboru u visini koju utvrdi Vlada Kantona. (7) Rektor, prorektori, rukovodioci organizacionih jedinica univerziteta i članovi senata visokoškolske ustanove ne mogu biti članovi upravnog odbora te visokoškolske ustanove.“ iz naprijed navedenog proizilazi da je citirani član Nacrta Zakona usaglašen sa Okvirnim zakonom kako u pogledu broja članova, tako i u načinu imenovanja članova.

U Nacrtu Zakona o visokom obrazovanju se direktno propisuje sastav Senata i način njegovog rada, što je suprotno Okvirnom zakonu koji propisuje sljedeće: „broj članova, sastav i način rada senata utvrđuju se statutom visokoškolske ustanove“. Na ovaj način se opet ignoriše autonomija Univerziteta, te zakonodavac najdirektnije reguliše pitanja koja treba urediti Senat – član 54. Nacrta Zakona o visokom obrazovanju:

Stav predlagača po primjedbi:

Primjedba se usvaja. Izvršena korekcija.

Član 54. stavovi (5) i (7) se brišu. U stavu (8) brojna oznaka 30 mijenja se brojnom oznakom 60 – usklađivanje sa članom 158. Nacrta Zakona o visokom obrazovanju u kojem stoji: "Visokoškolske ustanove Zeničko-dobojskog kantona su u obavezi da usklade statut sa odredbama ovog Zakona u roku od 60 dana od dana stupanja na snagu Zakona":

Stav predlagača po primjedbi:

Primjedba se usvaja. Izvršena korekcija.

Član 61. stav (2) Nacrta Zakona o visokom obrazovanju koji glasi: „Senat donosi odluku o razrješenju rektora, prorektora i direktora visoke škole i prije isteka perioda na koji je izabran odnosno imenovan...“ mijenja se i treba da glasi: „Senat može donijeti odluku o razrješenju rektora, prorektora i direktora visoke škole i prije isteka perioda na koji je izabran odnosno imenovan“. Član 61. stav (2) tačka a) nije u skladu sa članom 117. stav (2) Krivičnog zakona FBiH.

Stav predlagača po primjedbi:

Primjedba se ne usvaja budući da bi to dovelo do neusklađenosti sa članom 41. Jedinstvenih pravila za izradu pravnih propisa u Zeničko-dobojskom kantonu („Službene novine Zeničko-dobojskog kantona“, broj: 5/08) koji propisuje da se „glagoli u propisu upotrebljavaju u sadašnjem vremenu i u aktivnom obliku“.

Član 62. stav (1) Nacrta Zakona o visokom obrazovanju rektor je u obavezi da vrši ocjenu ustavnosti i zakonitosti određenih akata, što svakako nije u skladu sa njegovim ovlaštenjima niti našim pravnim poretkom. Riječ je o nadležnostima drugih inistucija:

Stav predlagača po primjedbi:

Primjedba uvažena. Izvršene korekcije, preformulisan predmetni član.

Prema Nacrtu Zakona rektor i prorektori ne mogu biti članovi NNV-a, čime se ukidaju njihova elementarna prava na Univerzitetu. Član 69. stav (1) treba da glasi: „Naučno-nastavno, odnosno umjetničko-nastavno vijeće je akademsko tijelo organizacione jedinice i čine ga svi njeni nastavnici i po jedan predstavnik saradnika matičnih katedri te organizacione jedinice u radnom odnosu, kao i izabrani studenti, ukoliko to nije drugim aktom posebno definisano. Rektor i prorektori visokoškolske ustanove su članovi NNV-a sa koje dolaze na tu poziciju.“

Stav predlagača po primjedbi:

Primjedba uvažena. Izvršene korekcije.

Član 77. stav (2) koji glasi: „Redovni profesor zaključuje ugovor o radu na neodređeno vrijeme“ treba brisati.-Član se niti bavi, niti treba baviti prirodom ugovora koji se zaključuje sa nastavnicima:

Stav predlagača po primjedbi:

Primjedba se ne usvaja obzirom da su odredbe člana 77. Nacrta Zakona o visokom obrazovanju, a među njima i stav (2), preuzete iz člana 33. Okvirnog zakona o visokom obrazovanju Bosni i Hercegovini.

Član 78. stav (4) Nacrta Zakona o visokom obrazovanju, umjesto brojne oznake „4“ treba da stoji brojna oznaka „3“ – nomotehnički urediti.

Stav predlagača po primjedbi:

Primjedba se usvaja.

Predviđene kazne odredbe su previše rigorozne, neproporcionalne i neracionalne. Očita je nesrazmjera između kazne i konkretne odgovornosti za određen postupke. Postavljen princip odgovornosti fizičkog lica za drugog koji je ugrađen u kaznene odredbe ovog zakona je u suprotnosti sa našim važećim pravnim poretkom. Konkretni iznosi tj. visine predviđenih kazni su u određenim slučajevima za odgovorna fizička lica potpuno nerazumno i nerealno visoko postavljene.-članovi 146., 147. i 148. Nacrta Zakona o visokom obrazovanju.

Stav predlagača po primjedbi:

Primjedba se ne usvaja. Izneseno mišljenje da su kazne rigorozne i neproporcionalne smatramo proizvoljnim. Pitanje šta će raditi inspekcija kantona smatramo bespotrebim, obzirom da je decidno Zakonom o inspekciji Zeničko-dobojskog kantona utvrđen djelokrug rada inspekcija kantona.

Potrebno je omogućiti napredovanje nenastavnom osoblju putem internog oglasa.

Stav predlagača po primjedbi:

Prijedlog se prihvata. U Prijedlogu člana 87. stav (2) mjenja se i glasi: „Nenastavno osoblje (radnici za obavljanje drugih poslova osnovne djelatnosti visokoškolske ustanove, administrativnih, tehničkih, pomoćno-tehničkih i pomoćnih poslova) može putem internog oglasa napredovati u viši platni razred u skladu sa ostvarenim rezultatima i kvalitetom rada pod uslovima i na način utvrđen općim aktima visokoškolske ustanove.“

Prof.dr. Ajdin Huseinspahić, iznosi primjedbe i prijedloge Sindikalne organizacije:

Članu 69 st. 1 treba dodati rečenicu koja glasi:

... Rektor i prorektori visokoškolske ustanove su članovi NNV-ii one organizacione jedinice na kojoj je njihova matična katedra.

Stav predlagača po primjedbi:

Prijedlog se uvažava.

Senat visokoškolske ustanove:... imenuje komisije u postupku stjecanja doktorata nauka. (cl. 55. st. 2 tačka i) Nacrta ZVO ZDK)

Prijedlog izmjena člana 55. st. 2 tačka i:

„imenuje komisiju za ocjenu i odbranu doktorske disertacije i usvaja izvještaj te komisije“

Navedenom odredbom se skraćuje postupak imenovanja komisije za ocjenu podobnosti teme odnosno, ista će biti imenovana od strane NNV-a fakulteta, a čime bi trebao da okončava taj postupak.

Stav predlagača po primjedbi:

Primjedba se ne usvaja obzirom da je odredba člana 55. st. 2 tačka i) Nacrta Zakona o visokom obrazovanju, preuzeta iz člana 16. Okvirnog zakona o visokom obrazovanju Bosni i Hercegovini.

Redovni profesor zaključuje ugovor o radu na neodređeno vrijeme. (član 77 st. 2) Član 77 (2) nije u skladu sa članom 22(3) Zakona o radu FBiH-1. Jasno je predviđeno Zakonom o radu FBiH da ugovor na određeno može biti zaključen najduže na 3 godine, bez davanja mogućnosti da se drugim propisom drugačije odredi. Treba zadržati rješenje kakvo je predviđeno drugim aktima UNZE: da akademsko osoblje sklapa ugovor na neodređeno vrijeme, a u slučaju da ne dođe do napredovanja ili reizbora, takav ugovor se raskida po sili zakona. U svakom slučaju ugovori o radu ne treba uopće da sadrže klauzulu ugovora o radu na određeno vrijeme, pošto ista predstavlja veliku poteškoću nastavnom osoblju u ostvarivanju prava povodom radnog odnosa i drugih prava.

Stav predlagača po primjedbi:

Primjedba se ne usvaja obzirom da su odredbe člana 77. Nacrta Zakona o visokom obrazovanju, a među njima i stav (2), preuzete iz člana 33. Okvirnog zakona o visokom obrazovanju Bosni i Hercegovini.

Prijedlog: Brisati navedeni član jer član 81. treba definisati statutom ili pravilnikom visokoškolske ustanove o izboru u akademska zvanja, a ne zakonom.

Stav predlagača po primjedbi:

Primjedba se ne usvaja iz razloga što se pojmovi „priznata publikacija“ i „objavljena knjiga“ spominju u članu 82. Nacrta Zakona koji se odnosi na uslove za izbor u naučno-nastavna zvanja, te ih je potrebno definisati radi adekvatne primjene člana 82.

Statut donosi senat visokoškolske ustanove uz prethodno pribavljeno pozitivno mišljenje Upravnog odbora. (član 55. stav 2 Nacrta Zakona) Senat visokoškolske ustanove: a) donosi Statut visokoškolske ustanove uz prethodno pribavljeno pozitivno mišljenje Upravnog odbora; Izmjena člana 46. i .55 st. 2 tačka a izbrisati riječ „pozitivno“ jer nije u skladu sa Okvirnim Zakonom o visokom obrazovanju Bosne i Hercegovine, koji propisuje da Statut donosi senat uz prethodno pribavljeno mišljenje upravnog odbora visokoškolske ustanove. Statut svake visokoškolske ustanove mora biti usaglašen s Okvirnim zakonom.

Stav predlagača po primjedbi:

Primjedbe se ne usvajaju. Imajući u vidu član 12. stav 2. Okvirnog zakona o visokom obrazovanju u Bosni i Hercegovini („Službeni glasnik BiH“, broj: 59/07 i 59/09) koji propisuje da: „Statut donosi senat uz prethodno pribavljeno mišljenje upravnog odbora visokoškolske ustanove.“ kao i član 63. stav 2. Okvirnog zakona koji propisuje da: „Sva pitanja iz oblasti visokog obrazovanja koja nisu regulirana ovim Zakonom regulirat će se zakonima na nivou Republike Srpske i kantona.“, odredbama Nacrta bliže se utvrđuje pribavljanje pozitivnog mišljenja Upravnog odbora kao organa visokoškolske ustanove koji je odgovoran za finansijsko poslovanje iz razloga što se Statutom utvrđuju pitanja koja povlače i finansijska sredstva. S obzirom na finansijske mogućnosti visokoškolske ustanove potrebno je pozitivno mišljenje Upravnog odbora prilikom donošenja Statuta koji će prilikom davanja pozitivnog mišljenja posebno cijeliti finansijske mogućnosti visokoškolske ustanove. Navedenim pozitivnim mišljenjem ne ometa se autonomija univerziteta niti akademske slobode.

Upravni odbor javne visokoškolske ustanove čine četiri predstavnika iz reda osnivača, dva iz reda nastavnog osoblja i jedan predstavnik studenata čija imenovanja predlaže senat, koji se biraju u skladu sa zakonom.(član 51. stav 2 Nacrta Zakona).

Prijedlog izmjene člana 51 st. 3: Upravni odbor javne visokoškolske ustanove čine 3 predstavnika koja imenuje osnivač i 4 koja imenuje Senat u skladu sa Statutom, koji se biraju u skladu sa zakonom.“

Odredbe Okvirnog zakona i po pitanju sastava UO su jasne i određuju da Upravni odbor ima između sedam i jedanaest članova od kojih najmanje jednu trećinu imenuje osnivač, a ostale imenuje Senat te visokoškolske ustanove u skladu sa statutom.

Primjera radi Upravni odbor Univerziteta u Sarajevu ima jedanaest (11) članova, od kojih četiri (4) člana imenuje Vlada/osnivač od kojih je jedan predsjednik Upravnog odbora, šest (6) članova imenuje Senat Univerziteta i jednog člana predstavnika studenata imenuje Senat Univerziteta, a kojeg izabere i predloži Studentski parlament Univerziteta u Sarajevu.

Stav predlagača po primjedbi:

Primjedba se ne usvaja. Član 15. Okvirnog zakon o visokom obrazovanju Bosni i Hercegovini propisuje da: „Upravni odbor ima između sedam i jedanaest članova od kojih najmanje jednu trećinu imenuje osnivač, a ostale imenuje senat te visokoškolske ustanove u skladu sa statutom. Senat univerziteta imenuje i razrješava članove upravnog odbora na mandat od četiri godine, u javnoj i transparentnoj proceduri javnog konkursa.“Kada se napravi usporedba sa članom 51.

Nacrta Zakona o visokom obrazovanju koji u stavu (2) predviđa da: „(1) Upravni odbor visokoškolske ustanove ima sedam članova i čine ga predstavnici akademskog i neakademskog osoblja, studenata i osnivača. (2) Upravni odbor javne visokoškolske ustanove čine četiri predstavnika iz reda osnivača, dva iz reda nastavnog osoblja i jedan predstavnik studenata čija imenovanja predlaže senat, koji se biraju u skladu sa zakonom. (3) Predsjednik upravnog odbora javne visokoškolske ustanove imenuje se iz reda osnivača. (4) Imenovanje i razrješenje članova upravnog odbora iz reda osnivača vrši Vlada Zeničkodobojskog kantona u skladu sa odredbama Zakona ministarskim, vladinim i drugim imenovanjima („Službene novine Federacije BiH“, broj: 12/03, 34/03 i 65/13), a ostale članove upravnog odbora senat visokoškolske ustanove u javnoj i transparentnoj proceduri javnog konkursa u skladu sa statutom. (5) Mandat članova upravnog odbora je četiri godine. (6) Članovima upravnog odbora javne visokoškolske ustanove pripada naknada za rad u upravnom odboru u visini koju utvrdi Vlada Kantona. (7) Rektor, prorektori, rukovodioci organizacionih jedinica univerziteta i članovi senata visokoškolske ustanove ne mogu biti članovi upravnog odbora te visokoškolske ustanove.“iz naprijed navedenog proizilazi da je citirani član Nacrta Zakona usaglašen sa Okvirnim zakonom kako u pogledu broja članova, tako i u načinu imenovanja članova.

Rektor univerziteta je po funkciji član senata, Predsjedavajući senata se bira iz reda članova senata, s tim da rektor ne može biti imenovan za predsjedavajućeg i Prorektori aktivno učestvuju u radu senata bez prava glasa.(član 54. stav 5, 6 i 7 Nacrta Zakona).

Prijedlog: Brisanje stavova (5), (6) i (7) člana 54. jer nisu u skladu sa stavom (2) istog člana i Okvirnim zakonom koji propisuje da broj članova, sastav i način rada senata utvrđuju statut visokoškolske ustanove.

Stav predlagača po primjedbi:

Primjedbe se djelimično usvajaju. Imajući u vidu član 63. stav 2. Okvirnog zakona koji propisuje da: „Sva pitanja iz oblasti visokog obrazovanja koja nisu regulirana ovim Zakonom regulirat će se zakonima na nivou Republike Srpske i kantona.“ Obzirom da odredbama Okvirnog zakona nije regulisano pitanje prorektora visokoškolske ustanove, brisani stav (7) člana 54. se dodaje u tekst stava (2) člana 59. Prijedloga Zakona o visokom obrazovanju kojim se reguliše pitanje prorektora univerziteta.

Predviđene kazne u Kaznenim odredbama Nacrta ZVO ZDK su previše rigorozne, neproporcionalne kako one u pravcu ustanove tako i u pravcu odgovornih lica unutar ustanove. Za razliku od važećeg Zakona o visokom obrazovanju ZDK koji predviđa kaznene odredbe, Nacrt Zakona o visokom obrazovanju je dosta rigorozniji prema odgovornom licu u ustanovi predviđajući mnogo veći iznos kazne, a da pri tome povećanje kaznenog iznosa nije proporcionalno na stranama ustanove i odgovornog lica u ustanovi, a što predstavlja očigledan nesrazmjer.

Stav predlagača po primjedbi:

Primjedba se ne usvaja. Izneseno mišljenje da su kazne rigorozne i neproporcionalne smatramo proizvoljnim. Pitanje šta će raditi inspekcija kantona smatramo bespotrebno, obzirom da je decidno Zakonom o inspekciji Zeničko-dobojskog kantona utvrđen djelokrug rada inspekcija kantona.

Lice za koje se ljekarskim pregledom utvrdi da boluje od zarazne ili duševne bolesti ne može raditi u visokoškolskoj ustanovi. (član 87 st. 4 Nacrta ZVO ZDK)

Stav predlagača po primjedbi:

Primjedba se usvaja. Briše se stav (4) člana 87. Nacrta zakona o visokom obrazovanju.

Član 78. Način izbora akademskog osoblja, (6) Sa nastavnikom koji i nakon reizbora ne ispuni uslove za napredovanje visokoškolska ustanova će raskinuti postojeći ugovor ili će

mu ponuditi zaključenje novog ugovora pod promijenjenim uslovima, te je obavezna raspisati javni konkurs za izbor. Predlažemo:

(6) Sa članom akademskog osoblja koji ne zadovolji uslove za izbor u isto ili više zvanje, visokoškolska ustanova će raskinuti postojeći ugovor ili će mu ponuditi zaključenje novog ugovora pod promijenjenim uslovima, te je obavezna raspisati javni konkurs za izbor. Prijedlog za pokretanje postupka za izbor u isto zvanje (reizbor) ili više zvanje (napredovanje), prema senatu visokoškolske ustanove podnosi naučno-nastavno vijeće fakulteta, odnosno akademije, na osnovu zahtjeva katedre koja pokreće zahtjev prema naučno-nastavnom vijeću fakulteta, odnosno akademije, na osnovu pismenog zahtjeva nastavnika ili saradnika.

Stav predlagača po primjedbi:

Primjedba se djelimično usvaja. Izvršene korekcije su uvrštene u tekst Prijedloga Zakona o visokom obrazovanju, na način da se Konkurs za napredovanje nastavnika obavezno se raspisuje isto i više zvanje, a akademsko osoblje visokoškolske ustanove koje ne zadovolji uslove za napredovanje u više zvanje (docent, vanredni profesor i redovni profesor), ima pravo na jedan reizbor u isto nastavničko odnosno saradničko zvanje (viši asistent).

Izuzetno, za vrijeme trajanja proglašenja stanja prirodne nesreće ili stanja epidemije ili pandemije ili ratnog stanja, asistent i viši asistent mogu produžiti izborni period utvrđen stavom (1), ovog člana, a najduže 18 mjeseci od dana isteka izbornog perioda, o čemu konačnu odluku donosi senat visokoškolske ustanove (član 91 st. 2 Nacrta ZVO ZDK)

Prijedlog:

Izuzetno, za vrijeme trajanja proglašenja stanja prirodne nesreće ili stanja epidemije ili pandemije ili ratnog stanja, nastavnici i saradnici mogu produžiti izborni period utvrđen stavom (1), ovog člana, a najduže 18 mjeseci od dana isteka izbornog perioda, o čemu konačnu odluku donosi senat visokoškolske ustanove

Izmjena člana 91. stav 2 umjesto što stoji:“ za vrijeme trajanja proglašenja stanja prirodne nesreće ili stanja epidemije ili pandemije ili ratnog stanja, nastavnici i saradnici mogu produžiti izborni period utvrđen stavom (1)..“daleko jamstvanije je dodati pored asistent i viši asistent i „nastavnicima i saradnicima“, a čime se obezbjeđuje ravnopravan tretman cjelokupnog akademskog osoblja u datoj situaciji.

Stav predlagača po primjedbi:

Primjedba se ne usvaja obzirom da docent i vanredni profesor imaju mogućnost reizbora, dok je za asistente i više asistente ta mogućnost isključena odnosno ograničena u slučaju višeg asistenta.

Predlažemo da se član 87 stav 7 Nacrta _ ZVO ZDK doda sljedeća odredba: „Radnici koji obavljaju administrativne, tehničke i pomoćno-tehničke poslove mogu napredovati u viši platni razred u skladu sa ostvarenim rezultatima i kvalitetom rada na osnovu potrebe i prijedloga neposrednog rukovodioca, pod uslovima i na način utvrđen zakonom i općim aktima visokoškolske ustanove.“

Stav predlagača po primjedbi:

Prijedlog se prihvata. U Prijedlogu člana 87. stav (2) mijenja se i glasi: „Nenastavno osoblje (radnici za obavljanje drugih poslova osnovne djelatnosti visokoškolske ustanove, administrativnih, tehničkih, pomoćno-tehničkih i pomoćnih poslova) može putem internog oglasa napredovati u viši platni razred u skladu sa ostvarenim rezultatima i kvalitetom rada pod uslovima i na način utvrđen općim aktima visokoškolske ustanove.“

Član 82. (Uslovi za izbor u naučno-nastavna zvanja) Mentorstvo ili komentorstvo na trećem ciklusu studija mogu biti zamijenjeni sa tri naučna rada ukoliko tako odluči NNV organizacione jedinice, a na prijedlog matične katedre.“

Stav predlagača po primjedbi:

Primjedba se ne usvaja obzirom da su uslovi za izbor u naučno-nastavna zvanja imajući u vidu da su članom 28. Okvirnog zakona, propisani minimalni uvjeti za izbor akademskog osoblja u naučnonastavna zvanja na visokoškolskoj ustanovi su , među kojima je „mentorstvo kandidata za stepen drugog i trećeg ciklusa“.

Sindikalna podružnica Rektorata je posebno ukazala na nužnost uvođenja internog oglasa i za nenastavno osoblje i to na način što bi nakon st. 1 člana 87 bio dodat stav 2 koji bi trebao da glasi: „Popuna upražnjenih radnih mjesta nenastavnog osoblja svrstanih u više platne razrede utvrđene kolektivnim ugovorom za visoko obrazovanje na području Zenicko-dobojskog kantona vrsi se putem internog oglasa ili konkursa koji se uz prethodnu saglasnost osnivača objavljuje na internet stranici visokoškolske ustanove na način uređen internim aktima.“

Stav predlagača po primjedbi:

Prijedlog se prihvata. U Prijedlogu člana 87. stav (2) mijenja se i glasi: „Nenastavno osoblje (radnici za obavljanje drugih poslova osnovne djelatnosti visokoškolske ustanove, administrativnih, tehničkih, pomoćno-tehničkih i pomoćnih poslova) putem internog oglasa može napredovati u viši platni razred u skladu sa ostvarenim rezultatima i kvalitetom rada pod uslovima i na način utvrđen općim aktima visokoškolske ustanove.“

**Predlažemo izmjenu člana 71. koji bi trebao glasiti:
(Organi instituta)**

- (1) Organi Instituta kao organizacione jedinice univerziteta su direktor i naučno vijeće.**
- (2) Institut može imati i druge organe u skladu sa osnivačkim aktom i statutom.**
- (2) Stručno tijelo naučnog instituta je naučno vijeće.
- (3) Naučno vijeće instituta čine šefovi podorganizacionih jedinica instituta i zaposlenici instituta izabrani u naučna zvanja ili u zvanje istraživača savjetnika.
- (4) Naučno vijeće u okviru svoje nadležnosti:
 - a) predlaže senatu visokoškolske ustanove programe naučnoistraživačkog i stručnog rada instituta i programe stručnog usavršavanja,
 - b) imenuje komisije za pripremanje prijedloga za izbor u naučna i istraživačka zvanja,
 - c) utvrđuje prijedlog za izbor kandidata u naučna i istraživačka zvanja,
 - d) bira direktora Instituta na osnovu javnog konkursa
 - e) utvrđuje prijedlog za stručno usavršavanje u zemlji i inostranstvu,
 - f) utvrđuje prijedlog za realizaciju praktične nastave,
 - g) utvrđuje naučnoistraživačke projekte,
 - h) utvrđuje strateške projekte za razvoj instituta,
 - i) obavlja i druge poslove u skladu sa statutom i drugim općim aktima visokoškolske ustanove.
 - j) brine se o nabavci i održavanju naučnoistraživačke infrastrukture.
- (5) Bliže odredbe o nadležnostima naučnog vijeća sadržane su u statutu visokoškolske ustanove.
- (6) Naučno vijeće ima predsjedavajućeg koji priprema i predsjedava sjednicama.
- (7) Predsjedavajući se bira iz reda članova vijeća, s tim da direktor ne može biti imenovan za predsjedavajućeg.
- (8) Rad vijeća biće uređen poslovnikom o radu kojeg donosi vijeće u roku od 30 dana od dana stupanja na snagu ovog zakona.

Stav 2 do 8, prelazi u stav 3 do 9

U stavu (1) člana 71. (Organi instituta) stoji da Institut kao organizaciona jedinica univerziteta može imati direktora, naučno vijeće i druge organe u skladu sa osnivačkim aktom i statutom visokoškolske ustanove. Zašto je kod organa Instituta rečeno da može imati direktora, ... a u članu 68. (Organi organizacionih jedinica u sastavu univerziteta) stoji da :

„(1) Organi fakulteta, akademije i visoke škole kao organizacionih jedinica univerziteta, su:

- a) naučno-nastavno, odnosno umjetničko-nastavno vijeće;
- b) dekan.

(2) Organizacione jedinice univerziteta iz stava (1) ovog člana mogu imati i druge organe u skladu sa osnivačkim aktom i statutom.“

Direktora instituta bira naučno vijeće, a na osnovu javnog konkursa (član 73 st. 4 Nacrta ZVO ZDK).

Predlažemo da se u članu 71. stav 4 koji reguliše nadležnosti Naučnog vijeća doda tačka ... bira direktora Instituta na osnovu javnog konkursa. U članu 71. nije navedena nadležnost NV: da vodi brigu o nabavci i održavanju naučnoistraživačke infrastrukture, te je i taj dio dodat!

Stav predlagača po primjedbi:

Primjedba se usvaja. Korekcija će biti unesena Prijedlog Zakona o visokom obrazovanju.

U Nacrtu Zakona o visokom obrazovanju dati su uslovi za izbor u naučno-nastavna zvanja kao i za umjetnička zvanja dok uslovi za izbor u naučna i istraživačka zvanja izostavljeni.

Obzirni da u članu (Osnovni pojmovi) Nacrta Zakona o visokom obrazovanju pod a) stoji: “U ovom zakonu su u upotrebi pojmovi sa sljedećim značenjem: a) akademsko osoblje čine lica koja su izabrana u akademska (naučno-nastavna, nastavna, umjetnička, naučna i istraživačka zvanja) zvanja i angažovana su na licenciranoj i akreditovanoj visokoškolskoj ustanovi; prijedlog je da se u Zakonu o visokom obrazovanju uvrste i članovi za izbor u naučna i istraživačka zvanja:

Predlažemo da iza člana 83 Nacrta ZVO ZDK bude dodat novi član slijedi:

Član 84.

(Uslovi za izbor u naučna i istraživačka zvanja)

Minimalni uslovi za izbor u naučna i istraživačka zvanja su:

- a) za naučnog savjetnika: proveden najmanje jedan izborni period u zvanju višeg naučnog saradnika u odgovarajućoj naučnoj oblasti, minimum kvantitativnih uslova za odgovarajuću naučnu grupaciju predviđenih Pravilnikom o minimalnim uslovima za izbor u naučna zvanja.
- b) za višeg naučnog saradnika: proveden najmanje jedan izborni period u zvanju naučnog saradnika u odgovarajućoj naučnoj oblasti, minimum kvantitativnih uslova za odgovarajuću naučnu grupaciju predviđenih Pravilnikom o minimalnim uslovima za izbor u naučna zvanja;
- c) za naučnog saradnika: naučni stepen doktora nauka u odgovarajućoj naučnoj oblasti, minimum kvantitativnih uslova za odgovarajuću naučnu grupaciju predviđenih Pravilnikom o minimalnim uslovima za izbor u naučna zvanja;
- d) za istraživača savjetnika: završen stepen drugog ciklusa (magisterij), s najmanje 300 ECTS bodova i ostvarena najniža prosječna ocjena 8,0 (osam) ili 3,5 (tri i po) na oba ciklusa studija, objavljena najmanje 3 (tri) recenzirana naučna rada iz odgovarajuće oblasti;

e) za višeg istraživača saradnika: završen stepen drugog ciklusa (magisterij), s najmanje 300 ECTS bodova i ostvarena najniža prosječna ocjena 8,0 (osam) ili 3,5 (tri i po) na oba ciklusa studija;

f) za istraživača saradnika: završen stepen prvog ciklusa, s najmanje 240 ECTS bodova i ostvarena najniža prosječna ocjena 8,0 (osam) ili 3,5 (tri i po);

Napomena: Ova podjela naučnih i istraživačkih zvanja je u skladu sa Zakonom o naučnoistraživačkoj djelatnosti iz 2017. godine. Također u Pravilniku o plaćama, dodacima na plaću i naknadama po osnovu rada radnika UNZE član 7. pod b – Platni razredi naučnoistraživačkog osoblja je iskorištena ova podjela naučnog i istraživačkog osoblja.

Stav predlagača po primjedbi:

Primjedba se ne usvaja obzirom da je navedena materija već regulisana Zakonom o naučnoistraživačkoj djelatnosti („Službene novine Zeničko-dobojskog kantona“, broj: 11/17).

Rektor univerziteta, odnosno direktor visoke škole obavlja poslove utvrđene zakonom i statutom, a naročito:..... (član 58 Nacrta ZVO ZDK)

Predlažemo: Članu 58. dodati tačku p) predlaže prorektore!

Stav predlagača po primjedbi:

Primjedba se usvaja.

Naziv člana 80. Nacrta ZVO ZDK promijeniti u „registar baza podataka“, umjesto predloženog „Registar knjiga i publikacija“:

Stav predlagača po primjedbi:

Primjedba se ne usvaja jer prije sve naziv člana 80. Nacrta Zakona je Registar časopisa i zbornika, te navedeni naziv odgovara sadržini člana 80.

Pod priznatom publikacijom za izbor u naučno-nastavna zvanja podrazumijeva se naučni časopis, zbornik radova sa konferencije u štampanoj i elektronskoj formi koji su upisani u Registar iz člana 80. ovog zakona. (član 81. stav 1 Nacrta ZVO ZDK)

Predlažemo da član 81. stav (1) glasi: „20.Pod priznatom publikacijom za izbor u naučno-nastavna zvanja podrazumijeva se naučni časopis, zbornik radova sa konferencije u štampanoj ili elektronskoj formi koji su upisani u Registar iz člana 80. ovog zakona.“

U navedenom prijedlogu riječ je o alternaciji ”štampanoj ili elektronskoj formi...

Stav predlagača po primjedbi:

Primjedba se usvaja.

Član 127. (Polaganje i prijenos ispita) stav (3) iza teksta: „, Student može prenijeti u narednu godinu studija, unutar trajanja jednog ciklusa, najviše 12 ECTS bodova ili najviše dva predmeta“ dodaje se tekst koji glasi:

Prijedlog: „Student može prenijeti u narednu godinu studija, unutar trajanja jednog ciklusa, najviše 12 ECTS bodova ili najviše dva predmeta iz prethodne godine studija, ukoliko senat ne odluči drugačije.“ dodaje se tekst koji glasi:

Stav predlagača po primjedbi:

Primjedba se ne usvaja jer je prenos ispita već prethodno ograničen „unutar trajanja jednog ciklusa“.

Doc.dr. Safet Hamedović, predlaže:

Prijedlog za izmjene i dopune Nacrta u članu 77. stav 1. tačka b) koji glasi: „viši asistent se bira na period od pet godina sa mogućnošću ponovnog izbora isključivo ako postigne stepen trećeg ciklusa.“, smatram da je navedeni rok vrlo restriktivan, imajući u vidu razne objektivne okolnosti. Nemam konkretan prijedlog za rješavanje ovog problema, osim sugestije da se pokuša naći rješenje slično rješenjima u Tuzlanskom kantonu ili Kantonu Sarajevo.

Stav predlagača po primjedbi:

Primjedba se ne usvaja. Odredbama Okvirnog zakona decidno je utvrđeno u članu 33. da se viši asistent bira na period od pet godina sa mogućnošću ponovnog izbora isključivo ako postigne stepen trećeg ciklusa.

Prof.dr. Fuad Hadžikadunić, podržava sve iznesene primjedbe na Nacrt Zakona i ističe stav (4) člana 87. Nacrta Zakona da je neprecizan i diskriminirajući.

Stav predlagača po primjedbi:

Primjedba se usvaja. Briše se stav (4) člana 87. Nacrta zakona o visokom obrazovanju.

Unija studenata Univerziteta u Zenici

Unija studenata Univerziteta u Zenici iznosi prijedlog da se izbací iz člana 55. Nacrta Zakona stav (4.), koji glasi „Predstavnici studenata u senatu nemaju pravo glasa po pitanjima iz tačaka f),g), h) i i) iz stava (2) ovog člana“. Smatramo, prije svega, da svi članovi senata trebaju da su jednaki i da imaju jednako pravo glasa. Smatramo da studenti imaju pravo birati ljude koji će ih predstavljati, jer se ipak radi o ljudima koji će zastupati prava fakultetskih jedinica, samim time i studenata. Studentima se treba dati mogućnost da stanu na stranu ljudi koji će raditi za opći interes i interes studenata.

Studenti već učestvuju u izboru dekana i profesora na nivou fakulteta kroz Naučno-nastavna vijeća i nema smisla oduzeti im pravo da učestvuju u konačnoj odluci na Senatu.

Smatramo da je ova odluka kontraproduktivna i da šalje lošu poruku studentima i srednjoškolicima koji tek trebaju da se upišu na fakultet, a to je prvenstveno da Univerzitet smatra da mladi nisu dovoljno inteligentni, zreli ili sposobni da donesu pravednu odluku iako se radi o studentima koji su na master studiju, doktorskom studiju a pojedini studenti, predstavnici u senatu, su čak i viši asistenti na fakultetu i članovi instituta.

Druga poruka koja se šalje studentima jeste da Univerzitet zapravo ne želi studente da odlučuju u senatu i da je ovo samo prvi korak ka potpunom isključenju studenata iz senata a naknadno bi se isključili iz Naučno-nastavnog vijeća i Upravnog odbora Univerziteta.

Ukoliko pošaljete ovu poruku bojim se da ćete napraviti još veći jaz između studenata i akademskog osoblja što nije u interesu ni jednih ni drugih. Ovom odlukom se pravi razlika između studenata u smislu da studentu, članu Upravnog odbora, koji može biti na drugoj godini dodiplomskog studija, daje se mogućnost da odlučuje o mnogo važnijim i kompleksnijim temama kao npr. da usmjerava, kontrolira i ocjenjuje rad rektora, odnosno direktora u domenu finansijskog poslovanja; utvrđuje planove financiranja i razvoja, uključujući i organizovanje novih organizacionih jedinica i studijskih programa;

donosi akt kojim se utvrđuje način obračuna plaća i drugih primanja u javnoj visokoškolskoj ustanovi, te donosi opći akt o unutrašnjoj organizaciji i sistematizaciji radnih mjesta, kao i druge

opće akte u skladu sa zakonom i statutom visokoškolske ustanove. Dok student master studija koji može biti asistent na fakultetu ili već jeste asistent na fakultetu i prošao je i upoznat sa procedurom izbora u akademska zvanja oduzima mu se mogućnost da glasa i donosi konačne odluke po prigovoru kandidata za izbor u akademska zvanja. Univerzitet u Zenici treba da radi suprotno tj. da maksimalno ohrabri studente da se uključe u sve organe Univerziteta, da iznose svoje prijedloge i mišljenja te da učestvuju u donošenju odluka koje se odnose i na akademsko osoblje i na studente. Vidimo član (55) stav 4) Zakona o visokom obrazovanju kao jedan vid diskriminacije studenata, a diskriminacija se kosi sa članom 7) tačka c) Zakona koji glasi:

Djelatnost visokog obrazovanja se temelji na sljedećim principima: poštivanje ljudskih prava i građanskih sloboda , uključujući zabranu svih oblika diskriminacije;

Nadamo se da ćete uvažiti studente te izbaciti član 55) stav 4) iz Zakona o visokom obrazovanju Također uvođenjem ovog stava u zakon, Univerzitet u Zenici će biti jedini Univerzitet u Federaciji koji je uskratio pravo glasanja studentima u senatu. Tražili smo tu odredbu i u Zakonu o VO TK,KS,SBK, Unsko-Sanskom kantonu, Posavskom. Postavljam pitanje da li smatrate da su studenti da Univerzitetu u Zenici i studenti da područja ZE-DO kantona manje inteligentni i manje vrijedni od svih drugih studenata?

Stav predlagača po primjedbi:

Primjedba se usvaja. Korekcije su uvrštene u tekst Prijedloga Zakona o visokom obrazovanju na način da se iz člana 55. briše stav 4. koji glasi: „Predstavnici studenata u senatu nemaju pravo glasa po pitanjima iz tačaka f),g), h) i i) iz stava (2) ovog člana“.

OBRADIVAČ

**Ministarstvo za obrazovanje, nauku, kulturu i sport
Zeničko-dobojskog kantona**

Zenica, april/travanj 2022. godine



MINISTAR

Prof. dr. Spahija Kozlić



Bosna i Hercegovina, Zenica, Kučukovići br. 2
Tel: 032/460-840, fax: 460-842
e-mail min.obrazovanje@zdk.ba

Član 68.
(Prestanak važenja Zakona)

Stupanjem na snagu ovog zakona prestaje da važi Zakon o izvršenju sankcija u Zeničko-dobojskom kantonu („Službene novine Zeničko-dobojskog kantona“, broj:16/00, 6/01 i 15/03).

Član 69.
(Stupanje na snagu Zakona)

Ovaj zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-8662/09

PREDSJEDAVALAČ

Datum, 01.04.2009. godine

Zenica

Sejad Zaimović, s.r.

79.

Na osnovu člana 37. stav 1. tačka f. Ustava Zeničko-dobojskog kantona, Skupština Zeničko-dobojskog kantona, na 28. sjednici, održanoj 31.03.2009. godine, donosi:

ZAKON
O VISOKOM OBRAZOVANJU

DIO PRVI - UVODNE ODREDBE

Član 1.
(Predmet zakona)

Ovim zakonom uređuju se sistem, uvjeti i način obavljanja djelatnosti visokog obrazovanja, finansiranje, kao i druga pitanja od značaja za obavljanje ove djelatnosti na području Zeničko-dobojskog kantona (u daljem tekstu: Kanton).

Član 2.
(Djelatnost visokog obrazovanja)

Djelatnost visokog obrazovanja je od posebnog društvenog interesa za Kanton i dio je međunarodnog, a posebno evropskog obrazovnog, naučnog, odnosno umjetničkog prostora.

POGLAVLJE I. CILJEVI I PRINCIPI VISOKOG OBRAZOVANJA

Odjeljak A. Osnovni ciljevi i principi

Član 3.
(Osnovni ciljevi visokog obrazovanja)

Osnovni ciljevi visokog obrazovanja su:

- a) ustanovljavati, razvijati, štiti i prenositi znanje i sposobnosti putem nastave i naučnoistraživačkog rada, i time doprinosti razvoju sposobnosti pojedinca i društva;
- b) pružiti mogućnost građanima da, u skladu s propisima, pod jednakim uvjetima uživaju korist visokog obrazovanja cijeli život;
- c) razvoj nauke i unapređivanje umjetničkog stvaralaštva.

Član 4.
(Strategija programa razvoja)

- (1) Razvoj djelatnosti visokog obrazovanja na području Kantona utvrđuje se Strategijom razvoja visokog obrazovanja, koju donosi Skupština Zeničko-dobojskog kantona (u daljem tekstu: Skupština Kantona), na prijedlog Vlade Zeničko-dobojskog kantona (u daljem tekstu: Vlada Kantona).
- (2) Strategijom razvoja visokog obrazovanja utvrđuju se strateški interesi i potrebe Kantona u oblasti visokog obrazovanja, mjere za obezbjeđenje razvoja i unapređenja kvaliteta visokog obrazovanja, finansiranje, kao i druga pitanja od značaja za razvoj visokoškolske djelatnosti na području Kantona.

Član 5.
(Principi visokog obrazovanja)

Djelatnost visokog obrazovanja se temelji na sljedećim principima:

- a) akademskim slobodama, akademskoj samoupravi i autonomiji visokoškolske ustanove;
- b) jedinstvu nastave i naučnoistraživačkog, odnosno umjetničkog rada;
- c) otvorenosti visokoškolske ustanove prema javnosti, građanima i lokalnoj zajednici;
- d) uvažavanju evropskih humanističkih i demokratskih vrijednosti, te usklađivanju s evropskim sistemom visokog obrazovanja;
- e) poštivanju ljudskih prava i građanskih sloboda, uključujući zabranu svih oblika diskriminacije;
- f) interakciji sa društvenom zajednicom i obavezi visokoškolske ustanove da razvija društvenu odgovornost studenata i drugih članova akademske zajednice;
- g) učešću studenata u upravljanju i odlučivanju, posebno u vezi sa pitanjima koja su od značaja za kvalitet nastave;
- h) ravnopravnosti visokoškolskih ustanova bez obzira na oblik vlasništva, odnosno na to ko je osnivač;
- i) afirmaciji konkurencije obrazovnih i istraživačkih usluga radi povećanja kvaliteta i efikasnosti visokoškolskog sistema;

- j) obezbjeđivanju kvaliteta i efikasnosti studiranja;
- k) konceptu cjeloživotnog obrazovanja.

Odjeljak B. Akademske slobode

Član 6. (Akademske slobode)

- (1) Akademske slobode su:
 - a) sloboda visokoškolskih ustanova u nastavnom i naučnoistraživačkom radu i umjetničkom stvaralaštvu u okviru svojih licenci, bez miješanja organa javne vlasti, uključujući slobodu objavljivanja i javnog predstavljanja naučnih rezultata i umjetničkih dostignuća;
 - b) sloboda međusobne saradnje i udruživanja, u skladu sa važećim propisima.
- (2) Akademska sloboda na visokoškolskoj ustanovi je sloboda svakog nastavnika, saradnika i studenta da obavlja svoju akademsku aktivnost u skladu sa ustavom i zakonom.

Član 7. (Autonomija)

Visokoškolske ustanove imaju pravo:

- a) izabrati svoje upravne i rukovodne organe i odrediti im mandat;
- b) urediti svoje strukture i aktivnosti vlastitim pravilima u skladu sa zakonom i statutom;
- c) izabrati nastavno, saradničko i drugo osoblje čiji je angažman povezan sa djelatnošću visokog obrazovanja;
- d) odlučiti o kriterijima za upis i prijem studenata, kao i odrediti nastavne metode i provjere znanja studenata;
- e) samostalno razvijati i primjenjivati nastavne planove i programe, te istraživačke projekte;
- f) u skladu sa nastavnim programom i standardima izabrati predmete koji će se predavati;
- g) na univerzitetima dodjeljivati naučno-nastavna i saradnička zvanja;
- h) samostalno urediti rad visokoškolske ustanove u okviru postojeće unutrašnje organizacije, u skladu sa zakonom;
- i) zapošljavati osoblje u skladu sa zakonom.

Član 8. (Nepovredivost akademskog prostora)

- (1) Prostor visokoškolske ustanove je nepovrediv i u njega ne mogu ulaziti pripadnici policije i drugih organa za gonjenje i sprječavanje krivičnih djela bez dozvole rektora, direktora visoke škole ili lica koja su oni ovlastili.

- (2) Izuzetno od stava (1) ovog člana, s ciljem sprječavanja krivičnog djela ili zaustavljanja izvršenja krivičnog djela, mogu se preduzimati neophodne mjere, s tim da se o preduzetim radnjama odmah obavijesti uprava visokoškolske ustanove.

Član 9. (Jezik studija)

Visokoškolska ustanova organizira i izvodi studije na službenim jezicima konstitutivnih naroda u BiH, a pojedine dijelove studija, kao i izradu i odbranu diplomskog i magistarskog rada i doktorske disertacije, može organizirati i izvoditi na stranom jeziku, u skladu sa statutom.

Odjeljak C. Pravo na visoko obrazovanje

Član 10. (Pravo na visoko obrazovanje)

- (1) Pravo na visoko obrazovanje imaju sva lica koja ispunjavaju uvjete stručne spreme propisane Okvirnim zakonom o visokom obrazovanju u Bosni i Hercegovini („Službeni glasnik BiH“, broj: 59/07), (u daljem tekstu: Okvirni zakon), bez obzira na rasu, boju kože, spol, seksualnu orijentaciju, etničko, nacionalno ili socijalno porijeklo, jezik, vjeroispovijest, političko ili drugo mišljenje, vezu s nekom nacionalnom zajednicom, status stečen rođenjem, fizički ili drugi nedostatak, imovinsko stanje, rođenje, starosnu dob ili neki drugi status.
- (2) Ustanova će osigurati pristup studiju stranim državljanima i licima bez državljanstva u skladu sa utvrđenim načelima u Evropskom području visokog obrazovanja, osiguravajući studij pod istim uvjetima kao i državljanima Bosne i Hercegovine, afirmirajući mobilnost studenata i nastavnika.

POGLAVLJE II. VISOKOŠKOLSKE USTANOVE

Član 11. (Univerzitet i visoka škola)

- (1) Djelatnost visokog obrazovanja obavljaju univerziteti i visoke škole.
- (2) Univerzitet je visokoškolska ustanova koja se bavi nastavnim, naučnim i istraživačkim radom, koja nudi akademske stepene sva tri ciklusa, sa ciljevima koji uključuju unapređenje znanja, misli i školstva u Bosni i Hercegovini i Kantonu; obrazovni, kulturni, društveni i ekonomski razvoj Bosne i Hercegovine; promociju demokratskog građanskog društva i postizanje najviših standarda nastave i istraživačkog rada i koja realizira najmanje pet različitih studijskih programa iz najmanje tri naučne oblasti – prirodne nauke, tehničke nauke,

društvene nauke, biomedicina i zdravstvo, biotehničke i humanističke nauke.

- (3) Izuzetno od stava (1) ovog člana univerzitet u polju umjetnosti može se osnovati ako ima sva tri nivoa studija iz najmanje tri oblasti umjetnosti.
- (4) Visoka škola je visokoškolska ustanova koja je akreditirana za davanje diploma i stepena prvog ciklusa, sa ciljevima koji uključuju pripremu i obuku pojedinaca za stručni, ekonomski i kulturni razvoj Bosne i Hercegovine i Kantona, kao i promociju demokratskog građanskog društva, te postizanje visokih standarda nastave i učenja i, koja realizira najmanje jedan studijski program iz jedne naučne oblasti i ispunjava druge uvjete u skladu sa zakonom.
- (5) Visokoškolska ustanova može organizirati smještaj i ishranu studenata u skladu sa zakonom i osnivačkim aktom.

Član 12. (Javnost rada)

- (1) Rad visokoškolske ustanove je javan.
- (2) Na visokoškolskoj ustanovi nije dozvoljeno političko ili stranačko organiziranje niti djelovanje.

Član 13. (Imovina visokoškolske ustanove)

- (1) Visokoškolska ustanova stiče imovinu, upravlja njome i koristi je u skladu sa zakonom.
- (2) Imovina visokoškolske ustanove obezbijeđena od osnivača za osnivanje i rad visokoškolske ustanove imovina je osnivača, ako aktom o osnivanju ustanove nije drugačije određeno.
- (3) Visokoškolska ustanova ne može raspolagati nepokretnostima u državnoj svojini bez prethodno pribavljene saglasnosti Skupštine Kantona.
- (4) Sredstva za rad visokoškolske ustanove mogu se koristiti samo za obavljanje djelatnosti visokoškolske ustanove.
- (5) Imovina visokoškolske ustanove stečena poklonom i zavještanjem je vlasništvo visokoškolske ustanove koja je tu imovinu stekla.
- (6) Visokoškolska ustanova samostalno upravlja fondacijama, odnosno fondovima i zadužbinama koji su joj povjereni, u skladu sa zakonom.
- (7) Imovina visokoškolske ustanove ne može biti iskorištena u cilju promjene statusa visokoškolske ustanove ili uzurpacije prava osnivača od strane drugih subjekata ili same visokoškolske ustanove.
- (8) Imovinske interese javne visokoškolske ustanove u postupcima pred sudom ili drugim nadležnim organom zastupa Kantonalno pravobranilaštvo.

Član 14. (Primjena drugih zakona)

Na pitanja koja nisu uređena ovim zakonom primjenjuje se Okvirni zakon, Zakon o ustanovama („Službeni list RBiH“, broj: 6/92, 8/93 i 13/94), kao i drugi propisi koji uređuju ovu oblast.

DIO DRUGI - OSNIVANJE I PRESTANAK RADA VISOKOŠKOLSKE USTANOVE

POGLAVLJE I. OSNIVANJE

Odjeljak A. Osnivanje visokoškolske ustanove

Član 15. (Status visokoškolske ustanove)

- (1) Univerzitet i visoka škola osnivaju se kao ustanove.
- (2) Javne visokoškolske ustanove obavljaju svoju djelatnost kao javnu službu.
- (3) Visokoškolska ustanova ima status pravnog lica.

Član 16. (Osnivači visokoškolske ustanove)

- (1) Visokoškolsku ustanovu može osnovati domaće ili strano pravno ili fizičko lice.
- (2) Visokoškolsku ustanovu mogu osnovati dva ili više osnivača, u kom slučaju se njihova međusobna prava, obaveze i odgovornosti utvrđuju ugovorom.
- (3) Visokoškolske ustanove mogu biti javne i privatne.
- (4) Visokoškolsku ustanovu kao javnu ustanovu može osnovati Skupština Kantona, samostalno ili zajedno sa drugim fizičkim ili pravnim licima, na prijedlog Vlade Kantona.

Odjeljak B. Elaborat o osnivanju

Član 17. (Elaborat o osnivanju visokoškolske ustanove)

- (1) Osnivač visokoškolske ustanove, odnosno Vlada Kantona za javnu ustanovu, formira ekspertsku komisiju koja će pripremiti elaborat o opravdanosti osnivanja visokoškolske ustanove.
- (2) Članovi ekspertske komisije su univerzitetski nastavnici iz naučne i stručne oblasti za koju se osniva visokoškolska ustanova.
- (3) Elaborat iz stava (1) ovog člana sadrži dokaze o opravdanosti osnivanja visokoškolske ustanove, kao i dokaze

da su ispunjeni propisani uvjeti za osnivanje i rad visokoškolske ustanove.

- (4) Elaborat se podnosi Ministarstvu za obrazovanje, nauku, kulturu i sport Zeničko-dobojskog kantona (u daljem tekstu: Ministarstvo), sa zahtjevom za donošenje rješenja o ispunjenosti uvjeta za početak rada i obavljanje djelatnosti visokog obrazovanja.
- (5) Zahtjev za donošenje rješenja iz stava (4) ovog člana podnosi se najkasnije šest mjeseci prije početka akademske godine.

Član 18. (Komisija matičara)

- (1) Osnivač visokoškolske ustanove, odnosno Vlada Kantona za javnu ustanovu, prije donošenja akta o osnivanju usvaja elaborat.
- (2) Osnivač visokoškolske ustanove, odnosno Vlada Kantona nakon usvajanja elaborata, imenuje komisiju matičara i utvrđuje rok za podnošenje izvještaja.
- (3) Komisija matičara:
- donosi nastavne planove i nastavne programe;
 - donosi opći akt o pravilima studija;
 - objavljuje konkurs i vrši izbor nastavnika i saradnika za uže naučne, odnosno umjetničke oblasti ili za nastavne predmete prve i druge godine studija, od kojih najmanje jednu polovinu u radnom odnosu sa punim radnim vremenom, u skladu sa odredbama ovog zakona;
 - predlaže broj studenata za upis u prvu godinu studija.
- (4) Bliži propis o sastavu i radu komisije matičara donosi ministar Ministarstva (u daljem tekstu: ministar).

Član 19. (Akt o osnivanju visokoškolske ustanove)

- (1) Kada osnivač pozitivno ocijeni izvještaj komisije matičara donosi akt o osnivanju visokoškolske ustanove.
- (2) Aktom o osnivanju visokoškolske ustanove utvrđuje se:
- naziv osnivača;
 - naziv i sjedište visokoškolske ustanove;
 - djelatnost visokoškolske ustanove;
 - iznos i sredstva za osnivanje i početak rada i način njihovog obezbjeđivanja;
 - izvori i način obezbjeđivanja sredstava za rad visokoškolske ustanove;
 - međusobna prava i obaveze između osnivača i visokoškolske ustanove;
 - način raspolaganja viškom prihoda nad rashodima i način na koji se pokriva višak rashoda nad prihodima;
 - prava, obaveze i odgovornost visokoškolske ustanove

u pravnom prometu;

- lice koje će do imenovanja organa rukovođenja predstavljati i zastupati visokoškolsku ustanovu i njegova ovlaštenja i odgovornosti;
- rok za donošenje statuta visokoškolske ustanove, imenovanje organa upravljanja i rukovođenja visokoškolske ustanove;
- druga pitanja od značaja za rad visokoškolske ustanove.

Član 20. (Rješenje o ispunjavanju uvjeta za osnivanje i početak rada)

- (1) Ministarstvo formira komisiju koja ispituje uvjete za početak rada i obavljanja djelatnosti visokog obrazovanja.
- (2) Komisija broji pet članova i čine je univerzitetski nastavnici i najmanje jedan predstavnik osnivača.
- (3) Na osnovu pozitivne ocjene komisije, Ministarstvo donosi rješenje o ispunjavanju uvjeta za osnivanje i početak rada i obavljanje djelatnosti visokog obrazovanja.
- (4) Rješenje iz stava (3) ovog člana je upravni akt protiv koga nije dopuštena žalba, ali se može pokrenuti upravni spor.

Odjeljak C. Standardi i kriteriji

Član 21. (Standardi i kriteriji)

- (1) Visokoškolska ustanova može početi sa radom i obavljanjem djelatnosti ako ispunjava kriterije i standarde za osnivanje visokoškolske ustanove, te za prestrukturiranje studijskih programa, koje donosi Ministarstvo, u skladu sa zakonom.
- (2) Visokoškolska ustanova ispunjava kadrovske uvjete ako ima u radnom odnosu najmanje jednu polovinu od ukupnog broja nastavnika potrebnih za izvođenje nastave na obaveznim nastavnim predmetima za sve cikluse koje organizira utvrđenim nastavnim planom, osim na akademiji umjetnosti.
- (3) Izuzetno, za studij medicinske grupe nauka, broj angažiranih zaposlenika iz zdravstvene institucije u nastavnom procesu u visokoškolskoj ustanovi ulazi u broj nastavnika iz stava (2), a što se regulira posebnim ugovorom između visokoškolske ustanove i zdravstvene institucije.

Član 22. (Dozvola za rad)

- (1) Nakon donošenja rješenja o ispunjavanju uvjeta za osnivanje i početak rada, obavljanje djelatnosti visokog

obrazovanja, kao i akta o osnivanju, na zahtjev visokoškolske ustanove, Ministarstvo izdaje dozvolu za radlicencu.

- (2) Visokoškolska ustanova se smatra osnovanom upisom u sudski registar, čime stiče status pravnog lica.

Član 23.

(Visokoškolska ustanova sa sjedištem izvan Kantona)

- (1) Visokoškolska ustanova sa sjedištem izvan Kantona ili u drugoj državi može organizirati studij na području Kantona, uz prethodnu saglasnost osnivača.
- (2) Na osnovu saglasnosti iz prethodnog stava Ministarstvo utvrđuje da li su ispunjeni uvjeti iz člana 21. ovog zakona.

Član 24.

(Periodično utvrđivanje uvjeta za rad)

- (1) Ministarstvo najmanje jedanput u pet godina utvrđuje da li visokoškolska ustanova ispunjava uvjete propisane ovim zakonom.
- (2) Ako Ministarstvo utvrdi da visokoškolska ustanova, odnosno, studijski odsjek visokoškolske ustanove ne ispunjava uvjete, utvrdit će rok za otklanjanje nedostataka koji ne može biti manji od jedne godine.
- (3) U roku iz stava (2) ovog člana ne može se vršiti upis studenata u prvu godinu studija u visokoškolskoj ustanovi, odnosno organizacionoj jedinici koja ne ispunjava uvjete iz ovog zakona.
- (4) Ukoliko se u određenom roku nedostaci ne otklone, visokoškolskoj ustanovi ili njenom organizacionom dijelu koji ne ispunjavaju uvjete iz ovog zakona, Ministarstvo će zabraniti obavljanje djelatnosti i o tome obavijestiti osnivača.
- (5) Pravosnažno rješenje o trajnoj zabrani rada Ministarstvo dostavlja osnivaču, nadležnom registarskom sudu i Agenciji za razvoj visokog obrazovanja i osiguranje kvaliteta (u daljem tekstu: Agencija), radi brisanja visokoškolske ustanove iz registra.

POGLAVLJE II. STATUSNE PROMJENE I PRESTANAK RADA

Član 25.

(Statusne promjene)

- (1) Visokoškolska ustanova može, u skladu sa zakonom, proširiti, odnosno promijeniti djelatnost, naziv i sjedište, kao i vršiti statusne promjene: spajanje, pripajanje, podjelu i izdvajanje.
- (2) Prije donošenja odluke o statusnoj promjeni osnivač usvaja elaborat o opravdanosti statusne promjene.

- (3) Elaborat sadrži: opravdanost potrebe za statusnom promjenom, dužinu trajanja studija, okvirni nastavni plan i nastavni program, stručni naziv koji se stiče po završetku studija, ispunjavanje općih i posebnih uvjeta po standardima visokog obrazovanja i normativima, sredstva potrebna za ispunjavanje tih uvjeta i način njihovog osiguravanja.

- (4) Prijedlog elaborata osnivaču podnosi visokoškolska ustanova.

Član 26.

(Prestanak rada visokoškolske ustanove)

- (1) Visokoškolska ustanova prestaje sa radom:
- ako više ne postoji potreba za obavljanje djelatnosti visokoškolske ustanove;
 - ako prestanu da postoje uvjeti za obavljanje djelatnosti visokoškolske ustanove;
 - ako je visokoškolskoj ustanovi izrečena mjera zabrane obavljanja djelatnosti, zbog toga što ne ispunjava uvjete u skladu sa zakonom, a u roku određenom u izrečenoj mjeri nije ispunila te uvjete;
 - ako se pravosnažnom odlukom suda utvrdi ništavnost upisa u sudski registar;
 - ako je u nemogućnosti da ispunjava zakonom propisane obaveze, a aktom o osnivanju nije utvrđena odgovornost osnivača za te obaveze;
 - ako se pripoji drugoj visokoškolskoj ustanovi, spoji sa drugom visokoškolskom ustanovom ili podijeli na dvije ili više visokoškolskih ustanova;
 - ako se organizira u privredno društvo;
 - u drugim slučajevima određenim zakonom ili aktom o osnivanju.
- (2) Akt o prestanku rada visokoškolske ustanove donosi osnivač.
- (3) Aktom o prestanku rada visokoškolske ustanove utvrđuje se način zaštite prava korisnika usluga i druga pitanja od značaja za prestanak rada visokoškolske ustanove, u skladu sa zakonom i statutom visokoškolske ustanove.
- (4) U slučaju prestanka rada javne visokoškolske ustanove osnivač je dužan zatečenim studentima omogućiti završetak započelih studija.
- (5) Prije donošenja akta o prestanku rada javne visokoškolske ustanove iz razloga utvrđenih u alineji a), b) i e) Vlada Kantona formira ekspertsku komisiju sa zadatkom da pripremi elaborat o opravdanosti prestanka rada javne visokoškolske ustanove.

Član 27.

(Obaveze nakon prestanka rada visokoškolske ustanove)

Odgovornost osnivača je da u slučaju prestanka rada visokoškolske ustanove osigura trajno čuvanje javnih ispra-

va, arhiva i druge dokumentacije u skladu sa zakonom.

DIO TREĆI - LICENCA I AKREDITACIJA

POGLAVLJE I. KRITERIJI ZA LICENCIRANJE

Član 28. **(Kriteriji za licenciranje)**

Visokoškolska ustanova može početi da radi i obavlja svoju djelatnost nakon dobijanja licence.

Član 29. **(Licenca)**

- (1) Licenca je dozvola za rad koju izdaje Ministarstvo i kojom se visokoškolskoj ustanovi dozvoljava pružanje usluga visokog obrazovanja.
- (2) Licencom se utvrđuje vrsta ustanove, akreditirani studijski programi, kao i stepeni i diplome koje se mogu dodjeljivati.
- (3) Kriterije iz stava (1) ovog člana donosi Ministarstvo na osnovu preporuke Agencije.

Član 30. **(Akreditacija)**

- (1) Akreditacija je postupak provjere organizacije rada, raspoloživih prostornih, materijalno-tehničkih i kadrovskih resursa, kvaliteta obrazovnog procesa, studijskih programa kojima raspolaže, odnosno koje pruža i dodjeljuje visokoškolska ustanova, a što ima za rezultat izdavanje rješenja o akreditaciji visokoškolske ustanove od strane Ministarstva.
- (2) U postupku akreditacije doktorskog studijskog programa utvrđuje se da li su ispunjeni uvjeti za obavljanje naučnoistraživačkog, odnosno umjetničkog rada, u skladu sa zakonom.

POGLAVLJE II. POSTUPAK IZDAVANJA AKREDITACIJE

Član 31. **(Postupak izdavanja akreditacije)**

- (1) Zahtjev za akreditaciju visokoškolska ustanova, odnosno osnivač podnosi Ministarstvu najmanje godinu dana prije datuma za koji se traži akreditacija.
- (2) U postupku akreditacije Ministarstvo može:
 - a) izdati uvjerenje o akreditaciji visokoškolske ustanove, odnosno studijskog programa;
 - b) utvrditi nedostatke u pogledu ispunjavanja uvjeta, kvaliteta rada visokoškolske ustanove, odnosno studijskog programa i odrediti rok za otklanjanje nave-

denih nedostataka, s tim što po isteku roka odlučuje o zahtjevu;

- c) donijeti rješenje kojim se zahtjev odbija.
- (3) Akreditacija po zahtjevu iz stava (1) ovog člana izdaje se najduže na četiri godine, nakon čega se mora provesti ponovna akreditacija.
 - (4) Ponovni zahtjev za akreditaciju može se podnijeti po isteku roka od godinu dana od donošenja rješenja kojim se zahtjev za akreditaciju odbija.

Član 32. **(Ovlaštenje akreditirane visokoškolske ustanove)**

- (1) Akreditirana i licencirana visokoškolska ustanova je jedina ovlaštena dodjeljivati akademske titule i zvanja i izdavati diplome navedene u rješenju o akreditaciji.
- (2) Neće se priznati akademske titule, stručna i naučna zvanja i diplome koje su izdale visokoškolske ustanove bez akreditacije i licence.

Član 33. **(Oduzimanje licence)**

- (1) Ako se na temelju inspekcijuskog nadzora utvrdi da je visokoškolska ustanova prestala ispunjavati uvjete iz licence i akreditacije, a uočeni propusti se ne mogu otkloniti bez ozbiljnih posljedica na kvalitet studija, Ministarstvo će na osnovu mišljenja i preporuka Agencije, rješenjem oduzeti licencu.
- (2) Ako se uočeni nedostaci mogu otkloniti Ministarstvo će ostaviti rok, ne duži od šest mjeseci, u kojem visokoškolska ustanova mora otkloniti uočene nedostatke.

POGLAVLJE III. SAMOVREDNOVANJE I OSIGURANJE KVALITETA

Član 34. **(Samovrednovanje i osiguranje kvaliteta)**

- (1) Senat visokoškolske ustanove izrađuje i donosi dokument o politici osiguranja kvaliteta i metode samovrednovanja za sva tri studijska ciklusa.
- (2) Visokoškolske ustanove će razviti vlastite sisteme osiguranja kvaliteta kako bi osigurali kvalitet i realizaciju svoje obrazovne misije.
- (3) Visokoškolska ustanova sprovodi kontinuirano, po pravilu na kraju akademske godine, a najviše u intervalima od tri akademske godine, postupak samovrednovanja i ocjene kvaliteta svojih studijskih programa, nastave i uvjeta rada.
- (4) Postupak iz stava (3) ovog člana visokoškolska ustanova, odnosno njene organizacione jedinice sprovode u

skladu sa statutom, odnosno opštim aktom visokoškolske ustanove i metodama samovrednovanja koje utvrđuje senat.

- (5) Izvještaj o samovrednovanju i ocjeni kvaliteta objavljuje se tako da bude dostupan akademskom osoblju i studentima u toj visokoškolskoj ustanovi.
- (6) Na zahtjev Ministarstva, odnosno Agencije, visokoškolska ustanova dostavlja informaciju o postupku i rezultatima samovrednovanja i ocjene kvaliteta, kao i druge podatke od značaja za osiguranje kvaliteta.

Član 35. (Interne evaluacije)

Visokoškolska ustanova izvodi periodične interne evaluacije u skladu sa trajanjem nastavnih ciklusa utvrđenih ovim zakonom i statutom.

Član 36. (Uspostavljanje informacionog sistema)

Visokoškolska ustanova uspostavlja informacioni sistem kojim će se osigurati realizacija mjera politike osiguranja kvaliteta i stalni pristup informacijama o:

- a) progresu studenata i uspjehnosti;
- b) uposlenosti diplomiranih studenata;
- c) zadovoljstvu studenata nastavnim programima;
- d) efikasnosti nastavnog osoblja;
- e) strukturi studentske populacije;
- f) raspoloživim nastavnim resursima i njihovoj cijeni;
- g) indikatorima performansi ustanove;
- h) drugim elementima bitnim za osiguranje kvaliteta visokog obrazovanja.

Član 37. (Misija visokoškolske ustanove)

Visokoškolska ustanova će donijeti, publicirati i kontinuirano ažurirati misiju, odnosno izjavu o misiji, kojom će precizno i sažeto opisati visokoškolsku ustanovu, definirati njen status, identificirati postavljene ciljeve i politike, odrediti način prilagođavanja organizacione strukture ustanove potrebama studenata i društvene zajednice, te dati naznake o načinu realizacije postavljenih ciljeva.

DIO ČETVRTI - EVIDENCIJA, JAVNE ISPRAVE, REGISTAR

Član 38. (Matične knjige i evidencije)

- (1) Visokoškolska ustanova vodi matične knjige studenata i lica koja su stekla visoku stručnu spremu, stručni, naučni, odnosno umjetnički stepen magistra i naučni stepen

doktora nauka, kao i evidencije o ispitima, o uspjehu studenata na kraju školske godine, o izdatim diplomama i dodacima diplomi kao i druge evidencije utvrđene općim aktima visokoškolske ustanove.

- (2) Matične knjige i evidencije o izdatim diplomama i dodacima diplomi čuvaju se trajno.
- (3) Bliži propis o načinu vođenja matičnih knjiga i evidencija o izdatim diplomama i dodacima diplomi donosi ministar.
- (4) Općim aktima visokoškolske ustanove uredit će se način vođenja druge evidencije.

Član 39. (Javne isprave)

- (1) Na osnovu službene evidencije, visokoškolska ustanova izdaje javne isprave.
- (2) Javne isprave u smislu stava (1) ovog člana su: diploma o stečenom stepenu stručne spreme i zvanju, dodatak diplomi o stepenu stručne spreme, diploma o stečenom naučnom stepenu magistra i naučnom stepenu doktora nauka, dodatak diplomi o stečenom stepenu magistra i naučnom stepenu doktora nauka, indeks, ispisnica, uvjerenje o diplomiranju, uvjerenje o položenim ispitima, uvjerenje o uspjehu u toku studija i uvjerenje o učešću u pojedinim oblicima stručnog usavršavanja i permanentnog obrazovanja i druge isprave u skladu sa zakonom.
- (3) Bliži propis o sadržaju javnih isprava, osim diplome i dodatka diplomi, donosi ministar.

Član 40. (Izdavanje javne isprave)

- (1) Kada se nastava ostvaruje na stranom jeziku, javne isprave se izdaju na obrascu koji je štampan dvojezično, s tim da student može zahtijevati izdavanje javne isprave odvojeno.
- (2) Na zahtjev studenta visokoškolska ustanova izdaje javnu ispravu o savladanom dijelu studijskog programa, koja sadrži podatke o nivou, prirodi i sadržaju studija, kao i o postignutim rezultatima.
- (3) Diploma se izdaje na jednom od službenih jezika države Bosne i Hercegovine i po zahtjevu na engleskom jeziku, a dodatak diplomi izdaje se na jednom od službenih jezika države Bosne i Hercegovine i na engleskom jeziku.

Član 41. (Ništavnost javnih isprava)

- (1) Diplomu, odnosno dodatak diplomi Ministarstvo oglašava ništavnim ako su izdati od neovlaštene ustanove ili su potpisani od neovlaštenog lica ili imalac diplome

- nije ispunio sve ispitne obaveze na način utvrđen zakonom i studijskim programom.
- (2) Visokoškolska ustanova oglašava ništavnom diplomu o stečenom akademskom nazivu magistra, ako utvrdi da završni rad nije rezultat samostalnog rada kandidata.
 - (3) Visokoškolska ustanova oglašava ništavnom diplomu o stečenom naučnom nazivu doktora nauka, ako utvrdi da doktorska disertacija nije originalan naučni, odnosno umjetnički rezultat.

Član 42.

(Razlozi za ništavnost javnih isprava)

- (1) Javne isprave iz člana 39. ovog zakona, izdate od strane visokoškolske ustanove koja obavlja djelatnost visokog obrazovanja na području Kantona, a nema dozvolu za rad na području Kantona izdatu u skladu sa ovim zakonom, su ništavne.
- (2) Nadležna inspekcija za obrazovanje i nauku će zabraniti rad po službenoj dužnosti visokoškolskoj ustanovi koja obavlja djelatnost visokog obrazovanja na području Kantona suprotno odredbama ovog člana.

Član 43.

(Registar)

- (1) Ministarstvo vodi evidenciju visokoškolskih ustanova (u daljem tekstu: registar).
- (2) Sadržaj i način vođenja registra propisuje ministar.

DIO PETI - STATUT VISOKOŠKOLSKE USTANOVE

Član 44.

(Statut visokoškolske ustanove)

- (1) Statut je osnovni akt kojim se uređuju pitanja značajna za obavljanje djelatnosti visokoškolske ustanove.
- (2) Statut donosi Upravni odbor visokoškolske ustanove uz prethodnu saglasnost osnivača.
- (3) Izmjene i dopune statuta vrše se odlukom, na način i u postupku predviđenom za njegovo donošenje.

Član 45.

(Sadržaj statuta)

Statut sadrži odredbe kojima se reguliraju slijedeća pitanja:

- a) organizacija visokoškolske ustanove;
- b) zastupanje i predstavljanje visokoškolske ustanove;
- c) pravila za izbor članova upravnog odbora;
- d) način organiziranja i izvođenje studija;
- e) pravila studiranja i prava studenata;

- f) izbor u nastavno-naučna i saradnička zvanja;
- g) način implementacije Evropskog kreditnog transfer sistema (u daljem tekstu: ECTS);
- h) kriteriji za dodjelu akademskih titula;
- i) obaveze visokoškolske ustanove prema osnivaču;
- j) ovlaštenja visokoškolske ustanove u pravnom prometu;
- k) organizacija i nadležnosti organizacionih jedinica;
- l) statusne promjene, obrazovanje novih organizacionih jedinica i studijskih odsjeka;
- m) ostvarivanje prihoda, upravljanje sredstvima i imovinom;
- n) akademska, finansijska i druga ovlaštenja organizacionih jedinica u pravnom prometu,
- o) organizaciju naučnoistraživačkog i umjetničkog rada;
- p) kriteriji za provođenje procesa evaluacije i objavljanje rezultata provedene evaluacije;
- r) broj članova senata i način njihovog biranja;
- s) oblik i nivo učešća studenata u radu ustanove;
- š) način izjašnjavanja i donošenja odluka po pojedinim pitanjima, kao i preciziranje odluka koje se mogu donositi tajnim glasanjem;
- t) druga pitanja u skladu sa zakonom i osnivačkim aktom.

DIO ŠESTI - ORGANI VISOKOŠKOLSKE USTANOVE

Član 46.

(Organi visokoškolske ustanove)

- (1) Organi Univerziteta su: upravni odbor, senat i rektor.
- (2) Organi visoke škole su: upravni odbor, senat i direktor.
- (3) Visokoškolska ustanova može imati i druge stručne organe za vođenje poslovanja ili nadzorne organe, čije se osnivanje, sastav i nadležnost uređuju osnivačkim aktom i statutom.
- (4) Javna visokoškolska ustanova organizuje posebno tijelo interne revizije.
- (5) Obaveza svih organa upravljanja, rukovođenja, nadzora i drugih organa Univerziteta je da u postupku izbora i imenovanja osiguraju odgovarajuću spolnu zastupljenost.

Član 47.

(Organi privatne visokoškolske ustanove)

Nadležnost, broj, sastav, trajanje mandata, način izbora i razrješenja kao i način rada i odlučivanja organa privatne visokoškolske ustanove, uređuje se statutom, s tim što se mora obezbijediti odgovarajuće učešće predstavnika akademskog osoblja i studenata u donošenju odluka koje su od

njihovog interesa.

Član 48. (Upravni odbor)

Organ upravljanja visokoškolskom ustanovom je upravni odbor.

Član 49. (Sastav, broj, mandat i izuzeće)

- (1) Upravni odbor visokoškolske ustanove ima sedam članova i čine ga predstavnici akademskog i neakademskog osoblja, studenata i osnivača.
- (2) Upravni odbor javne visokoškolske ustanove čine četiri predstavnika iz reda osnivača, dva iz reda nastavnog osoblja i jedan predstavnik studenata čija imenovanja predlaže senat, koji se biraju u skladu sa zakonom.
- (3) Predsjednik upravnog odbora javne visokoškolske ustanove imenuje se iz reda osnivača.
- (4) Konačno imenovanje i razrješenje članova upravnog odbora vrši Vlada Zeničko-dobojskog kantona.
- (5) Mandat članova upravnog odbora je četiri godine.
- (6) Članovima upravnog odbora javne visokoškolske ustanove pripada naknada za rad u upravnom odboru u visini koju utvrdi Vlada Kantona.
- (7) Rektor, prorektori, rukovodioci organizacionih jedinica univerziteta i članovi senata visokoškolske ustanove ne mogu biti članovi upravnog odbora te visokoškolske ustanove.

Član 50. (Razrješenje člana upravnog odbora)

- (1) Osnivač će razriješiti člana upravnog odbora kojeg je imenovao i prije vremena na koje je imenovan:
 - a) ako se utvrdi da je odgovoran za neuspješan ili nezakonit rad visokoškolske ustanove;
 - b) ako se utvrdi da ima lične ili druge interese koji su u suprotnosti sa interesima visokoškolske ustanove (sukob interesa);
 - c) ako svojim radom povrijedi ugled dužnosti koju obavlja;
 - d) na njegov lični zahtjev;
 - e) ako ne ispunjava dužnost člana upravnog odbora;
 - f) u drugim slučajevima utvrđenim zakonom, osnivačkim aktom i statutom.
- (2) Postupak razrješenja članova upravnog odbora bliže se uređuje statutom visokoškolske ustanove.

Član 51. (Djelokrug upravnog odbora)

Upravni odbor obavlja poslove utvrđene zakonom, ak-

tom o osnivanju i statutom visokoškolske ustanove, a naročito:

- a) donosi statut visokoškolske ustanove, te donosi opći akt o unutrašnjoj organizaciji i sistematizaciji radnih mjesta, kao i druge opće akte u skladu sa zakonom i statutom visokoškolske ustanove;
- b) donosi odluku o osnivanju drugih pravnih lica, u skladu sa zakonom i statutom, uz prethodnu saglasnost osnivača;
- c) utvrđuje planove finansiranja i razvoja;
- d) donosi godišnji program rada visokoškolske ustanove na prijedlog senata visokoškolske ustanove;
- e) donosi finansijski plan;
- f) usmjerava, kontrolira i ocjenjuje rad rektora, odnosno direktora u domenu finansijskog poslovanja;
- g) rješava pitanja odnosa sa osnivačem;
- h) odlučuje o korištenju sredstava za rad u skladu sa statutom;
- i) odgovara osnivaču za rezultate rada visokoškolske ustanove;
- j) odlučuje o prigovoru zaposlenika na odluke organa visokoškolske ustanove koji su u prvom stepenu odlučivali o pravima, obavezama i odgovornostima zaposlenika iz radnog odnosa;
- k) najmanje jedanput godišnje podnosi osnivaču izvještaj o poslovanju visokoškolske ustanove;
- l) donosi konačnu odluku o izboru i razrješenju direktora Studentskog centra;
- m) obavlja i druge poslove u skladu sa zakonom, aktom o osnivanju i statutom.

Član 52. (Sastav senata)

- (1) Senat je najviše akademsko tijelo koje čine predstavnici akademskog osoblja u radnom odnosu u visokoškolskoj ustanovi, kao i predstavnici studenata.
- (2) Najmanje 15% članova senata su studenti iz svakog ciklusa koje bira studentski predstavnički organ.
- (3) Senat ima predsjedavajućeg koji priprema i predsjedava sjednicama.
- (4) Predsjedavajući se bira iz reda članova senata, s tim da rektor i prorektori ne mogu biti imenovani za predsjedavajućeg.
- (5) Rad senata biće uređen Poslovnikom o radu kojeg donosi senat u roku od 30 dana od dana stupanja na snagu ovog zakona.

Član 53. (Nadležnost senata)

- (1) Senat visokoškolske ustanove odlučuje o svim akademskim pitanjima, a posebno o pitanjima nastavne, naučne, umjetničke i stručne djelatnosti visokoškolske

ustanove.

- (2) Senat visokoškolske ustanove:
- donosi Etički kodeks, kojim se utvrđuju etička načela u visokom obrazovanju, objavljivanju naučnih rezultata, odnosu prema intelektualnoj svojini, odnosima između nastavnika i saradnika, drugih zaposlenih i studenata, odnosu prema javnosti i sredstvima javnog informiranja i uopće o nastupanju visokoškolske ustanove, nastavnika, saradnika i studenata u pravnom prometu;
 - donosi opće akte u skladu sa ovim zakonom i statutom visokoškolske ustanove;
 - donosi nastavne planove i nastavne programe diplomskog, postdiplomskog i doktorskog studija;
 - bira i razrješava rektora, prorektora univerziteta, direktora visoke škole uz saglasnost osnivača, s tim da su akti o izboru i razrješenu konačni;
 - donosi konačne odluke po prigovoru kandidata za izbor i razrješenu dekana i prodekana, kao i direktora instituta;
 - bira akademsko osoblje na prijedlog naučno-nastavnog vijeća, odnosno vijeća organizacione jedinice;
 - imenuje komisije u postupku stjecanja doktorata nauka;
 - dodjeljuje počasno zvanje „profesor emeritus“, te „počasni doktor nauka“;
 - daje inicijativu upravnom odboru za organiziranje i ukidanje fakulteta i drugih organizacionih jedinica univerziteta, kao i studijskih odsjeka;
 - odobrava razvojne i organizacione planove;
 - imenuje stalna ili privremena tijela, radne grupe, komitete, grupe za praćenje kvaliteta rada i slično;
 - propisuje odredbe kojima se regulira rad organa koje imenuje senat;
 - utvrđuje upisnu politiku;
 - obavlja druge poslove u skladu sa zakonom i statutom visokoškolske ustanove.
- (3) Senat ustanove odlučuje o akademskim pitanjima na prijedlog stručnih organa organizacionih jedinica kao i drugih organa ustanove i predstavničkih tijela studenata.
- (4) Broj članova, sastav, način izbora i razrješnja i način rada senata utvrđuje se statutom visokoškolske ustanove.

Član 54.

(Rektor univerziteta i direktor visoke škole)

- Univerzitetom rukovodi rektor, a visokom školom direktor visoke škole, u skladu sa ovim zakonom i statutom visokoškolske ustanove.
- Za rektora javnog univerziteta može biti izabran nastavnik u naučno-nastavnom zvanju redovnog profesora koji ispunjava uvjete za to zvanje na univerzitetu na

kojem se prijavljuje.

- Za direktora javne visoke škole može biti izabrano lice koje ispunjava uvjete za nastavnika te visoke škole.

Član 55.

(Izbor rektora, prorektora i direktora)

- Rektora i prorektora javnog univerziteta i direktora javne visoke škole bira senat na osnovu javnog konkursa uz saglasnost osnivača, na mandat od četiri godine, i mogu biti ponovo izabrani.
- Ista osoba se može imenovati na dva uzastopna mandata u istoj visokoškolskoj ustanovi.
- Postupak izbora rektora javnog univerziteta i direktora javne visoke škole mora osigurati poštovanje principa zakonitosti, kvaliteta, otvorenosti i transparentnosti.
- Postupak izbora i razrješnja, uvjeti i kriteriji za izbor i razlozi razrješnja rektora javnog univerziteta i direktora javne visoke škole utvrđuju se osnivačkim aktom i statutom.

Član 56.

(Djelokrug rektora univerziteta i direktora visoke škole)

- Rektor univerziteta, odnosno direktor visoke škole obavlja poslove utvrđene zakonom i statutom, a naročito:
 - zastupa i predstavlja visokoškolsku ustanovu;
 - organizira i rukovodi radom visokoškolske ustanove i odgovoran je za zakonitost rada visokoškolske ustanove;
 - predlaže opće akte i donosi pojedinačne akte u skladu sa zakonom i statutom visokoškolske ustanove;
 - predlaže upravnom odboru i senatu mjere za unapređenje rada visokoškolske ustanove;
 - predlaže upravnom odboru mjere za efikasno i zakonito obavljanje djelatnosti visokoškolske ustanove;
 - predlaže upravnom odboru, senatu i osnivaču osnove planova rada i razvoja visokoškolske ustanove;
 - predlaže upravnom odboru unutrašnju organizaciju i sistematizaciju radnih mjesta;
 - izvršava odluke upravnog odbora i drugih organa visokoškolske ustanove;
 - odlučuje o korištenju sredstava do iznosa utvrđenog statutom visokoškolske ustanove;
 - odlučuje o pravima, obavezama i odgovornostima zaposlenika iz radnog odnosa;
 - podnosi upravnom odboru izvještaj o izvršenju finansijskog plana;
 - narodbodavac je za izvršenje finansijskog plana;
 - učestvuje u radu Rektorske konferencije Bosne i Hercegovine;
 - obavlja i druge poslove u skladu sa zakonom, osni-

vačkim aktom i statutom visokoškolske ustanove.

- (2) Rektor u radu pomažu prorektori.
- (3) Broj prorektora i nadležnost bliže se uređuje statutom visokoškolske ustanove.

Član 57.
(Odgovornost rektora univerziteta i direktora visoke škole)

- (1) Rektor univerziteta, odnosno direktor visoke škole za svoj rad u domenu akademskih pitanja odgovara senatu, a u domenu poslovanja upravnom odboru.
- (2) Rektor, odnosno direktor jednom godišnje podnosi senatu i upravnom odboru izvještaj o svom radu.

Član 58.
(Razrješenje rektora, prorektora univerziteta i direktora visoke škole)

- (1) Rektor, prorektor i direktor visoke škole mogu biti razriješeni dužnosti i prije isteka vremena na koje su imenovani:
 - a) na lični zahtjev;
 - b) ako se utvrdi da je odgovoran za neuspješan ili nezakonit rad visokoškolske ustanove;
 - c) ako se utvrdi da ima lične ili druge interese koji su u suprotnosti sa interesima visokoškolske ustanove i u drugom slučaju postojanja sukoba interesa;
 - d) u drugim slučajevima utvrđenim zakonom, osnivačkim aktom i statutom visokoškolske ustanove.
- (2) Prijedlog za prijekvremeno razrješenje rektora, prorektora i direktora visoke škole može dati osnivač, odnosno Vlada Kantona za javnu visokoškolsku ustanovu, senat i upravni odbor.
- (3) Postupak razrješenja rektora, prorektora i direktora visoke škole uređuje se statutom visokoškolske ustanove u skladu sa ovim zakonom.

Član 59.
(Obustavljanje općeg i pojedinačnog akta)

Rektor univerziteta, odnosno direktor visoke škole dužan je da obustavi od izvršenja opći akt donesen u visokoškolskoj ustanovi koji nije u saglasnosti sa ustavom ili je u suprotnosti sa zakonom i drugim propisima, kao i izvršavanje pojedinačnog akta kojim se nanosi šteta visokoškolskoj ustanovi ili društvenoj zajednici i da o tome obavijesti Ministarstvo.

Član 60.
(Drugi organi visokoškolske ustanove)

Visokoškolska ustanova može imati i druge organe, u skladu sa osnivačkim aktom i statutom.

DIO SEDMI - ORGANIZACIJA UNIVERZITETA

POGLAVLJE I. VRSTE I DEFINICIJE ORGANIZACIONIH JEDINICA

Odjeljak A. Vrste organizacionih jedinica

Član 61.
(Vrste organizacionih jedinica)

- (1) Univerzitet ima organizacione jedinice kao što su fakulteti, akademije, visoke škole ili naučnoistraživački instituti koji izvode nastavni, naučnoistraživački i umjetnički rad u jednom ili više obrazovnih i naučnih područja.
- (2) Radi komercijalizacije rezultata naučnoistraživačkog i umjetničkog rada, visokoškolska ustanova, kao i njene organizacione jedinice, uz saglasnost visokoškolske ustanove, mogu osnovati svoje organizacione jedinice, u čijem radu mogu učestvovati i studenti (centar za transfer tehnologija, inovacioni centar, naučno-tehnološki park, inženjerski biro, radionice, umjetnički sastavi, galerije, umjetnički performansi), kao i druge organizacione jedinice.
- (3) Organizacija i nadležnost organizacionih jedinica bliže se uređuje statutom visokoškolske ustanove.

Član 62.
(Definicije organizacionih jedinica)

- (1) Fakultet je organizaciona jedinica univerziteta koja izvodi univerzitetske studije i razvija stručni i naučni rad u jednom ili više naučnih i stručnih područja.
- (2) Akademija je organizaciona jedinica univerziteta koja organizira i izvodi univerzitetske umjetničke studije, te razvija umjetničko stvaralaštvo i naučnoistraživački rad na području umjetnosti.
- (3) Naučni institut je naučnoistraživačka organizaciona jedinica univerziteta koja obavlja fundamentalna, primijenjena i razvojna istraživanja iz odgovarajućeg naučnog područja i stručnih oblasti.
- (4) Radi obezbjeđenja cjelovitosti studentskog standarda, univerzitet u svom sastavu može imati i studentski centar, kao organizacionu jedinicu.
- (5) Organizacione jedinice nemaju svojstvo pravnog lica.
- (6) Izuzetno, naučni institut može imati određena ovlaštenja u pravnom prometu.

Član 63.
(Osnivanje i izvođenje naučnih, stručnih i umjetničkih studija)

- (1) Fakultet i umjetnička akademija mogu osnivati i izvoditi univerzitetske naučne, stručne, odnosno umjetničke

studije u skladu sa zakonom.

- (2) Naučni institut u sastavu univerziteta može ostvarivati dio akreditiranih studijskih programa iz svih ciklusa studija na univerzitetu, u skladu sa statutom, odnosno općim aktom univerziteta.

Član 64. (Uvođenje novog studija)

- (1) Fakulteti i akademije mogu se organizovati u visokoškolskoj ustanovi radi uvođenja novih studijskih odsjeka u skladu sa standardima i normativima visokog obrazovanja.
- (2) Ukoliko se na fakultetu izvode studiji iz više obrazovnih i naučnih područja, organizuju se studijski odsjeci za svako obrazovno i naučno područje.

Odjeljak B. Ovlaštenja u pravnom prometu

Član 65. (Ovlaštenja u pravnom prometu)

- (1) Organizaciona jedinica univerziteta može imati određena ovlaštenja u pravnom prometu, kao i poseban obračun rezultata poslovanja, u skladu sa osnivačkim aktom i statutom visokoškolske ustanove.
- (2) Organizacione jedinice iz stava (1) ovog člana mogu istupati u pravnom prometu pod nazivom univerziteta u čijem su sastavu i svojim nazivom, u skladu sa statutom.
- (3) Statutom javne visokoškolske ustanove utvrđuje se obim akademskih i finansijskih ovlaštenja organizacionih jedinica i preuzimanja odgovornosti unutar ustanove i to tako da se precizno vode i odrede prihodi i rashodi svih organizacionih jedinica, način njihovog nastupa na tržištu, način raspolaganja sredstvima koja organizacione jedinice ostvare na tržištu, donacijama ili na drugi način finansiranja, u skladu sa zakonom.

Odjeljak C. Organi organizacionih jedinica

Član 66. (Organi organizacionih jedinica u sastavu univerziteta)

- (1) Organi fakulteta, akademije i visoke škole kao organizacionih jedinica univerziteta, su:
 - a) naučno-nastavno, odnosno umjetničko-nastavno vijeće;
 - b) dekan.
- (2) Organizacione jedinice univerziteta iz stava (1) ovog člana mogu imati i druge organe u skladu sa osnivačkim aktom i statutom.

Član 67. (Naučno-nastavno i umjetničko-nastavno vijeće)

- (1) Naučno-nastavno, odnosno umjetničko-nastavno vijeće je akademsko tijelo organizacione jedinice i čini ga utvrđen broj nastavnika i saradnika koji su u radnom odnosu u visokoškolskoj ustanovi i koji učestvuju u naučno-nastavnom procesu organizacione jedinice, kao i studenti izabrani od strane studentskog predstavničkog tijela, u skladu sa statutom visokoškolske ustanove.
- (2) Naučno-nastavno, odnosno umjetničko-nastavno vijeće:
 - a) predlaže nastavne planove i programe za sve studijske odsjeke na toj organizacionoj jedinici;
 - b) bira i razriješava dekana i prodekane fakulteta, odnosno umjetničke akademije i visoke škole kao organizacione jedinice univerziteta;
 - c) obrazuje komisije u postupku sticanja naučnog stepena magistra i imenuje mentore;
 - d) odlučuje o prigovorima studenata na odluku dekana o pojedinačnim obavezama i odgovornostima;
 - e) obavlja i druge poslove u skladu sa zakonom i statutom visokoškolske ustanove.
- (3) Naučno-nastavno, odnosno umjetničko-nastavno vijeće ima predsjedavajućeg koji priprema i predsjedava sjednicama.
- (4) Predsjedavajući se bira iz reda članova vijeća, s tim da dekan i prodekani ne mogu biti imenovani za predsjedavajućeg.
- (5) Rad vijeća biće uređen poslovníkom o radu kojeg donosi vijeće u roku od 30 dana od dana stupanja na snagu ovog zakona.

Član 68. (Dekan)

- (1) Dekan rukovodi radom i predstavlja i zastupa fakultet, akademiju ili visoku školu kao organizacionu jedinicu univerziteta, predlaže rektoru unutrašnju organizaciju i sistematizaciju radnih mjesta na fakultetu i ima sva prava i obaveze utvrđene osnivačkim aktom i statutom ustanove.
- (2) Dekan se bira na mandat od četiri godine i može biti ponovo izabran.
- (3) Ista osoba se može birati na dva uzastopna mandata u istoj organizacionoj jedinici.
- (4) Dekana bira naučno-nastavno, odnosno umjetničko-nastavno vijeće, a na osnovu javnog konkursa.
- (5) Postupak i kriteriji za imenovanje i razrješenje dekana bliže se uređuju statutom visokoškolske ustanove.
- (6) Za svoj rad dekan je odgovoran naučno-nastavnom, odnosno umjetničko-nastavnom vijeću.

Član 69. **(Organi instituta)**

- (1) Institut kao organizaciona jedinica univerziteta može imati direktora, naučno vijeće i druge organe u skladu sa osnivačkim aktom i statutom visokoškolske ustanove.
- (2) Stručno tijelo naučnog instituta je naučno vijeće.
- (3) Naučno vijeće instituta čine šefovi podorganizacionih jedinica instituta i zaposlenici instituta sa naučnim stepenom doktora i magistra nauka.
- (4) Naučno vijeće u okviru svoje nadležnosti:
 - a) predlaže senatu visokoškolske ustanove programe naučnoistraživačkog i stručnog rada instituta i programe stručnog usavršavanja;
 - b) bira i razrješava direktora instituta;
 - c) imenuje komisije za pripremanje prijedloga za izbor u akademska zvanja;
 - d) utvrđuje prijedlog za izbor kandidata u akademska zvanja;
 - e) utvrđuje prijedlog za stručno usavršavanje u zemlji i inostranstvu;
 - f) utvrđuje prijedlog za realizaciju praktične nastave;
 - g) utvrđuje naučnoistraživačke projekte;
 - h) utvrđuje strateške projekte za razvoj instituta;
 - i) obavlja i druge poslove u skladu sa statutom i drugim općim aktima visokoškolske ustanove.
- (5) Bliže odredbe o nadležnostima naučnog vijeća sadržane su u statutu visokoškolske ustanove.
- (6) Naučno vijeće ima predsjedavajućeg koji priprema i predsjedava sjednicama.
- (7) Predsjedavajući se bira iz reda članova vijeća, s tim da direktor ne može biti imenovan za predsjedavajućeg.
- (8) Rad vijeća biće uređen poslovníkom o radu kojeg donosi vijeće u roku od 30 dana od dana stupanja na snagu ovog zakona.

Član 70. **(Direktor instituta)**

- (1) Organ rukovođenja naučnog instituta je direktor.
- (2) Direktor naučnog instituta obavlja poslove utvrđene zakonom i statutom visokoškolske ustanove, a naročito:
 - a) predstavlja institut i ima prava i obaveze u skladu sa statutom visokoškolske ustanove;
 - b) predlaže rektoru unutrašnju organizaciju i sistematizaciju radnih mjesta na institutu;
 - c) donosi pojedinačne akte u skladu sa zakonom i statutom visokoškolske ustanove;
 - d) odlučuje u prvom stepenu o pojedinačnim pravima, obavezama i odgovornostima zaposlenika iz radnog odnosa ili u vezi sa radnim odnosom na institutu;
 - e) organizuje naučnoistraživački i stručni rad na institutu i predlaže mjere za njegovo poboljšanje;

- f) za svoj rad odgovara naučnom vijeću instituta;
- g) obavlja i druge poslove u skladu sa zakonom i statutom visokoškolske ustanove.

Član 71. **(Mandat direktora instituta)**

- (1) Direktor se bira na mandat od četiri godine i može biti ponovo izabran.
- (2) Ista osoba se može imenovati na dva uzastopna mandata u tom naučnom institutu.
- (3) Za direktora instituta može biti izabrano lice koje pored općih zakonskih uvjeta ima naučni stepen doktora nauka i izbor u jedno od naučno-nastavnih zvanja (redovnog ili vanrednog profesora), ukoliko ispunjava uvjete za to zvanje na visokoškolskoj ustanovi.
- (4) Direktora instituta bira naučno vijeće, a na osnovu javnog konkursa.
- (5) Bliže odredbe o postupku izbora i razrješjenja, te razlozima za smjenu direktora instituta prije isteka mandata, poslovima, odgovornostima i ostalim pitanjima koja se odnose na funkciju direktora sadržane su u statutu visokoškolske ustanove.

Član 72. **(Direktor studentskog centra)**

- (1) Organ rukovođenja studentskog centra je direktor.
- (2) Direktor studentskog centra obavlja poslove utvrđene zakonom i statutom visokoškolske ustanove, a naročito:
 - a) predstavlja studentski centar i ima prava i obaveze u skladu sa statutom univerziteta;
 - b) predlaže rektoru unutrašnju organizaciju i sistematizaciju radnih mjesta u studentskom centru;
 - c) donosi pojedinačne akte u skladu sa zakonom i statutom visokoškolske ustanove;
 - d) odlučuje u prvom stepenu o pojedinačnim pravima, obavezama i odgovornostima zaposlenika iz radnog odnosa ili u vezi sa radnim odnosom u studentskom centru;
 - e) predlaže promjenu i proširivanje djelatnosti i organizacije studentskog centra;
 - f) predlaže mjere za poboljšanje i unapređenje procesa rada u studentskom centru;
 - g) za svoj rad odgovara rektoru visokoškolske ustanove;
 - h) obavlja i druge poslove u skladu sa zakonom i statutom visokoškolske ustanove.

Član 73. **(Mandat direktora centra)**

- (1) Direktor se bira na mandat od četiri godine i može biti

- ponovo izabran.
- (2) Ista osoba može se imenovati na dva uzastopna mandata.
 - (3) Direktora bira Upravni odbor, a na osnovu javnog konkursa.
 - (4) Za direktora centra može biti izabrano lice koje pored općih zakonskih uvjeta ima visoku stručnu spremu i najmanje tri godine radnog iskustva na odgovarajućim rukovodećim poslovima.
 - (5) Bliže odredbe o postupku izbora i razrješenja, te razlozima za smjenu direktora centra prije isteka mandata, poslovima, odgovornostima i ostalim pitanjima koja se odnose na funkciju direktora sadržane su u statutu visokoškolske ustanove.

POGLAVLJE II. IZBOR U NAUČNO-NASTAVNA ZVANJA

Odjeljak A. Naučno-nastavna i umjetnička zvanja

Član 74.

(Naučno-nastavna i umjetnička zvanja)

- (1) Univerzitet dodjeljuje naučno-nastavna i umjetnička zvanja, i to:
 - a) redovni profesor;
 - b) vanredni profesor;
 - c) docent;
 - d) lektor;
 - e) viši asistent;
 - f) asistent.
- (2) Visoka škola dodjeljuje nastavna i umjetnička zvanja, i to:
 - a) profesor visoke škole;
 - b) predavač visoke škole;
 - c) asistent.

Član 75.

(Period na koji se bira akademsko osoblje)

- (1) Period na koji se bira akademsko osoblje na univerzitetu je:
 - a) asistent na period od četiri godine bez mogućnosti reizbora;
 - b) viši asistent na period od pet godina s mogućnošću ponovnog izbora isključivo ako postigne stepen trećeg ciklusa;
 - c) lektor na period od pet godina bez mogućnosti reizbora;
 - d) docent na period od pet godina s mogućnošću ponovnog izbora;
 - e) vanredni profesor na period od šest godina s mogućnošću ponovnog izbora;
 - f) redovni profesor trajno.

- (2) Redovni profesor zaključuje ugovor o radu na neodređeno vrijeme.
- (3) Period na koji se bira akademsko osoblje na visokoj školi je:
 - a) asistent na period od četiri godine bez mogućnosti reizbora;
 - b) predavač visoke škole na period od pet godina s mogućnošću ponovnog izbora;
 - c) profesor visoke škole trajno.

Član 76.

(Način izbora akademskog osoblja)

- (1) Izbor akademskog osoblja vrši se javnim konkursom, u skladu sa kriterijima određenim zakonom, statutom visokoškolske ustanove i standardima u datoj struci.
- (2) Postupak napredovanja akademskog osoblja u više zvanje i reizbor u svim slučajevima vrši se javnim konkursom, na način utvrđen statutom.
- (3) Konkurs iz stava (1) ovog člana obavezno se raspisuje za sva nastavnička zvanja, asistenta i višeg asistenta i objavljuje u najmanje jednom dnevnom listu, kao i na WEB-stranici visokoškolske ustanove.
- (4) Izuzetno, visokoškolska ustanova može angažovati izabranog nastavnika, višeg asistenta ili asistenta, bez zasnivanja radnog odnosa sa visokoškolskom ustanovom za održavanje nastave, u skladu sa statutom.
- (5) Sa licima iz stava (4) ovog člana visokoškolska ustanova zaključuje ugovor o realizaciji nastave u skladu sa općim aktom.
- (6) Ako član akademskog osoblja ne zadovolji uvjete za izbor u isto ili više zvanje, visokoškolska ustanova sa njim ne može zaključiti novi ugovor o radu i obavezna je raspisati javni konkurs za izbor.
- (7) U slučaju prvog izbora u akademsko zvanje nastavnik, asistent ili viši asistent je obavezan u roku od jedne godine od dana izbora dostaviti uvjerenje kojim se dokazuje da posjeduje minimum pedagoškog obrazovanja.
- (8) Visokoškolska ustanova minimum pedagoškog obrazovanja iz stava (7) ovog člana utvrđuje svojim statutom.

Odjeljak B. Prava i obaveze

Član 77.

(Prava i obaveze po pitanju akademskih izbora)

- (1) Nastavnik ne može biti biran u više naučno-nastavno, umjetničko-nastavno i nastavno zvanje prije isteka roka iz člana 75. ovog zakona.
- (2) Nastavnik koji je izabran u isto naučno-nastavno, odnosno umjetničko-nastavno zvanje (reizbor), koji ispuni uvjete za izbor u više zvanje, može pokrenuti postupak za izbor u više zvanje i prije isteka roka iz člana 75.

ovog zakona, pri čemu se uzimaju u obzir i ispunjeni uvjeti od posljednjeg izbora.

- (3) Prijedlog za pokretanje postupka za izbor u više zvanje podnosi naučno-nastavno vijeće fakulteta, odnosno akademije, na zahtjev katedre.
- (4) Komisija za pripremanje prijedloga za izbor dužna je dostaviti prijedlog u roku od 30 dana od imenovanja i isti dostaviti naučno-nastavnom vijeću fakulteta, odnosno umjetničko-nastavnom vijeću akademije.
- (5) Na osnovu prijedloga komisije naučno-nastavno vijeće utvrđuje prijedlog za izbor u daljem roku od 15 dana i dostavlja ga senatu univerziteta.
- (6) Senat univerziteta dužan je donijeti odluku o izboru u roku od 30 dana od dana dostavljanja prijedloga.
- (7) Kandidat za izbor u naučno-nastavno i umjetničko-nastavno zvanje koji je nezadovoljan odlukom senata univerziteta može podnijeti zahtjev za preispitivanje odluke o izboru.
- (8) Zahtjev se podnosi senatu univerziteta u roku od 15 dana od dana prijema odluke o izboru.

Član 78.

(Registar domaćih i međunarodnih časopisa)

- (1) Senat visokoškolske ustanove će sačiniti registar domaćih i međunarodnih časopisa i zbornika radova sa naučnih skupova pri izboru u naučno-nastavna i umjetničko-nastavna zvanja.
- (2) Način upisa u registar časopisa i zbornika radova visokoškolske ustanove bliže će se regulirati pravilnikom i procedurama za izbor i napredovanje nastavnika i saradnika koji donosi senat.
- (3) Pri ocjeni validnosti publikacija vodit će se računa o međunarodnom ugledu, referentnosti, načinu recenzija radova i drugim relevantnim pokazateljima.

Član 79.

(Publikacije)

- (1) Pod publikacijom se podrazumijeva objavljena naučna knjiga, naučna monografija, univerzitetski udžbenik ili umjetnička knjiga (roman, zbirka pripovjedaka i sl.).
- (2) Domaće publikacije pisane na službenim jezicima konstitutivnih naroda Bosne i Hercegovine moraju zadovoljavati slijedeće uvjete:
 - a) da je publikacija objavljena u punom obimu;
 - b) da je recenzirana od strane stručnih osoba za oblast na koju se publikacija odnosi, što podrazumijeva najmanje dva recenzenta izabrana u naučno-nastavna zvanja, na istoj ili srodnoj naučnoj oblasti;
 - c) da je postupak katalogizacije izvršen po međunarodnim standardima (ISBN i ISSN).

Odjeljak C. Uvjeti za izbor

Član 80.

(Uvjeti za izbor u naučno-nastavna zvanja)

Uvjeti za izbor akademskog osoblja u naučno-nastavna zvanja na visokoškolskoj ustanovi su:

- a) redovni profesor: proveden najmanje jedan izborni period u zvanju vanrednog profesora, najmanje dvije objavljene knjige, najmanje osam naučnih radova objavljenih u priznatim publikacijama, sve nakon sticanja zvanja vanrednog profesora, te uspješno mentorstvo kandidata za stepen drugog i trećeg ciklusa;
- b) vanredni profesor: proveden najmanje jedan izborni period u zvanju docenta, najmanje pet naučnih radova objavljenih u priznatim publikacijama, objavljena knjiga i originalni stručni uspjeh kao što je projekt, patent ili originalni metod, sve nakon izbora u zvanje docenta, te mentorstvo kandidata za stepen drugog ciklusa;
- c) docent: naučni stepen doktora u datoj oblasti, najmanje tri naučna rada objavljena u priznatim publikacijama, pokazane nastavničke sposobnosti;
- d) lektor: završen stepen drugog ciklusa (magisterij);
- e) viši asistent: završen stepen drugog ciklusa (magisterij);
- f) asistent: odgovarajući univerzitetski stepen sa najmanje 240 ECTS bodova i najnižom prosječnom ocjenom 8,00 ili 3,50.

Član 81.

(Uvjeti za izbor u umjetničko-nastavna zvanja)

Uvjeti za izbor u umjetničko-nastavna zvanja u koja se bira akademsko osoblje na studijskim profilima na univerzitetu, su:

- a) redovni profesor: prethodno proveden najmanje jedan izborni period u zvanju vanrednog profesora, završen stepen najmanje prvog ciklusa, veći broj javno predstavljenih umjetničkih projekata koji su doprinijeli razvoju kulture i umjetnosti i dali doprinos podizanju nivoa nastavnog i umjetničkog kadra;
- b) vanredni profesor: proveden najmanje jedan izborni period u zvanju docenta, završen stepen najmanje prvog ciklusa, veći broj javno predstavljenih umjetničkih projekata, priznanja za uspješno djelovanje u odgovarajućoj oblasti i rezultati u nastavnom radu;
- c) docent: završen stepen najmanje prvog ciklusa, veći broj javno predstavljenih umjetničkih projekata i rezultati u nastavnom radu;
- d) viši asistent: završen stepen najmanje prvog ciklusa i javno predstavljeni umjetnički projekti;
- e) asistent: završen stepen prvog ciklusa s najmanje 240

ECTS bodova i prosječnom ocjenom 8 ili 3,5.

Član 82.

(Uvjeti za izbor u nastavna zvanja na visokoj školi)

- (1) Minimalni uvjeti za izbor u nastavna zvanja na visokoj školi su:
 - a) profesor visoke škole: završen stepen trećeg ciklusa i pokazana nastavna sposobnost;
 - b) predavač visoke škole: završen stepen drugog ciklusa i pokazana nastavna sposobnost;
 - c) asistent: završen stepen prvog ciklusa, s najmanjom prosječnom ocjenom 8 ili 3,5.
- (2) Na visokoj školi nastavu mogu izvoditi i lica koja imaju zvanja redovnog profesora, vanrednog profesora i docenta, birana na univerzitetima.

Član 83.

(Uvjeti za izbor u umjetnička zvanja na visokoj školi)

Minimalni uvjeti za izbor u umjetnička zvanja na visokoj školi su:

- a) profesor visoke škole: nakon sticanja zvanja predavača, završen stepen najmanje prvog ciklusa, istaknuti javno predstavljeni oblici umjetničkog stvaralaštva i pokazana nastavna sposobnost;
- b) predavač visoke škole: u periodu od posljednjeg izbora, završen stepen najmanje prvog ciklusa, javno predstavljeni oblici umjetničkog stvaralaštva i pokazana nastavna sposobnost;
- c) asistent: završen stepen prvog ciklusa, s najmanjom prosječnom ocjenom 8 ili 3,5.

Član 84.

(Izvođenje nastave na umjetničko-nastavnim predmetima)

Na visokoj školi nastavu mogu izvoditi i lica koja imaju izbor na umjetničko-nastavnim predmetima na univerzitetima.

DIO OSMI - RADNI ODNOSI

Član 85.

(Zasnivanje radnog odnosa u javnoj visokoškolskoj ustanovi)

- (1) Radni odnos u javnoj visokoškolskoj ustanovi zasniva se putem javnog konkursa, odnosno javnog oglasa.
- (2) Kriteriji, postupak i druga pitanja zasnivanja radnog odnosa u javnoj visokoškolskoj ustanovi uređuju se općim aktom ustanove.

Član 86.

(Dodatno radno angažovanje)

- (1) Nastavnik, odnosno saradnik može zaključiti ugovor kojim se angažuje na drugoj visokoškolskoj ustanovi ili kod drugog pravnog lica samo ako takav rad ne remeti rad u visokoškolskoj ustanovi kod koje je u radnom odnosu, niti bi dovodio do sukoba interesa, a uz prethodno odobrenje senata visokoškolske ustanove sa kojom ima zasnovan radni odnos.
- (2) Općim aktom visokoškolske ustanove propisuju se uvjeti i postupak za davanje i oduzimanje odobrenja iz stava (1) ovog člana.

Član 87.

(Plaćeno odsustvo)

Akademskom osoblju visokoškolske ustanove, može se odobriti plaćeno odsustvo u trajanju do dva semestra radi naučnog, stručnog ili umjetničkog usavršavanja, u skladu sa statutom visokoškolske ustanove.

Član 88.

(Mirovanje radnog odnosa)

Pored razloga utvrđenih zakonom, nastavniku i saradniku u visokoškolskoj ustanovi se može odobriti neplaćeno odsustvo, u trajanju do jedne godine za koji period mu miruju prava i obaveze iz radnog odnosa, u slučajevima utvrđenim statutom visokoškolske ustanove.

Član 89.

(Mirovanje prava za izbor u naučna zvanja)

Nastavniku i saradniku koji je na neplaćenom odsustvu, porodiljskom odsustvu i odsustvu radi njege djeteta, bolovanju preko tri mjeseca, i u drugim slučajevima utvrđenim zakonom, rokovi za izbor u naučna zvanja miruju i ne uračunavaju se u izborni period, ukoliko je to za njega povoljnije.

Član 90.

(Penzionisanje nastavnika)

Nastavnik koji je ispunio uvjete za penziju u skladu sa zakonom može ostati u radnom odnosu u visokoškolskoj ustanovi do navršanih 70 godina života, ako za to postoji potreba i ako se na konkurs za popunu radnog mjesta na kojem je angažovan, koji se obavezno raspisuje jednom godišnje, ne prijavi kandidat koji ispunjava uvjete za izbor.

Član 91. (Primjena propisa o radu)

U pogledu prava i obaveza iz radnog odnosa akademskog osoblja i zaposlenika u visokoškolskoj ustanovi primjenjuju se odredbe Zakona o radu („Službene novine Federacije BiH“, broj: 43/99, 32/00 i 29/03), ako ovim zakonom nije drugačije uređeno.

DIO DEVETI - STUDENTI

POGLAVLJE I. UPIS STUDENATA, UPISNA POLITIKA, KRITERIJI

Odjeljak A. Upis studenata

Član 92. (Upis studenata)

- (1) Na odobrene, odnosno akreditirane studijske programe mogu se upisati kandidati pod uvjetima utvrđenim zakonom i općim aktom visokoškolske ustanove.
- (2) Studenti ostvaruju prava i izvršavaju obaveze u toku studija u skladu sa zakonom, statutom i drugim općim aktima visokoškolske ustanove.

Član 93. (Indeks)

- (1) Lice koje se upiše na studijske programe stiče status studenta i visokoškolska ustanova mu izdaje indeks.
- (2) Sadržaj indeksa propisuje ministar.
- (3) Oblik indeksa utvrđuje visokoškolska ustanova.

Član 94. (Ugovor)

- (1) Studenti koji su primljeni i upisani u visokoškolsku ustanovu stupaju u ugovorni odnos sa tom ustanovom, odnosno fakultetom ili umjetničkom akademijom i drugim organizacionim jedinicama univerziteta u skladu sa zakonom, podzakonskim aktima i statutom.
- (2) Visokoškolska ustanova i student zaključuju ugovor u pismenoj formi.
- (3) Bitni elementi ugovora utvrđuju se statutom.

Član 95. (Upisna politika)

- (1) Upisnom politikom definiraju se uvjeti, procedure i kriteriji za prijem studenata svih studijskih ciklusa na visokoškolsku ustanovu.
- (2) Na temelju upisne politike visokoškolska ustanova će osigurati slijedeće:

- a) propisati pravila i procedure za prijem i upis studenata na osnovu kriterija koji će obezbijediti transparentne i jasno definirane uvjete za upis;
- b) osigurati promotivni materijal sa relevantnim sadržajem, tačnim podacima koji se odnose na vrijeme upisa, koji će biti dostupan zainteresiranim kandidatima;
- c) osigurati transparentnost procedura selekcije kandidata za upis, pažljivo i efikasno provođenje istih, vodeći računa o povjerljivosti podataka o studentima;
- d) osigurati da potencijalni kandidati budu obaviješteni o svim informacijama relevantnim za prijem i upis;
- e) osigurati da odabrani studenti budu obaviješteni o svim značajnijim promjenama od vremena kada je objavljen konkurs za upis, kao i da studenti budu obaviješteni o svim opcijama koje imaju na raspolaganju u datim okolnostima;
- f) upoznati studente koji su uspješno prošli prijemne procedure o pravilima upisa, mogućnostima koje se pružaju studentima kao podrška učenju ili poboljšanju studentskog standarda.

Član 96. (Kriteriji za odabir kandidata)

- (1) Upis na studij obavlja se na osnovu javnog konkursa koji sadrži: uvjete za upis, broj mjesta za upis, postupak, podatke o ispravama koje se podnose, kao i rokovima za podnošenje prijava.
- (2) Visokoškolska ustanova utvrđuje postupak odabira kandidata i kriterije na osnovu kojih se vrši klasifikacija i odabir kandidata za upis.
- (3) Kandidat za upis na studij prvog ciklusa polaže prijemni ispit ili ispit za provjeru sklonosti i sposobnosti, u skladu sa općim aktom visokoškolske ustanove.

Član 97. (Upis stranih državljana i lica bez državljanstva)

Strani državljanin i lice bez državljanstva može se upisati na studijske programe pod istim uvjetima kao i domaći državljanin, u skladu sa ovim zakonom i statutom visokoškolske ustanove.

Odjeljak B. Prava i obaveze studenata

Član 98. (Prava studenata)

- (1) Studenti imaju slijedeća prava:
 - a) prisustvovanje svim predavanjima, seminarima i drugim oblicima nastave organiziranim u okviru njihovih predmeta u skladu sa njihovim statusom i zavisno

- od mogućnosti i drugih oblika organizirane nastave;
- b) na konsultacije i mentorski rad;
 - c) na završetak studija u kraćem roku;
 - d) izjašnjavanje o kvaliteti nastave i nastavnika;
 - e) pritužbi u slučaju povrede studentskih prava utvrđenih zakonom, statutom ili drugim općim aktom visokoškolske ustanove;
 - f) korištenje biblioteke i drugih usluga za studente;
 - g) učestvovanje na izborima za studentska mjesta u studentskim predstavničkim tijelima i drugim tijelima ustanovljenim u skladu sa statutom visokoškolske ustanove;
 - h) na blagovremeno i tačno informiranje o svim pitanjima koja se odnose na studije;
 - i) na samoorganiziranje i izražavanje vlastitog mišljenja;
 - j) na ravnopravnost u pogledu uvjeta studija i tretmana u visokoškolskoj ustanovi, kao i na povlastice koje nosi status studenta;
 - k) na različitost i zaštitu od diskriminacije;
 - l) na priznavanje i prijenos bodova između visokoškolskih ustanova u Bosni i Hercegovini;
 - m) iznijeti svoja viđenja u pogledu kvaliteta nastave ili drugih usluga visokoškolske ustanove;
 - n) druga prava utvrđena statutom i drugim općim aktima visokoškolske ustanove.
- (2) Visokoškolska ustanova je dužna organizirati studentske i druge službe na način ažurnog, stručnog i kvalitetnog pružanja usluga studentima i dostupnosti istih u toku radnog vremena visokoškolske ustanove.
- (3) Način ostvarivanja prava studenata bliže se uređuje statutom.

Član 99. (Obaveze studenata)

Studenti imaju slijedeće obaveze:

- a) pridržavati se pravila koje je propisala visokoškolska ustanova;
- b) ispunjavati nastavne i druge obaveze;
- c) ukazivati dužno poštovanje prema pravima osoblja i drugih studenata u visokoškolskoj ustanovi;
- d) ukazivati dužnu i punu pažnju svom studiju i učestvovati u akademskim aktivnostima.

Član 100. (Sadržaj statuta u odnosu na studente)

Statut visokoškolske ustanove obavezno sadrži odredbe koje:

- a) osiguravaju slobodu studenata da, u skladu sa zakonom, ispituju i testiraju primljena znanja i da nude nove ideje i kontroverzna i nepopularna mišljenja, a da se time ne izlažu opasnosti od gubitka svog statusa

- ili bilo koje druge privilegije koju, eventualno u visokoškolskoj ustanovi uživaju;
- b) osiguravaju, u skladu sa zakonom, slobodu govora, organiziranja i okupljanja studenata;
- c) štite studente od diskriminacije prema bilo kom osnovu kao što je spol, rasa, seksualna orijentacija, fizički ili drugi nedostatak, bračno stanje, boja kože, jezik, vjeroispovijest, političko ili drugo mišljenje, nacionalno, etničko ili socijalno porijeklo, veza s nekom nacionalnom zajednicom, imovina, rođenje, starosna dob ili neki drugi status;
- d) pružaju pravične i nepristrasne mehanizme rješavanja pitanja disciplinske odgovornosti studenata.

Član 101. (Disciplinska odgovornost studenta)

- (1) Student odgovara za povredu obaveze koja je u vrijeme izvršenja bila utvrđena općim aktom visokoškolske ustanove.
- (2) Za težu povredu obaveze studentu se može izreći i mjera isključenja sa studija na visokoškolskoj ustanovi.
- (3) Disciplinski postupak ne može se pokrenuti po isteku šest mjeseci od dana saznanja za povredu obaveze i počinioa, a najkasnije dvanaest mjeseci od dana kada je povreda učinjena.
- (4) Općim aktom visokoškolske ustanove utvrđuju se teže i lakše povrede obaveze, disciplinski organi i postupak za utvrđivanje odgovornosti studenta.

Član 102. (Pravo na sudsku zaštitu)

Studenti imaju pravo pred nadležnim sudom osporiti sve konačne odluke visokoškolske ustanove, koje se na njih odnose.

Član 103. (Osiguranje adekvatnih uvjeta osobama sa posebnim potrebama)

Visokoškolska ustanova će osigurati adekvatne uvjete za pristup studiju, studiranje i rad osoba sa posebnim potrebama.

Odjeljak C. Prestanak statusa studenata

Član 104. (Prestanak statusa studenta)

- (1) Status studenta prestaje završetkom studijskog programa i dobivanjem stepena za koji se školuje, ispisom iz visokoškolske ustanove prije završetka studija, odnosno kada student ne upiše narednu godinu studija, ne obnovi

upis u istu godinu u propisanom roku, a ne miruju mu prava i obaveze studenta.

(2) Status redovnog studenta prestaje:

- a) ako visokoškolska ustanova redovnom studentu izrečne disciplinsku mjeru prestanka statusa redovnog studenta u postupku utvrđenom općim aktom visokoškolske ustanove;
- b) kada redovni student dva puta obnovi istu studijsku godinu i ne stekne uvjete za upis u višu godinu studija.

Član 105.

(Primjena Zakona o upravnom postupku)

Visokoškolska ustanova postupa po Zakonu o upravnom postupku kada rješava o pojedinačnim pravima i obavezama studenta o:

- a) upisu kandidata u prvu godinu studija;
- b) upisu studenta u narednu godinu studija;
- c) pravu studenta na izdavanje diplome;
- d) mjeri isključenja;
- e) obavezi plaćanja troškova studija,
- f) drugim slučajevima utvrđenim zakonom.

POGLAVLJE II. STUDENTSKI PREDSTAVNIČKI ORGAN

Član 106.

(Studentski predstavnički organ)

- (1) Studenti svoje interese ostvaruju organizirani kroz studentski predstavnički organ.
- (2) Studentski predstavnički organ univerziteta čine izabrani predstavnici studenata fakulteta, visokih škola i akademija univerziteta iz sva tri studijska ciklusa.
- (3) Studentski predstavnički organ visoke škole čine predstavnici studenata iz svih odsjeka i svih studijskih godina.
- (4) Statut ili drugi akt visokoškolske ustanove obavezno sadrži odredbe o načinu, izboru i broju članova studentskog predstavničkog tijela.
- (5) Studentski predstavnički organ radi po principu reprezentativnosti, na način da se osigura adekvatno proporcionalno zastupanje studenata u skladu sa stavovima (2) i (3) ovog člana.

Član 107.

(Izbor i razrješenje studentskih predstavnika)

- (1) Studentske predstavnike u organe visokoškolske ustanove bira i razrješava predstavnički organ.
- (2) Studentski predstavnički organ zastupa interese studenata i daje doprinos društvenim, kulturnim, akadem-

skim ili fizičko-rekreativnim potrebama studenata na osnovu demokratskih principa i u skladu sa zakonom.

- (3) Studentski predstavnički organi mogu osnovati ili pristupiti asocijaciji studentskih predstavničkih organa u Bosni i Hercegovini, putem kojih se ostvaruje članstvo u međunarodnim organizacijama i asocijacijama studenata.

Član 108.

(Saradnja visokoškolskih ustanova)

Saradnja visokoškolske ustanove sa drugim studentskim udruženjima, organizacijama i asocijacijama koje okupljaju studente odvija se preko univerzitetskog studentskog predstavničkog organa ili studentskog predstavničkog organa visoke škole.

Član 109.

(Uređivanje rada studentskog predstavničkog organa)

- (1) Studentski predstavnički organ donosi poslovnik o radu, kojim se uređuje način rada studentskog predstavničkog organa.
- (2) Studenti obavezno učestvuju u donošenju akata kojima se uređuje rad studentskog predstavničkog organa i druga pitanja koja se tiču prava, obaveza i odgovornosti studenata.

Član 110.

(Stalno stručno usavršavanje)

- (1) Stalne i povremene oblike stručnog usavršavanja organizira visokoškolska ustanova putem organizacionih jedinica.
- (2) Program stručnog usavršavanja donosi senat na svoju inicijativu ili na prijedlog naučno-nastavnog vijeća fakulteta, odnosno nastavno-umjetničkog vijeća akademije.
- (3) O učešću u pojedinim oblicima stručnog usavršavanja kandidatu se izdaju odgovarajuća uvjerenja.

DIO DESETI - VISOKOBBRAZOVNA DJELATNOST

POGLAVLJE I. NAČIN STUDIRANJA, CIKLUSI STUDIRANJA, STUDIJSKI PROGRAMI

Odjeljak A. Način studiranja

Član 111.

(Način studiranja)

- (1) Visoko obrazovanje može se sticati redovno, vanredno,

učenjem na daljinu ili kombiniranjem ova tri načina studiranja, na način utvrđen statutom.

- (2) Visokoškolska ustanova odnosno njene organizacione jedinice u okviru svoje djelatnosti mogu obavljati naučnoistraživačku, umjetničku, ekspertsko-konsultantsku i izdavačku djelatnost, a mogu da obavljaju i druge poslove iz naučnog, stručnog, istraživačkog i umjetničkog rada, pod uvjetom da se tim poslovima ne ugrožava kvalitet nastave.
- (3) Visokoškolska ustanova odnosno fakultet, umjetnička akademija i visoka škola kao organizaciona jedinica u okviru svoje djelatnosti može realizirati programe cjeloživotnog učenja van okvira studijskih programa za koje je dobila dozvolu za rad, na način utvrđen općim aktom visokoškolske ustanove.
- (4) Lice koje je upisano na program iz stava (3) ovog člana nema status studenta i nakon uspješno savladanog programa izdaje mu se uvjerenje.

Član 112.

(Organizacija predavanja nastave za studente)

- (1) Visokoškolska ustanova je dužna organizirati predavanja i druge oblike nastave za sve studente, osim pri organiziranju studijskog programa na daljinu, u skladu sa općim aktom visokoškolske ustanove.
- (2) Bliže uvjete i način organiziranja studijskog programa na daljinu propisuje ministar.

Član 113.

(Informiranje studenata o održavanju nastave)

- (1) Visokoškolska ustanova je dužna na odgovarajući način informirati studente o načinu, vremenu i mjestu održavanja nastave, ciljevima, metodama i sadržajima nastave; o sadržajima, metodama, kriterijima i mjerilima ispitivanja; o načinu obezbjeđenja javnosti na ispitu i načinu uvida u rezultate, kao i o drugim pitanjima od značaja za studente.
- (2) Način informiranja studenata o pitanjima iz stava (1) ovog člana bliže se uređuje općim aktom visokoškolske ustanove.

Član 114.

(Angažman studenata)

- (1) Zbir od 60 bodova odgovara prosječnom ukupnom angažmanu studenta u obimu 40-satne radne sedmice tokom jedne školske godine.
- (2) Ukupno angažiranje studenta sastoji se od nastave (predavanja, vježbe, praksa, seminari i dr.), samostalnog rada, kolokvija, ispita, izrade završnih radova, dobro-

voljnog rada u lokalnoj zajednici i ostalih vidova angažiranja.

Odjeljak B. Ciklusi studiranja

Član 115. (Ciklusi studiranja)

- (1) Visoko obrazovanje organizira se u tri ciklusa:
 - a) prvi ciklus ili dodiplomski studij vodi do akademskog zvanja završenog dodiplomskog studija (the degree of Bachelor) ili ekvivalenta, stečenog nakon najmanje tri i najviše četiri godine redovnog studija nakon sticanja svjedočanstva o završenoj srednjoj školi, koji se vrednuje sa najmanje 180 odnosno 240 ECTS bodova;
 - b) drugi ciklus ili postdiplomski studij vodi do akademskog zvanja magistra ili ekvivalenta, stečenog nakon završenog dodiplomskog studija i traje jednu ili dvije godine, a vrednuje se sa 60, odnosno 120 ECTS bodova, i to tako da u zbiru sa prvim ciklusom nosi 300 ECTS bodova;
 - c) treći ciklus vodi do akademskog zvanja doktora ili ekvivalenta, traje tri godine, i vrednuje se sa 180 ECTS bodova.
- (2) Jedan semestar studija vrednuje se sa 30 ECTS bodova.
- (3) Iz odredbi stava (1) ovog člana izuzima se studij medicinske grupe nauka u prvom ciklusu koji se vrednuje za farmaciju sa 300 ECTS bodova, a za medicinu sa 360 ECTS bodova.

Član 116.

(Akademske titule i stručna zvanja)

- (1) Završetkom određenog ciklusa studija stiče se pravo na akademsku titulu, odnosno stručno zvanje u određenoj oblasti, u skladu sa Okvirnim zakonom i Pravilnikom o korištenju akademskih titula, te sticanju naučnih i stručnih zvanja.
- (2) Izuzev zvanja koja se dodjeljuju u smislu stava (1) ovog člana, u vidu počasnog doktorata nauka (honoris causa), ne mogu se dodjeljivati zvanja koja nisu predviđena zakonom i Pravilnikom o korištenju akademskih titula, te sticanju naučnih i stručnih zvanja.
- (3) Profesor emeritus može učestvovati u izvođenju nastave na drugom i trećem ciklusu studija, biti član komisije u postupcima izbora nastavnika, te u postupcima sticanja naučnog stepena magistra odnosno doktora nauka, te biti mentorom kandidatima za sticanje naučnog stepena magistra ili doktora nauka.
- (4) Kriteriji i postupak izbora profesora emeritusa bliže se utvrđuje statutom visokoškolske ustanove.

Odjeljak C. Studijski program**Član 117.
(Studijski program)**

- (1) Studij se ustrojava prema studijskom programu.
- (2) Studijski program je skup obaveznih i izbornih studijskih područja, odnosno predmeta, sa okvirnim sadržajem, čijim se savladavanjem obezbjeđuju naophodna znanja i vještine za sticanje diplome odgovarajućeg nivoa i vrste studija.

**Član 118.
(Donošenje studijskog programa)**

- (1) Studijski program donosi senat u skladu sa statutom ili drugim općim aktom, a sadrži:
 - a) stručni i akademski naziv i stepen koji se stiče završetkom studija;
 - b) uvjete za upis na studijski program;
 - c) listu obaveznih i izbornih predmeta i broj sati potrebnih za njihovu realizaciju;
 - d) bodovnu vrijednost svakog predmeta i završnog rada iskazanu u ECTS bodovima;
 - e) uvjete za prelazak sa drugih studijskih programa u okviru istih ili srodnih oblasti studija;
 - f) način izbora predmeta iz drugih studijskih programa;
 - g) uvjete upisa u slijedeći semestar ili trimestar, odnosno slijedeću godinu studija, te način završetka studija;
 - h) način izvođenja studija i način provjere znanja za svaki predmet;
 - i) druga pitanja od značaja za izvođenje studijskog programa.
- (2) Usklađivanje studijskog programa sa organizacijom rada i dostignućima nauke i umjetnosti ne smatra se novim studijskim programom.

**Član 119.
(Uvođenje studijskog programa od javnog interesa)**

Radi ostvarenja javnog interesa, a u cilju obezbjeđenja neophodnog stručnog kadra, Ministarstvo može zahtijevati od javne visokoškolske ustanove da uvede novi studijski ili inovira postojeći studijski program, kojim se omogućava sticanje odgovarajućih kvalifikacija.

**Član 120.
(Zajednički studijski program)**

- (1) Visokoškolske ustanove mogu usvojiti zajednički studijski program koji izvode dvije ili više visokoškolskih ustanova koje imaju akreditaciju za odgovarajući studijski odsjek.

- (2) Studijskim programom iz stava (1) ovog člana stiče se zajednička diploma.

**Član 121.
(Provjera znanja)**

- (1) Uspješnost studenata u savladavanju pojedinog nastavnog predmeta kontinuirano se prati tokom nastave, na način predviđen nastavnim planom i programom, odnosno studijskim programom i izražava se u bodovima.
- (2) Oblici provjere znanja mogu biti pismeni, usmeni i praktični. Provjera znanja je u pravilu pismena i vrši se testom ili pismenim radom.
- (3) Općim aktom visokoškolske ustanove uređuje se način polaganja ispita i ocjenjivanja studenata, kao i način i postupak prigovaranja na dobijenu ocjenu.

**Član 122.
(Mjesto provjere znanja)**

- (1) Ispit se polaže u sjedištu visokoškolske ustanove, odnosno u objektima navedenim u dozvoli za rad.
- (2) Izuzetno, visokoškolska ustanova može organizirati polaganje ispita van sjedišta samo ako se radi o ispitu iz predmeta čiji karakter to zahtijeva.
- (3) Ispit i svi oblici provjere znanja su javni.
- (4) Visokoškolska ustanova je obavezna organizirati termine polaganja ispita tako da se studentu omogući da ne mora polagati više od jednog ispita u istom danu.

POGLAVLJE II. PRAVILA STUDIRANJA**Odjeljak A. Utvrđivanje pravila studiranja****Član 123.
(Utvrđivanje pravila studiranja)**

Statutom visokoškolske ustanove ili drugim općim aktom bliže se uređuju naročito:

- a) vrijeme održavanja nastave za studente;
- b) način polaganja ispita, ocjenjivanja i izvršavanja drugih obaveza, kao i način i postupak odobravanja teme, formiranje komisije i odbrana završnog rada;
- c) način i vrijeme obavještanja studenata o ostvarivanju prava i izvršavanju obaveza iz nastave, o datumu i mjestu održavanja ispita i o rezultatima ispita i drugih izvršenih obaveza;
- d) pravo prigovora na ocjenu;
- e) bliži uvjeti za upis u narednu godinu studija;
- f) uvjeti sticanja diplome;
- g) prava i obaveze studenata koji su obnovili upis;
- h) uvjeti i način ponovnog sticanja statusa studenta;
- i) način prepoznavanja položenih ispita na visokoškolskoj ustanovi.

- skoj ustanovi;
- j) uvjeti za nastavak studija prilikom prelaska sa druge visokoškolske ustanove;
 - k) uvjeti pod kojima zainteresirana lica mogu pohađati nastavu i polagati ispite iz određenih nastavnih predmeta;
 - l) uvjeti za prijevremeno završavanje studija;
 - m) uvjeti i način uključivanja studenata u naučnoistraživački rad;
 - n) pohvale i nagrade;
 - o) lakše i teže povrede obaveza studenata;
 - p) zaštita prava studenata, nadležni organi i postupak odlučivanja o pravima, obavezama i odgovornostima studenata, kao i o zaštiti prava kandidata koji nisu primljeni po konkursu za upis u prvu godinu studija;
 - r) obaveze nastavnika i saradnika u izvođenju nastave;
 - s) druga pitanja od značaja za studij.

Član 124. (Polaganje i prijenos ispita)

- (1) Polaganjem ispita student stiče određeni broj bodova u skladu sa studijskim programom.
- (2) Studijskim programom može se uvjetovati opredjeljenje studenata za određeni predmet prethodno položenim ispitima iz jednog ili više predmeta utvrđenih studijskim programom.
- (3) Student može prenijeti u narednu godinu studija, unutar trajanja jednog ciklusa, najviše dvanaest ECTS bodova ili najviše dva predmeta.
- (4) Prilikom svakog ponovnog polaganja završnog ili popravnog ispita iz predmeta u godini koju obnavlja student je obavezan platiti naknadu za obavljanje ispita u visini koju utvrdi senat visokoškolske ustanove.

Član 125. (Mirovanje prava i obaveza studenata)

- (1) Prava i obaveze studenta miruju dok je na porodiljskom odsustvu ili tokom trajanja bolesti zbog koje nije mogao pohađati nastavu i polagati ispite, a što utvrđuje dekan na osnovu prethodno pribavljenog mišljenja nadležne zdravstvene ustanove.
- (2) Visokoškolska ustanova može studentu, na njegov zahtjev, odobriti da mu iz opravdanih razloga određeno vrijeme a najduže godinu dana, miruju prava i obaveze.
- (3) Zahtjev za mirovanje iz stava (2) ovog člana se podnosi u vrijeme upisa prvog semestra ili trimestra tekuće akademske godine.

Član 126. (Prestanak statusa studenta)

Studentu, kome ne miruju prava i obaveze i koji ne upiše narednu godinu studija, odnosno ne obnovi upis u istu godinu studija, prestaje status studenta.

Odjeljak B. Ocjenjivanje

Član 127. (Ocjenjivanje)

- (1) Uspješnost studenta prati se kontinuirano tokom nastave i izražava se u bodovima.
- (2) Ispunjavanjem predisipitnih obaveza i polaganjem ispita student može ostvariti najviše 100 bodova.
- (3) U strukturi ukupnog broja bodova najmanje 50% bodova mora biti predviđeno za aktivnosti i provjere znanja u toku semestra, odnosno trimestra.
- (4) Uspjeh studenta na ispitu ocjenjuje se brojnomo, opismom ili slovnom ocjenom kako slijedi:
 - a) ocjena 5 (pet), opisno „ne zadovoljava“, odgovara slovnoj ocjeni „F, FX“;
 - b) ocjena 6 (šest), opisno „dovoljan“, odgovara slovnoj ocjeni „E“;
 - c) ocjena 7 (sedam), opisno „dobar“, odgovara slovnoj ocjeni „D“;
 - d) ocjena 8 (osam), opisno „vrlodobar“, odgovara slovnoj ocjeni „C“;
 - e) ocjena 9 (devet), opisno „odličan“, odgovara slovnoj ocjeni „B“;
 - f) ocjena 10 (deset), opisno „izvanredan“, odgovara slovnoj ocjeni „A“.
- (5) Prolazne su ocjene od 6 (šest, dovoljan, „E“) do 10 (deset, izvanredan, „A“).
- (6) U indeks se upisuju samo prolazne ocjene.

Član 128. (Završni rad i disertacija)

- (1) Studijskim programom prvog ciklusa može biti predviđen završni rad.
- (2) Studijski program drugog ciklusa obavezno sadrži završni rad.
- (3) Doktorska disertacija je završni dio studijskog programa trećeg ciklusa, osim doktorata umjetnosti, koji je umjetnički projekt.
- (4) Broj bodova kojima se iskazuje završni rad, odnosno završni dio studijskog programa ulazi u ukupan broj bodova potrebnih za završetak studija.
- (5) Završni ispit u strukturi ocjenjivanja može se vrednovati sa najviše 50% bodova.
- (6) Način i postupak pripreme i odbrane završnog rada, odnosno disertacije uređuje se općim aktom visokoškolske ustanove.

ske ustanove.

Odjeljak C. Nastavni plan i program

Član 129. (Nastavni plan i program)

- (1) Nastava se izvodi po nastavnom planu i nastavnom programu.
- (2) Nastavnim planom utvrđuju se nastavni predmeti, ukupan broj časova predavanja, vježbi i drugih oblika nastavnog rada (u daljem tekstu: nastava).
- (3) Nastavnim programom utvrđuje se sadržaj nastavnog predmeta, način izvođenja nastave i polaganja ispita i drugih vidova provjere znanja, obavezni udžbenici, priručnici i druga obavezna literatura na osnovu kojih se polaže ispit iz tog nastavnog predmeta.

Član 130. (Donošenje nastavnih planova i programa)

- (1) Nastavne planove i nastavne programe svih ciklusa donosi senat univerziteta, na prijedlog naučno-nastavnih, odnosno nastavno-umjetničkih vijeća organizacionih jedinica, odnosno senat visoke škole.
- (2) Visokoškolska ustanova će osigurati efikasnu dostupnost i transparentnost nastavnih planova i programa.

Član 131. (Primjena nastavnih planova i programa)

Primjenu nastavnih planova i nastavnih programa prati senat visokoškolske ustanove koji je dužan svake četiri godine od početka njihove primjene pokrenuti postupak za njihovo cjelovito preispitivanje.

Član 132. (Završetak započetak studija)

Studenti imaju pravo da završe započeti studij po nastavnom planu i programu koji je važio prije izvršene izmjene, u roku utvrđenom statutom visokoškolske ustanove.

Član 133. (Nastavni predmeti)

- (1) Nastavni predmeti su obavezni, stručni, izborni, zajednički i opći.
- (2) Nastavni predmeti mogu se nastavnim planom definirati kao obavezni za pojedine studijske programe i izborni.
- (3) Univerzitet može utvrditi da neki od stručnih predmeta budu zajednički predmeti kojima se daje zajednička stručna osnova studentima koji studiraju komplementarne naučne, odnosno umjetničke oblasti.

- (4) Nastava i ispiti iz određenih predmeta mogu se obavljati i na drugoj visokoškolskoj ustanovi koja je matična za taj predmet, što se uređuje ugovorom između visokoškolskih ustanova.

Član 134. (Ustroj nastave)

- (1) Nastava i ispiti obavljaju se u toku akademske godine.
- (2) Datum početka nastave, vremenski plan realizacije nastavnih planova i ispitivanja studenata utvrđuje senat.
- (3) Nastava se ustrojava po semestrima ili trimestrima, što se utvrđuje statutom.

Član 135. (Sedmično opterećenje studenata)

Sedmični broj časova nastave za studente određuje se na osnovu kontakt sati definiranih ECTS bodovima. Maksimalno sedmično opterećenje studenata iznosi 40 sati, uzimajući u obzir ukupno radno opterećenje.

Član 136. (Dobrovoljni rad)

- (1) Dobrovoljni rad je rad studenata bez naknade, koji organizira visokoškolska ustanova na projektima od značaja za lokalnu zajednicu i koji se vrednuju u sistemu visokog obrazovanja.
- (2) Uvjeti, način organiziranja i vrednovanja dobrovoljnog rada uređuju se općim aktom visokoškolske ustanove.

Član 137. (Počasni doktorat)

- (1) Univerzitet može dodijeliti počasni doktorat (honoris causa) istaknutim naučnim i javnim osobama iz zemlje i inostranstva za izuzetne doprinose u pojedinim područjima naučnog, naučno- -nastavnog, kulturnog i umjetničkog stvaralaštva, kao i za izuzetne doprinose u duhovnom i materijalnom razvoju i djelovanju na promociji mira, tolerancije, humanosti.
- (2) Postupak dodjele i oduzimanja počasnog doktorata utvrđuje se općim aktom univerziteta.

DIO JEDANAESTI - FINANSIJSKA SREDSTVA POTREBNA ZA PRIMJENU ZAKONA

Član 138. (Finansiranje visokoškolskih ustanova)

- (1) Visokoškolska ustanova stiče sredstva za obavljanje svoje djelatnosti:
 - a) iz sredstava osnivača;

- b) iz sredstava fondova;
 - c) od donacija, zavještanja i poklona;
 - d) od školarine;
 - e) prodajom intelektualnih, kulturnih, materijalnih i komercijalnih dobara i usluga;
 - f) iz prihoda na osnovu autorskih prava i patenata;
 - g) iz drugih izvora u skladu sa zakonom.
- (2) Način finansiranja visokoškolske ustanove uređuje se aktom osnivača.

Član 139. **(Finansiranje studijskih programa javne visokoškolske ustanove)**

- (1) Uredbom, odnosno odlukom Vlade Kantona utvrđuje se način finansiranja svih studijskih ciklusa u javnoj visokoškolskoj ustanovi za studente koji se finansiraju iz budžeta Kantona.
- (2) Minimalnu cijenu studija za studente koji se finansiraju iz budžeta Kantona, utvrđuje Vlada Kantona, na osnovu preporuke koju donosi Agencija.
- (3) Senat utvrđuje upisne kvote i donosi odluke o visini školarine koju plaćaju studenti u javnoj visokoškolskoj ustanovi, uz prethodnu saglasnost Vlade Kantona.

Član 140. **(Sredstva za sprovođenje studijskih programa)**

- (1) Sredstvima visokoškolske ustanove iz člana 138. osigurava se sprovođenje odobrenih, odnosno akreditiranih studijskih programa u okviru djelatnosti javne visokoškolske ustanove kao i za obavljanje naučnoistraživačkog, odnosno umjetničkog rada koji je u funkciji podizanja kvaliteta nastave.
- (2) Sredstvima iz stava (1) ovog člana obezbjeđuju se:
 - a) plaće, naknade plaća i naknade zaposlenicima u javnoj visokoškolskoj ustanovi u skladu sa zakonom i kolektivnim ugovorom;
 - b) naknade drugim licima koja učestvuju u naučno-nastavnom procesu u skladu sa zakonom i podzakonskim aktima;
 - c) oprema za rad i stvaranje uvjeta za studiranje;
 - d) materijalni troškovi i investiciono održavanje;
 - e) rad drugih pravnih lica čiji je osnivač univerzitet, a čijom se djelatnošću osigurava cjelovitost i potreban standard sistema visokog obrazovanja;
 - f) razvoj i ulaganja u ustanovi i podsticanje razvoja nastavno-naučnog i nastavno-umjetničkog rada;
 - g) rad sa darovitim studentima i međunarodna saradnja;
 - h) druge namjene u skladu sa zakonom.
- (3) Visina sredstava za namjene iz stava (2) ovog člana utvrđuje se na osnovu godišnjeg programa rada i standarda visokog obrazovanja i drugih propisa kojim se

uređuje ova oblast.

- (4) Akt kojim se utvrđuje način obračuna plaća i drugih primanja u javnoj visokoškolskoj ustanovi donosi Vlada Kantona.

Član 141. **(Vlastiti prihodi)**

Vlastiti prihodi javne visokoškolske ustanove, koji su kao takvi definisani posebnim propisima Kantona, raspodjeljuju se na način i u rokovima utvrđenim posebnim propisima Kantona, statutom i usvojenim finansijskim planom javne visokoškolske ustanove.

DIO DVANAESTI - NADZOR NAD PRIMJENOM ZAKONA

Član 142. **(Nadzor)**

- (1) Nadzor nad provođenjem ovog zakona i propisa donesenih za njegovo provođenje vrši Ministarstvo.
- (2) Nadzor nad zakonitošću rada visokoškolskih ustanova vrši Ministarstvo.
- (3) Obaveza Ministarstva je da, ukoliko utvrdi da su odluke koje donose organi visokoškolske ustanove protivne zakonu, iste poništi, odnosno obustavi od daljeg izvršenja.
- (4) Nadzor iz stava (1) i (2) ovog člana vrši se na način koji ne narušava autonomiju visokoškolske ustanove i ne ometa njen redovni rad.

Član 143. **(Inspeksijski nadzor)**

Inspeksijski nadzor nad radom visokoškolskih ustanova vrši nadležna kantonalna inspekcija za obrazovanje i nauku.

Član 144. **(Kazne za prekršaj)**

- (1) Novčanom kaznom od 2.000 do 10.000 KM kaznit će se za prekršaj visokoškolska ustanova ako:
 - a) se na visokoškolskoj ustanovi vrši političko ili stranačko organiziranje ili djelovanje, što je u suprotnosti sa odredbama člana 12. ovog zakona;
 - b) visokoškolska ustanova sa sjedištem izvan Kantona ili u drugoj državi organizira studij na području Kantona bez prethodne saglasnosti osnivača (član 23., stav 1.);
 - c) rektor ili direktor ne obustavi od izvršenja opći akt koji nije u saglasnosti sa ustavom ili je u suprotnosti

sa zakonom, kao i pojedinačni akt kojim se nanosi šteta visokoškolskoj ustanovi ili društvenoj zajednici, i o tome ne obavijesti Ministarstvo, što je u suprotnosti sa odredbama člana 59. ovog zakona.

- (2) Za prekršaje iz stava (1) ovog člana kaznit će se i odgovorno lice u visokoškolskoj ustanovi novčanom kaznom od 500 do 1.500 KM.

Član 145.

- (1) Novčanom kaznom od 1.500 do 8.000 KM kaznit će se za prekršaj visokoškolska ustanova ako:
- otpočne sa radom prije upisa u sudski registar suprotno članu 22. ovog zakona;
 - otpočne sa radom bez dobijanja licence i akreditacije, suprotno odredbama člana 28., 29., 30., 31 i 32. ovog zakona;
 - ne izvodi nastavu po nastavnom planu i nastavnom programu koji je donio nadležni organ, shodno članu 53. stav 2. tačka d. ovog zakona;
 - ne pokrene i provede postupak za izbor nastavnika i saradnika u isto ili više zvanje u skladu sa odredbama člana 76. i 77. ovog zakona;
 - izvrši izbor nastavnika i saradnika suprotno odredbama člana 80., 81., 82., 83. i 84. ovog zakona;
 - ne provede postupak upisa studenata u skladu sa odredbama članova 92., 93. i 94., kao i članova 96. i 97. ovog zakona.
- (2) Za prekršaje iz stava (1) ovog člana kaznit će se i odgovorno lice u visokoškolskoj ustanovi novčanom kaznom od 500 do 1.000 KM.

Član 146.

- (1) Novčanom kaznom od 1.000 do 5.000 KM kaznit će se za prekršaj visokoškolska ustanova ako:
- rektor ili direktor bude imenovan ili razriješen suprotno odredbama člana 55. i 58. ovog zakona;
 - dekan bude imenovan suprotno odredbi člana 68. ovog zakona.
- (2) Za prekršaje iz stava (1) ovog člana kaznit će se i odgovorno lice visokoškolske ustanove novčanom kaznom od 500 KM.

DIO TRINAESTI - PRELAZNE I ZAVRŠNE ODREDBE

Član 147.

(Nadležnost ministra za donošenje provedbenih propisa)

Ministar će u roku od dvanaest mjeseci od dana stupanja na snagu ovog zakona donijeti bliže propise o:

- sastavu i radu komisije matičara iz člana 18. ovog

zakona;

- načinu vođenja matičnih knjiga i evidencija o izdatim diplomama i dodacima diplomi iz člana 38. ovog zakona;
- sadržaju javnih isprava iz člana 39. ovog zakona;
- sadržaju i načinu vođenja registra iz člana 43. ovog zakona;
- sadržaju indeksa iz člana 93. ovog zakona;
- druge podzakonske akte potrebne za implementaciju ovog zakona.

Član 148.

(Nadležnost Vlade za donošenje provedbenih propisa)

Vlada će u roku od dvanaest mjeseci od dana stupanja na snagu ovog zakona utvrditi standarde i normative visokog obrazovanja i donijeti uredbu o načinu finansiranja studijskih ciklusa iz sredstava budžeta Kantona iz člana 139. ovog zakona.

Član 149.

(Pravo na završetak studija)

- Postupci za izbor nastavnika i saradnika, započeti prije stupanja na snagu ovog zakona, okončat će se pod uvjetima, postupku i u rokovima utvrđenim ranijim propisima.
- Student upisan na visoku školu ili studijski odsjek u dvogodišnjem trajanju prije stupanja na snagu ovog zakona ima pravo završiti započeti studij prema nastavnom planu i programu koji je važio u vrijeme njegovog upisa u roku utvrđenom statutom univerziteta.
- Student upisan na dodiplomski ili postdiplomski studij na dan stupanja na snagu ovog zakona ima pravo dovršiti započeti studij prema nastavnom planu i programu koji je važio prilikom upisa u prvu godinu studija i steći odgovarajući stručni, odnosno naučni naziv prema propisima koji su važili do stupanja na snagu Okvirnog zakona.
- Lica koja su stekla akademsko zvanje magistra nauka ili ekvivalenta po propisima koji su važili do stupanja na snagu ovog zakona imaju pravo započeti postupak za sticanje naučnog stepena doktora nauka prema propisima koji su važili do dana stupanja na snagu Okvirnog zakona, zaključno sa 30.09.2011. godine, s tim da se naučni stepen doktora nauka na ovaj način može steći najkasnije do 30.09. 2015. godine.
- Lica koja su započela jednogodišnji ili dvogodišnji studij za sticanje akademskog zvanja magistra nauka ili ekvivalenta po propisima koji su važili do stupanja na snagu ovog zakona imaju pravo, nakon sticanja zvanja magistra nauka ili ekvivalenta, započeti postupak za sticanje naučnog stepena doktora nauka prema propi-

sima koji su važili do dana stupanja na snagu Okvirnog zakona, zaključno sa 30.09.2011. godine, s tim da se naučni stepen doktora nauka na ovaj način može steći najkasnije do 30.09. 2015. godine.

- (6) Visokoškolske ustanove mogu organizirati postdiplomske studije prema odredbama ranijih propisa najkasnije do kraja akademske 2008/2009. godine, s tim da su kandidati koji su započeli ovaj studij obavezni steći naučni stepen magistar, najkasnije do 31.12.2013. godine.
- (7) Visokoškolske ustanove su obavezne organizirati doktorske studije najkasnije do početka akademske 2011/2012.

Član 150.

(Stečena naučna i stručna zvanja)

- (1) Lica koja su stekla određena stručna i naučna zvanja zadržavaju pravo njihovog korištenja u skladu sa propisima prema kojima su ih stekli.
- (2) Lica iz stava (1) ovog člana mogu tražiti od visokoškolske ustanove na kojoj su stekli zvanja da im u postupku i pod uvjetima predviđenim statutom visokoškolske ustanove izda dokument (potvrdu ili diplomu) o ekvivalenciji ranije stečenog akademskog naziva sa novim akademskim nazivom.
- (3) Doktorat nauka stečen prema propisima koji su bili na snazi prije stupanja na snagu ovog zakona istovrsni su s doktoratima nauka stečenim prema ovom zakonu, te lica koja su ih stekla imaju ista prava kao i lica koja su doktorat nauka stekla prema ovom zakonu.

Član 151.

(Terminologija)

Terminološko korištenje muškog ili ženskog spola, u ovom zakonu, podrazumijeva uključivanje oba spola.

Član 152.

(Rok za donošenje propisa i općih akata)

- (1) Propisi za sprovođenje ovog zakona donijet će se u roku od dvanaest mjeseci od dana stupanja na snagu ovog zakona.
- (2) Do donošenja propisa utvrđenih ovim zakonom primjenjivat će se propisi koji su važili do stupanja na snagu ovog zakona.

Član 153.

(Usklađivanje rada visokoškolskih ustanova)

- (1) Postojeće visokoškolske ustanove obavezne su uskladiti svoju organizaciju, rad, opće akte i ugovore o radu sa ovim zakonom u roku od šest mjeseci od dana stupanja na snagu ovog zakona.

- (2) Javna visokoškolska ustanova organizirat će internu reviziju najkasnije do 30.10.2009. godine.

Član 154.

(Mandati lica izabranih na funkcije)

- (1) Mandat članova upravnih i rukovodnih organa visokoškolskih ustanova (rektori i prorektori, dekani i prodekani fakulteta, direktori instituta i centara), zatečenih na dužnosti na dan stupanja na snagu ovog zakona, traje u okviru mandata na koji su izabrani.
- (2) Tekući mandati organa rukovođenja iz stava (1) ovog člana, računaju se kao prvi mandat, i iste osobe mogu biti ponovo birane na iste funkcije ukoliko ispunjavaju uvjete predviđene odredbama ovog zakona.

Član 155.

(Teološki fakulteti, visoke teološke škole i akademije)

Odredbe ovog zakona ne odnose se na teološke fakultete, visoke teološke škole i akademije. Ove institucije mogu biti u sastavu univerziteta što se regulira posebnim ugovorom.

Član 156.

(Priznavanje inostranih kvalifikacija i perioda studija)

Do donošenja jedinstvenog Okvirnog zakona o priznavanju inostranih kvalifikacija primjenjivat će se odredbe Zakona o nostrifikaciji i ekvivalenciji inostranih školskih svjedočanstava-prečišćeni tekst („Službeni list SR BiH“ broj: 7/88).

Član 157.

(Prestanak važenja ranijih propisa)

Stupanjem na snagu ovog zakona prestaje da važi Zakon o visokom obrazovanju („Službene novine Zeničko-dobojskog kantona“ broj: 5/05).

Član 158.

(Stupanje na snagu)

Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-8663/09

PREDSJEDAVAJUĆI

Datum, 01.04.2009. godine

Zenica

Sejad Zaimović, s.r.

.....

**ZAKON
O IZMJENAMA ZAKONA O VISOKOM
OBRAZOVANJU**

Član 1.

- (1) U Zakonu o visokom obrazovanju („Službene novine Zeničko-dobojskog kantona“, broj: 6/09), u članu 149., u stavu (4), brojevi: „30.09.2011.“ zamjenjuju se brojevima: „31.12.2013.“, a brojevi: „30.09.2015.“ zamjenjuju se brojevima: „31.12.2016.“.
- (2) U stavu (5), brojevi: „30.09.2011.“ zamjenjuju se brojevima: „31.12.2013.“, a brojevi: „30.09.2015.“ zamjenjuju se brojevima: „31.12.2016.“.
- (3) U stavu (6), brojevi: „31.12.2013.“ zamjenjuju se brojevima: „31.12.2014.“.
- (4) U stavu (7), datum: „2011/2012“ se zamjenjuje datumom: „2014/2015“.

Član 2.

Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01- 02-16600/13
Datum, 31.07.2013. godine
Zenica

PREDSJEDAVALAČI
Sretko Radišić, s.r.

266.

Na osnovu člana 32. stav 3) Zakona o izmjenama i dopunama Zakona o nabavljanju, držanju i nošenju oružja i municije ("Službene novine Zeničko-dobojskog kantona", broj: 6/13) i člana 44. stav (1) tačka d) Poslovnika Skupštine Zeničko-dobojskog kantona – Novi prečišćeni tekst ("Službene novine Zeničko-dobojskog kantona", broj: 7/12) Zakonodavno-pravna komisija Skupštine Zeničko-dobojskog kantona, na 42. sjednici održanoj 30.07. 2013. godine, utvrdila je Prečišćeni tekst Zakona o nabavljanju, držanju i nošenju oružja i municije.

Prečišćeni tekst Zakona o nabavljanju, držanju i nošenju oružja i municije obuhvata Zakon o nabavljanju, držanju i nošenju oružja i municije ("Službene novine Zeničko-dobojskog kantona", broj: 19/09), Zakon o izmjeni Zakona o nabavljanju, držanju i nošenju oružja i municije ("Službene novine Zeničko-dobojskog kantona", broj: 4/11) i Zakon o izmjenama i dopunama Zakona o nabavljanju, držanju i nošenju oružja i municije ("Službene novine Zeničko-dobojskog kantona", broj: 6/13) u kojima su označeni dani stupanja na snagu tih zakona.

**ZAKON
O NABAVLJANJU, DRŽANJU I NOŠENJU
ORUŽJA I MUNICIJE**

-PREČIŠĆENI TEKST-

DIO PRVI – UVODNE ODREDBE

**Član 1.
(Predmet)**

- (1) Ovim zakonom se utvrđuju uslovi za nabavljanje, držanje i nošenje oružja i municije, oduzimanje oružja i municije, promet oružja i municije, način postupanja sa oružjem i municijom, popravlanje i prepravlanje oružja na području Zeničko-dobojskog kantona (u daljem tekstu Kanton).

- (2) Odredbe ovog zakona ne odnose se na oružje i municiju za potrebe Oružanih snaga Bosne i Hercegovine, na policijske službenike, službenike sudske policije, pripadnike straže kazneno-popravnih ustanova, zaposlenike Obavještajno-sigurnosne agencije Bosne i Hercegovine, pripadnike Oružanih snaga Bosne i Hercegovine, kada drže i nose oružje i municiju po propisima svoje službe.

**Član 2.
(Definicije)**

- (1) Oružje u smislu ovog zakona je naprava izrađena ili prilagođena da pod pritiskom vazduha, barutnih i drugih plinova ili drugog potisnog sredstva može izbaciti zrno, kuglu, sačmu ili neki drugi projektil, odnosno raspršiti plin ili tečnost te druge naprave koje su namjenjene za samoodbranu, lov ili sport.
- (2) Oružjem u smislu ovog zakona smatraju se i dijelovi za vatreno i vazdušno oružje, a to su cijevi za puške i pištolje, ulošci – adapteri sa olučenim cijevima za puške, sa neolučenim cijevima i zatvarači, kao i drugi dijelovi koji su označeni fabričkim brojem.
- (3) Pod municijom za vatreno oružje, u smislu ovog zakona, podrazumijeva se cjelovit metak koji sjedinjuje čahuru, kapislu, barutno punjenje i zrno ili sačmu.
- (4) Ne smatra se municijom metak bez zrna, kugle ili sačme, punjenje za industrijske naprave i naprave za uspaljivanje životinja i metak za gasno, odnosno signalno oružje.

**Član 3.
(Primjena)**

- (1) Oružje i municija se mogu nabavljati, držati i nositi samo po odredbama ovog zakona.

SKUPŠTINA**Član 5.****(Stupanje na snagu)**

Zakon stupa na snagu narednog dana od dana objavljivanja u „Službenim novinama Zeničko-dobojskog kantona“.

431.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona na 47. sjednici, održanoj dana 03.12.2013. godine, d o n o s i:

Z A K O N
O IZMJENAMA I DOPUNAMA ZAKONA O
VISOKOM OBRAZOVANJU

Član 1.**(Dopuna člana 17. - Elaborat o osnivanju visokoškolske ustanove)**

U Zakonu o visokom obrazovanju („Službene novine Zeničko-dobojskog kantona“, broj: 6/09 i 9/13), u članu 17., dodaje se novi stav (6), koji glasi: „Akademska godina, u pravilu počinje u mjesecu oktobru tekuće godine“.

Član 2.**(Dopuna člana 51. - Djelokrug upravnog odbora)**

U članu 51., tačka a), iza dijela teksta koji glasi: „donosi statut visokoškolske ustanove“, dodaje se tekst: „donosi akt kojim se utvrđuje način obračuna plaća i drugih primanja u javnoj visokoškolskoj ustanovi“, a preostali dio tačke a) ostaje nepromijenjen.

Član 3.**(Izmjena člana 71. - Mandat direktora instituta)**

U članu 71., stav (3), mijenja se i glasi:

„Za direktora instituta može biti izabrano lice koje pored općih zakonskih uvjeta ima naučni stepen doktora nauka i izbor u jedno od naučno-nastavnih zvanja (redovni profesor, vanredni profesor, docent), odnosno naučnih zvanja (naučni savjetnik, viši naučni saradnik, naučni saradnik), ukoliko ispunjava uvjete za to zvanje na visokoškolskoj odnosno naučnoj ustanovi“.

Član 4.**(Izmjena člana 140. -Sredstva za izvođenje studijskih programa)**

U članu 140., stav (4), mijenja se i glasi:

„Akt kojim se utvrđuje način obračuna plaća i drugih primanja u javnoj visokoškolskoj ustanovi donosi upravni odbor ustanove, uz prethodnu saglasnost Vlade Kantona.“

Broj: 01-02-25417/13 **PREDSJEDAVAJUĆI**

Datum, 03.12.2013. godine

Zenica

Sretko Radišić, s.r.**432.**

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona na 47. sjednici, održanoj dana 03.12.2013. godine, d o n o s i:

Z A K O N**o izmjenama i dopuni Zakona o Javnoj ustanovi**
Univerzitet u Zenici**Član 1.****(Dopuna člana 19.)**

U Zakonu o Javnoj ustanovi Univerzitet u Zenici („Službene novine Zeničko-dobojskog kantona“, broj: 6/05, 11/06, 6/09, 10/11, 16/11 i 15/12), u članu 19., stav 2., alineja 1., iza dijela teksta koji glasi: „donosi Statut Univerziteta“, dodaje se tekst koji glasi: „kao i akt kojim se utvrđuje način obračuna plaća i drugih primanja u javnoj visokoškolskoj ustanovi“, a preostali dio stava 2. alineja 1. ostaje nepromijenjen.

Član 2.**(Dopuna člana 21.d)**

U članu 21.d, u stavu 4, iza dijela teksta koji glasi: „Za dekana može biti izabran nastavnik u naučno-nastavnom zvanju redovnog ili vanrednog profesora“ dodaje se tekst koji glasi: „ili docenta“, a preostali dio teksta stava 4. ostaje nepromijenjen.

Član 3.**(Izmjena člana 21.g)**

U članu 21.g, stav 4., mijenja se i glasi:

„Za direktora instituta može biti izabrano lice koje pored općih zakonskih uvjeta ima naučni stepen doktora nauka i izbor u jedno od naučno-nastavnih zvanja (redovni profesor, vanredni profesor, docent), odnosno naučnih

прописан тим Законом био је специфичан и чинили су га вијећници Прелазног општинског вијећа Општине Тешањ са подручја насељених мјеста која чине подручје Општине Усора и вијећници Прелазног општинског вијећа Општине Добој, које је конституисано у складу са чланом IX. 3. (5) Устава Федерације Босне и Херцеговине.

Све то указује на чињеницу да је територијално разграничење општина о којима се у овом предмету ради, било резултат сложеног поратног процеса у којему је недостатак међунационалног консензуса морао бити надомјештен активним судјеловањем међународне заједнице у правном облику споменуте арбитражне одлуке.

Имајући све ово у виду Вијеће је мишљења, да би промјене територијалне организације међуопштинског карактера, чак и када су ловишта у питању и посебно тада, јер лов подразумијева руковање ловачким оружјем које је само по себи пријетња по живот и здравље људи, на једном оваквом подручју имале негативан одраз на осјетљиви процес учвршћивања међунационалног повјерења у том подручју, па тиме и у Федерацији Босне и Херцеговине.

Горе наведено проистиче и из транскрипта са 42. сједнице Скупштине, одржане дана 25.05.2010. године, на чијем је дневном реду било усвајање Приједлога одлуке. Из дискусије се јасно види, а то је потврђено и на јавној расправи, да је од стране посланика из Клуба Хрвата истакнута бојазан, да би одступање од усаглашеног принципа „једна општина једно ловиште“ повећало већ постојећу узнемиреност грађана, који не желе да до сада изграђени добри међунационални и међуљудски односи и узајамно повјерење становништва општина Тешањ и Усора буду нарушени.

На основу свега горе наведеног, а полазећи од чињенице да су „једнака права конститутивних народа у процесу доношења одлука“ и „територијална организација“ елементи дефиниције виталног националног интереса из Амандмана XXXVII на Устав Федерације Босне и Херцеговине Вијеће сматра, да се Приједлогом одлуке о измјенама и допунама Одлуке о оснивању ловишта на подручју Зеничко-добојског кантона, предложеним од стране посланика Ахмић Еседа, повјећује витални национални интерес, у овом случају хрватског конститутивног народа.

Ову пресуду Вијеће за заштиту виталних интереса донијело је већином гласова у саставу: др сц. Ката Сењак, Предсједница Вијећа, Сеад Бахтијаревић,

Мирјана Чучковић, Домин Малбашић, Александра Мартиновић и проф. др Един Муминовић, чланови Вијећа.

Предсједница

Број: У-65/14 Вијећа за заштиту виталних интереса
24.02.2015. године Уставног суда Федерације
С а р а ј е в о Босне и Херцеговине
др сц. **Ката Сењак, с.р.**

SKUPŠTINA

133.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona na 11. sjednici, održanoj dana 16.06.2015. godine, donosi

ZAKON O IZMJENAMA I DOPUNI ZAKONA O VISOKOM OBRAZOVANJU

Član 1.

(Izmjena člana 17. – Elaborat o osnivanju visokoškolske ustanove)

(1) U Zakonu o visokom obrazovanju („Službene novine Zeničko-dobojskog kantona“, broj: 6/09, 9/13 i 13/13), u članu 17. stav (5) tekst koji glasi: „najkasnije šest mjeseci prije početka akademske godine“ zamjenjuje se tekstem: „do 31.03. tekuće godine“.

(2) Stav (6) se briše.

Član 2.

(Izmjena i dopuna člana 149. - Pravo na završetak studija)

(1) U članu 149. stav (3), iza dijela teksta koji glasi: „koji su važili do stupanja na snagu Okvirnog zakona.“, dodaje se tekst: „uz obavezu da započeti studij završe najkasnije do 30.09.2018. godine“.

(2) U stavu (4) brojevi: „31.12.2016.“ zamjenjuju se brojevima: „31.12.2018.“.

(3) U stavu (5) brojevi: „31.12.2016.“ zamjenjuju se brojevima: „31.12.2018.“.

(4) U stavu (6) brojevi: „31.12.2014.“ zamjenjuju se brojevima: 31.12.2018.“.

Član 3.
(Izmjena člana 156. - Priznavanje inostranih kvalifikacija i perioda studija)

Član 156. mijenja se i glasi:

(1) „Priznavanje inostranih kvalifikacija i perioda studija vršit će se prema Pravilniku o priznavanju inostranih obrazovnih kvalifikacija, koji će donijeti Ministarstvo za obrazovanje, nauku, kulturu i sport.

(2) Do donošenja Pravilnika o priznavanju inostranih obrazovnih kvalifikacija primjenjivat će se odredbe Zakona o nostrifikaciji i ekvivalenciji inostranih školskih svjedočanstava – prečišćeni tekst („Službeni list SR BiH“, broj 7/88)“.

Član 4.
(Stupanje na snagu)

Zakon stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 01-02-12931/15 **PREDSJEDAVALA**
Datum, 17.06.2015. godine
Zenica **Draženka Subašić, s.r.**
.....

134.

Na osnovu člana 29. stav 2. i člana 30. stav 1. i 3. Zakona o unutrašnjim poslovima Zeničko-dobojskog kantona - Prečišćeni tekst („Službene novine Zeničko-dobojskog kantona“ broj: 15/04, 11/05 i 9/09), Skupština Zeničko-dobojskog kantona na 9. sjednici održanoj dana 19.05.2015. godine, donosi:

ODLUKU

o imenovanju Nezavisnog odbora za izbor i reviziju

Član 1.

Imenuje se Nezavisni odbor za izbor i reviziju, u sljedećem sastavu:

1. **Bjelopoljak Ahmed** – iz reda građana,
2. **Grujo Martin** – iz reda građana,

3. **Marković-Sekulić Željka** – iz reda građana,
4. **Spahić Avdija** – iz reda građana,
5. **Rezaković Nevzeta** – iz reda građana,
6. **Mehičić Munever** – predstavnik MUP-a,
7. **Orlić Suad** – predstavnik MUP-a.

Član 2.

Imenovanje Nezavisnog odbora za izbor i reviziju vrši se na period od četiri godine.

Član 3.

Odluka stupa na snagu narednog dana od dana objavljivanja u "Službenim novinama Zeničko-dobojskog kantona".

Broj: 01-34-11294/15 **PREDSJEDAVALA**
Datum, 20.05.2015. godine
Zenica **Draženka Subašić, s.r.**
.....

135.

Na osnovu člana 37. stav 1. tačka f) Ustava Zeničko-dobojskog kantona i člana 6. stav (2) Zakona o dopunskim pravima branilaca i članova njihovih porodica ("Službene novine Zeničko-dobojskog kantona" broj: 1/14) Skupština Zeničko-dobojskog kantona na 9. sjednici održanoj 19.05.2015. godine d o n o s i

O D L U K U

O PROŠIRENOM OBIMU PRAVA IZ OBLASTI ZDRAVSTVENE ZAŠTITE ZA BRANIOCE I ČLANOVE NJIHOVIH PORODICA

DIO PRVI - OPĆE ODREDBE

Član 1.

(Predmet Odluke)

Ovom Odlukom utvrđuje se prošireni obim prava iz oblasti zdravstvene zaštite, uvjeti, način i postupak za ostvarivanje istih za branioce i članove njihovih porodica koji imaju prebivalište na području Zeničko-dobojskog kantona (u daljem tekstu: Kanton), kao i povratnika u Republiku Srpsku koji ostvaruju osnovna prava iz

Чланом IV.Б.3.7.ц) (I) Устава Федерације Босне и Херцеговине прописано је Премијер Федерације Босне и Херцеговине одговоран да „проводи политику и извршава законе федералне власти уз обавезу да се брине о provedби судских одлука судова Федерације.“

Чланом IV.Ц.3.12. Устава Федерације Босне и Херцеговине прописано је да су одлуке Уставног суда Федерације коначне и обавезујуће, а чл. 40. и 41. Закона о поступку пред Уставним судом Федерације Босне и Херцеговине регулирају правне посљедице донесених одлука.

Чланом 61. Пословника Уставног суда Федерације Босне и Херцеговине прописано је да су одлуке Суда коначне и обавезујуће, да су тијела власти у Федерацији Босне и Херцеговине, у оквиру својих надлежности утврђених Уставом и законом, дужна проводити одлуке Суда, те да Уставни суд Федерације у случају непоступања, односно кашњења у извршавању или обавјештавању Суда о предузетим мјерама, доноси рјешење којим се утврђује да одлука Суда није извршена и доставља га надлежном тужилаштву, односно другом органу надлежном за извршење којег одреди Суд.

Полазећи од споменутих одредница, а након увида у податке које је доставио Премијер Федерације Босне и Херцеговине, Уставни суд Федерације је утврдио да Пресуда овог Суда број: У-55/14 од 17.10.2015. године није извршена.

Стога је Уставни суд Федерације сукладно споменутих одредницама одлучио као у изреци овог рјешења.

Ово рјешење Уставни суд Федерације донио је једногласно у саставу: Весна Будимир, предсједница Суда, Мирјана Чучковић, др сц. Шахбаз Џихановић, Александра Мартиновић, проф. др Един Муминовић, др сц. Ката Сењак и Младен Срдић, судије Суда.

Број: У-55/14
Сарајево, 20.12.2017. године

Предсједница
Уставног суда Федерације
Босне и Херцеговине

Весна Будимир, с.р.

SKUPŠTINA

107.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona na 58. sjednici, održanoj dana 11.04.2018. godine, d o n o s i:

ZAKON O IZMJENAMA ZAKONA O VISOKOM OBRAZOVANJU

Član 1.

(Izmjene člana 31.)

- (1) U Zakonu o visokom obrazovanju („Službene novine Zeničko-dobojskog kantona“, broj: 6/09, 9/13, 13/13 i 4/15), u članu 31. stav (1) riječi: „godinu dana“ zamjenjuju se riječima „šest (6) mjeseci“.
- (2) U stavu (3) riječi: „četiri godine“ zamjenjuju se riječima „pet godina“.

Član 2.

(Stupanje na snagu)

Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-6229/18

PREDSJEDAVALAČI

Datum: 11.04.2018. godine

Zenica

Jasmin Duvnjak, s.r.

108.

Na osnovu člana 37. stav 1. tačka f) Ustava Zeničko-dobojskog kantona, a u vezi sa članom 25. Zakona o visokom obrazovanju („Službene novine Zeničko-dobojskog kantona“, broj: 6/09, 9/13, 13/13 i 4/15), Skupština Zeničko-dobojskog kantona, na 58. sjednici, održanoj dana 11.04.2018. godine, d o n o s i:



Godina XXIV - Broj 4

ZENICA, utorak, 30.04.2019.god.

S K U P Š T I N A

73.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona na 7. sjednici, održanoj dana 24.04.2019. godine, donosi

**ZAKON
O DOPUNI ZAKONA O VISOKOM
OBRAZOVANJU**

Član 1.

(Dopuna člana 118. – Donošenje studijskog programa)

U Zakonu o visokom obrazovanju („Službene novine Zeničko-dobojskog kantona“, broj: 6/09, 9/13, 13/13, 4/15 i 5/18), u članu 118. iza stava (2) dodaje se novi stav (3), koji glasi:

“(3) Postupak uvođenja novog studijskog programa reguliše se Pravilnikom o uvođenju novog studijskog programa, koji donosi Ministarstvo za obrazovanje, nauku, kulturu i sport“.

Član 2.

(Stupanje na snagu)

Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-7076/19
Datum: 24.04.2019. godine
Zenica

PREDSJEDAVALA
Amira Hadžić, s.r.

74.

Na osnovu člana 37. tačka f) Ustava Zeničko-dobojskog kantona („Službene novine Federacije BiH“, broj: 7/96, „Službene novine Zeničko-dobojskog kantona“, broj: 1/96, 10/00, 8/04 i 10/04) i člana 176. Poslovnika Skupštine Zeničko-dobojskog kantona - Treći prečišćeni tekst („Službene novine Zeničko-dobojskog kantona“, broj: 14/18), a u vezi sa članom 85. stav (2) Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona“ broj: 13/18), Skupština Zeničko-dobojskog kantona na nastavku 4. sjednice održanom dana 24.04.2019. godine, d o n o s i:

ODLUKU

**o razrješenju dva člana Nezavisnog odbora za izbor i reviziju
-predstavnik Ministarstva unutrašnjih poslova**

Član 1.

(Razrješenje dva člana Nezavisnog odbora kao predstavnik Ministarstva unutrašnjih poslova)

Miralem Duraković i Jusuf Katica razrješavaju se, po sili zakona dužnosti članova Nezavisnog odbora za izbor i reviziju, u koji su bili imenovani kao predstavnici Ministarstva unutrašnjih poslova Odlukom o imenovanju Nezavisnog odbora za izbor i reviziju („Službene novine Zeničko-dobojskog kantona“ broj: 4/15, 12/16 i 7/17), a zbog prestanka mandata i to **sa 01.01.2019. godine**, kao danom početka primjene Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona“ broj: 13/18).

да то не оставља простор за једнострано и некоординирано законодавно дјеловање кантоналних законодаваца у тој области.

На основу свега изложеног, Уставни суд Федерације сматра да оспорене одредбе Закона нису у складу са Уставом Федерације Босне и Херцеговине, те је одлучено као у изреци ове пресуде.

Ову пресуду Уставни суд Федерације донио је једногласно, у саставу: др сц. Ката Сењак, предсједница Суда, Весна Будимир, Мирјана Чучковић, Александра Мартиновић и проф. др Един Муминовић, судије Суда.

Број: У-47/19
Сарајево, 24.09.2020. године

Предсједница
Уставног суда Федерације
Босне и Херцеговине

Др сц. Ката Сењак, с.р.

.....

SKUPŠTINA

474.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 27. sjednici, održanoj dana 30.10.2020. godine, donosi

ZAKON

O IZMJENAMA I DOPUNAMA ZAKONA O VISOKOM OBRAZOVANJU

Član 1.

(Dopuna člana 124. – Polaganje i prijenos ispita)

U Zakonu o visokom obrazovanju („Službene novine Zeničko-dobojskog kantona“, broj: 6/09, 9/13, 13/13, 4/15, 5/18 i 4/19) u članu 124. iza stava (4) dodaje se novi stav (5), koji glasi:

“(5) Izuzetno od stava (3) ovog člana, u situaciji proglašenja stanja prirodne nesreće ili stanja epidemije ili pandemije ili ratnog stanja student u postupku upisa akademske godine, može unutar trajanja jednog ciklusa studija bezuvjetno prenijeti u narednu godinu studija više od 12 ECTS bodova odnosno više od dva predmeta, o čemu odluku donosi senat visokoškolske ustanove“.

Član 2.

(Dopuna člana 133. - Nastavni predmeti)

U članu 133. iza stava (4) dodaje se novi stav (5), koji glasi:

“(5) U situaciji proglašenja stanja prirodne nesreće ili stanja epidemije ili pandemije ili ratnog stanja nastava i pojedini dijelovi ispita mogu se obavljati na daljinu, uz primjenu informaciono-komunikacionih tehnologija, o čemu odluku donosi senat visokoškolske ustanove.“

Član 3.

(Izmjene člana 149. – Pravo na završetak studija)

U članu 149. stav (3) brojevi: „30.09.2018.“ zamjenjuju se brojevima: „31.12.2022.“.

U stavu (4) brojevi: „31.12.2018.“ zamjenjuju se brojevima: „31.12.2022.“.

U stavu (5) brojevi: „31.12.2018.“zamjenjuje se brojevima: „31.12.2022.“.

V L A D A

U stavu (6) brojevi: „31.12.2018.“zamjenjuje se brojevima: „31.12.2022.“. **475.**

Član 4. (Stupanje na snagu)

Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Na osnovu člana 16. stav 1. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 20a. stav (4) Zakona o radu („Službene novine Federacije BiH“, broj: 26/16 i 89/18), Vlada Zeničko-dobojskog kantona, na 82. sjednici, održanoj dana 30.10.2020. godine, d o n o s i

Broj: 01-02-17454/20
Datum: 30.10.2020. godine
Zenica

PREDSJEDAVALAČ
Ćazim Huskić, s.r.

U R E D B U O DOPUNI UREDBE O POSTUPKU PRIJEMA U RADNI ODNOS U JAVNOM SEKTORU U ZENIČKO-DOBOJSKOM KANTONU

Član 1. (Dopuna člana 7.)

U Uredbi o postupku prijema u radni odnos u javnom sektoru u Zeničko-dobojskom kantonu („Službene novine Zeničko-dobojskoga kantona“, broj: 8/19 i 6/20), u članu 7. stav (2) iza teksta: „koji ne trpe odlaganje“ dodaje se tekst koji glasi:“ zaključivanjem ugovora o radu jednokratno u toku kalendarske godine za konkretno radno mjesto.“

Član 2. (Stupanje na snagu)

Ova uredba stupa na snagu danom donošenja i bit će objavljena u “Službenim novinama Zeničko-dobojskog kantona”.

Broj: 02-02-17504/20
Datum: 30.10.2020. godine
Zenica

P R E M I J E R
po ovlaštenju
Mirnes Bašić, s.r.

436.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona na 38. sjednici, održanoj dana 29.09.2021. godine, donosi

Z A K O N
O DOPUNI ZAKONA O VISOKOM
OBRAZOVANJU

Član 1.

(Dopuna člana 75. – Period na koji se bira akademsko osoblje)

(1) U Zakonu o visokom obrazovanju („Službene novine Zeničko-dobojskog kantona”, broj: 6/09, 9/13, 13/13, 4/15, 5/18, 4/19 i 19/20), u članu 75. iza stava (1), dodaje se novi stav (2), koji glasi:

„ (2) Izuzetno od stava (1), tačke a) i b) ovog člana, zbog objektivnih okolnosti uzrokovanih odlukom nadležnih organa ili tijela o proglašenju stanja prirodne nesreće ili stanja epidemije ili pandemije ili ratnog stanja, asistentu i višem asistentu može se produžiti izborni period utvrđen stavom (1), tačkama a) i b) ovog člana, a najduže 18 mjeseci od dana isteka izbornog perioda, o čemu odluku donosi senat univerziteta“.

(2) Dosadašnji stavovi (2) i (3) postaju stavovi (3) i (4).

Član 2.
(Stupanje na snagu)

Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-13131/21
Datum, 29.09.2021. godine
Zenica

PREDSJEDAVAJUĆI
Ćazim Huskić, s.r.

437.

Na osnovu člana 37. stav (1) tačka f) Ustava Zeničko-dobojskog kantona („Službene novine Federacije BiH“, broj: 7/96, „Službene novine Zeničko-dobojskog kantona“, broj: 1/96, 10/00, 8/04 i 10/04), Skupština Zeničko-dobojskog kantona, na 38. sjednici, održanoj dana 29.09.2021. godine, donosi

Z A K O N
O IZMJENAMA I DOPUNAMA ZAKONA O
JAVNIM PRIZNANJIMA
ZENIČKO-DOBOJSKOG KANTONA

Član 1.

(Izmjena u članu 3. – Inicijativa i uslovi za Počasnog građanina Kantona)

U članu 3. Zakona o javnim priznanjima Zeničko-dobojskog kantona, („Službene novine Zeničko-dobojskog kantona“, broj: 6/13 i 2/14), (u daljem tekstu: Zakona), stav (1), mijenja se i glasi:

„(1) Inicijativa za proglašenje Počasnim građaninom Kantona, na osnovu javnog poziva, podnosi se Vladi Kantona, koja se upućuje na razmatranje Odboru“.

Član 2.

(Dopuna u članu 4. – Inicijativa i uslovi za Plaketu Kantona)

U članu 4. Zakona dodaje se novi stav (1) koji glasi:
„(1) Inicijativa za dodjelu Plakete Kantona, na osnovu javnog poziva, podnosi se Vladi Kantona, koja se upućuje na razmatranje Odboru“.

Dosadašnji stavovi (1), (2), (3) i (4) postaju stavovi (2), (3), (4) i (5).

Član 3.

(Dopuna u članu 5. - Pravo predlaganja Javnog priznanja)

U članu 5., stavu (1) Zakona, iza riječi: „udruženja građana“, dodaje se interpunkcijski znak zarez, te riječi: „poslanici, fondacije, pojedinci“.

U istom članu iza stava (1), dodaju se novi stavovi (2) i (3) koji glase:

„(2) Prilikom podnošenja prijedloga za dodjelu Javnog priznanja iz člana 3. i 4. ovog Zakona, predlagač treba da dostavi original ili kopije dokumentacije na kojoj temelji svoj prijedlog, osim ako se radi o sadržajima kao što su knjige, članci u novinama, članci/tekstovi sa internet portala gdje postoji cenzura i nemogućnost slobodnog pristupa izmjeni tekstova izuzev za administratore, naučni radovi i druge publikacije u kojem slučaju se dostavljaju prve stranice naslova, podaci o izdavaču i sadržaj, kada se dostavlja kopija. Kod dostavljanja tekstova iz novina, dostavlja se samo prva stranica novina i puni tekst sa stranice koji se odnosi na predloženog/u kandidata/kandidatkinju, a kod dostavljanja članaka/tekstova sa internet portala mora se jasno vidjeti sa kojeg portala je preuzet članak/tekst.“